

ფილიპე მახარაპე.

თ ხ ჳ უ ლ ე ბ ა თ ა
კ რ ე ბ უ ლ ი

ტ ო მ ი III

წერილები სვპდსსპა სპითხეზე.

ს. ს. ს. რ. სახელმწიფო გამომცემლობა

ბზილისი—1926

შ ი ნ ა ა რ ს ი.

I. დაუბეჭდავი წერილები 1907 წლისა.

1. წარმოების წინანდელი ფორმების ნაშთები და კაპიტალისტური სისტემა	83
2. საგლეხო რეფორმა	29
3. ამიერ-კავკასიის გლეხ-კაცობის მდგომარეობა	36
4. სათავად-აზნაურო მიწათმფლობელობა ამიერ-კავკასიაში	68

II. ჟურნალი „სხივი“ 1910 წლისა.

5. ალექსანდრე წულუკიძის ხსოვნას	97
---	----

III. „ასტრახანსკი ლისტოკი“ 1911 წლისა.

6. ბატონყმობა ასტრახანის გუბერნიაში რეფორმის წინა დღით	103
--	-----

IV. ჟურნალი „ჩვენი წყარო“ 1913 წლისა.

7. შინაური მემოხილვა	119
8. კარგი გაკვეთილი	123
9. ვინ გაიმარჯვა	126
10. მეორე მხარესაც მოვუსმინოთ	131
11. უკანასკნელი პასუხი ცილის მწამებლებს	141
12. ბეჭდვითი სიტყვის შესახებ კანონ-პროექტი და ლიბერალები	144
13. ივანე ჯაბადარის ხსოვნას	147
14. ბიუჯეტი და სახელმწიფო დუმა	151
15. პირველი ნაყოფი	156

V. გაზეთი „ფიქრი“ 1913 წლისა.

16. მოკლე მეხსიერება	161
--------------------------------	-----

VI. გაზ. „ახალი კვალი“ 1916 წლისა.

17. კადეტების მეექვსე სივხდი	171
18. სამხედრო ცენზურის კანონ-პროექტი სახელმწიფო დუმაში	174

19. კადეტების იმპერიალისტური სულისკვეთება	179
20. ამხ. ზაქარია ჩოდრიშვილის ხსოვნას	183
21. საერთო ინტერესები და შეთანხმება	186

VII. გაზ. „თანამედროვე აზრი“ 1916 და 1917 წ. წ.

22. ბ-ნ გ. მაიაშვილის ახალი აღმოჩენა.	193
23. ლადო დარჩიაშვილის ხსოვნას	197
24. რუსეთის ბურჟუაზია და იმპერიალიზმი	200
25. სასოფლო-სამეურნეო აღწერის გამო	204
26. ქალაქის თვითმართველობა და მცხოვრებნი	207
27. სამეურნეო აღწერა	211
28. სამეურნეო აღწერის მასალების დამუშავების გამო	214
29. ზოგიერთი ახალი სტატისტიკური ცნობები ტფილისის გუბერ. შესახებ	222
30. ვისი ხელში ვიმყოფებით	249
31. სოფელი 1916 წელს	253

VIII. დამატებანი.

32. წერილი ჩვენი ცხოვრების შესახებ	265
33. აგრარული საკითხი	292
34. პასუხად ბ-ნ კიტა აბაშიძეს	299
შენიშვნები	305

I

დაუბეჭდავი ვერძილები

1907 წლისა.

წარმოების წინანდელი ფორმების ნაშთები და კაპიტალისტური სისტემა.

„Барщинная система была подорвана,
но не уничтожена окончательно“.

Ильин.

„კაპიტალისტური წარმოების დასაწყისი ფეოდალურ საზოგადოებაში ინახება *). საშუალო საუკუნოებში დასავლეთ ევროპის ზოგიერთ ქვეყნებში (იტალიაში, ინგლისში) ვაჭრობის და მეფახშეობის საშუალებით განვითარდა სავაჭრო და სავახშო კაპიტალი, ე. ი. გაჩნდა დიდძალი თავისუფალი ფული. მაგრამ ამ თავისუფალი ფულის წარმოებაში დაბანდებას ხელს უშლიდა ორი გარემოება: ფეოდალური წესწყობილება სოფლად და ამქრული წესებო ქალაქად. კაპიტალისტური წარმოების განვითარება აუცილებლათ თხოულობდა როგორც ერთის, ისე მეორის დანგრევას. ხანგრძლივი და შეუპოვარი ბრძოლის შემდეგ კაპიტალიზმმა დაამარცხა როგორც ფეოდალური წესწყობილება სოფლად, ისე ამქრული რეჟიმი ქალაქად. ამ ბრძოლამ მეტად მწვავე ხასიათი მხოლოდ საფრანგეთში მიიღო, სადაც ფეოდალიზმის აღმოსაფხვრელათ აუცილებელი შეიქნა ძალდატანებითი ცვლილება.

ის, რაც იტალიის პატარა ქვეყნებში და ინგლისში ხანგრძლივ განვითარებას მოყვა, ე. ი. სოფლის ხალხის, ანუ გლეხკაცობის ფეოდალური უღლისაგან განთავისუფლება, ერთი მხრით, თავისუფალ, დამოუკიდებელ წვრილ მიწის მფლობელების, ფერმერების და, მეორე მხრით, უმიწაწყლო ბოგანო ხალხის გაჩენა, ქალაქის მრეწველობის განვითარება, ბურჟუაზიის შექმნა და გაძლიერება, ყოველივე ეს საფრანგეთშიაც ხდებოდა, მხოლოდ იმ განსხვავებით, რომ ეს ფორმა საზოგადოებრივი ცვლილებისათვის თავის გამოხატულებას ვერ პოულობდა ქვეყნის კანონმდებლობაში.

მთავრობა თავის ბევლ მოკავშირეებთან ერთად, ე. ი. მაღალ თავდაზნაურობასთან და სამღვდლოებასთან, არ ცნობდა იმ ძალებს,

*) იხ. მარქსი ტ. I, გვ. 802, რუს. თარგ.

რომლებიც უკვე ცხოვრებაში არსებობდნენ და რომლებიც ფეოდალურ წესწყობილების უარყოფას შეადგენდნენ. ამიტომ შეტაკება, ძალდატანებით ძველი წესწყობილების დანგრევა აუცილებელი შეიქნა. ეს მოხდა საფრანგეთში მე-XVIII-ტე საუკუნის დამლევს, დიდი რევოლიუციის დროს.

რამდენათაც ძლიერი იყო მთავრობის ჯიუტობა ცხოვრების ახალ პირობების აბუჩათ აღებაში, იმდენათ ძლიერი და შეუბრალებელი იყო რევოლიუცია ფეოდალური წესწყობილების აღმოფხვრის საქმეში. იმდენათ ღრმა და საგრძნობელი იყო რევოლიუცია, რომ კაცს ეგონებოდა, საფრანგეთის ხალხი ერთბაშათ მოწყდა მთელ თავის წარსულ ცხოვრებასო. რევოლიუცია თითქო ცეცხლის აღს აძლევდა ყოველივე იმას, რასაც ძველი ცხოვრების დაღი აჩნდა, მაშინ, როცა ფეოდალური წესწყობილების ნაშთები, ისეთ კაპიტალისტურ ქვეყნებშიაც კი, როგორიც არის, მაგ., ინგლისი, თითქმის დღემდის შენახულია, საფრანგეთში ერთი დაკვრით იქნენ აღმოფხვრილი რევოლიუციის საშუალებით.

მაგრამ შეცდომა იქნებოდა გვეფიქრა, რომ ერთი დაკვრით რაც უნდა ძლიერი ყოფილიყო იგი, შესაძლებელი იქნებოდა ერთბაშათ ყველა იმ წესების აღმოფხვრა, რომლებიც მთელი საუკუნოების განმავლობაში ბატონებდნენ. მიუხედავად რევოლიუციის შეუბრალებელი მოქმედებისა ფეოდალური წესების აღმოფხვრის საქმეში, ამ წესების მკრთალი ნაშთები რევოლიუციის შემდეგაც კიდევ დიდხანს განაგრძობდნენ საფრანგეთში თავის არსებობას და, მაშასადამე, თავის გაელენასაც ახდენდნენ საზოგადოებრივ ცხოვრებაზე. მაგრამ ყოველ შემთხვევაში, სხვა ქვეყნებთან შედარებით საფრანგეთში დიდი რევოლიუციის შემდეგ კაპიტალისტური წარმოების ზრდა-განვითარება ხდებოდა დაუბრკოლებლათ, ე. ი. მის წარმატებას შედარებით ნაკლებათ უშლიდნენ ხელს ფეოდალიზმის ნაშთები *).

ამნაირათ საფრანგეთში დიდი რევოლიუციის შემდეგ საზოგადოებრივი წარმოების სფეროში დაწესდა კაპიტალისტური სისტემა ყველაზე უფრო წმინდა სახით. დაქირავებული მუშის და კაპიტალისტის ურთიერთობა აქ აშკარადდება ნამდვილი თავის სახით და არა დაფარული და დამრდილული ფეოდალური ელფერით. ამას ამტკიცებს საფრანგეთის მუშათა მოძრაობა გასულ საუკუნეში.

* კაპიტალისტური წარმოების განვითარება დაუბრკოლებლათ მხოლოდ ამერიკის შეერთებულ შტატებში მოხდა.

სულ სხვანაირათ არის საქმე ევროპის სხვა ქვეყნებში. განსაკუთრებით კი იმ ქვეყნებში, რომლებიც პირველათ საღათას ძილიდან მხოლოდ საფრანგეთის რევოლუციამ გამოიყვანა. რევოლუციის გავლენა ამ ქვეყნებზე ორნაირი იყო: ერთი მხრით, საქონლის გაცვლა-გამოცვლის საოცარი ზრდა და, მეორე მხრით, ფეოდალური წესების ასალაგმავათ რეფორმების მოხდენა. უმთავრესად ამ უკანასკნელი გარემოების მეოხებით მოხდა, რომ ფეოდალური წესწყობილების სრულიად აღმოფხვრა დასახელებულ ქვეყნებში შეჩერდა და დიდი ხნით გადაიდგა.

მმართველი პირები და გაბატონებული წოდებები მსჯელობდნენ ასე: საფრანგეთის მთავრობამ დროზე არ მიიღო ზომები, არ მოახდინა რეფორმები, რითაც მან რევოლუცია გამოიწვია. რევოლუციამ კი სულ ყველაფერი წაღეკა და ძველი წესწყობილება სრულიად დაანგრია. ჩვენ გამოვიყენოთ საფრანგეთის მაგალითი და რომ რევოლუცია თავიდან ავიცილოთ, წინდაწინ მოვახდინოთ ზოგი რეფორმებიო.

ზიზღი და სიძულვილი, რასაც ისინი ხალხის მიმართ გრძნობდნენ, იმათ არ უშლიდა ხელს, რა თქმა უნდა, რევოლუციის შიშის გამო, პატარა-პატარა რეფორმები მოეხდინათ. აქ ჩვენ განსაკუთრებით გლახების ბატონ-ყმური დამოკიდებულებიდან განთავისუფლება გვაქვს მხედველობაში. მმართველ წრეებს და ფეოდალებს არ შეეძლოთ არ დაენახათ, რომ ძველი დამოკიდებულების არსებული სახით შენარჩუნება დღევანდელ პირობებში შეუძლებელია, მაგრამ, მეორე მხრით, იმისაც კარგათ გრძნობდნენ, რომ გლახების სრული განთავისუფლება მებატონეების სიკვდილს ნიშნავდა. ამიტომ მებატონეების ინტერესები თხოულობდა, რომ გლახების განთავისუფლება მხოლოდ გარეგნობით, შესახედავით მომხდარიყო, ნამდვილათ კი გლახები ისევ მებატონეების სრულ განკარგულებაში დარჩენილიყვნენ.

ამგვარი „განთავისუფლების“ დასახასიათებლათ საკმარისია დავსახელოთ აქ, თუ როგორ მოხდა რუსეთში გლახების განთავისუფლება 1861 წელს. რასაკვირველია, ჩვენ აქ არ გამოვუდგებით იმის გამოძიებას, თუ რა უძღოდა წინ ამ განთავისუფლებას, თუ რა ხდებოდა რუსეთის გლახეკაცობაში გასული საუკუნის პირველ ნახევარში; არც იმას გამოვუდგებით, თუ რა მოელოდა რუსეთის სახელმწიფოს იმ სახელმწიფოთა შორის, რომელთა ძლიერება დამყარებული იყო განსაკუთრებულ კაპიტალისტურ წარმოებაზე.

ერთი სიტყვით, ჩვენ ვამბობთ, რუსეთის მთავრობა დარწმუნდა იმაში, რომ თუ გლეხობა მაღლიდან არ იქნა განთავისუფლებული, შემდეგ გვიანდა იქნება, როცა თავის განთავისუფლების საქმეს იგი თვითონ შეუდგება.

ამნაირათ მაღლიდან მოხდენილი რეფორმის საშუალებით დროებით აცილებულ იქნა რევოლუტია დაბლიდან. სწორედ ამას თხოულობდა მებატონეების ინტერესებიც. გლეხები დროებით დაშოშმინეს მით, რომ მათ გამოუცხადეს, ორი წლის შემდეგ*) თქვენ თავისუფალი იქნებით მებატონეთა დამოკიდებულებისაგან, რომ თქვენ აღარ იქნებით ვალდებული იმათთვის იმუშაოთ და შინა-ყმები აძლიოთ, მაგრამ საქმე მარტო პირად განთავისუფლებაში როდი იყო. გლეხების განთავისუფლება, ბოლოს მიწის საკითხი იყო. განთავისუფლებდნენ იმათ მიწით, თუ მიწას მებატონეების საკუთრებათ გამოაცხადებდნენ, აი რა იყო მთავარი საგანი. თავის თავად იგულისხმება, რომ, რადგანაც გლეხების განთავისუფლება მაღლიდან ხდებოდა, იგი გლეხების სასარგებლოთ არ თავდებოდა.

უპირველეს ყოვლისა, რუსეთში 1861 წლის რეფორმით გაუქმდა პირადი დამოკიდებულება გლეხისა მებატონესაგან, მაგრამ იმავე დროს მებატონეთა წოდება, ე. ი. თავად-აზნაურობა, ისევ მაღალ, უფლება მოსილ წოდებათ დარჩა, ისე, როგორც გლეხკაცობა ყოველგვარ უფლება მოკლებულ, დაბალ, გადამხდელ წოდებათ დატოვეს. მაგრამ უფლება თავის თავად არაფერი არაა, თუ იგი არაფერზეა დამყარებული. თავად-აზნაურობის უფლებაც არარაობა იქნებოდა, რომ რეფორმას ყველა მიწები მის საკუთრებათ არ გამოეცხადებია (ეს ნიშნავდა 52 **) მილ-გლეხ-კაცობის სრულებით უმიწაწყლოთ დატოვებას და ქუჩაზე გამოყრას.

რა თქმა უნდა, ეს არ იყო ხელსაყრელი არც მთავრობისათვის და არც მებატონეებისათვის. საჭირო იყო ისეთი საშუალების გამოგონება, რომ ყველა მიწები ფაქტიურათ მებატონეებისა და ხაზინის ხელში დარჩენილიყო, მაგრამ შესახედავათ გლეხ-კაცობის ხელში ყოფილიყო. ყო-

*) რეფორმა გამოცხადდა 1861 წელს 19 თებერვალს. ბატონყმური ურთიერთობა უნდა შეწყვეტილიყო მხოლოდ 1863 წელს 19 თებ. ორი წლის განმავლობაში კი ყველაფერი ისევ ძველებურათ უნდა ყოფილიყო. თქვენ შეგიძლიათ წარმოიდგინოთ, თუ როგორი სატანჯველი უნდა ყოფილიყო ეს ორი წელიწადი გლეხობისათვის.

**) მარტო ვერძის რუსეთში 1861 წლის დასაწყისში ითვლებოდა: 22 მილ. მეტი სული საბატონო გლეხი და 29 მილ. მეტი სახაზინო გლეხი.

ველივე ეს, რასაკვირველია, მოახერხეს, და მერე ისე, რომ კერძო მებატონეები და ხაზინა დაეპატრონენ არა მარტო საგლეხო ნადლეების თითქმის მთელ შემოსავალს, არამედ თვით გლეხის შრომის ნაწილის მითვისებაც შესაძლებელი შეიქნა. როგორ და რა საშუალებით მოხდა ეს?

ბატონყმობის დროს ყველა მიწები, გარდა სამოსახლოსი, სამ ნაწილათ, სამ კატეგორიათ იყო გაყოფილი. ერთ ნაწილს შეადგენდა მებატონო მიწები, რომლებსაც გლეხები თავისი თესლით და იარაღით ამუშავებდენ სავალდებულო, სბეგრო შრომის (барщинный труд) საფუძველზე; ეს შეადგენდა ზედმეტ შრომას (прибавочный труд). მეორე კატეგორიას შეადგენდენ ის მიწები, რომლებსაც გლეხები თავის გამოსაკვებათ ამუშავებდენ (необходимый труд). მესამე კატეგორიას ეკუთვნოდენ უმთავრესად საძოვარი, ტყე და წყალი. ამ უკანასკნელი კატეგორიის მიწები არაივის განსაკუთრებულ სარგებლობაში არ იმყოფებოდა. თავის საჭიროების მიხედვით აქედან ყველანი ერთნაირათ სარგებლობდენ, როგორც გლეხი, ისე მებატონე.

რეფორმამ ამ პირველი და მესამე კატეგორიის მიწები მებატონეთა ხელშეუხლებელ საკუთრებათ იცნო. რაც შეეხება იმ მიწებს, რომლებიც გლეხების განსაკუთრებულ სარგებლობაში იყვენ (მეორე კატეგორიის მიწები), რეფორმა აი როგორ მოიქცა: ერთი ნაწილი ამ მიწებისა გლეხებს პირდაპირ ჩამოაცალა და მებატონეებს გადასცა (ეგრეთ წოდებული ჩამონაკრები—отрезки); დანარჩენი ნაწილი გლეხების სარგებლობაში დატოვა. („ნადლეები“), მაგრამ ეს ამ მიწების გლეხების საკუთრებათ გამოცხადებას სრულებით არ ნიშნავდა. პირიქით, ამ მიწების (ნადლეების) ნამდვილ მესაკუთრებათ ისევ მებატონეები იცნეს, მხოლოდ იმ განსხვავებით, რომ მებატონეებს უფლება არ ჰქონდათ გლეხებისათვის ეს მიწები ჩამოერთმიათ *) და მით უმეტეს გაეყიდათ ან დაეგირავებიათ ისინი. მეორე მხრით, არც გლეხებს შეეძლოთ თავის „ნადლეების“ გაყიდვა ან დაგირავება, არამედ მებატონეს მხრით ნებადაურთველად არც უარის თქმა შეეძლოთ თავის ნადელზე. საქმე იმაშია, რომ გლეხი ვალდებული გახადეს თავის ნადელში ყოველ წლივ, სანამ ამ უკანასკნელს იგი მებატონესაგან გამოიყიდა ანუ, როგორც ჩვენში ამბობენ, თავს დაიხსნიდა, მებატონეს. სასარგებლოთ ეხადა ღალა ან ფულათ (деньги) ან მუშაობით

*) მებატონეებს შეეძლოთ მხოლოდ გამოეცვაღათ გლეხებისთვის ნადლეები... როცა ისინი თავისი საკუთარი ინტერესებისათვის საჭიროთ დანახავდენ შეეძლოთ განსაზღვრულ ადგილას „ნადელი“ ჩამოერთვათ და მეორე ადგილას მიეღო მათ.

(ბარიშინა). მაგრამ ეს გადასახადი (ლალა) იმ ზომამდე დიდი იყო, რომ ნადელის შემოსავლიდან იმის გასწორება არა შემთხვევაში არ შეიძლებოდა. ამას ერთხმად მოწმობენ გლეხების მდგომარეობის ყველა მკვლევარები. მაგრამ რეფორმა ამაზე არ გაჩერდა. მან საეკლესიოლოთ*) სცნო გლეხებისათვის თავიანთ ნადელების გამოყიდვა, რა თქმა უნდა, იმავე გადაჭარბებული გადასახადის კვალობაზე. ამ უკანასკნელმა გარემოებამ კიდევ უფრო დასცა და წელში მოლუნა ისედაც შევიწროებული გლეხ-კაცობა.

რეფორმის დასახასიათებლათ საჭიროა გავიხსოვოთ ცოტა უფრო დაწვრილებით ნადელების გამოყიდვის საქმე ევროპის რუსეთის გუბერნიებში. თავის თავად იგულისხმება, რომ გლეხობას ნადელების გამოსაყიდი ფული არ ქონდა, მაგრამ ამ საქმეში მას მიეშველა მთავრობა. პირველად გლეხებს შეაწერეს ნადელებში მეტად გადაჭარბებული გადასახადები, შემდეგ დააკისრეს მათ, მათდა უნებურათ გადიდებულ; აწეულ ფასებში ძალდატანებითი სესხის საშუალებით ამ ნადელების გამოყიდვა, ამ სესხის რაოდენობას მთავრობა ასე ანგარიშობდა: წლიური გადასახადი უნდა გამრავლებულაყო $16\frac{2}{3}$ და საერთო ჯამიდან უნდა გამოკლეთ ერთი მეხუთედი, თუ გლეხის საკუთრებაში გადადიოდა მთელი „ნადელი“ ან ერთი მეოთხედი, თუ გლეხის საკუთრებაში გადადიოდა შემცირებული ნადელი. სესხის გადახდის ვადა განაწილებული იყო 49 წელიწადზე, ყოველ წლივ უნდა ეხადა გლეხებს სესხის 6% . მაგრამ ჩქარა აღმოჩნდა, რომ გლეხებისათვის მეტად სამძიმო შეიქნა სანადელო გადასახადის ძღვევა, 1880 წელს სანადელო გადასახადების ნედლიმკვების (აუკრეფელი გადასახადების) რაოდენობა 17 მილიონ მანეთამდე მიაღწია, 1900 წელს კი იმათი რაოდენობა 117 მილიონამდე მივიდა, ე. ი. 20 წლის განმავლობაში 590% მოიმატა, მიუხედავად იმისა, რომ მთავრობამ ამ ხნის განმავლობაში რამდენიმეთ შეამცირა ეს გადასახადები. უკანასკნელ დროს საშველო წლიური გადასახადი ნადელების გამოსაყიდათ შეადგენდა 8 $\frac{1}{2}$ მილიონ მანეთს.

დასასრულ ამ გადასახადის შესახებ აი რა უნდა ვთქვათ: როგორც ვიცით, მთავრობამ 1905 წლის მანიფესტით გამოაცხადა, რომ 1906 წელს იგი აიღებს ამ გადასახადის ნახევარს და 1907 წლიდან კი ნადელების გამოსასყიდი გადასახადი სულ მოისპობაო, თუმცა თანახმად ოფიცია-

*) ეს ვალდებულება დღემდე არ შეხებია მხოლოდ ამიერ-კავკასიის გლეხ-კაცობას, სადაც ნადელის გამოყიდვა მეტატონეს სრულ ნებაზეა დამოკიდებული.

ლოური გახსნადებისა „ნადელების“ გამოყიდვის ვადის დასასრული გლეხების უმეტესობისათვის, თითქმის იმათთვისაც კი, ვისაც ვადა გადიდებული არ აქვს, უმეტეს შემთხვევაში მოახწყვედა არა უადრეს 1931 წლისათა. ბევრს შესაძლებელია, ეს მართალი ეგონოს, მაგრამ ეს ასე არ არის. მთელი ვალი, რომელიც მებატონეებს უნდა აეღოთ თავიანთ ნაყმეებიდან სანადელო მიწებში, უდრიდა 897 მილიონ მანეთს. ამ ვალის გასტუმრება, როგორც ვიცით, იკისრა მთავრობამ და მან კიდევაც დააკმაყოფილა მებატონეები სარგებლიანი ქალაქების საშუალებით. დაწერილებითი გამოანგარიშება გვეუბნება, რომ 44 წლის განმავლობაში, 1861 წლიდან დაწყებული 1905 წლის გასვლამდე, ნაყმე გლეხებს შეუტანიათ სულ 1.570 მილ. მანეთი ნადელების გამოსაყიდათ, აქედან 447 მილ. მან. წასულა მექამულებების ვალის დასაფარავათ, რომელიც გლეხებზე გადაიტანეს. დანარჩენი 1.123 მილ. მან. დახარჯულია: დარჩენილი ვადასახდელი ვალი 578 მილ. მან. 510 მილ. მან. დაიხარჯა ვალის სარგებელზე, 18 მილ. მან. წავიდა სესხის აღებისათვის ნაღდათ; 15 მილ. მან. მოუნდა საქმის წარმოების ხარჯებს და დარჩა კიდევ ხაზინას 2 მილ. მან. ნაღდი მოგება*). ამნაირად მთავრობის ზევით მოკვანდელი განცხადება ფაქტიურად მართალი არ არის: 1906 წლის 1-ლ იანვრისათვის ყოველგვარი ვალდებულება გლეხებს უკვე გასწორებული ჰქონდათ და 1906 წლიდან მთავრობას არავითარი უფლება აღარ ჰქონდა გამოსაყიდი გადასახადები ეღო.

ზევით ნათქვამიდან აშკარათ სჩანს, რომ როგორც სანადელო გადასახადი (оброк ანუ барщина), ისე ნადელების გამოსაყიდი ფასი სრულებით არ შეეფერებოდა იმ მიწებს შემოსავალს, რომლებიც გლეხებს მიეცათ ნადელებათ. ყველა პირუთენელი მკვლევარი დაინახეს, რომ აქ მართა ნადელების გამოყიდვაში არ ყოფილა საქმე; რომ აქ ნადელების გამოყიდვის სახით გლეხები ყიდულობდნენ მებატონეებისაგან თავის პირად დამოუკიდებლობას. ეს, რა თქმა უნდა, კარგად იცოდნენ, როგორც მთავრობამ, ისე მებატონეებმა. ეს ვერ გაიგეს მხოლოდ გლეხებმა.

ამნაირად საგლეხო რეფორმის დროს გლეხაკობა ორნაირად გაძარცვული და მოტყუებული დარჩა: 1) მას წაართვეს არა თუ საძოვავარი, ტყე და წყალი, არამედ იმ მიწების ნაწილიც კი, რომლებიც მის

* იხ. დაწერილებით ამის შესახებ გაზ. „Начало“ 1905 წ. № 11. წერილი ა. ლ.-სა.

განსაკუთრებულ სარგებლობაში იყვენ, 2) იმ მიწებში კი, რომლებიც მას დაუტოვეს ნადელებათ, ძალდატანებით გადაახდევინეს სამჯერ იმაზე მეტი, რაც ნამდვილად ის მიწები ღირდენ. რაც შეეხება სახაზინო და საუფლისწულო გლეხებს, იმათი მიწების გამოყიდვისათვის მთავრობას სარგებლიანი ქალაქები არ გამოუცია, რადგანაც აქ მესამე პირთან მას საქმე არ ჰქონებია. გარდა ამისა, როგორც სახაზინო, ისე საუფლისწულო გლეხების ბედი შედარებით უკეთესი იყო ნაყმევ გლეხებზე, ვინაიდან იმათ მიწებიც მეტი მიიღეს ნადელებათ და გადასახადიც თითქმის ორჯერ ნაკლები შეაწერეს, ვინემ უკანასკნელთ. რასაკვირველია, დაწერილებით ჩვენ აქ არ ვეხებით გლეხების ეგრეთ წოდებულ „განთავისუფლების“ ისტორიას. ჩვენი მიზანი ამ შემთხვევაში მხოლოდ იმაში მდგომარეობს, რომ რაც შეიძლება ნათლად გამოვააშკარავოთ 1861 წ. რეფორმის ნამდვილი ხასიათი, ვინაიდან უამისოდ შეუძლებელია აგრარული საკითხის და აგრარული მოძრაობის შესწავლა რუსეთში.

ზევით ნათქვამიდან ჩვენ დავინახეთ, რომ 1861 წლის საგლეხო რეფორმას ბატონ-ყმური დამოკიდებულება არსებითად არ გაუუქმებია და არც შეეძლო რომ გაეუქმებია; რეფორმამ მხოლოდ იურიდიული საფუძველი გამოაცალა ბატონ-ყმურ ურთიერთობას. რაც შეეხება მის ნიეთიერ საფუძველს, აქ მან ისეთი ყალბაბანდობა იხმარა, რომ ნახევარი საუკუნით დააგვიანა ბატონ-ყმურ ურთიერთობათა სრულიად აღმოფხვრა. ვინც სოციალური რეფორმებით გატაცებულია და ვინც ასეთი რეფორმებით ცდილობს რევოლიუციის თავიდან აცილებას, იმათ ჩვენ მივეუთითებთ 1861 წლის საგლეხო რეფორმაზე იმის დასამტკიცებლად, რომ რეფორმის საშუალებით შეიძლება მხოლოდ რევოლიუციის რამდენიმე ხნით გადადება და არა სრულებით მისი თავიდან აცდენა.

ამნაირათ ჩვენ ვხედავთ, რომ ბატონ-ყმური ურთიერთობა რუსეთის სოფლის ცხოვრებაში 1861 წლის რეფორმის შემდეგ ისევ განაგრძობდა თავის არსებობას, რასაკვირველია, შედარებით სულ სხვა პირობებში, ვინემ წინეთ. ამ სხვა პირობებს განსაკუთრებით ქმნიდა კაპიტალისტური წარმოებეს აღორძინება ქალაქის მრეწველობაში. კაპიტალისტური მრეწველობის განვითარებისათვის საგლეხო რეფორმამ რამდენიმეთ ხელსაყრელი ნიადაგი შექმნა. ერთი მხრით, მან ფორმალურათ განთავისუფლა გლეხის პიროვნება მებატონეს დამოკიდებულებისაგან და მეორე მხრით რეფორმამ ერთბაშათ დატოვა გლეხების საკმარისათ მოზრდილი ნაწილი სრულიად უმიწაწყლოთ, მაგ., ეგრეთ წოდებული ში-

ნაყმები (дворовые), რომლებიც სრულებით უნადელოთ ღატოვეს, და იმავე დროს გლეხობის დანარჩენი ნაწილი იზნაირ პირობებში დარჩა ჩაყენებული, რომ უმეტესობას თავისი არსებობის დასახსნელათ თავისი სამუშაოს ძალა უნდა გამოეტანა ბაზარზე გასაყიდათ. ამნაირათ კაპიტალმა მოიპოვა თავისი მასაზრდოვებელი და განმავითარებელი ძალა— თავისუფალი საქირაო სამუშაო ძალა, სრულიად უშიწაწყლო ან მციარე მიწის მესაკუთრე გლეხის სახით. მაგრამ ჩვენ აქ არ ვეხებით კაპიტალიზმის განვითარებას მრეწველობაში. ჩვენ აქ ვიკვლევთ რუსეთის მეურნეობის პირობებს. რა თქმა უნდა, როგორც ზევითაც აღვნიშნეთ, მეურნეობის განვითარება თანამედროვე კაპიტალისტურ ხანაში თავისი საკუთარი კაპიტალიზმისაგან დამოუკიდებელი მიმართულებით არ წარმოებს; პირიქით, მეურნეობის განვითარება პირდაპირ დამოკიდებულია საზოგადოთ კაპიტალისტურ წარმოების განვითარებაზე. მაგრამ მიუხედავთ ამისა, ჩვენ ვცნობთ, რომ მეურნეობის სფეროში არსებობენ განსაკუთრებული პირობები, რომლებიც ასე თუ ისე მოქმედებენ მეურნეობის განვითარებაზე, ე. ი. ან აბრკოლებენ ან ხელს უწყობენ მის განვითარებას. აი სწორეთ ამ პირობების აღნიშვნა და გარკვევა გვინდა ჩვენ აქ.

ჩვენ უკვე ვიცით, თუ რა წესით მოხდა რუსეთში გლეხების განთავისუფლება ბატონყმური დამოკიდებულებისაგან და თუ რაში გამოიხატა ეს განთავისუფლება. ნატურალური წარმოების ქვეყანაში, სადაც 50 მილიონზე მეტი გლეხ-კაცობა ცხოვრობდა მიწის მუშაობით და სადაც ამ უკანასკნელს ბატონ-ყმურ უღელს ქვეშ უზრუნველყოფილი ქონდა საკმაო მიწა თავისი მეურნეობის დასაყმაყოფილებლათ, პირობები უეცრათ შეიცვალა. როგორც ზევით იყო ნათქვამქ, გლეხობას ბატონ-ყმური დამოკიდებულებიდან განთავისუფლების სახით ფაქტიურათ ჩამოერთვა თითქმის ყველა მიწები, რომლებიც წინეთ მის სარგებლობაში იყო. მართალია, გლეხებს მიუზომეს ნადელები, მაგრამ ჯერ ერთი ის, რომ ნადელი შეამცირეს და მეორე ის, რომ ამ ნადელების გამოყიდვა თავზე დაატეხეს გლეხებს მათდა უნებურათ და უზომოთ გადიდებულ ფასებში. ყველა ამ მიწების მესაკუთრეებათ იცნეს უწინარეს ყოვლისა კერძო მემამულეები, ანუ ყოფილი მებატონეები, ე. ი! თავადაზნაურობა, შემდეგ მეფის გვარეულობა და ბოლოს ხაზინა *). ასეთ

*) აქ საკიროთ მიგაჩინა შევნიშნოთ შემდეგ: თუმც ხაზინას სივრცით ყველაზე მეტი ეკუთვნის, მაგრამ მეორე მხრით სახაზინო მიწების დიდი უმეტესობა სრულებით უვარგისია და

პირობებში გლეხ-კაცობა ან უნდა სიმშლიისაგან ამოხოცილიყო, ანდა ისევ ყოფილ მებატონეებისათვის უნდა მიემართნა და მუხლმოდრეკით უნდა გამოეთხოვნა იმათაგან მიწა საიჯაროთ. გარდა ამისა, გლეხკაცობას უმეტეს შემთხვევაში არ ქონდა ტყე, არ ქონდა საძოვარი. ანუ საბალახო, არ ქონდა წყალი. უამისოთ ხომ გლეხის მეურნეობა შეუძლებელია. ყოველივე ეს იმავე მებატონეების ხელში გადავიდა უმთავრესათ. ამიტომ გლეხებს უმეტეს შემთხვევაში ფეხის გადაღმა არ შეეძლო ისე, რომ თავის ყოფილ მებატონესათვის არ მიემართნა. ამ გარემოებამ გამოიწვია საიჯარო გადასახადის საოცარი ზრდა. პროფ. კარიშევის მოწმობით*), საიჯარო გადასახადი ზოგ ადგილას ხუთჯერ და ათჯერ გაიზარდა, 1861 წლის რეფორმის შემდეგ. ეს ზრდა ამ უკანასკნელ ხანამდე არ შეჩერებულა. ჯერ კიდევ მეოთხმოდე წლებში, იმავე კარიშევის სიტყვით, ევროპის რუსეთის გლეხობის ნახევარს იჯარით აღებული ქონდა 50 მილ. დესეტინამდე მიწა, რისთვისაც ყოველ წლივ იხდიდა 300 მილ. მანეთზე მეტს საიჯარო გადასახადს.

მიწის იჯარით აღება შეიძლება ორნაირი მიზნით: შეძლებული გლეხი, კაპიტალისტი-ფერმერი, მიწას იღებს იჯარით იმიტომ, რომ ყოველგვარ ხარჯების დაფარვის შემდეგ, რაშიაც მემამულეს რენტაც შედის, აიღოს სარგებელი; ლატაკი გლეხი იჯარით იღებს მიწას იმიტომ, რომ სხვა გზა მას აღარ დარჩენია სიმშლის შეებრძოლოს. თუ შეძლებულ გლეხს, კაპიტალისტი-ფერმერს შეუძლია მიწის იჯარით აღებისაგან თავი შეიკავოს, როცა ეს უკანასკნელი მას მოგებას არ აძლევს, ლატაკი გლეხი ასე ვერ მოიქცევა, რადგანაც მას მოგება კი არ აქვს მიზნათ, არამედ თავის შრომის ფასის აღება, ე. ი. იმდენი აიღოს, რომ სიმშლისაგან არ მოკვდეს. რამდენათაც მატულობს ამ უკანასკნელ ტიპის მეიჯარეთა რიცხვი, იმდენათ იზრდება საიჯარო გადასახადი. ასეთი მეიჯარე იძულებულია მალლა აწიოს საიჯარო ქირა, რომ იჯარით მიწა აიღოს. ეს კი იმას ნიშნავს, რომ მეიჯარეს მთელ მოგებას და ზოგიერთ

იმყოფება ისეთ ადგილებში, სადაც მეურნეობა მეტად ვასაკირია. ასე მაგ., ევროპის რუსეთში კულ ითვლება სახაზინო მიწა 144.587.596 დესეტინა, ე. ი. ყველა მიწების 36,5% აქედან 70.227.663 დესეტინა მარტო არხანგელის გუბერნიაში, 30.245.010 დეს. ვოლოგდის გუბ. 12.422.477 დეს. პერმის გუბ. 8.570.791 დეს. ოლანეცის გუბ. და 5.820.462 დეს. ვიატკის გუბერნიაში. სულ ამ ხუთ გუბერნიაში ირიცხება 128 816,403 დეს. სახაზინო მიწა, ანუ ყველა სახაზინო მიწების 88%-ზე მეტი: ანაირათ სახაზინო მიწების უმეტესი ნაწილი ისეთ გუბერნიებში იმყოფება, სადაც მეურნეობის წარმოება ბუნებრივი პირობების გამო შეზღუდულია.

*) იხ. Россия в конце XIX в., გვ. 118.

შემთხვევაში მისი სამუშაო ხელფასის ნაწილსაც, მიწის რენტასთან ერთად, ისაკუთრებს მემამულე; ეს ნიშნავს იმას, რომ მიწის იჯარით აღება კაპიტალისტური მოგების მისათვისებლათ შეუძლებელი ხდება; დასასრულს ეს იმას ნიშნავს, რომ მეურნეობაში საწარმოვო ძალა დაბლა ეცემა, ვინაიდან უზომო დიდი საიჯარო ქირა შეუძლებლათ ხდის მეურნეობაში ფულის დაბანდებას სამეურნეო იარაღების გასაუმჯობესებლათ ან თვით მიწის გასასუქებლათ *).

საიჯარო ქირის აწევა იწვევს იმავე დროს მიწის ფასის უზომო აწევას, ასე რომ იმ შემთხვევაში მიწის ფასი სრულებით აღარ შეეფერება მიწის ნორმალურ ფასს, რამდენადაც ეს ფასი კაპიტალისტური რენტის კვალობაზე ისაზღვრება. კაუტსკი ამბობს: „დასამუშავებელი მიწის ფასი მხოლოდ იქ ისაზღვრება რენტით, სადაც მიწას ხმარობენ საქონლის კაპიტალისტურათ წარმოებისათვის. მიწის ფასი რენტაზე მაღლა იწევს იქ, სადაც მიწას საქონლის წარმოების მხრით ნაკლები მნიშვნელობა აქვს, სადაც იგი უმთავრესათ მეოჯახეობის დამატებას შეადგენს... რა თქმა უნდა, ეს გარემოება სოფლის მცხოვრებთა ექსპლოატაციის, გაყვლეფის, უმთავრეს წყაროთ ხდება. თუ სოფლის მუშას სურს საკუთარი მეურნეობის დაწყება, მაშინ რამდენათაც უფრო დიდია მიწის პატარა ნაჭრების—პარცელოების ფასი, რომლებიც მან უნდა შეიძინოს, იმდენათ უფრო უნდა მოუკლოს მან ხარჯს ცხოვრების მოთხოვნილებათ დასაკმაყოფილებლათ, რომ თავის ხელფასიდან მოაგროვოს ფული მიწის პატარა ნაჭრის საყიდლათ. და სადაც მან ვერ მოახერხა პარცელების ყიდვა და სადაც იგი მიწას იჯარით იღებს, მან მით უფრო აუცილებლათ უნდა მიპართოს ქირაზე მუშაობას, რამდენათაც საიჯარო გადასახადი უფრო დიდია; და ამ გადასახადს იგი შოულობს ირა თავისი ერთი ციდა მიწის ნაყოფისაგან, არაჰედ თავისი შრომის ხელფასისაგან; რამდენათაც დიდია საიჯარო გადასახადი, იმდენათ უფრო მეტია შრომის მიწოდება, და იმდენათ მას უფრო ნაკლებათ შეუძლია სამუშაო ქირის დაწევას წინააღმდეგობა გაუწიოს, იმდენათ მას უფრო უჭირს საიჯარო ქირის გადახდა, რაც ხდება მისი დავალიანების და დამოუკიდებლობის დაკარგვის მუდმივ წყაროთ“ **).

*) ყველა ეს შედეგები არა კაპიტალისტური იჯარისა ნაჩვენებია უფრო დაწერილებით პ. მასლოვის წიგნში: „Аграрный вопрос в России“.

***) იხ. Аграрный вопрос (Аграрная программа) რუს. თარგმანი.

ზევით მოყვანილი ამონაწერი თვალწინ გვიყენებს რუსეთის მეურნეობის პირობებს საგლეხო რეფორმის შემდეგ: 1) მიწის ფასის და მიწის საიჯარო ქირის შეუწყვეტელი ზრდა, 2) მიწის ნაყოფით ქირის გადახდის შეუძლებლობა და 3) წვრილ მეიჯარე-გლეხების მეფაშეებისა და მემამულეების ბრკეალში ჩაყარდნა.

მიწით იჯარით აღება ორნაირი სახით შეიძლება: 1) პირდაპირ ფულზე და 2) ნატურალური იჯარა, ე. ი. საიჯარო ქირის გადახდა ან მიწის მოსავლით (рента продуктами) და ან მუშაობით (отрабоченная рента—Arbeitsrente). ვისაც რაიმე შეიძლება აქვს, ის არაოდეს არ მიმართავს მეორეგვარ იჯარას, ე. ი. ნატურალურს. პროფ. კარიშევის მოწმობით, — ადგილობრივმა გამოკვლევებმა დამტკიცეს, რომ საიჯარო გადასახადის ხედალსხვა ფორმათა შორის ერთი მხრით და მეიჯარეთა კეთილდღეობას შორის, მეორე მხრით, არსებობს ერთნაირი დამოკიდებულება, რომელიც ყველა შესწავლილ ადგილებში ერთნაირათ მეორდება. მეიჯარეთა უღარიბესი ჯგუფები სხვისი მიწის ასაღებათ ნატურალურ იჯარას ამჯობინებენ იჯარის ფულით გადახდასა*). თუ რას ნიშნავს ეს „ამჯობინებენ“, ამის შესახებ კარიშევი გარკვევით არაფერს არ ამბობს, თუმცა სხვა ადგილას იგივე ავტორი აი რასა სწერს: „ნატურალური იჯარა ყოველთვის უპირესია ფულით გადახდაზე. ნატურალური იჯარა, აიღებს რა ფასს და ერეკება რა მეიჯარეებს, გაცხარებულ მუშაობის დროს თავის საკუთარ მეურნეობიდან მიწის შესაკუთრება წინაშე ვალდებულებების შესასრულებლათ, ხალხის მეურნეობისათვის დიდათ საზარალოა**). ბ. კარიშევი, როგორც ერთგული ნაროდნიკი, არ ბრკვევს, სახედლობრ თუ ვისთვის, მემამულეთათვის, თუ ლატაკ მეიჯარე გლეხებისათვის არის ნატურალური იჯარა საზარალო. ამიტომ ჩვენ საკიროდ მიგვაჩნია ცოტა უფრო დაწვრილებით განვიხილოთ ეს საკითხი.

ჩვენ ვიცით, რომ ბატონ-ყმობის დროს გლეხი კვირაში სამი დღის განმავლობაში მუშაობდა თავისთვის და დანარჩენი სამი დღის განმავლობაში მებატონესთვის, გარდა სხვა სავალდებულო საბეგრო გადასახადისა. ამ ნაირათ გლეხის და მებატონეს მეურნეობა მხოლოდ ადგილმდებარეობით იყო ერთი ერთმანეთისაგან დაშორებული, თორემ ისე პირველიც და მეორეც მჭიდროთ დაკავშირებული იყვნენ ერთმანეთთან:

*) მოყვანილია მასლოვის წიგნში Аграр. воп. გვ. 266.

***) იხ. Россия в конце XIX в. გვ. 118.

როგორც ერთის, ისე მეორეს დამპყშავებელი იყო გლეხი თავის ხარკამეჩით და კავ-სახნისით. გლეხი მხოლოდ იმიტომ ამუშავებდა თავისთვის ყანას, რომ მისი შრომა საჭირო იყო მებატონეს ყანის დასამუშავებლათ. სხვა სიტყვებით რომ ვთქვათ, გლეხი არსებობდა იმიტომ, რომ მისი არსებობა საჭირო იყო მებატონეს არსებობისათვის. ამნაირათ, აქ არ იყო მარტო ეკონომიური დამოკიდებულება მებატონესაგან. ამ დამოკიდებულებაში იხატებოდა, მაშასადამე, „ეკონომიურ ურთიერთობის გარეშე ძალდატანება“ (вне-экономическое принуждение), რომელზედაც ლაპარაკობს მარქსი.

ბატონ-ყმობის გაუქმებით დამოკიდებულება, ანუ მარქსის სიტყვით, „ეკონომიურ ურთიერთობის გარეშე ძალდატანება“, საბოლოოთ არ მოსპობილა. აი რას ამბობს ამის შესახებ ვლ. ილინი: „გლეხის მეურნეობა სრულებით არ იქნა გამოყოფილი (რეფორმის შემდეგ ხანაზეა ლაპარაკი) მემამულეთა მეურნეობისაგან, ეინაიდან უკანასკნელების ხელში დარჩენ საგლეხო ნადელების ისეთი ელემენტები, ურომლისოთ გლეხების მეურნეობა შეუძლებელი იყო, როგორც: „ჩამონაკერი მიწები“, ტყე, მინდვრები, წყალი, საძოვარი და სხ. უამისოთ გლეხებს სრულებით არ შეეძლოთ დამოუკიდებლათ ეწარმოებიათ მეურნეობა და ამნაირათ მებატონეებს შეეძლება ქონდათ განეგრძოთ მეურნეობის ძველი სისტემა მუშაობით გადახდარს სახით (в форме отработков). „ეკონომიურ ურთიერთობის გარეშე ძალდატანების“ გავლენაც დარჩა: დროებით ვალდებული მდგომარეობა, საერთო პასუხისმგებლობა (круговая порука) გლეხის როზგვით გალახვა, მისი საზოგადო სამუშაოზე მიცემა და სხვა“ *).

მოვიყვანოთ აქ რამდენიმე მაგალითი, რომლებიც ყველაზე უფრო ნათლად ახასიათებს როგორც გლეხების, ისე ყოფილ მებატონეების მეურნეობას საგლეხო რეფორმის შემდეგ. მემამულეთა მსხვილ ეკონომიებში, სწერს ერთი კორესპონდენტი ორლოვის გუბერნიიდან, წლიური მუშების გარდა, მიწის მომეტებულ ნაწილს ამუშავებენ გლეხები, რისთვისაც ისინი იჯარით იღებენ მიწას. ყოფილი ყმები თავიანთ ყოფილ მებატონეებისაგან იჯარით იღებენ მიწას და ამისთვის ამუშავებენ იმათ მიწებს. ასეთ სოფლებს უწოდებენ ამა და ამ მემამულეს საბეგრო სოფელს **).

* იხ. Вл. Ильин. Развитие капитализма в России გვ. 130—31.

** С. А. Короленко. Вольно-наемный труд—მოყვანილია ილინის წიგნში გვ. 131 (შენიშვნა).

ეს პირდაპირ ბატონ-ყმურ ურთიერთობას მოგვეგონებს. „სამუშაო იჯარის წყალობით (отрабочная-аренда) მეიჯარე გლეხები — ამბობს მეორე ავტორი, — ვერასოდეს თავს ველარ ახწევენ ადგილობრივი მემამულეს ვალიდან და იმყოფებიან რა მულამ მისგან ასეთ დამოკიდებულებაში, იძულებული ხდებიან დათანხმდნენ ყოველგვარ სიმუშაოზე*)).

„არავისთვის საეჭვო აღარ უნდა იყოს, — ამბობს იგივე ავტორი, — რომ დესიატინობით იჯარის გაცემამ (იგივე სამუშაო იჯარა) ტამბოვის გუბერნიაში უკვე დიდი ხანია დაკარგა იჯარის ხასიათი და ახლა მას უნდა ვუცქეროდეთ, როგორც ერთ საშუალებათაგანს მამულისათვის იაფი მუშა-ხელი რომ უზრუნველყონ. იმავე დროს თანდათან აშკარავდება ის როლი, რომელსაც ასრულებს ის მიწა, რომელიც დესეტინობით იცემა იჯარით. იგი ხდება იარაღი, რომლის შემწევობით თავისუფალი მიწის მუშა დამოკიდებულ, დაბეგრულ მუშათ ხდება, რომელიც თავის შრომას ჰყიდის იმ ფასში, რომელსაც მას უკარნახებს გაქივრება**); მაგრამ მემამულესათვის მარტო იაფ მუშა ხელის შოვნის მხრით კი არ არის ხელსაყრელი დაქირავების ასეთი სისტემა. საქმე იმაშია, რომ იაფ მუშა ხელის გარდა იგი მუქთად შოულობს აგრეთვე თავის მეურნეობისათვის სამეურნეო იარაღს. „მსხვილი მეურნეობის ხარჯები პირუტყვის და სამეურნეო იარაღების საყიდლოთ და შესანახად მეტი ხდება და გლეხები თავის მოწყობილობით ხდებიან როგორც მემამულეს მეურნეობის შემადგენელ ნაწილად“***). ამიტომ მრავალ მემამულეთა ეკონომიებში ხშირად სრულებით არ მოიპოვება არც სამეურნეო იარაღი და არც საქონელი, ვინაიდან, როგორც კარიშევი ამბობს, ნატურალური იჯარის (სამუშაო იჯარის — отработки) საშუალებით კეთდება მებატონეთა ეკონომიებში ყოველგვარი სამეურნეო საქმე, როგორც ყანების დათესვა, ისე მოშა, თივის შენახვა, შეშის დამზადება, ტვირთის გადაზიდვა, სახლის შეკეთება და თითქმის ქათმების და კვერცხების მოტანაც კი****).

აუარებელი გამოკვლევების მეოხებით დამტკიცებულია, რომ ნატურალური იჯარის მეოხებით ფასი ასჯერ უფრო ნაკლებია, ვიდრე კაპი-

*) Липский. Цены на рабочия руки. მოყვანილია მასლოვის წიგნში (Аграр. воп.) გვ. 263—4.

**) იქვე, გვ. 264.

***) იქვე, გვ.

****) იხ. ილინი, გვ. 195.

ტალისტური წესით დაქირავების დროს*): რადგანაც ასეთია ნატურალური იჯარის მნიშვნელობა რუსეთის მეურნეობაში, ეს ასე იყო მიიწვევს დღემდის, ამიტომ საჭიროა გარკვევით ვუჩვენოთ, თუ რა უწყობს ან რა უწყობდა მას ხელს. ამის შესახებ აი რას ამბობს ილინი: „ვინაიდან მუშაობით იჯარის გადახდა (отработки) შეუძლია იკისროს მხოლოდ ადგილობრივ და ისიც „ნადელით უზრუნველყოფილ“ გლეხს, აქედან ჩვენ შეგვიძლია დავაფასოთ, თუ რა დიდი მნიშვნელობა აქვს სამუშაო ხელფასის შემცირებაში ნადელს, შრომის ნატურალურ ხელფასს. ნადელი დღემდე მუშა. ხელის უზრუნველსაყოფელი საშუალებაა. მაგრამ ამით არ თავდება განსხვავება. კაპიტალისტურ დაქირავებასა და ნატურალურ იჯარას შორის დიდი მნიშვნელობა აქვს იმ გარემოებას, რომ ნატურალურ იჯარასთან იგულისხმება ყოველთვის დაქირავებულის პირადი დამოკიდებულება დამქირავებელისაგან, ე. ი. „ეკონომიურ ურთიერთობის გარეშე ძალდატანების“ გავლენა. ეს გარემოება მშვენიერად დაახასიათა ენგელსის „საქმელო რაიონის“ გადამხდელით, მაგრამ იმ მუშაობას, რომელიც მან იკისრა, ადმინისტრაცია ძალას დაატანს შეასრულოს, თუმც მას საკუთარი პური მოუშეკელი დარჩეს“. მოჰყავს რა კარიშვეს ეს სიტყვები, იგი ამბობს: „მხოლოდ ხანგრძლივ მონაობით, ბატონყმური ბეგარით ბატონის სასარგებლოდ შეიძლება ავხსნათ ის გარემოება, რომ გლეხი აღუშფოთებლათ (хладнокровно) სტოვებს თავის ხორბალს წვიმაში და მიდის, რათა გადაიტანოს სხვისი პური“ **). რა თქმა უნდა, აქ არაფერ შუაშია არც წინანდელი მონაობა და არც წინანდელი ბატონ-ყმობა. საქმე ის არის, რომ დღესაც არსებობენ ისეთი პირობები, რომლებიც გლეხს აიძულებენ თავისი პური მოუშეკელი დატოვოს, თავისი ყანა დაუთესავი და თავისი ხარ-კამეჩით და ურმით მემამულეს ყანა დაემუშაოს, მისი პური მომკას და გადაზიდოს. გარდა იმისა, რომ გლეხი ეკონომიურად დამოკიდებულია მემამულესაგან, ზევით აღნიშნული გარემოება შეუძლებელი იქნებოდა, რომ ჩვენში შინახული არ იყვნენ ბატონ-ყმობის ნაშთები, როგორც გლეხის სრული უფუფუნობა მემამულეთა წინაშე და ამისი ასე თუ ისე საცხოვრებელ ადგილზე მიყვრა

*) იქვე, გვ. 139.

**) მოყვანილია ილინის წიგნი გვ. 136. შეადარეთ მასლოვი „Экономический вопрос в России“. გლეხი ძლიერ ხშირად იძულებული ხდება მიატოვონ თავის ყანა. რომ მემამულეს სამუშაო შეასრულოს. გვ. 265.

„ნადელის“ საშუალებით. ყველა ამის შედეგი იყო და არის, ერთი მხრით, საწარმოვო ძალების განუვითარებლობა და, მეორე მხრით, გლეხის დამონავება (закабаление).

ზევით ნათქვამიდან აშკარად სჩანს, რომ კაპიტალისტური წარმოების განვითარებას რუსეთის მეურნეობაში წინ ეღობებოდა არა მარტო გლეხის ეკონომიურად გაძარცვა მიწების ჩამორთმევით, არამედ კიდევ უფრო „ეკონომიურ ურთიერთობის გარეშე ძალდატანება“ ფეოდალური წესწყობილების ნაშთების სხვადასხვა სახით.

ჩვენ აქ განსაკუთრებულ ყურადღებას ვაქცევთ იმ ფაქტორებს, რომლებმაც გამოიწვიეს, ერთი მხრით, გლეხის ეკონომიური კეთილდღეობის დაქვეითება და, მეორე მხრით, საწარმოვო ძალთა განვითარების შეჩერება მეურნეობაში. ყოველივე ის, რაც ხელს უწყობს გლეხის ეკონომიური კეთილდღეობის დაქვეითებას და საწარმოვო ძალების განვითარების შეჩერებას, იმავე დროს აფერხებს კაპიტალისტური წარმოების ზრდა-განვითარებას მეურნეობაში. ამ მხრით სახელმწიფო და საერობო გადასახადებსაც საკმარისათ დიდი მნიშვნელობა ქონდა. ჩვენ ვიცით, თუ ბატონ-ყმური დამოკიდებულებიდან განთავისუფლების მეოხებით გლეხებს რა მძიმე გადასახადი დააწვათ კისერზე, როგორც ნადელების გამოსაყიდათ, ისე საიჯარო მიწების საშოვნელათ. მაგრამ ყველა ეს გადასახადები მხოლოდ მემამულეების ჯიბეში მიდიოდა. რა თქმა უნდა, სახელმწიფო თავის თავსაც არ ივიწყებდა. რაც დრო გადიოდა, სახელმწიფოს ხარჯები შეუჩერებლათ იზრდებოდა. აურაცხელი მოხელეების და მუდმივი ჯარის შენახვა, სხვას რომ თავი დავანებოთ, აუარებელ საშუალებას თხოულობდა. რუსეთის სახელმწიფო უმთავრესათ ორი წყაროდან იკვებება: სესხით და გლეხობაზე გადასახადის დადებით. ტყუილათ ხომ არ ითვლება რუსეთში გლეხობა ერთად ერთ გადამხდელ წოდებათ. მაგრამ უკანასკნელ ანგარიშში სესხის აღებაც შესაძლებელი ხდება მხოლოდ გლეხის ზურგით. ამიტომ, რაღა გასაკვირალია, რომ ამოდენა სახელმწიფოს ხარჯები, მთელი თავისი სიმძიმით რუსეთის გლეხობას დააწვა კისერზე. რაც ნადელების გადასახადს და მიწის იჯარას გადაურჩებოდა, იმას ხაზინა თავის საკიროებისათვის ამრობდა გლეხს. ყველამ კარგათ იცის, თუ რა ზომებით იღებს მთავრობა გადასახადს გლეხიდან. ამ შემთხვევაში, როგორც ყოველთვის, გაჭირვებული გლეხის „მხსნელათ“ გამოდის სოფლის წურბელა, ანუ მეფაზე. გლეხის მთელი წლის მონაჯარს იგი ჩაღის ფისათ იძენს და შემდეგ გლეხი ისევ იძუ-

ლებული ხდება. იმავე ჩარჩ-შევახშვს მიმართოს და სულიან-ხორციანათ და-
ეწინდროს. ამნაირათ მთელი წლების განმავლობაში გლეხის მონაგარს შინ,
თუ გარეთ, თავისი მეურნეობის საშუალებით, თუ ქირაზე წასვლით (от-
хожие промыслы) ხაზინა, მემამულეები და ჩარჩ-შევახშვები ისაკუთ-
რებდნენ. ასეთ პირობებში მეურნეობის გაუმჯობესობა იშვიათათ თუ
ვისმეს მოუვიდოდა თავში. საერთოთ კი ეს პირობები აფერხებდენ მე-
ურნეობის განვითარებას, ვინაიდან შეუძლებლათ ხდიდენ მასში გაუმ-
ჯობესობის შემოღებას. მეურნეობის გასაუმჯობესებელი საშუალება უმე-
ტეს შემთხვევაში გლეხს ხელიდან ეკლებოდა. ამას მოყვა გლეხობის
დიდი უმრავლესობის საშინელი გალატაკება, ქრონიკული დამშევა და
ბოლოს აშკარა არეულობა ანუ „ბუნტი“. მაგრამ ამის შესახებ ლაპარაკი
შემდეგ გვექნება.

აქ უნდა მოვიხსენიოთ კიდევ ერთი გარემოება, რომელიც რუსეთის
მეურნეობის დიდმნიშვნელოვან ფაქტს შეეხება და რომელსაც დიდი ყუ-
რადლება ჰქონდა მიქცეული: ჩვენ ვამბობთ რუსეთის სოფლის ცნობილ
„ობშინაზე“, ე. ი. სათემო მიწათმფლობელობაზე. რამდენათაც აქამდის
ჩვენ ვლაპარაკობდით განსაკუთრებით ბატონ-ყმური წესწყობილების ნაშ-
თებზე, როგორც კაპიტალისტური წარმოების განვითარების შემაფერხებელ
მოვლენებზე, იმდენათ ახლა ვილაპარაკებთ პირველ-ყოფილი კომუნისმის
ნაშთზე—რუსეთის „ობშინაზე“, რომელიც იმავე როლს თამაშობდა და
შეიძლება დღესაც თამაშობს რუსეთის მეურნეობის განვითარების ისტო-
რიაში. რუსეთის „ობშინის“ სახელწოდებასთან შეკავშირებულია სახე-
ლები ერთი მხრით რუსეთის გამოჩენილი მწერლების: ჩერნიშევსკის,
გერცენის, ბაკუნინის, ტკაჩოვის და მიხაილოვსკის და, მეორე მხრით,
თანამედროვე მეცნიერულ სოციალიზმის მამათავართა: მარქსის და ენგელ-
სის. შემდეგ „ობშინის“ გამო დიდი კამათი იყო რუსეთის მარქსისტებსა
და მერთხმოცე წლების ნაროდნიკების შორის. ეს კამათი, როგორც ვი-
ციტო, მარქსისტების სრული გამარჯვებით გადავდა. კამათის უმთავრეს
საგანს შეადგენდა „ობშინის“ მომავალი ბედი. ნაროდნიკები (ვ. ვორონ-
ცოვი, ნ.—ონი, კარიშევი, მიხაილოვსკი, კაბლუკოვი და სხვები), იმე-
ორებდნენ რა ჩერნიშევსკის შეხედულებას რუსეთის „ობშინაზე“, ამტკი-
ცებდნენ, რომ კაპიტალიზმი რუსეთში: ფხვს ვერ მოიკიდებს არა თუ მე-
ურნეობაში არამედ მრეწველობაშიაც კი. რუსეთის გლეხობა ბუნებით
კომუნისტია და ამიტომ სოციალისტური წესწყობილების მისაღწევად
სრულყოფით წაჭირო არ არის კაპიტალიზმის დარჯაკში გავლა. ამის თავ-

დები „ობშინა“ ანუ სათემო მიწათმფლობელობაა, რომელიც თავისი წმინდა, გაურყენელი სახით მარტო რუსეთის გლეხობაშია დღეს დაცული. რაც შეეხება კაპიტალიზმს, იგი მთავრობის მოგონილია და როგორც ასეთს, მას არავითარი საფუძველი არა აქვს რუსეთის ცხოვრებაში. მარქსისტების შეხედულებით, პირიქით, „ობშინა“ უკვე წარსულს ეკუთვნის; როგორც ობშინის ხსნა, ისე კაპიტალიზმის უარყოფა სრულებით ფუჭე ოცნებაა. რუსეთის „ობშინა“ თავის-თავად საზოგადოების საწარმოვო ძალთა განვითარების უდაბლესი საფეხურია. ასე რომ, საწარმოვო ძალების განვითარება აუცილებლათ მოითხოვს „ობშინის“ დაშლას და კაპიტალისტური წარმოების განვითარებას, სანამ უმაღლესი ფორმა წარმოებისა, — სოციალიზმი, დამყარდებოდეს. რაც ჩქარა მოხდება ეს პროცესი, ე. ი. ობშინის დაშლა და კაპიტალიზმის განვითარება, მით უმჯობესია საზოგადოებისათვის. სანამ ეს კამათი დამთავრდებოდა, ცხოვრებამ უკვე გამოიტანა თავისი განაჩენი, რომლითაც სამუდამოდ ბოლო ეღებოდა ნაროდნიკების ტყბილ ოცნებებს. მაგრამ აქ ჩვენ იმდენათ ობშინის ბედი არ გვაინტერესებს, რამდენადაც ის გარემოება, რომ „ობშინა“ აფერხებდა კაპიტალიზმის განვითარებას რუსეთის მეურნეობაში.

რუსეთის „ობშინის“ შესახებ რუსეთის მწერლებს ის მოუვიდათ, რაც მოლიერის ერთ გმირს დაემართა. ამ უკანასკნელმა ბოლოს გაიგო, რომ იგი თურმე პროზით ლაპარაკობდა. ასე დაემართა რუსეთის გამოჩენილ მოღვაწეთა და მწერლებს: თვალ წინ რუსეთის გლეხობის დიდი უმრავლესობა საერთო მიწათმფლობელობას მისდევდა. რუსეთის მწერლებმა მხოლოდ მაშინ შეიტყვეს თავის სამშობლოში „ობშინის“ არსებობა, როცა 1845 წელს, პრუსიის ერთმა მოხელემ, გვართ ჰაქსტაუზენმა რუსეთის „ობშინის“ არსებობა ქვეყანას ამცნო.

ამ ნახევარი საუკუნის წინათ საზოგადოებრივი მეცნიერება ჯერ კიდევ დაბლა იდგა, როგორც ფაქტების, ისე ცოტა თუ ბევრათ სწორი თეორიის უქონლობის გამო. იკოდენ, რომ კაცობრიობის ისტორიაში რამდენიმე ხანა იყო, ველურობიდან დაწყებული თანამედროვე ცივილიზაციამდე, მაგრამ სრულებით არ იკოდენ, თუ რა იწვევს ერთი ეპოქის მეორით შეცვლას; რით აიხსნება ის მოვლენა, რომ მონობის ადგილი ბატონყმობამ დაიჭირა, ამ უკანასკნელმა კი ბურჟუაზიულ წესწყობილებას დაუთმო ალაგი? მართალია საფრანგეთის ზოგიერთ ისტორიკოს-

სების ნაწარმოებებში მაგ., ოგუსტენ (ჟიერის²⁾) და გიზოსი³ *), უკვე გამოს-
კვიოდა ზოგიერთი მართალი აზრი — საზოგადოებრივ განვითარების შესა-
ხებ, განსაკუთრებით საშუალო საუკუნოების საზოგადოების შესახებ, მაგ-
რამ სწორი და მართალი კანონების დამყარებამდე საზოგადოების განვი-
თარების შესახებ ჯერ კიდევ შორს იყო. რაც შეეხება მარქს-ენგელსის
დიალექტიური მატერიალიზმის თეორიას, ის მხოლოდ იმ ხანებში ისა-
ხებოდა, და ჯერ კიდევ დიდ ხანს უნდა განეწყო, სანამ ის ჯეროვან
გავლენას იქონიებდა. ამიტომ სრულებით გასაკვირვალი არ არის ის გა-
რემოება, რომ როცა რუსეთის „ობშინა“ იქნა აღმოჩენილი, იგი მი-
იღეს არა როგორც პირველყოფილი კომუნისმის ნაშთი, არამედ სრუ-
ლებით განსაკუთრებული მოვლენა, რომელიც შეადგენს რუსეთის გლეხ-
კაცობის, სწეროვან სლავიანთა ტომის დამახასიათებელ თვისებას. იმავე
დროს „ობშინა“ დაუპირდაპირეს დასავლეთ ევროპის და კაპიტალისტურ
წესწყობილებას, რომელშიაც ლევის ღრმა კლასობრივი წინააღმდეგობა,
განხეთქილება, რომელიც მუდამ საზოგადოებრივ რყევას და მწუვავ კონ-
ფლიქტებს იწვევს მოწინააღმდეგე კლასებს შორის. საქმარისი იყო ასეთი
დაპირდაპირება, რომ მაშინვე „ობშინის“ უპირატესობა ელიარბინათ
კაპიტალიზმის წინაშე.

სულ პირველად გერცენმა⁴⁾ გამოაცხადა რუსეთის გლეხები სოციალ-
იზმის ქვეშეშარტ მატარებლებათ, ბუნებით კომუნისტებათ (als gcborne
Kommunisten) ეს შეხედულება გერცენიდან ბაკუნინმა⁵⁾ შეითვისა და ბა-
კუნინიდან ტაროვმა⁶⁾ **). ამ შემტარ შეხედულებას შემდეგ თუთიყუში-
ვით იმეორებდნენ ყველა ჯურის ნაროდნიკები. ამათში სრულიად გან-
საკუთრებული ადგილი უჭირავს ნიკ. ჩერნიშევსკის⁷⁾ — „რუსეთის ამ უდი-
დეს მეცნიერს და კრიტიკოსს“; როგორც მას მარქსმა უწოდა. როგორც
ეიკით, ჩერნიშევსკი დიალექტიური მეთოდის მიმდევარი იყო, ამიტომ
მისი მსაჯელობა ყოველთვის ღრმა ფილოსოფიურ მოსაზრებაზე იყო დამ-
ყარებული. „ობშინა“ მისთვის არ იყო წარმოების უმაღლესი ფორმა

*1) მეტად საინტერესოა ის გარემოება, რომ უკვე საფრანგეთის დიდი რევოლუციის
დროს ერთი მისი მოღვაწის მიერ თითქმის სავსებით დაფუძნებულ იქნა ისტორიის მატერიალის-
ტური გაგება, ერთად-ერთი სწორი შეხედულება კაცობრიობის განვითარებაზე. ეს იყო ბარნოვი
(Baruove), ბურჟუაზიის გამოჩენილი იდეოლოგი, რომელიც რევოლუციის მსხვერპლი შეიქნა.
მისი შრომა: „L'inductoire Bebelion française“ (საფრანგეთის რევოლუციის შესავალი)
მისი სიკვდილის შემდეგ სრულიად დავიწყებულ იქნა და მხოლოდ 1845 წელს იქნა გამოქვეყნე-
ბული.

**1) Fr. Šnyels. Internationales aus dem Volksstaat (1871.—75) გვ. 56.

კაპიტალიზმთან შედარებით. პირიქით, ჩერნიშევსკი რუსეთის ობშჩინაში ხედავდა მხოლოდ საშუალებას დღევანდელ საზოგადოებიდან განვითარების ახალ საფეხურზე გადასასვლელათ, რომელიც უმაღლესი უნდა ყოფილიყო, ვინემ რუსეთის „ობშჩინა“, ერთი მხრით, და დასავლეთ ევროპის კაპიტალისტური საზოგადოება, მეორე მხრით და რადგანაც მისი აზრით რუსეთს ჰქონდა ასეთი საშუალება, ე. ი. „ობშჩინა“, მხოლოდ ამაში ხედავთ იგი რუსეთის უპირატესობას. მაგრამ ჩერნიშევსკის იმავე დროს კარგათ ესმოდა, რომ იმის შეუთვისებლათ, რაც კაპიტალისტურმა წარმოებამ შესძინა კაცობრიობას, წარმოების უმაღლესი ფორმის მიხედვით შეუძლებელი იყო. აი რას ამბობდა ამის შესახებ მარქსი: „თავის შესანიშნავ წერილებში ჩერნიშევსკი არკვევდა იმ საკითხს, რომ რუსეთის განვითარება უნდა მოხდეს სოფლის ობშჩინის დაშლით და კაპიტალისტური წესწყობილების დამყარებით, როგორც ამას ლიბერალები თხოულობენ, თუ, პირიქით, რუსეთს შეუძლია კაპიტალისტური წარმოების ტანჯვას გვერდი აუაროს და იმავე დროს ყველა მისი ნაყოფიერი შედეგები შეითვისოს, რათა თავისი საკუთარი ისტორიულათ ნაანდერძევი თვისება კიდევ უფრო განავითაროს. იგი ამ უკანასკნელ გზას თვლიდა შესაძლებლად.“

ასე ფიქრობდა ჩერნიშევსკი 1861 წლის რეფორმამდე. თუ რამდენათ ღრმა და საფუძვლიანი იყო ჩერნიშევსკის შეხედულება რუსეთის მაშინდელ მდგომარეობაზე საზოგადოთ და კერძოთ ობშჩინაზე, იქიდან სჩანს, რომ თითქმის 20 წლის შემდეგ იმისა, რაც მან თავის შეხედულება გამოსთქვა, მარქსი კიდევ შესაძლებლათ თვლიდა რუსეთისათვის კაპიტალისტური წარმოების განუვითარებლათ პირდაპირ სოციალისტური წესწყობილების დამყარებას; რასაკვირველია, ამისთვის ჯერ უნდა მომხდარიყო პროლეტარული რევოლიუცია დასავლეთ ევროპაში ერთი მხრით და აბსოლიუტიზმის დამხობა რუსეთში, მეორე მხრით. აი თვით მარქსის სიტყვები, წარმოთქმული 1877 წელს: „რუსეთის ოფიციალურ და სხვა წყაროების შესწავლამ მე შემდეგ დასკვნამდე მიმიყვანა: თუ რუსეთი განაგრძობს იმ გზით სვლას, რომელიც მან 1861 წელს აიჩრია, იგი დაკარგავს მშვენიერ შემთხვევას, რომელიც კი ოდესმე ისტორიის ურგუნებია რომელიმე ხალხისთვის, რომ მით კაპიტალისტური სისტემის ყველა ტანჯვა განვლოს“. და შემდეგ: „მიისწრაფის თუ არა რუსეთი იქითკენ, რომ დასავლეთ ევროპის მსგავსათ კაპიტალისტური ნაციათ გადაიქცეს? ამ უკანასკნელ წლებში მან ამ მხრით ბევრი მოიმოქმედა, ეს

მისთვის შეუძლებელი იქმნება უიმისოთ, რომ კარგა დიდი ნაწილი თავის გლახებისა პროლეტარებათ არ გარდაქმნას; და შემდეგ, მოყვება რა იგი კაპიტალისტური წარმოების მორევში, იგი იძულებული იქნება განიცადოს ამ სისტემის უღმობელი კანონები ისე, როგორც სხვა უფიც (pro-fan) ერებშია. მაგრამ საკიროა აქვე აღვნიშნოთ, რომ მარქსი და ენგელსი რუსეთის ობჟინის საქმეს ამის შემდეგაც სრულიად წაგებულათ კიდევ არ თვლიდნენ. 1882 წელს კომუნისტური მანიფესტის რუსულ თარგმანის წინასიტყვაობაში აი რას სწერდნენ ისინი: „კაპიტალისტური თავბრუ-დამხვევი განვითარების და სოფლის ბურჟუაზიის წარმოშობის გვერდით ჩვენ ვხედავთ რუსეთში საგლეხო მიწების დიდ უმეტესობას საზოგადო მფლობელობაში. თავის თავად იბადება კითხვა: შეიძლება თუ არა რუსეთის ობჟინა, ამ პირველყოფილი საზოგადო მიწამფლობელობის ფორმა, რომელიც დღეს უკვე საკმარისათ დარღვევისაყენ იხრება, პირდაპირ საკუთრების უმაღლეს კომუნისტურ ფორმაში გადავიდეს, ან მან უნდა განვლოს ის დაშლის პროცესი, რომელიც დასავლეთ ევროპის ისტორიულ განვითარებას ახასიათებს. ერთად ერთი შესაძლებელი. პასუხი ამ კითხვაზე ასეთია: თუ რუსეთის რევოლიუცია დასავლეთ ევროპის პროლეტარიატის რევოლიუციას გამოიწვევს; ისე რომ ერთი მეორეს დახმარებას გაუწევს, მაშინ, შესაძლებელია, რომ რუსეთის ობჟინა გახდეს კომუნისტური განვითარების საფუძველათ (Ausgangspunkt)“. მაგრამ 12 წლის შემდეგ ენგელსს (მარქსი იმ დროს უკვე საფლავში იყო) უკვე აღარავითარი იმედი აღარ ქონდა ობჟინის გადარჩენის შესახებ, რადგანაც ერთი მხრით რუსეთის რევოლიუციამ დაიგვიანა, და მეორე მხრით, თვით ობჟინის დაშლა მეტად შორს წავიდა.

ზევით ნათქვამიდან ჩვენ ვხედავთ, თუ რა განსაკუთრებულ ყურადღებას აქცევდნენ მარქსი და ენგელსი რუსეთის ობჟინას. იმათთვის მიწის მფლობელობის ის ფორმა, რომელიც რუსეთის გლეხობის უდიდეს ნაწილში გავრცელებული იყო და რამდენიმეთ დღესაც არის, მხოლოდ პირველყოფილი კომუნიზმის ნაშთია. საქონლის წარმოების განვითარებამ თანდათან დაშალა პირველყოფილი კომუნიზმი, ხოლო კაპიტალისტურმა წარმოებამ კი თითქმის სრულეობით მოსპო იგი. ასეთი პროცესი განვლო პირველყოფილმა კომუნიზმმა ყოველგან ჩვენ დრომდის. მაგრამ მარქსის და ენგელსის გონების და დაკვირვების სიძლიერე იმაში იხატებოდა, რომ ისინი მეტად ღრმად და ყოველი მხრიდან უკვირდებოდნენ და იხილავდნენ ყოველივე მოვლენას. საქმე ის არის, რომ რუსეთის ობ-

შინის გვერდით, დასავლეთ ევროპაში კაპიტალისტური წარმოების ნიადაგზე თანდათან განვითარდა და აღორძინდა სრულიად ახალი მოვლენა, — სრულიად ახალი საზოგადოებრივი ძალა, დღემდის სრულებით უცნობი. მე ვამბობ პროლეტარულ მოძრაობაზე. მარქსი და ენგელსი იყვნენ ისინი, ვინც პირველათ სავესებით დააფასეს ეს მოძრაობა, გამონახეს მისი რეალური საფუძველი და აღნუსხეს მისი განვითარების გზა. თავის თავად იგულისხმება, რომ იმ საკითხის განხილვის დროს, თუ რა გზით წავა რუსეთის განვითარება, რომელშიაც ჯერ კიდევ შენახულიყო პირველყოფილი კომუნიზმის ნაშთი, საზოგადო მიწათმფლობელობის სახით, და რომელიც სავესებით ჯერ კიდევ არ მოყოლოდა კაპიტალისტური წარმოების მორევში, — ვიმეორებ, როცა ასეთ ქვეყანას ენებოდა კითხვა, შეუძლებელი იყო მხედველობაში არ მიეღოთ დასავლეთ ევროპის პროლეტარიატის მოძრაობა. კაპიტალიზმის განვითარების ბედს რუსეთში და რუსეთის ობშჩინის დაშლას ისინი უკავშირებდნენ, ერთი მხრით, პოლიტიკურ რევოლიუციას რუსეთში და, მეორეს მხრით, პროლეტარულ რევოლიუციას დასავლეთ ევროპაში. აქედან აშკარაა, თუ რა ძირითადი განსხვავება არსებობდა ობშჩინის შესახებ, ერთი მხრით, ყველა ჯურის ნაროდნიკებსა და, მეორე მხრით, მარქსისტებს შორის.

ჩვენ აქ საკმარისათ დაწვრილებით გაეჩრდით მარქსისა და ენგელსის შეხედულებაზე რუსეთის „ობშჩინის“ საკითხის შესახებ. ამას ორი მიზანი ქონდა: ერთი მხრით, ჩვენ გვინდოდა რამდენიმეთ დაგვენახებოდა მკითხველისათვის, თუ რა ყურადღებას აქცევდნენ საერთაშორისო სოციალიზმის შემქმნელები რუსეთის ხალხის ბედ-იღბალს. მეორე მხრით, ჩვენ ვფიქრობდით, რომ მარქსისა და ენგელსის შეხედულების გაცნობა „ობშჩინის“ საკითხში იმავე დროს აშკარათ დაგვანახებებს იმასაც, თუ რა სერიოზულ დაბრკოლებას წარმოადგენდა რუსეთის „ობშჩინა“ კაპიტალიზმის განვითარებისათვის არა მარტო მეურნეობაში, არამედ ინდუსტრიაშიაც. მართლაც — თუ განსაზღვრულ პირობებში შესაძლებელი იყო რუსეთის კაპიტალიზმის განვითარების შეჩერება და იმავე დროს ობშჩინის განვითარების უმაღლესი ფორმის ბაზისათ (Ausgangspunkt) გარდაქცევა, სიანს რუსეთის „ობშჩინას“ კიდევ ქონდა შენარჩუნებული საკმარისი ცხოველყოფელი ძალა თავის განვითარებისათვის. მაგრამ საქმე ის არის, რომ მარქსი და ენგელსი სრულებით იმას არ ამტკიცებდნენ, ვითომც ობშჩინაში მოიპოვებოდა ისეთი ძალა, რომელიც მას განვითარებისაკენ ეზიდებოდა; პირიქით, იმათი შეხედულებით რუსეთის „ობშჩინის“ მსგავს

ფორმას არასოდეს და არსად არ განუვითარებია დამოუკიდებლათ საზოგადო მფლობელობის უმადლესი ფორმა. თუ რუსეთის „ობშჩინისათვის“ ამას ისინი შესაძლებლათ თვლიდენ, ეს არა იმიტომ, რომ თვით „ობშჩინაში“ ხედავდენ ისინი ამისათვის საკმაო ძალას, პირიქით, როგორც ზევით ნათქვამიდან ვიცით, ასეთ ძალას ისინი „ობშჩინის“ გარეთ ეძებდენ.

ჩვენ ჯერ არსებითად არ შევხებივართ იმ კითხვის განხილვას, თუ თავის თავათ რას წარმოადგენს რუსეთის დღევანდელი ობშჩინა? მარტო იმის თქმა, რომ იგი პირველყოფილი კომუნისმის ნაშთია, მის დასახასიათებლათ საკმარისი არაა. როგორც ვიცით, პირველყოფილი კომუნისმის არსებით თვისებას შეადგენდა ის გარემოება, რომ იქ წარმოება ხდებოდა კომუნის ანუ თემის შეერთებული ძალით და იმიტომ იქ ადგილი არ ქონდა კერძო დამოუკიდებელ ოჯახებს. სულ სხვას წარმოადგენს რუსეთის თანამედროვე „ობშჩინა“: აქ შენახულია მხოლოდ მიწის საზოგადო მფლობელობა; რაც შეეხება თვით წარმოებას, მას უკვე საზოგადო ხასიათი სრულებით აღარ აქვს; წარმოების ცენტრათ აქ გადაქცეულია კერძო, დამოუკიდებელი ოჯახები. ეს არის განსაკუთრებული საზოგადოებრივი წეს-წყობილება, რომელსაც საფუძვლად უდევს პატრიარქალურ-ნატურალური წარმოება. თითოეული კერძო ოჯახის დამოუკიდებლობა და თანასწორობა დამოკიდებულია იმაზე, თუ რამდენათ ვითარდება ასეთ საზოგადოებაში საქონლის გაცვლა-გმოცვლა და წარმოება. მას შემდეგ, რაც საზოგადოებაში საქონლის წარმოების განვითარება იწყება, მიწის საზოგადო მფლობელობა მხოლოდ გარეგანი ქერქის სახეს ინახავს, რომლის შიგნით კერძო ოჯახების წინანდელი დამოუკიდებლობა და თანასწორობა თანდათან ქრება. ამის საუკეთესო მაგალითს გვაძლევს რუსეთის ობშჩინა. მიუხედავით იმისა, რომ საზოგადო მიწათმფლობელობას ობშჩინის თითოეული წევრი მიწის მხრით თანასწორობათ უნდა უზრუნველყუო, ნამდვილათ კი ჩვენ სულ წინააღმდეგს ვხედავთ: „ობშჩინის“ გულში უკვე წარმოიშვა, ერთი მხრით, ეგრეთ წოდებული აგრარული პროლეტარიატი და მეორე მხრით; სოფლის ბურჟუაზია, „კულაკების“ და „სოფლის მკამელების“ (мироеды) სახით, რომლებს ხელში გროვდება „ობშჩინის“ გალატაკებულ წევრების მთელი სარჩო-საბადებელი. „რაც დრო გადის, — ამბობს მ. კოვალევსკი⁶⁾, ჩვენ ვაძწევთ. რომ მიწის საზოგადო მფლობელობის სარგებლობიდან უფრო და უფრო მეტი პირი რჩება გამორიცხული ფაქტიურათ, თუ იურიდიულათ არა. აგრარული პროლეტარიატი დღითი-დღე მატულობს და მისი განვითარ-

რების შეჩერება შესაძლებელია იმ შემთხვევაში, თუ „ობშინას“ ნება ექნება ზედმეტი წვერი ქალაქში გაისტუმროს ან კიდევ ციხიბრისაკენ გადაასახლოს*). კოვალევსკი აგრარული პროლეტარიატის განვითარებას იმიტ ხსნის, რომ მცხოვრებთა რიცხვმა იმატაო. მაგრამ ერთი ვიცი თხოთ: ის გარემოება რითილა აიხსნება, რომ „კულაკების“ და „სოფლის მკამელების“ ხელში გროვდება „ობშინის“ გალატაკებულ წვევრების შესახვედრი ნაწილი საზოგადო მიწებიდან? თვით კოვალევსკის მოყავს თავის წიგნში ისეთი მაგალითი, როცა ერთ კულაკს, „სოფლის მკამელს“ ხელში ჩაუგდია ის მიწები, რომლებიც ობშინის წესის მიხედვით 200 წვევრის წილს უდრიდა**). აშკარაა, მცხოვრებთა გამრავლება აქ არაფერ შუაშია. საქმე იმაშია, რომ რუსეთის დღევანდელ „ობშინაში“ მიწის საზოგადო მფლობელობა მხოლოდ სიტყვით არსებობს; ნამდვილათ კი ამ საზოგადო მიწებით ის სარგებლობს, ვისაც შეძლება აქვს, ვინც მდიდარია, ე. ი. ვისაც თანამედროვე პირობებში, საქონლის წარმოების წყალობით, დიდძალი ფული შეუძენია***). ერთი სიტყვით, ჩვენ ვხედავთ, რომ რუსეთის ობშინაში უკვე მიწის საზოგადო მფლობელობის ბაირალის ქვეშ ნამდვილი კაპიტალისტური წარმოებაა გაბატონებული. მაგრამ ჩვენ ვიცით, რომ „ობშინა“ მეტათ სერიოზულ დაბრკოლებას წარმოაღვენდა კაპიტალისტური წარმოების განვითარებისათვის; იგი ამ შემთხვევაში ნამდვილათ მუხრატკის როლს თამაშობდა.

ობშინური წესწყობილება უმეტეს შემთხვევაში შეუძლებლათ ხდის და „ობშინის“ ფარგალში მეურნეობის გაუმჯობესებას და შრომის ნაყოფიერების განვითარებას. მიწების ხელახალი გადაყოფა, რაც ობშინის ჩვეულების თანახმად უნდა ხდებოდეს განსახლვრულ ხნის განმავლობაში (ჩვეულობრივ თვითეულ 12 წლის განმავლობაში) იმის მიზეზი იყო, რომ ნიადაგის გასუქებაზე იშვიათათ თუ ვინმე ფიქრობდა, მეორე მხრით, ობშინა იყო ისეთი დაწესებულება, რომელიც საშინლათ ზღუდავდა თავის წვევრების პიროვნების თავისუფლებას. ეს შეზღუდვა განსაკუთრებით მთელი თავისი სისასტიკით თავზე აწვებოდა ობშინის გაქვივრებულ ნაწილს. პიროვნების თავისუფლების შეზღუდვის ყველაზე უფრო აშკარა მაგალითს ჩვენ გვაძლევს ეგრეთ წოდებული საერთო პასუხისმგებლობა (КРУ-

*) M. Kovalewsky. de regime economipue de la Russie. Paris გვერ. 137.

**) ibid.

***) ობშინის წვევრებათ დღეს ითვლებიან ერთი მხრით თითქმის მილიონერები და მეორე მხრით სრულებით მათხოვრები, რომელთაც სრულებით არაფერი არ გააჩნიათ.

говая порука), ობშჩინის საერთო პასუხისმგებლობა მთავრობამ შექნა იმ მიზნით, რომ გლეხობისაგან გადასახადების აკრეფა უზრუნველყო. მთავრობა გადასახადებს პირდაპირ ობშჩინებზე ანაწილებდა, ასე რომ, მას საქმე მთელ ობშჩინასთან ქონდა და არა მის კერძო წევრებთან. ობშჩინა თავის მხრით ანაწილებდა ამ გადასახადებს თავის წევრებს შორის და აკრეფის შემდეგ ერთად აბარებდა ხაზინას. ამასთანავე წინააღმდეგ, ვისაც თავის დროზე არ შეეძლო გადასახადის მიცემა, ობშჩინა ყოველგვარ სასტიკ ზომას ხმარობდა: უყილდა მოძრავ ქონებას, გარდა სამეურნეო იარაღებისა: გზავნიდა იმათ სამუშაოზე კერძო მემამულეს ეკონომიაში ან მახლობელ ქარხანაში და რაც იმათ აქედან ხელფასი ერგებოდა, თვითონ იღებდა *). იმავე დროს ობშჩინა თავის წევრებს ობშჩინიდან გასვლის ნებას არ აძლევდა.

ამნაირათ ერთნაირი ბატონ-ყმური წესწყობილება თვით ობშჩინაში იქნა შემოღებული. ამას, რა თქმა უნდა, უპირველეს ყოვლისა მთავრობა უწყობდა ხელს. მაგრამ ობშჩინა არ წარმოადგენდა ისეთ წესწყობილებას, რომელსაც წინააღმდეგობის გაწევა შესძლებოდა ახალ საზოგადოებრივ ურთიერთობისათვის. რაც დრო მიდიოდა, ობშჩინაში ცხოვრება გლეხს უჭირდებოდა; იქ იგი თავის-თავს შევიწროვებულათ სთელიდა, მას იქ სული ეხუთებოდა და იგი სულ-ყოველთვის მზათ იყო იქიდან რაიმე ნაირათ თავი დაეხწია. მიუხედავათ ობშჩინის წინააღმდეგობისა, მისგან თავის დახწევა მაინც შესაძლებელი ხდება წევრებისათვის. „რუსის გლეხი—ამბობს კოვალევსკი—ტოვებს თავის ობშჩინას და მიდის სამუშაოს სამებნელათ სხვაგან ერთად ერთი მიზნით, რათა თავი დაახწიოს პასუხისმგებლობას გადასახადის შეუტანლობისათვის. ეს ტენდენცია ობშჩინიდან თავის დახწევისა არსებობს ყველაზე უფრო იქ, სადაც გლეხი—კომუნისტი დარწმუნებულია, რომ იგი ობშჩინის გარეთ იშოვნის ლუკმა პურს. სწორეთ ასეთთა სამრეწველო ადგილები, სადაც ფაბრიკები და ქარხნები არსებობენ და სადაც გლეხები სამუშაოს შოულობენ“ **).

ზევით ნათქვამიდან ჩვენ აშკარათ ვხედავთ, რომ ეკონომიური უთანასწორობა და ამ უთანასწორობაზე დამყარებული ღრმა კლასობრივი

*) იხ. M. Kovalevsky ibid გვ. 140. აღიარებს რა, ამას კოვალევსკი, კითხვობს: ამას შემდეგ ყველას აქვს უფლება იკითხოას: რაში ესაჭიროება გლეხს პიროვნების თავისუფლება, რომელიც ვითომდა მას მიანიჭეს 1861 წლის განამთავისუფლებელი კანონით, როცა სოფლის მამასახლისის ყოველ წუთს შეუძლია იგი ძალდატანებით სამუშაოზე გაიწვიოს.

**) ibid გვ. 147-8.

განხეთქილება უკვე თვით ობშჩინაში საკმარისად განვითარებულია. უკანასკნელ დრომდე ობშჩინის არსებობა იმაში იხატებოდა, რომ მას დაეფარა ის, რაც მის შიგნით ხდებოდა. და მართლაც, ამ საქმეში მან დროებით საკმარისი უნარი გამოიჩინა; მაგრამ ბოლოს ეს შეუძლებელი შეიქნა. დღეს ობშჩინის როლი შესრულებულათ უნდა ჩაითვალოს. ის, რასაც რუსეთის ობშჩინა მე XIX საუკუნის მეორე ნახევარში ემსახურებოდა, კაპიტალისტური წარმოების თავისუფლათ განვითარების შეფერხება იყო, ჩვენ ვიცით, რომ მან ეს განვითარება შეაფერხა, მაგრამ მისი შეჩერება კი ობშჩინას არ შეეძლო. მეორე მხრით სრულებით გამტყუნდა იმათი ოცნება, ვინც ფიქრობდა, რომ ობშჩინის საშვალეებით, კაპიტალიზმის გვერდის ავლით, რუსეთის ხალხი განახორციელებს ტანჯული კაცობრიობის, ანუ უფრო მართალი რომ ვთქვათ, მუშა ხალხის უმაღლეს საზოგადოებრივ იდეას, — ე. ი. განახორციელებს სოციალისტურ წესწყობილებასო. ასეთ ოცნებაზე ჩვენ შეგვიძლია ვუპასუხოთ მ. კოვალევსკის შემდეგი სიტყვებით, რომლებიც მან სწორედ ამის თაობაზე წარმოსთქვა: „ასეთი სურვილი რომ განხორციელდეს, ამისათვის საჭირო იქნებოდა, რომ ის ბრძოლა, რომელსაც ობშჩინის შიგნით იწვევს ინტერესთა შეჯახ-შემოჯახება, ერთი დაკვრით შეჩერებულიყო, რომ ერთი მეორეს გვერდით საკუთრების ორი სულ სხედასხვა ფორმის, ერთი მხრით, კერძო და, მეორე მხრით, საზოგადო საკუთრების არსებობამ არ იქონიოს გავლენა ობშჩინის ბედზე, რომ კაპიტალიზმი, რომელიც მრეწველობაში სრულ განვითარებამდე აღწევს, სოფლად არ გავრცელდეს, რომ ბურჟუაზიამ ხელი აიღოს თავის ისტორიულ როლზე მიწების შეძენის შესახებ... მაგრამ თუ ეს შესაძლებელია, მაშინ რათ არ არის შესაძლებელი, რომ კაცობრიობის ტანჯვა და უსამართლობა ერთბაშათ შეწყდეს და ქვეყნად სიმართლე დამკვიდრდესო“ *).

*) *ibid* 83. 157.

საგლეხო რეფორმა.

(1861 წლის 19 თებერვლის დებულება).

19 თებერვლის დებულება, რომელიც საგლეხო რეფორმის სახელით არის ცნობილი და რომლის ძალით რუსეთში ბატონ-ყმური ურთიერთობა უქმდებოდა, გამოცხადდა 1861 წლის 5 მარტს. რაში მდგომარეობდა ამ რეფორმის არსებითი მხარე, მისი ძირითადი საფუძველი?

როცა 1861 წლის საგლეხო რეფორმაზე ვლაპარაკობთ, ჩვენ მუდამ თვალწინ უნდა გვედგას ის გარემოება, რომ რუსეთის მთავრობა, წინააღმდეგ თავის სურვილისა, ჟამთა ვითარების გამო, იძულებული შეიქნა ბატონ-ყმობა გაეუქმებია. ამ გარემოებას წაუშლელი დალი უნდა დაესვა, — და დაასვა კიდევ, — ჯერ თვით რეფორმაზე და შემდეგ აგრარულ ურთიერთობის განვითარებაზე.

19 თებერვლის დებულებამ გლეხი სოფლის თავისუფალ მცხოვრებლათ აღიარა. გლეხი, როგორც საგანი ანუ ნივთი ბატონ-ყმობის დროს, რომლის ბედ-იღბალს სავსებით მებატონე განაგებდა, ამიერიდან თავისუფალი შეიქნა. უუქველია, დიდი საქმე იქნებოდა, რომ ეს განთავისუფლება ნამდვილი ყოფილიყო, ესე იგი, რომ ეს მკვიდრ საფუძველზე ყოფილიყო აგებული. თავის თავად, განყენებულათ, არავითარი თავისუფლება არ არსებობს. ყოველგვარი თავისუფლება დამოკიდებულია იმ კონკრეტულ პირობებზე, რომლებშიც იგი უნდა განხორციელდეს. ჩვენ კარგათ ვიცით, თუ რას ნიშნავს თავისუფალი ხელშეკრულება მუშასა და კაპიტალს შორის. თავისუფლება მუშის, რომელიც მოკლებულია ყოველგვარ საშვალებას, ცხოვრების ყოველგვარ სახსარს და იძულებულია თავისი სამუშაო ძალა მიყიდოს სხვას და თავისუფლება კაპიტალისტის, რომელსაც ეკუთვნის წარმოების საშვალეობა ანუ იარაღი და რომელიც თავის სიმდიდრის გასაზიდებლათ ყიდულობს ბაზარზე სამუშაო ძალას, არსებითათ სულ სხვადასხვა მოვლენაა. პირველის, ე. ი. მუშის თავისუფლება ამ შემთხვევაში ნიშნავს სიმშოლისაგან სიკვდილის თავისუფლებას, მეორესი, ე. ი. კაპიტალისტის თავისუფლება კი მოასწავებს სხვისი გაყვლეფის, სხვისი შრომის ნაყოფით სარგებლობის თავი-

სუფლებას. ასეთია თანამედროვე ბურჟუაზიული თავისუფლების ძირითადი თვისება. ახლა განვიხილოთ ის, თუ რაზე იყო აგებული გლეხების გან-თავისუფლება?

ბატონ-ყმობის დროს გლეხი საესებით ბატონის სურვილზე იყო დამოკიდებული. ისპობოდა თუ არა ეს დამოკიდებულება გლეხების გან-თავისუფლებით? სრულებითაც არა. ამ დამოკიდებულებამ მხოლოდ გა-რეგნულათ იცვალა სახე, არსებითად კი იგი ისეთივე დარჩა, როგორც წინათ იყო, თუ კიდევ უფრო არ გამაგრდა. საქმე იმაშია, რომ საზო-გადოებრივ ცხოვრებაში თავისუფლება დამყარებულია ეკონომიურ საფუ-ძველზე. გლეხების განთავისუფლებას მხოლოდ მაშინ ექნებოდა მკვიდრი საფუძველი, თუ რომ გლეხს თავისუფლებასთან ერთად ცხოვრებისათვის და ცოლ-შვილის გამოსაკვებათ სამყოფ მიწასაც მისცემდნენ, ისე რომ იგი მიწის მხრით უზრუნველყოფილი და არავისზე დამოკიდებული არ იქნებოდა. სამწუხაროთ ეს ასე არ მოხდა და არც შეიძლებოდა რომ მომხდარიყო. მართალია, გლეხის პიროვნება განთავისუფლებულ იქნა მებატონის თვითნებობისაგან; მაგრამ იმავე დროს გლეხის მარჩენალი მიწა, მისი ცხოვრების უმთავრესი, თითქმის ერთად ერთი წყარო, მება-ტონის სრულ საკუთრებათ იქნა აღიარებული. აქ საჭიროა ორი სიტყვით გავიხსენოთ, თუ რაგვარი ხასიათის იყო ბატონ-ყმობის დროს მიწის სარ-გებლობა, ან თუ როგორ იყო დანაწილებული მიწა მებატონესა და გლეხებს შორის.

ყოველგვარი მიწები, სამოსახლო მიწებს გარდა, ბატონ-ყმობის დროს, სამ კატეგორიით (ნაწილათ) იყო დაყოფილი. პირველი კატეგორიის მი-წებს შეადგენდა, ეგრეთ წოდებული, საბატონო მიწები. ამ მიწებზე მე-ბატონეები აწარმოებდნენ თავის საკუთარ მეურნეობას, რისთვისაც გლე-ხები ვალდებული იყვნენ შეესრულებიათ ყოველგვარი მუშაობა, როგორც მაგალითად, გაწმენდა, გათოხნა, დაბარვა, მოხვნა, დაფარცხვა, მომკა, გადატანა და სხვ. ამგვარ მუშაობას ბევრა ეწოდებოდა. საბევრო სა-მუშაოს გლეხები თავისივე ხელსაწყოთი, სამეურნეო იარაღებით, თავისი ხარ-კამებით ასრულებდნენ, ასე რომ, მებატონეს უზრუნველყოფილი ქონ-და თავისი საკუთარი მეურნეობის საწარმოებლათ როგორც გლეხ-კაცის მუქტი შრომა, ისე მუშაობისათვის საჭირო ყოველგვარი იარაღი.

მეორე კატეგორიის მიწებს შეადგენდა ის მიწები, რომლებიც გლე-ხებს ქონდათ მიზომილი და რომლითაც ისინი სარგებლობდნენ თავის მოთხოვნილებათა დასაკმაყოფილებლათ.

მესამე კატეგორიის მიწებს შეადგენდა განსაკუთრებით საძოვარი და სათიბი ადგილები და აგრეთვე ტყე და წყალი. ესენი არავის განსაკუთრებულ სარგებლობაში არ იმყოფებოდნენ და ამიტომ აქედან ყველა, როგორც გლეხი, ისე მებატონე, თავის საჭიროების კვალობაზე თავისუფლათ სარგებლობდა.

გლეხების განთავისუფლებისათვის საჭირო იყო, — რა თქმა უნდა, თუ ეს განთავისუფლება მარტო სიტყვით არ იქნებოდა, არამედ საქმით, — ყველა იმ მიწების გლეხების სრულ, ხელუხლებელ საკუთრებათ გამოცხადება, რომლებითაც ისინი სარგებლობდნენ და აგრეთვე უზრუნველყოფა მათთვის, როგორც საძოვარ და სათიბ ადგილების, ისე ტყისა და წყლის. სულ სხვანაირათ მოიქცა რეფორმა: მან სამივე კატეგორიის მიწები იმ მიწების მიმატებით, რომლებზედაც გლეხებს შენობები ქონდათ აგებული, ესე იგი სამოსახლო მიწებიანათ, მებატონეების სრულ საკუთრებათ აღიარა. ეს ნიშნავდა გლეხკაცობის აშკარა ექსპროპრიაციას, გაძარცვას.

ამნაირათ რამდენიმე მილიონი გლეხკაცობა, როგორც ყოველგვარ საკუთრებას მოკლებული, რომელსაც საცხოვრებელი სახსარი, — მიწა, ხელიდან გამოაცალეს, ქუჩაზე უნდა გამოეყარათ. და თუ ერთბაშით გლეხების ქუჩაზე გამოყრა არ მოხდა, ეს საფრთხით რეფორმის მოთავეების ჯამბაზობასა და მოხერხებას უნდა მიეწეროს. იმათ, რა თქმა უნდა, კარგათ იცოდნენ, რომ თუ გლეხებს ერთბაშით მიწიდან აყრიდნენ და ქუჩაზე გაისტუმრებდნენ, ეს ცეცხლზე ნავთის დასხმა იქნებოდა და გლეხების დაწყნარების მაგიერათ იმ აჯანყებას მოიმიქიდნენ, რაც ყოველთვის შიშის ზარს გვრიდა როგორც ნიკოლოზ I-ს, ისე ალექსანდრე II-ს. ერთი სიტყვით; საჭირო იყო ისეთი ღონისძიება, რომლის მეოხებით რეფორმის ცხოვრებაში გატარება გაადვილებულიყო და მისი აზრი და მნიშვნელობა პირველ ხანებში ხალხისათვის გაუგებარი დარჩენილიყო. და მართლაც საქმე ისე მოაწყვეს, რომ პირველად ბევრს არც კი გაუგია, თუ ნამდვილათ რა მოხდა და თვით გლეხ-კაცობაც ვერ მიხვდა, თუ როგორ გაძარცვეს იგი. როგორ მოხდა ეს?

ჩვენ უკვე ვიცით, რომ რეფორმამ ყველა მიწები; სულ ერთია რა კატეგორიისაც არ უნდა ყოფილიყო, მებატონეებს მიაკუთვნა. მაგრამ, რაც შეეხება მეორე კატეგორიის მიწებს, რომლებზედაც გლეხები ესახლნენ და რომლებიდანაც ისინი ცხოვრობდნენ; ეს მიწები ისევ გლეხების მუდმივ სარგებლობაში დატოვეს და გლეხებს დაევალებს, რომ ყოველწლივ მემამულეს სასარგებლოთ ეხადათ ერთხელ და სამუდამოთ გადა-

წყვეტილი გადასახადი ფულათ. მემამულეს უფლება არ ქონდა გაეყიდა, დაევირავებია ან გაეჩუქებია საგლებო ნადელები; თავის მხრით არც გლეხს ქონდა ამის უფლება, სანამ იგი თავის ნადელს არ გამოიყიდა, რაც მემამულის თანხმობით უნდა მომხდარიყო.

ამნაირათ საგლებო ნადელების ნამდვილი მესაკუთრე იყო მემამულე და არა გლეხი, მაგრამ შესახედავათ ისე გამოდიოდა, რომ ნადელი ვითომც გლეხის საკუთრებას შეადგენდა. ეს ყალთაბანდობა ასე იყო გამოთქმული საერთო დებულების მე-3 მუხლში: „მებატონეები განსაზღვრულ გადასახადისათვის აძლევენ გლეხებს მუდმივი სარგებლობისათვის სამოსახლო ადგილებს და გარდა ამისა, გლეხების არსებობის უზრუნველსაყოფათ და თავისი მოვალეობის შესასრულებლათ მთავრობისა და მებატონეების წინაშე იძენენ სახნავ, სათიბ და საძოვარ მიწას, რამდენიც ნაჩვენები იქნება ადგილობრივ დებულებაში“ *).

აქედან სჩანს, რომ ყველა იმ მიწებს, რომლებიც ბატონ-ყმობის დროს გლეხების სარგებლობაში იყო, განთავისუფლების შემდეგ გლეხებს არ უტოვებდენ. დებულებაში ნაჩვენები იყო ნადელის უდიდესი და უმცირესი ნორმა. თუ ვინცობაა ბატონ-ყმობის დროს გლეხს თავის სარჩენათ უდიდეს ნორმაზე მეტი მიწა ქონდა, განთავისუფლების შემდეგ მებატონეს სრული უფლება ქონდა ეს ზედმეტი ჩამოეჭრა. მეორე მხრით, მებატონეს რეფორმამ ის უფლებაც მიანიჭა, რომ მას დაეტოვებია თავის პირდაპირ განკარგულებაში ყველა თავის მიწების ერთი მესამედი (ზოგან ნახევარიც); ამ შემთხვევაში გლეხებს ნადელი უმცირდებოდა.

ამნაირათ გლეხებს არა თუ სავსებით დააბანიეს ხელი ტყეზე, სათიბზე და სხვ., არამედ იმათ შეუშეშეს ისიც, რაც ბატონ-ყმობის დროს პირდაპირ იმათ განკარგულებაში იყო. აქედან წარმოდგა ცნობილი ჩამონაჭრები. ამ ჩამონაჭრების რაოდენობა რუსეთში შეადგენდა ერთ მეოთხედს იმისას, რაც წინათ გლეხების სარგებლობაში იყო. ეს იყო მებატონეებისათვის დათმობა. მაგრამ უფრო საგრძნობელი ის იყო, რომ გლეხ-კაცობის რამდენიმე ჯგუფს სრულებით არ ახვედრეს „ნადელი“.

ასეთი იყვნენ შინა-ყმები და მცირე მამულიან მებატონეთა ყმები. ასეთი გლეხების რიცხვი რუსეთში საკმარისათ დიდი იყო, და აი ისინი პირდაპირ ქუჩაზე დარჩენ გამოყრილი. რა თქმა უნდა, მებატონესათვის

*) გარდა საერთო დებულებისა თითოეული ადგილისათვის ცალკე, ადგილობრივი დებულება გამოიკა.

ხელსაყრელი არ იყო თავისი საბატონო მიწიდან თავის შინა-ყმისათვის ნადელი მიეზომა, თუმცა ის არსებითად ამით სრულებით არაფერს კარგავდა და შეიძლება იგებდა კიდევ, ვინაიდან ნადელზე შედარებით დიდი გადასახადი იყო დადებული; მაგრამ საგლეხო ნადელი მებატონესთვის სადავიდარაბო საქმე იყო და ვარდა ამისა მას არ შეეძლო არც დაევირავებია და არც გაეყიდა იგი. ამიტომ მებატონეებმა არჩიეს შინა-ყმების სრულებით უნადელოთ გასტუმრება და კიდევაც მიაღწიეს თავის მიზანს. ასევე ითქმის მცირე მამულიან მებატონეების შესახებაც. თუ ისინი თავის ყმებს ნადელებს მიუზომვიდნენ, იმათი საკუთარი, ხელშეუხებელი მამული შემტკრდებოდა და ვინაიდან ნადელები ბოლოს გლეხების საკუთრებათ უნდა გადასულიყო, ამიტომ მცირე მამულიანი მებატონეები ერთ მშვენიერ დღეს სრულებით უმამულოთ უნდა დარჩენილიყვნენ. ეს რა თქმა უნდა არ შედიოდა მთავრობის განზრახვაში და უწინარეს ყოვლისა ეს არ უნდოდათ თვით მებატონეებს. ამიტომ მცირე მამულიანი მებატონეები სრულებით განთავისუფლებულ იქნენ ნადელების მიზომვისაგან თავის ყოფილ ყმებისათვის, და ვარდა ამისა, იმათ შემწეობაც მიიღეს ხაზინისაგან—ხუთი მილიონი მანეთი, ალბათ გლეხების მუქთი შრომის დაკარგვისათვის. ასე ხდებოდა რუსეთში საგლეხო რეფორმა.

როგორც რეფორმის გამოცხადების დროს, ისე შემდეგ შიაც ხალხს არწმუნებდნენ იმაში, რომ ვითომც მებატონეებმა დიდი უანგარობა გამოიჩინეს ყმების განთავისუფლების დროს, რომ იმათ ვითომც სურვილი განაცხადეს გლეხის მუქთი სამსახურის დაკარგვაზე და ამის ანაზღაურებისათვის იმათ ვითომც არც კი უფიქრიათ. ასეთი შეხედულება სრულებით მოკლებულია სიმართლეს. საგლეხო რეფორმის ყველა მკვლევარები თანახმა არიან იმაში, რომ ის გადასახადი, რომელიც გლეხებს დააკისრეს ნადელების სარგებლობისათვის, იმდენათ დიდი იყო, რომ იგი სრულებით არ შეეფერებოდა სანადელო მიწის შემოსავალს.

უზრუნველ უყვეს რა მებატონეებს გლეხის მუქთა შრომის მაგიერ მინიმალური შემოსავალი მამულიდან სავალდებულო გადასახადის სახით გლეხებისაგან მიწის სარგებლობისათვის, მთავრობა უწინარეს ყოვლისა ზრუნავდა იმისთვის, რომ მებატონეებისათვის მუქთი შრომის დაკარგვა რაც შეიძლება ნაკლებ საგრძნობელი ყოფილიყო. ეკვი არ უნდა ვიქონიოთ იმაში, რომ ამ გადასახადის გაწერის დროს მთავრობა ამ მოსაზრებით ხელმძღვანელობდა. სავალდებულო გადასახადი გაწერილ იქნა არა მიწის რაოდენობის კვალობაზე, არამედ სულის კვალობაზე:

ამასთანავე ამ გადასახადს უფარდებდნენ არა მარტო მიწების სხვადასხვა ღირებულებასა და შემოსავლიანობას სხვადასხვა ადგილას, არამედ აგრეთვე იმ შემოსავალს, რომელსაც გლეხები ღებულობდნენ მეურნეობის გარეშე.

ამაირათ აშკარაა, რომ იმ გადასახადებში, რომელსაც გლეხებიდან იღებდნენ მიწის სარგებლობისათვის, დაფარულათ მოპოვებოდა მებატონეთა ანაზღაურება ბატონ-ყმური უფლების დაკარგვისათვის. რომ ეს ასე იყო, ამაში გამოტყდა ბატონ-ყმობის გაუქმების შემდეგ თვით თავადაზნაურობის ერთი წარმომადგენელთაგანი. 1880 წელს, როცა ნადლეების გამოსაყიდი გადასახადი ძლიერ მძიმე ტვირთად დაწვა თავზე რუსეთის გლეხობას, რის გამოც დაიბადა ის აზრი, რომ საჭიროა იმათი შემცირება, ი. სამარინი აი რას სწერდა: „ნადლეების დახსნის, გამოყიდვის საქმე არასოდეს არ ყოფილა და არც შეიძლებოდა რომ ყოფილიყო საკუთრივ მიწის გამოყიდვა, არამედ იგი იყო გამოყიდვა იმ ბეგარისა, რომელიც აწვა რამდენიმეთ მიწას, რამდენიმეთ პიროვნებასო“.

სავალდებულო გადასახადის ძლიერ რეფორმის აზრით საძულამოთ არ უნდა გაგრძელებულიყო. გლეხებსა და გლეხთა საზოგადოებებს შეეძლოთ თავისი ნადლეების გამოყიდვა; ამისათვის მთავრობა უწევდა იმათ დახმარებას გრძელვადიან ($49\frac{1}{2}$) სესხის მიცემით. მაგრამ გამოყიდვა დამოკიდებული იყო ორივე მხარის ნებაყოფლობით შეთანხმებაზე. თუ მიწის პატრონი თანახმა არ იყო, გლეხს ნადელის გამოყიდვა არ შეეძლო. სამაგიეროთ, თუ მემამულე თხოულობდა, იმ შემთხვევაში გლეხს ვარის თქმა აღარ შეეძლო ნადელის გამოყიდვაზე, მხოლოდ ამ შემთხვევაში მემამულე კარგავდა დამატებითი გადასახადის აღების უფლებას. მაგრამ მიუხედავად ამისა მემამულეები მაინც სასარგებლოდ თვლიდნენ თავისთვის ამ პირობებში გამოყიდვის მოხდენას; რასაც ამტკიცებს, სხვათა შორის, შემდეგი ფაქტი: 1877 წლის პირველი იანვრამდე რუსეთის 39 გუბერიაში დამტკიცებული საქმეების რიცხვი (ნადლეების გამოსაყიდავი) 61,784 იყო; ამათგან მემამულეებთან შეთანხმებით 21,598, ე. ი. 35% და მემამულეების მოთხოვნით კი 40,186 ე. ი. 65% .

გარდა გამოყიდვისა მთავრობის შემწეობით ნადელის შეძენა საკუთრებათ კიდევ ორი გზით შეიძლებოდა; სახელდობრ: 1) საერთო მოქალაქობრივ საფუძველზე—უძრავი ქონების ერთი პირისაგან მეორეზე გადასვლით, რისთვისაც საჭირო იყო ურთიერთი შეთანხმება; და 2) გლეხების თანხმობით მემამულეს შეეძლო დაეთმო გლეხებისათვის უსასყიდლოთ ნადელის არა ნაკლებ ერთი მეოთხედი ნაწილი, ანუ ეგრეთწოდებული საგლახაკო ნადელი¹⁰⁾.

ამიერ-კავკასიის გლეხ-კაცობის მდგომარეობა.

ამიერ-კავკასიის გლეხობა სრულებით გამოუცნობი საგანია ჯერ-ჯერობით. ჩვენ ჯერ არა თუ არ მოგვეპოვება მისი ისტორია, არამედ მის დღევანდელ მდგომარეობაზე ნამდვილი წარმოდგენაც კი არა გვაქვს. მთავრობას გლეხკაცობა აინტერესებდა როგორც გადამხდელი წოდება; გარდა ამისა ჩვენში არ იყო და არც დღესაც არის ისეთი საზოგადოებრივი ხასიათის დაწესებულება, რომელსაც ეკლარა გლეხ-კაცობის შესწავლა. პრესა კი ჩვენში ყოველთვის უძლური იყო და დღესაც უძლურია, რომ ასეთი სიმძიმო საქმე თავზე მიეღო.

ამიერ-კავკასიის გლეხ-კაცობა მეტად სხვადასხვაგვარ ელემენტებისაგან შესდგება. რომ დღევანდელი მისი მდგომარეობა ცოტათი მაინც ვაევიგოთ, საქირთა თითოეული ამ ელემენტის ცალკე დახასიათება, რამდენადაც ამას შესაძლოდ ხდის არსებული მასალა.

დავიწყოთ დროებით ვალდებულ გლეხებიდან.

1. დროებით-ვალდებული გლეხები.

ბატონ-ყმობა ჩვენში გაუქმებულ იქნა 1864—67 წ. წ. ამ ახალმა ვანონმა შექმნა დროებით ვალდებული გლეხ-კაცობა. რაში მდგომარეობს ეს ინსტიტუტი?

ჯ განთავისუფლებულ გლეხებს მიუზომეს იმ მიწა-ადგილის ნაწილი, რომლითაც ისინი ბატონ-ყმობის დროს სარგებლობდნენ. მაგალითად, თფილისის გუბერნიაში საბატონო გლეხებს ბატონ-ყმობის დროს ჰქონდათ თავის სარგებლობაში 84,665 დესეტინა მიწა, ანუ კომლზე 5,9 დესეტინა. განთავისუფლების შემდეგ კი ხსენებულ გლეხებს საერთოდ მიუზომეს მხოლოდ 55,679 დესეტინა მიწა, ესე იგი, 28,986 დესეტინაკლები, ანუ საშვალათ 3,9დეს. თითო კომლზე. ქუთაისის გუბერნიის შესახებ ამგვარი ცნობა არა გვაქვს, თუმცა არსებითად იქაც ასევე მოხდა. ჯ მაგრამ საგულისხმევია ის არის, რომ, რაც მიუზომეს, ის მისი საკუთრებათ კი არ გაუზიდათ, პირიქით, გლეხს მისცეს მხოლოდ იმ მიზ

ნით, რომ მას იგი დაემუშავებია და მოსავლის მეოთხედი ყოფილ ბატონისათვის ეძლეა, და ამავე დროს სახელწიფოს სასარგებლოთაც განსახლებული გადასახადი ეხადა.

ჩმართალია, ასეთი დამოკიდებულება მთავრობამ დროებით ვალდებულების სახელით მონათლა, ე. ი. გლეხს ნება მისცა თავის დახსნისა ანუ მიწის გამოყიდვისა, რომელიც მას ბატონ-ყმობის უფლის ვადვარდნის შემდეგ მიუზომეს (და რომელშიაც მისი და მისი მამა-პაპების ოფლი და სისხლი იყო ჩაღვრილი). მაგრამ ეს გამოყიდვაც ნაბატონარსა და ნაყმევს შორის ურთიერთ შეთანხმებაზე იყო დამოკიდებული და გლეხს კიდევაც რომ შეძლება ქონებოდა მისი ოფლითა და სისხლით განაყოფრებული მიწის გამოყიდვისათვის, თუ ნაბატონარს არ უნდოდა, ეს გამოყიდვაც არ შეიძლებოდა. და ამას ვხედავთ დღეს ჩვენში.

მიუხედავად იმისა, რომ ბატონ-ყმობის გაუქმების შემდეგ გავიდა სრული 40 წელიწადი, შედარებით ძლიერ მცირე ნაწილმა დაიხსნა თავი, ასე რომ, ეს დროებითი ვალდებულება ლამისაა მუდმივ მდგომარეობათ გადაიქცეს*). ოფიციალური ცნობებით 1889 წლამდის თბილისის გუბერნიაში დროებით ვალდებულ გლეხებს მთავრობის დახმარებით სულ გამოუყიდათ 12,159 დეს. ესე იგი, გამოყიდულ იქნა მხოლოდ 22% იმის, რაც საერთოდ დროებით ვალდებულ გლეხებს მიუზომეს.

საყოველთაოდ ცნობილია, რომ თავის დახსნა პირველ ხანებში უფრო ხშირი იყო, ხოლო ამ უკანასკნელი 15 წლის განმავლობაში კი ეს საქმე მეტად შესუსტდა. აქ ადგილი არ არის, რასაკვირველია, ამ მოვლენის გარკვევას შევეუდღეთ, აშკარაა მხოლოდ ის, რომ შუა-კაცთა გამრავლება, რაც გასულ წელს მოხდა, საქმეს ვერას უშველის, ვინაიდან დაბრკოლება იქიდან მომდინარეობს, რომ ნაბატონარს ათას წილად უჩივენია! დროებით ვალდებული გლეხის შემოსავლის მეოთხედი აიღოს, ვიდრე მას თავი დაახსნას. აქ შუა-კაცი ვერას გახდება.

რაც შეეხება დროებით ვალდებულ გლეხთა მდგომარეობას ქუთაისის გუბერნიაში, სადაც თავის დახსნა უფრო აჩქარებული ნაბიჯით ხდებოდა, და ისიც მთავრობის დაუხმარებლათ, დაწერილებით ცნობები არც ამაზე გვაქვს. 1869 წელს ქუთაისის გუბერნიაში ითვლებოდა 48,261 კომლი

) იმის გამო, რომ თავის დახსნის საქმე რუსეთის გუბერნიებში მიდიოდა ძლიერ წელს ნაბიჯით და თვით გლეხ-კაცობის მეურნეობა თანდათან ეცემოდა და ვალიანდებოდა, მთავრობამ 1888 წელს დაადგინა, რომ დროებით ვალდებულ გლეხებს უპიკველათ გამოეყიდათ თავის დახსნადელო მიწა.

დროებით ვალდებულ გლეხთა; ამათგან 1901 წლის დასაწყისში 22,000 კომლს კიდევ არ ჰქონებია თავი დახსნილი. თუ რამდენი მიწა-ადგილი იყო ქუთაისის საბატონო გლეხების სარგებლობაში განთავისუფლების დროს, ან თუ რამდენი მიუზომეს გლეხს ბატონ-ყმობის გაუქმების შემდეგ. ამის შესახებ ცნობები არა გვაქვს. ვიცით მხოლოდ, რომ 1881 წლამდის ქუთაისის გუბერნიაში 23,407 კომლს გამოუყიდა სულ 104,165 დესეტინა მიწა, რაშიაც მიუტა 4.833.258 მან., ანუ თითო დესეტინაში საშუალო რიცხვით 46 მანეთი*). რომ წარმოდგენა ვიქონიოთ იმის შესახებ, თუ თითოეული გამოყიდილი „ნადელი“ რა ზომისაა, მოვიყვანოთ აქ შემდეგ ოფიციალურ ცნობებს 1878—1888 წ.წ. ამ წლებში ქუთაისის გუბერნიაში თავი დაუხსნია 12,615 კომლს. გამოყიდილი ნაქრების რაოდენობა ყოფილა დესეტინებით:

0— 2-ლის	3584	ნაკერი	ანუ	31 ⁰ / ₁₀₀
2— 4 „	2960	„	„	26 ⁰ / ₁₀₀
4— 6 „	2491	„	„	21 ⁰ / ₁₀₀
6—15 „	2194	„	„	19 ⁰ / ₁₀₀
15—30 „	335	„	„	2,6 ⁰ / ₁₀₀
30 ზევით	51	„	„	0,4 ⁰ / ₁₀₀
სულ	11,615			100 ⁰ / ₁₀₀

აქედან რასაკვირველია ჩვენ არ შეგვიძლია დავასკვნათ, თუ რამდენათ არის მიწის სივიწროვე თავდახსნილ ანუ მესაკუთრე გლეხებში. აშკარაა მხოლოდ ის გარემოება, რომ ის ნაწილი დროებით ვალდებულ გლეხთა. რომლებმაც თავი დაიხსნა, უფრო შეძლებული გლეხები იყვნენ; დანარჩენი ნაწილი კი ულტაკეს ეკუთვნოდა, რომელსაც შეძლება ნებას არ აძლევდა ნაღდ ფულზე გამოეყიდა თავისი „ნადელი“ საბატონარისაგან. ამიტომ გასაკვირალი არ არის, რომ დღეს დროებით ვალდებულ გლეხთა მდგომარეობა მეტის მეტად გაქირავებულია. ეს დროებით ვალდებული იმდენათ გამწვავებულია დღეს, რომ თვით მთავრობაც იძულებული შეიქნა იგი ეცნო. აი მაგალითად, რას ვკითხულობთ ქუთაისის საგუბერნიო კომიტეტის მოხსენებაში სასოფლო მეურნეობის საქირავ-

*) ამ საშუალო რიცხვს დიდი მნიშვნელობა არ უნდა მივსცეთ, ვინაიდან მიწის ფასი და მასთან ერთად სანადელო მიწის გამოყიდვა უკანასკნელ წლებში ძალიან გაიზარდა, ასე რომ, თუ ამ 20—30 წლის წინათ დესეტინა მიწა 40 მანეთი ღირდა, დღეს იგი 100—200 მანეთამდე აღის.

ბაზე: „ნადელის“ სიმცირე, სრული დამოკიდებულება ნაბატონარისაგან, რომლის ნება დაუტოველად დროებით ვალდებულ გლახს არ აქვს უფლება მოსავლის შენახვისა და ძლიერ დიდი გადასახადი მიწის მფლობელის სასარგებლოდ, ყოველივე ეს ხსენებული ჯგუფის გლახებს აყენებს მეტად ცუდ პირობებში, რომლებიც გამო არა თუ შეუძლებელია, არამედ სრულიად უსარგებლოცაა, რომ მეურნეობაში რაიმე გაუმჯობესობა შეიტანო“.

ამას ამბობს ოფიციალური ორგანო. და მართლაც, როგორი უნდა იყოს მეურნეობა იმ მიწაზე, რომელსაც ერთ და იმავე დროს ორი პატრონი ყავს. იურიდიულათ დროებით ვალდებულ გლახის მამული ეკუთვნის მის ნაბატონარს, რომელსაც პირველი ვალდებულია ყოველწლივ მოსავლის მეოთხედი ნაწილი აძლიოს; მაგრამ ასეთი უფლება ნაბატონარისა დროებით ვალდებულ გლახების მიწაზე მხოლოდ სიტყვიერია, ვინაიდან მას არ შეუძლია სხვანაირათ ისარგებლოს თავისი უფლებით გარდა იმისა, რომ გლახს ახდევინოს წლიური შემოსავლის მეოთხედი მეორე მხრით, დროებით ვალდებულ გლახს კიდევ უარეს მდგომარეობაში ჩაყენებული: ვითომ იგი კიდევაც ფლობს თავის მიწას, როგორც საკუთრებას და იმავე დროს ვალდებულიცაა მოსავლის მეოთხედი ნაწილი ნაბატონარს აძლიოს, როგორც ღალა, მისი მიწის სარგებლობითავე. ახლა ვთქვათ, რომ გლახს პირადი სარგებლობა ანგარიშს არ აძლევს ასეთ პირობებში თავისი სანადგლო მიწა ამუშაოს, და ამიტომ ჰან მოისურვა იმაზე სრულებით უარი განაცხადოს ან სხვას მიყიდოს; კანონის ძალით ეს მას არ შეუძლია; გაყიდვა შეიძლება საკუთრების, ხოლო დროებით ვალდებულ გლახის მიწა მისი საკუთრება როდია. იმ შემთხვევაში კი, როცა იგი არ ამუშავებს თავის სანადგლო მიწას, მებატონარის სასარგებლოდ მაინც ვალდებულია მოსავლის კვალობაზე მეოთხედი გაიღოს.

ამნაირათ, ეს არის ძალდატანებითი ვალდებულება, რაც ეწინააღმდეგება გლახთა განთავისუფლების დედა-აზრს. მეორე მხრით, ის გარემოება, რომ გლახს ნება აქვს ამ დროებით ვალდებულ მდგომარეობას თავი დააღწიოს; ესე იგი, გამოიყიდოს შემამულესაგან თავისი „ნადელი“ შემოსავლის 60% ზეშეკცით, გლახი იძულებული ხდება თავისი სანადგლო მიწა გაანაოციეროს, გაუმჯობესოს; ვინაიდან ეს შემოსავალს გააღებებს, ხოლო ამ გზით მას კიდევ უფრო გაუძნელდება მისი გამოყიდვარადგანაც ფასი მოემატება.

აი ასეთ მოჯადოვებულ წრეში ტრიალებს დროებით ვალდებული გლეხი. სურს თუ არა სურს, მან მაინც უნდა იხადოს მემამულეს სასარგებლოთ მოსავლის მეოთხედი და იმავე დროს თავისი შრომით უმატოს ფასი მიწას, რომელიც შემდეგ იძულებულია თითონვე გამოიყიდოს. მაგრამ ეს გამოიყიდვაც ბოლოს ხომ მემამულეზე ჰკიდია, ვიდაიდან თუ ამ უკანასკნელს ეს არა სურს, გლეხი ვერასოდეს ვერ დაახწევს თავს დროებით ვალდებულ მდგომარეობას *).

ამნაირათ დროებით ვალდებულ გლეხთა მდგომარეობა, როგორც ბატონ-ყმობის ჯრთიერთობისაგან დაჩენილი, მეტად ამწვავებს მიწის საკითხს იმ ადგილებში, სადაც დღეს ეს მდგომარეობა არსებობს. დროებით ვალდებული გლეხი ცალკე ბატონ-ყმობის ნაშთებისაგანაც იჩაგრება და ცალკე—თანამედროვე კაპიტალისტურ წარმოების მიერ შექმნილ პირობებისაგანაც.

II. სახელმწიფო გლეხები.

გლეხკაცობის უდიდეს ნაწილს ამიერ-კავკასიაში შეადგენენ სახელმწიფო გლეხები, რომლებიც ორ ნაწილად იყოფიან: 1) სახელმწიფო გლეხები, რომლებიც დასახლებული არიან სახაზინო მიწებზე და 2) სახელმწიფო გლეხები, რომლებიც დასახლებული არიან კერძო მემამულეთა მიწებზე. მაგრამ ეს უკანასკნელნი თავისი დღევანდელი მდგომარეობით უფრო დროებით ვალდებულ გლეხებს გვანან. ამიტომ სახელმწიფო გლეხებათ უნდა ჩაითვალოს მხოლოდ პირველნი, ესე იგი, ისინი, რომლებიც სახაზინო მიწებზე არიან დასახლებულნი.

1. სახაზინო მიწებზე დასახლებულ სახელმწიფო გლეხები.

1884—85 წლების ცნობებით, ამიერ-კავკასიაში ითვლებოდა სულ 233,544 კომლი სახელმწიფო გლეხების, 1,645,866 მცხოვრები ორივე სქესის. ამათი განაწილება ამიერ-კავკასიის ხუთ გუბერნიაში იმის ჩვენე-

*) ამას წინათ ვახ. „ივერიაში“ მოწინავე წერილი იყო, რომელშიაც, სხვათა შორის, დიდი იმედი იყო გამოთქმული იმის გამო, რომ ახლა მომრიგებელ შუა-კაცთა რიცხვი მეტად გამრავლდა, და, მაშასადამე, დროებით ვალდებულ გლეხთა თავის დახსნა დაჩქარებოდა. დღევანდელი მდგომარეობა არავისთვის—არც გლეხისა და არც მებატონესათვის სასარგებლო არ არისო. პირველის შესახებ ჩვენ მეტს არაფერს ვიტყვით, ხოლო რაც შეეხება მეორეს, ესე იგი მემამულეს, დასახლებული ვახეთი საშინლათ ცდება. აბა ერთი დეკოტხის მემამულეს და მაშინ გაოგებს არის სასარგებლო დროებით ვალდებული გლეხის არსებობა მისთვის, თუ არა.

ბით, თუ რამდენი მიწა ითვლებოდა იმათ განკარგულებაში და აგრეთვე საშვალლო რიცხვით რამდენი მიწა მოდიოდა თითო კომლზე ან თითო სულზე იმავე წელში, წარმოდგენილია შემდეგ ცხრილში^{*)}:

გუბერნიები	რიცხვი		მიწა დეხიატინობით			მართო სახნ. სათვისი მიწ.
	კომლი	სული	სულ	თითო კომლ.	თითო სულზე	
თბილისის.	48,253	309,766	863,901	17,90	2,79	5,81
ქუთაისის ^{**)}	20,984	138,750	88,576	4,22	0,64	2,27
ერევნის.	51,120	431,123	819,924	16,04	1,90	7,38
ბაქოს	63,921	418,386	1,050,574	16,59	2,54	8,05
განჯის.	49,266	347,841	917,919	18,65	2,64	7,53
სულ. . .	233,544	1,645,866	3,740,894	16,02	2,27	6,21

აქედან გამოდის ის, რომ ყველაზე უფრო ნაკლები მიწა ამ ოცი წლის წინათ საშვალლო რიცხვით ჰქონდათ სახელმწიფო გლეხებს ქუთაისის გუბერნიაში, სადაც მოდიოდა საერთო რიცხვით კომლზე 4,22 დესიატ. ანუ სულზე 0,64 დეს.; ყველაზე მეტი კი განჯის გუბერნიის გლეხებს, ესე იგი, კომლზე 18,65 დესიატინა, სულზე კი 2,64 დეს.

ასეთი იყო საერთო მდგომარეობა ამ ოცი წლის წინათ და მის შემდეგ, ეჭვი არ არის, მცხოვრებთა გამრავლების გამო ასეთი მდგომარეობა უნდა შეცვლილიყო, რის შესახებ, სამწუხაროთ, ზეენ სტატისტიკური ცნობები სრულებით არა გვაქვს. აშკარაა მხოლოდ ის, რომ ვინაიდან მიწის საერთო რაოდენობა, რომელიც სახელმწიფო გლეხების სარგებლობაში არის, მას შემდეგ სრულებით არ შეცვლილა, უნდა ვიგულისხმოთ, რომ საშვალლო რიცხვით დღეს თითო კომლზე ბევრათ უფრო ნაკლები მიწა უნდა მოდიოდეს. მეორე მხრით, ისიც აშკარაა, რომ ეს

*) Сборн. стат. данных. 1899 г.

**) მხოლოდ შვიდ მაზრაში: ქუთაისის, შორაპნის, რაჭის, ლეჩხუმის, სენაკის, ზუგდიდისა და ოზურგეთის.

საშეალო რიცხვი ბევრს არაფერს გვეუბნება: იგი მხოლოდ გვაგებინებს იმას, თუ რამდენი მიწა შეხედება თითოეულ კომლს იმ შემთხვევაში, თუ მთელი რაოდენობა სახაზინო მიწებისა თანასწორათ იქნება განაწილებული ყველა კომლზე. მაგრამ ნამდვილად ასე ხომ არ არის. ნამდვილად ხომ ყველგან ისეთი, რომ ერთს ბევრი აქვს და მეორეს ნაკლები. ამ შემთხვევაში კი ჩვენთვის საშეალო რიცხვს არავითარი მნიშვნელობა არ აქვს. აქ ჩვენ მოგვეხმარება მხოლოდ გლეხ-კაცობის დაყოფა იმის კვალობაზე, თუ თითოეულ მის შემადგენელ ნაწილს რა ზომის მიწა აქვს თავის სარგებლობაში, აქედან ჩვენ დავინახავდით, რომ მაშინ, როცა გლეხ-კაცობის ერთ ნაწილში შედარებით დიდძალი მიწა შეგროვილია, მის დანარჩენ ნაწილს სულ მცირედი ნაწილი უჭირავს.

მაგრამ ჩვენ აქ მიწის სივიწროვეზე შევჩერდით, რასაკვირველია, არა იმ მიზნით, ვითომც ჩვენც მეურნეობის დაცემისა და საზოგადოთ აგრარული ურთიერთობის გამწვანების ერთერთ და უმთავრეს მიზეზათ ამ მოვლენას, ესე იგი, მიწის სივიწროვეს ვასახელებდეთ. სრულებითაც არა. პირიქით, მიწის სივიწროვე შედეგია უფრო ზოგადი სახის-საერთო მიზეზის. უწინარეს ყოვლისა ჩვენ უნდა შევეხებოთ აქ ამიერ-კავკასიის სახელმწიფო გლეხების. მდგომარეობას იურდიულათ.

მ. წლის შემდეგ საბატონო გლეხების განთავისუფლებისა, ესე იგი, 1861 წ. მთავრობამ გამოსცა ახალი დებულება სახელმწიფო გლეხების შესახებ, რომლითაც იმათ მიეცათ თავისი ნაღვლების გამოყიდვის უფლება. ამიერ-კავკასიაში კი საგლეხო რეფორმა უმეტესათ მხოლოდ საბატონო გლეხებს შეეხო. სახელმწიფო გლეხები კი დარჩენ ისევ ძველებურ პირობებში. იმათი მდგომარეობა არაფრით არ არის განსაზღვრული და გამორკვეული. იმ მიწების მესაკუთრე, რომლებიც სახელმწიფო გლეხების სარგებლობაშია, არის ხაზინა; გლეხები ითვლებიან უკეთეს შემთხვევაში შეიჯარებებთ; ხაზინას ნება აქვს, როცა მისი ინტერესები მოითხოვს, აყაროს საუკუნოების განმავლობაში ნაპოხიერებ მიწიდან გლეხის ოჯახი და სამაგრიროთ სხვა ადგილას მიუზომოს შესაფერი მიწა*). აქ ეძლევა განუსაზღვრელი უფლება ხაზინის დაბალ მოხელეებსაც. ასეთი მდგომარეობა აფერხებს, რა თქმა უნდა, გლეხის მეურნეობას, რომელიც არ არის დარწმუნებული იმაში, რომ ხვალ მას ხელს არ ააღებინებენ მიწაზე, რო-

*) მაგალითად, საგლეხო დებულების 201 მუხლის ძალით მთავრობას ნება აქვს, როცა სახელმწიფო გლეხის ნაღვლზე აღმოჩნდება რაიმე მადანი, რომლის დამუშავება საჭიროთ ხდის ან მიწის გაცემას სხვაზე, გლეხი აყაროს აქედან და სხვაგან გადაასახლოს.

მელიც დღეს მის მფლობელობაშია. ამ მხრით დროებით ვალდებული გლეხები თითქოს უკეთეს მდგომარეობაში არიან, ვინაიდან მათ, თუმცა დიდი ვაჭირებრითა და ვაი-ვაგლახით, მაგრამ მაინც, თუ შეიძლება ნებას აძლევს, შეუძლიათ თავისი ნადელების გამოყიდა. ხაზინა კი ამის ნებას არ აძლევს სახელმწიფო გლეხებს. მართალია, ამ სამი წლის წინათ სახელმწიფო საბჭომ მოიწონა ახალი კანონი ამიერ-კავკასიის სახელმწიფო გლეხობის შესახებ, რომლის ძალით მიწა უნდა მიეზომათ სოფლის საზოგადოებათათვის თანახმათ იმისა, თუ რა გვარათ სარგებლობენ დღეს მიწით. ამას შემდეგ თანახმათ ამ კანონისა, მიწადმოქმედებისა და სახელმწიფო ქონებათა მინისტრს მიენდო შეემუშაებია ის წესები, რომლების ხელმძღვანელობით უნდა მომხდარიყო ამ საქმის სისრულეში მოყვანა. გასულ წელს კიდევაც გამოქვეყნდა ეს წესები. მაგრამ ჯერ კიდევ დიდი ხანი გავა სანამ ამის სისრულეში მოყვანას შესძლებდნენ, ვინაიდან ეს ძალიან რთული საქმეა. გარდა ამისა ხსენებული კანონი და წესები ეხება მხოლოდ იმ გლეხებს, რომლებიც სახლობენ სახაზინო მიწებზე თბილისის, განჯის, ბაქოს, დაღესტნის და ქუთაისის გუბერნიებში და სოხუმის ოლქში; სახელმწიფო გლეხები, რომლებიც მოსახლეობენ ბათუმის და ყარსის ოლქებში და ზაქათალის მაზრაში, აქედან გამორიცხულია. თუმცა ამ ჯამად დასახლებული ოლქების სახაზინო მიწები უკვე მიწადმოქმედებისა და სახაზინო ქონებათა უწყებაში გადავიდა, მაგრამ ვინაიდან იქ ჯერ კიდევ საშხედრო წესებით განაგებენ, ამიტომ მიწათმფლობელობა იქ ისეთ ქოტიურ მდგომარეობაშია, რომ არავინ არ უწყის, ვინ რას ფლობს; არც კერძო მფლობელთა, არც ხაზინის უფლება არაფრით არ არის განსაზღვრული, რაც ხელს უშლის არა მარტო სასოფლო მეურნეობას, არამედ სამთო მრეწველობის აღორძინებას, რასაც ხელს უწყობს ნამეტნავათ ბაქოსა და მისი ოლქის მინერალური სიმდიდრე.

2. კერძო მემამულეთა მიწებზე დასახლებული სახელმწიფო გლეხები.

ბევრს, რასაკვირველია, გაუკვირდება ის ამბავი, თუ როგორ მოხდა, რომ სახელმწიფო გლეხები კერძო მემამულეთა მიწებზე იქნენ დასახლებულნი. შეიძლება ვინმემ იფიქროს, რომ ეს გლეხები სადმედან გადმოასახლეს ამიერ-კავკასიაში და ხაზინამ, რომელსაც არ ჰქონდა თავისი მიწა, კერძო მესაკუთრეთა მამულზე დასახლა ისინი, მაგრამ ასეთი ფიქრი შეუძლებელია.

მეტი არ იქნება გავიხსენოთ აქ ამ გლეხების წარსული, რაც შეიძლება მოკლეთ. როგორც ზევით აღვნიშნეთ, ბატონ-ყმური ურთიერთობა მთელი თავისი სიძლიერით განვითარდა ამიერ-კავკასიის მხოლოდ დასავლეთ ნაწილში, ე. ი. საქართველოში. დანარჩენ ადგილებში, სადაც სცხოვრობდნენ უმთავრესად თათრები და სომხები ბატონ-ყმობა არ არსებულა. ამ ადგილებში ყოველგვარ მიწა-ადგილს, გარდა საეზოვესა, საბახჩეებისა და აგრეთვე იმ მიწებისა, რომლებიც სხვადასხვაგვარ შენობების ქვეშ იყო, პატრონათ ითვლებოდა სახელმწიფოს თავი; ეს უკანასკნელი მიწას აძლევდა ხანებს, მელიქებს, ბეგებს და ალლარებს, რომლებიც განაგებდნენ პროვინციებს და ჯამაგირის მაგივრათ მცხოვრებლებისაგან იღებდნენ ხარკს მიწის შემოსავლით. თავის მხრით ეს მართველნი ვალდებული იყვნენ ეხადათ იმამის¹¹⁾ სასარგებლოთ ყოველ წლიურად განსაზღვრული ხარკი.

ამაირად ესენი იყვნენ მოხელენი იმ განსხვავებით, რომ ჯამაგირს პირდაპირ მცხოვრებლებისაგან ღებულებდნენ მიწის შემოსავლით. რაც შეეხება გლეხებს, რომლებიც მიწას ამუშავებდნენ, ისინი არ იყვნენ მიწაზე მიკრული და არც ვალდებული იყვნენ ამ მოხელეების სასარგებლოთ გარდა განსაზღვრული გადასახადისა, რაიმე სხვა სამსახური გაეწიათ; მართალია ბეგებისა და მელიქების განკარგულებიში იყვნენ მუშები, მაგრამ ბატონ-ყმური ურთიერთობა ამიერ-კავკასიის თათრის სამფლობელებში ერთადღეს არ ყოფილა. ამ მდგომარეობაში იყო საქმე მეცხრამეტე საუკუნის დასაწყისში. მეცხრამეტე საუკუნის პირველ ნახევარში. როგორც ვიცით, ეს პროვინციები რუსეთის მთავრობამ დაიმორჩილა და იმათი ბედი რუსის მხედრობის უფროსების ხელში გადავიდა. აქ მოხდა ის, რაც აუცილებლათ უნდა მომხდარიყო. რუსის მოხელეები და განსაკუთრებით მხედრობის უფროსები ბატონ-ყმურ ნიადაგზე აღზრდილნი, გაჟღენთილი იყვნენ ბატონ-ყმური აზრებით. იმათი აზრით სოფლის ერთი ნაწილი — მიწის მუშაკები; უეჭველათ ბატონ-ყმურ დამოკიდებულებაში უნდა ყოფილიყო მებატონეთაგან. ახალ შეძენილი სამაჰმადიანო პროვინციებშიც სწორათ ასე ეჩვენებოდათ იმათ სოფლის მუშების და ბეგების და ალლარების საურთიერთოშორის დამოკიდებულება. პირველები იმათი აზრით იყვნენ ყმები, მეორენი — მებატონეები. ერთი სიტყვით, აქ სუფევდა იმათი წარმოდგენით ნამდვილი ბატონ-ყმური ურთიერთობა, რომელსაც ისინი კარგათ იცნობდნენ თავისი სამშობლოს წყალობით, სადაც ყოველგვარ ნაბიჯზე ბატონ-ყმური წესწყობილება არსებობდა. ნამდვილი

მდგომარეობის გაგებისათვის მათ დრო არ ჰქონდათ და არც მომზადება. საკირო იყო შემოერთებული პროვინციების რაც შეიძლება ჩქარა დამშვიდება. ამისათვის უწინარეს ყოვლისა მაღალი წოდების მომხრობა საუკეთესო საშუალება იყო. ასეთ წოდებათ კი რუსეთის მთავრობას ბეგები და ალაღარები მიაჩნდა. ბატონ-ყმური უთრეიტობის აღსარება კი ამათთვის მეტათ ხელსაყრელი იყო, ვინაიდან ამით ისინი ერთბაშათ ხდებოდნენ არა მარტო უფლება-მოსილ წოდების წარმომადგენლებად, არამედ მიწისა და ყმების პატრონებათ. რუსის მოხელეების თვალში ბეგები, ალაღარები და მელიქები იყვნენ ნამდვილი მებატონეები სრული ფეოდალური უფლებებით ყმებზე და მიწაზე. ამ შეხედულებას ოფიციალური ხასიათი პირველათ მისცა კავკასიის მთავარმა გამგემ ცნობილმა გროლოვმა (1816—1826 წ.).

ამნაირათ მეცხრამეტე საუკუნის ნახევარში, როცა ყოველგან ბატონ-ყმური უფლებების გაუქმებას შეცადინებოდნენ და მოითხოვდნენ, ამიერ-კავკასიაში ამ წესწყობილების შემოღებას სკდილობდნენ იქ, სადაც ის არასოდეს არ არსებულა.

ერთ დროს მართლაც შემოღებულ იქნა ბატონ-ყმობა დასახელებულ პროვინციებში და ბეგები და ალაღარები ცნობილი იქნენ ნამდვილ მებატონეებათ. მაგრამ მის გამაგრებას ხელი შეუშალა რამდენიმედ სენატორ განის რევიზიამ 1841 წელს. განის აზრით სამაჰმადიანო პროვინციებში ადგილობრივი ბეგები, ალაღარები და მელიქები, რომლებიც რუსეთის მთავრობამ მიწათმფლობელებათ იცნო, წინანდელ წესწყობილების ძალით სრულებით მიწის მფლობელნი არ იყვნენ, არამედ უბრალო გამგენი ან მოხელენი, რომლებიც ჯამაგირს პირდაპირ მცხოვრებლები-საგან იღებდნენ. ეს აზრი მიღებულ იქნა უმაღლესი მთავრობის მიერ პეტერბურგში და ერთ დროს ბეგებს და ალაღარებს კიდევაც ჩამოართვეს უფლებები მიწაზე და სამსახურიდანაც დაითხოვეს, როგორც სოფლების გამგენი. ეს მიწები სახაზინოთ ჩაირიცხება და იმაზე დასახლებულ მცხოვრებნი დასახელმწიფო გლეხებათ. სამაგიეროთ მთავრობამ ფულით დააჯილდოვა ბეგები და ალაღარები. მაგრამ ცოტა ხნის შემდეგ ესეც უარფილ იქნა. ვითომ შეურაცყოფილებმა და შევიწროებულმა ბეგებმა და ალაღარებმა იწყეს დრტვინვა; იმათ უკმაყოფილება ადგილობრივმა მთავრობამ საშიშათ მიიღო, ვინაიდან მისი აზრით, ბეგებს შეეძლოთ თვით ხალხში გამოეწვიათ უკმაყოფილება. ამიტომ ამჯობინეს საზოგადოებრივი წესიერების დასაცველად ხელ-ახალი გადასინჯვა ახალ შემოღებულ

ზომებისა ალაღარების წინააღმდეგ. ეს გადასინჯვა, რასაკვირველია, არ ნიშნავდა საქმის გამოძიებას და სინამდვილის შესწავლას; ეს იყო მხოლოდ ახალი მოსაზრების, ახალი განზრახვის დაკანონება, რომლის გამართლება შეიძლებოდა მხოლოდ რაიმე წინდაწინ შედგენილი აზრის მეოხებით: მაგრამ ალაღარები და ბეგების მებატონეებათ მიღება, ე. ი. იმათთვის ბატონ-ყმური უფლებების მინიჭება, შეუძლებელი იყო; ამის უსაფუძვლოება ყველასათვის აშკარა იყო. ამიტომ გამოარჩიეს ისეთი გზა, რომლითაც იმათი აზრით არც მწვალი დაიწოდა და არც შემფური. ეს საშუალება ასეთი იყო: ის მიწენი, რომლებიც წინა ბეგებსა და ალაღარებს ეკირათ, როგორც სახელმწიფოს მოხელეთ, იმათ კერძო საკუთრებათ ჩაერიცხათ, ამ მიწებზე მოსახლენი კი—სახელმწიფო გლეხებათ. კავკასიის ნამესტნიკმა თავადმა ვორონცოვმა ამის თანახმად შეიმუშავა 1847 წლის ახალი „დებულება“, რომელიც ჩქარა უმაღლესი ბრძანებით იქნა დამტკიცებული. ამნაირათ დროებითი მფლობელნი და გამგენი სამუდამო მფლობელებათ გახადეს; მიწის ნამდვილი მობუშავენი და მფლობელნი სრულიად უმიწო-წყლოთ იქნენ დატოვებულნი. აქ სანახევროთ ბატონ-ყმური ურთიერთობა იქნა განხორციელებული, გლეხები პირადათ მებატონისაგან არ იყენენ დამოკიდებულნი, მაგრამ ნიეთიერათ მიწის მფლობელთა ხელში ჩაეარდენ; რადგანაც იმათი მარჩენალი მიწა მემამულეთა სრულ საკუთრებათ აღიარეს.

საგლეხო რეფორმა 1870 წლამდის არ შეხებია ამ დებულებას და ვის როგორ ეპრიანებოდა, ისე განაგებდენ მათ ბედს. 1870 წელს გამოიცა ეგრეთ წოდებული „Посемейное Положение“ (დამატება 1877 წ.) რომლის საფუძველს შეადგენს 1861 წლის საგლეხო რეფორმა, ე. ი. გლეხებს მიეცათ „ნადელი“ და აგრეთვე მიენიჭათ მისი გამოყიდვის უფლება იმ პირობებით, რა პირობებშიაც უროებით ვალდებულ გლეხებს. მაგრამ ამ დებულების სფეროც ძლიერ შემოფარგლულია; იგი არ ეხება ისეთ მიწებს, სადაც მიწის მფლობელსა და მიწის მუშას შორის განსაკუთრებული პირობები არსებობს, როგორც მაგალითად ეგრედ წოდებული ტიულთა და მიულვანდარების მიწებს. სამწუხაროთ იქ, სადაც ეს დებულება მოქმედებს, მისი შედეგი ყოვლათ უნაყოფოა. მამულის გამოყიდვა იქ კიდევ უფრო შეჩერებულია, რასაც ხელს უშლის თვით დებულების ნაკლებუფიანება, რადგანაც ბოლოს თავის უახსნა საესებით მიწის მფლობელთა ნებაზე ჰკიდია.

ამნაირად ამ გლეხების მდგომარეობა იურიდიულათ დროებით ვალდებული გლეხების მდგომარეობას ჰგავს. განსხვავება მხოლოდ იმაშია, რომ მაშინ, როცა დროებით ვალდებული გლეხები ტფილისისა და ქუთაისის გუბერნიებში ვალდებული არიან იხილონ მემამულეთა სასარგებლოთ სანადელო მამულის მეოთხედი, სამაჰმადიანო პროვინციებში უმეტეს ნაწილად ერთ მეათედს, თუმცა ზოგან უფრო მეტსაც. მოვიყვანოთ აქ ზოგიერთი სტატისტიკური ცნობები, რომლებიც რამდენიმეთ გაკეთვალისწინებს ხსენებული კატეგორიის გლეხებს. შემდეგი ცხრილი გვეუბნება, თუ რამდენი მოსახლე ამ კატეგორიის გლეხებისა ითვლება ამიერ-კავკასიაში, საერთოდ რამდენი მიწა არის იმათ სარგებლობაში და საშუალო რიცხვით რამდენი მიწა მოდის თითო კომლზე.

გუბერნიები	კომლი	მიწის რაოდენობა	რამდენი კომლზე	მესაკუთრეთა ხელში
ტფილისის	6,902	113,865	16,49	9,872
განჯის .	47,555	317,235	6,67	314,249
ერევანის .	11,962	101,691	8,50	18,822
ბაქოს .	11,272	96,335	8,55	82,039
სულ	77,691	629,126	8,98	424,982

ეს ცნობები ეკუთვნის ახალი დებულების სიგელების შედგენის დროს. ე. ი. ასეთი მდგომარეობა იყო ამ 25 წლის წინათ. როგორ შეიცვალა მას შემდეგ ამ კატეგორიის გლეხთა მდგომარეობა, ეს ჩვენ არ ვიცით. აშკარაა მხოლოდ ის, რომ აქაც ის უნდა მომხდარიყო, რაც ყოველგან: ე. ი. წინანდელი ურთიერთი განწყობილება მემამულეთა და მიწის მომკმედს შორის მოთხოვნილების გართულების გამო უნდა თანდათან გამწვავებულიყო. ზევით მოყვანილი ცნობებით ამ კატეგორიის გლეხების უმრავლესობა, ე. ი. 47,555 კომლი, ანუ 61% მეტი ცხოვრობს განჯის გუბერნიაში, სადაც ამ 25 წლის წინათ საშუალო რიცხვით მოდიოდა თითო კომლზე 6,67 დეს, მიწა. უკეთეს პირობებში უნდა ყოფილიყვნენ ეს გლეხები თბილისის გუბერნიაში, სადაც თითო კომლზე მოდიოდა 16,49 დეს. მიწა: თუმცა ჩვენ ვიცით, თუ რა მნიშ-

ვნელობა აქვს სინამდვილის დასახასიათებლად საშუალო რიცხვებს. საერთოდ ამ კატეგორიის გლეხ-კაცობა, თუ მხედველობაში მივიღებთ მიწის რაოდენობას თითო კომლზე, ბევრათ უფრო შევიწროვებულ მდგომარეობაში უნდა იყვნენ იმ გლეხებთან შეფარებით, რომლებიც სახაზინო მიწაზე არიან დასახლებულნი, რადგანაც საშუალო რიცხვით თითო კომლს პირველებისას მოსდის ყოველგვარი მიწა 8,98 ღეს. მეორეებისას კი— 16,02 ღეს.

III. მესაკუთრე გლეხები.

ამ კატეგორიის გლეხებზე კიდევ უფრო ნაკლები ცნობები გვაქვს, რაც გვაქვს; ისიც შეეხება ცოტათ თუ ბევრათ დაწვრილებით მხოლოდ ქუთაისის და რამოდენიმეთ თბილისის გუბერნიებს, სადაც უმეტეს ნაწილათ ცხოვრობენ მესაკუთრე გლეხები. ღანარჩენ გუბერნიების შესახებ ჩვენ გვაქვს მხოლოდ მესაკუთრე გლეხებებს რიცხვი. იმის დაუსახებლად, თუ იმათ რამდენი მიწა-ადგილი აქვთ. მესაკუთრე გლეხებს შეადგენენ ყველა კატეგორიის გლეხები როგორც ყოფილი დროებით ვალდებულინი, ისე სახელმწიფო გლეხებიც; მესაკუთრე გლეხები იყვნენ ჩვენში, ე. ი. თბილისისა და განსაკუთრებით ქუთაისის გუბერნიებში საგლეხო რეფორმის მოხდენამდის. ცნობილია, რომ მეცხრამეტე საუკუნის ნახევარში ბატონ-ყმური ურთიერთობის გამწვავების დროს იყვნენ ისეთი გლეხები, რომლებიც ახერხებდნენ თავის გამოყიდვას მებატონეთაგან; გარდა ამისა ცნობილია, რომ ჩვენში იყვნენ ეგრეთ წოდებული აზატი¹²⁾ გლეხები, თუმცა: ამათი რიცხვი ძლიერ მცირე იყო. ამათ დაუღვეს სათავე დღევანდელ მესაკუთრე გლეხებს. ბატონ-ყმობის გაუქმების შემდეგ საბატონო გლეხებს, როგორც ვიცით, ნება მიეცათ თავის დახსნისა და მესაკუთრე გლეხათ გახედნისა. თუმცა ეს საქმე ჩვენში ძლიერ შეფერხებულია. მაგრამ რამდენიმე ნაწილმა მაინც დაიხსნა თავი. აი ყველა ესენი შეადგენენ მესაკუთრე გლეხებს. მოვიყვანოთ ახლა აქ 1866 წ. ცნობები, რომლებიც მხოლოდ მესაკუთრე გლეხების რაოდენობას განსაზღვრავს მთელ ამიერ-კავკასიაში *).

ამ ცნობებით სულ ამიერ-კავკასიაში 1886 წ. იყო 56,319 კომლი მესაკუთრე გლეხებისა 363,106 სულით, ამათში 50,124 კომლი 324,674 სულით იყო შარტო ქუთაისის გუბერნიაში. ეს ცნობები არ ეთანხმება

*) იხ. Спод. Стат. данных о землевлад. в Закав. Крае 1893.

შემდეგ ცნობას, რომელიც მხოლოდ თბილისისა და ქუთაისის გუბერნიებს შეეხება, ამ ცნობით გამოდის, რომ თბილისის გუბერნიაში სულ 8,363 სული*) მესაკუთრე გლეხი იყო, რომელთაც ეკუთვნოდა 97,921 დესიატინა მიწა, ე. ი. საშუალო რიცხვით თითო სულზე მოდიოდა 11,71 დესიატინა მიწა

გუბერნიები	რამოდენი კომლი	სულ ორივე სქესის
თბილისის .	4,653	24,379
ქუთაისის .	50,124	328,674
ერეენის .	402	2,837
განჯის .	1,114	7,074
ბაქოს	26	142
სულ .	56,319	363,106

აშკარაა, რომ ეს ცნობები ყალბია**) თუ მივიღებთ მხედველობაში, რომ 1886 წელს თბილისის გუბერნიაში 4,653 კომლი მესაკუთრე გლეხი იყო, რომლებშიაც ირიცხებოდა 24,379 სული ორივე სქესისა, დასაჯერებელი არ არის, რომ 1886 წლის შემდეგ, როცა ეს უკანასკნელი ცნობები შედგენილია, თუმცა დანამდილებით არ ვიცით, რომელ წელს ეკუთვნიან ისინი, ერთი სიტყვით დასაჯერებელი არ არის, რომ რამდენიმე წლის შემდეგ მესაკუთრე გლეხთა რიცხვი შემცირებულიყოს, ე. ი. სამჯერ ნაკლები გამხდარიყოს. უფრო მისაღებია, რომ ზევით მოყვანილ ციფრში იგულისხმება კომლი სულში და არა სული. მაშინ გაშვავა, რომ მესაკუთრე გლეხებში თითო კომლს საშუალო რიცხვით თბილისის გუბერნიაში 11,71 დესიატინა მიწა მოსდიოდა, რასაკვირველია, ესეც ჩვენ

*) ibid გვ. 13.

**) თვით შემდგენელი შენიშნავს, რომ ეს ცნობები ადმინისტრაციის მიერ არის შეესებული.

არაფერს არ გვეუბნება ამ კატეგორიის გლეხკაცობის მდგომარეობაზე თბილისის გუბერნიაში. უფრო სარწმუნო ცნობები, თუმცა, რასაკვირველია, ისიც არა სრული, გვაქვს ქუთაისის გუბერნიის მესაკუთრე გლეხებზე 1888 წელს აქ ითვლებოდა უკვე 96,912 კომლი *) და თუ მივიღებთ მხედველობაში თითო კომლზე საშუალო რიცხვით მოდის 5, გამოვა რომ 1888 წელს ქუთაისის გუბერნიაში ითვლებოდა დაახლოვებით 484,560 სული ამ კატეგორიის გლეხებისა. ამათ ქონებია სულ 244,451 დესიატინა მიწა ანუ კომლზე საშუალო რიცხვით 2,52 დესიატინა. შემდეგ ცხრილი გვეუბნება, თუ როგორ არის განაწილებული ეს მიწა ხსენებულ გლეხებს შორის სხვადასხვა მაზრებში კომლების რიცხვის ჩვენებით.

მაზრები	სულ კომლი	რაოდენობა მიწის დესიატინებით.	თითო კომლზე რამდენი მოდის.	რამდენს რამდენი დესიატინა აქვს.		
				0-2 დესიატინა.	2-4 დესიატინა.	4 დესიატინაზე მეტი.
ქუთაისის	24,188	60,474	2,50	13,873	6,369	3,638
შორაპნის	18,802	37,954	2,02	13,891	3,251	1,472
რაკის	7,113	19,070	2,68	4,008	1,861	726
ოზურგეთის	9,443	13,398	1,42	1,381	6,371	816
სვანეთის	1,081	3,386	3,13	669	189	92
ლეჩხუმის	4,178	21,260	5,09	2,448	1,258	509
სენაკის	15,811	36,046	2,28	11,926	2,849	849
ზუგდიდის	16,296	52,863	3,25	9,831	4,375	1,935
სულ.	96,912	244,451	2,52	58,027	26,523	10,037
	—	—	—	61%	28%	11%

ამ ცნობებიდან უნდა დავასკვნათ შემდეგი: 1) მესაკუთრე გლეხებში მდარებით უფრო ემჩნევა მიწის სივიწროვე, ვიდრე სხვა კატეგორიის

*) ibid გვ. 14.

გლებებში; საშვალო რიცხვით თითო კომლზე მოდის 2,52 ღეს. მიწა, როცა დანარჩენს საშვალო რიცხვით თითო კომლზე მოდის ამაზე ბევრათ უფრო მეტი; 2) ყველაზე უფრო ნაკლები საშვალო რიცხვით მოდის ოზურგეთის მაზრაში, სახელდობრ, 1,42 ღეს., ყველაზე უფრო მეტი ლეჩხუმის მაზრაში; რაც შეეხება თითო ნაქერის სიგრძეს, 94,587 ნაქერიდან 58,027 ანუ 61% აქვს 0-2 ღესიატინამდის: 36,523 ანუ 28%—2-4 ღესიატ. და 10,037 ნაქერს ანუ 11% 4 ღესიატინაზე ზევით.

ასეთი იყო მესაკუთრე გლებთა მდგომარეობა დაახლოვებით ამ 15 წლის წინათ. რა მოხდა ამ 15 წლის განმავლობაში, ამის შესახებ, როგორც შრავალ სხვა კითხვების შესახებ სტატისტიკური ცნობები არა გვაქვს. მხოლოდ მარტო შორაპნის მაზრის შესახებ გვაქვს უფრო დაწვრილებითი ცნობები, შეკრებილი 1893 წელს საფილოქსერო კომიტეტების მიერ. ამ ცნობებით 1893 წელს შორაპნის მაზრაში ითვლებოდა 9,117 კომლი მესაკუთრე გლები, რომელთაც ჰქონდათ სულ 34,454 ღესიატინა ნაყიდი მიწა ანუ კომლზე საშვალო რიცხვით 3,78 ღეს. ამათში მხოლოდ ორ კომლს ჰქონდა მარტო სანადგლო მიწა, ორს სანადგლო და ნაყიდი და დანარჩენს 9,110 კომ. მხოლოდ ნაყიდი.

გარდა ამისა, აქ ჩვენ ვპოულობთ შემდეგ საინტერესო ცნობებს, თუ ამ კატეგორიის გლებ-კაცობის მიწა როგორ არის განაწილებილი:

აი ეს ცნობები.	შორაპნის მაზრაში მესაკუთრე გლებებს აქვთ:		
0— $\frac{1}{2}$	ღესიატინამდე	433	კომლს ანუ 4,75%
$\frac{1}{2}$ —1	"	740	8,12%
1— $1\frac{1}{2}$		1053	11,56%
1—2		1061	11,63%
2—3		1742	19,12%
3—4		1238	" 13,58%
4—5		834	9,15%
5 ზევით	"	2013	" 22,09%

აქ უნდა აღვნიშნოთ ის გარებობა, რომ 1888 წელს შორაპნის მაზრაში ირიცხებოდა სულ 18,802 კომლი მესაკუთრე გლები; 1893 წელს კი, ე. ი. ხუთი წლის შემდეგ ამავე მაზრაში ითვლებოდა მხოლოდ ამის ნახევარი; ძნელია იმის თქმა, თუ რას უნდა მივაწეროთ ასეთი წინააღმდეგობა; ყოვლად შეუძლებელია ვიფიქროთ, რომ ხუთი წლის განმავლობაში მესაკუთრე გლებთა რიცხვი განახევრებულიყოს.

ამიტომ ერთად ერთი დასკვნა აქედან ის უნდა იყვეს, რომ ჩვენი სტატისტიკური ცნობები დიდი სიფრთხილით უნდა იქმნენ მიღებულნი. ყოველ შემთხვევაში, უკანასკნელი წლის ე. ი. 1893 წლის ცნობები უფრო სარწმუნოა, ვინაიდან ისინი შეესებოდა მკოდნე პირთაგან და არა პოლიციის მოხელეთა მიერ.

ზევით მოყვანილი ცხრილი იძლევა ძლიერ საინტერესო ცნობებს. ჩვენ აქ ვხედავთ, რომ მესაკუთრე გლეხებში საერთოდ მიწის დიდი სივიწროვეა. ორ დესეტიანამდის აქვს 36,06 პროცენტს, ორიდან ხუთამდის 41,85 პროცენტს. მაშასადამე, 77,91 პროც. აქვს მხოლოდ 0—ნ დესიატინამდე, მხოლოდ 22,04 პროც. აქვს 8 დესიატინაზე ზევით. აშკარაა, რომ მესაკუთრე გლეხთა დიდი უმრავლესობა თავისი საკუთარი მიწით ვერ დაკმაყოფილდება და იგი იძულებულია თავის გამოსაკვებათ იჯარით აიღოს სახაზინო ან კერძო მემამულის მიწები.

IV. ხ ი ზ ნ ე ბ ი.

ხიზნები შეადგენენ სრულებით განსაკუთრებულ კატეგორიას ამიერ-კავკასიის გლეხკაცობაში. ისინი ცხოვრობენ მხოლოდ თბილისის და ქუთაისის გუბერნიებში და თუმცა რიცხვით გლეხკაცობის მცირე ნაწილს შეადგენენ, მაგრამ დღევანდლამდე აგრარულ არეგ-დარევაში იმათ დიდი მნიშვნელობა ქონდათ. დღემდის არ არის ნათლად გამორკვეული, თუ რა საფუძველზე იყო აგებული ხიზანთა მდგომარეობა, მათი დამოკიდებულება მემამულეებთან. ძველი წყაროებიდან შეიძლება გამოვიტანოთ მხოლოდ ერთად ერთი მართალი და სწორი დასკვნა, სახელდობრ ის, რომ გლეხი უკმაყოფილო, არსებული პირობებით, ესახლებოდა სხვა მემამულეს მიწაზე, რომელთანაც ის დებდა სხვადასხვა პირობებს. ასეთი გლეხი აშინაირად ხდებოდა ხიზანი. საესებით და საბოლოოდ გამორკვეული არ არის, იყო ეს პირობები დროებითი თუ ამას სამუდამო ხასიათი ქონდა; თუ დროებითი იყო, იმ შემთხვევაში ამ პირობებს იჯარის ხასიათი ეძლევა. თუ რას წარმოადგენდნ წარსულში ხიზნები, ამას ჩვენ აქ არ შევხებით; ჩვენ გვინტერესებს აქ მხოლოდ მათი მდგომარეობა მე-19-ტე საუკუნეში და ისიც უფრო მე-19-ტე საუკუნის მე-2-რე ნახევარში.

ერთ დოკუმენტში, რომელიც ეკუთვნის გასული საუკუნის მე-40-ცე წლებს და რომელიც რა თქმა უნდა მებატონეს, ე. ი. დანტერესებულ პირის მიერ უნდა იყოს შედგენილი, სხვათა შორის, ნათქვამია,

რომ ყოველგვარი პირობა მემამულესა და ხიზანს შორის ნებაყოფლობით იყო. მაგალითად, თუ ხიზანი გააშენებდა ვენახს მებატონეს მიწაზე თავისი საკუთარი საშვალებით, იმ შემთხვევაში მოსაელის ნახევარი 5, 8 და 10 წლის შემდეგ ეკუთვნოდა ხიზანს, ნახევარი კი მემამულეს. ან ხიზანის მიერ გაშენებული ვენახი რჩებოდა მის სრულ განკარგულებაში 10 ან 12 წლის განმავლობაში, შემდეგ კი უნდა გადაცემოდა მემულეს. ვალდებულება და გადასახადი ხიზნების არც მემამულის მიწაზე დასახლების დროს და არც შემდეგ სრულებით თვითნებაზე არ არის დამოკიდებული, არამედ სრულდება ძველ ჩვეულებათა მიხედვით. ამით აიხსნება ის გარემოებაც, დასძენს ამ დოკუმენტის ავტორი, რომ ხიზნების მხრით არასოდეს არაერთი საჩივარი არ ხდება მიწის მესაკუთრეებზე და არც ამ უკანასკნელთა მხრით ხიზნების წინააღმდეგ. ორივე მხარე სინდისიერათ ასრულებდა პირობას. თუ ხიზანი თავის ან მემამულეს სურვილით იძულებული ხდებოდა დაეტოვებინა მის მიერ გაშენებული მიწა, მემამულეს ჰქონდა უფლება ხიზანის მოძრავი ქონების ნახევარზე, უძრავი ქონება კი ხელშეუხებელი მემამულეს ხელში რჩებოდა.

აქედან ჩვენ ორი დასკვნა უნდა გამოვიყვანოთ: ერთი ის, რომ ხიზანთა მდგომარეობა არც ისე სახარბიელო იყო ბატონ-ყმობის დროს, როგორც ეს ბევრს გონია და მეორე ის, რომ ხიზნები მხოლოდ მამულის მხრით იყვნენ დამოკიდებული მებატონესაგან და პირადათ კი არა, ე. ი. ისინი არ იყვნენ მებატონესთან ბატონ-ყმურ დამოკიდებულებაში. ამის გამო, თავის თავად იგულისხმება, რომ საგლებო რეფორმამ ისინი სრულებით უყურადღებოთ დატოვა. საბატონო გლეხების განთავისუფლების შემდეგ ხიზნები დარჩენ ფაქტიურათ ყოველგვარ კანონის გარეშე. ისინი დარჩენ მიცემული მემამულეებზე. მაგრამ ცხადია, რომ ძველი თანხმობა, თუ კი ამას ძველად ადგილი ჰქონდა, დიდხანს ვეღარ გაგრძელდებოდა. რამდენათ მემამულეთა მდგომარეობა ახალ მოთხოვნილებათა გამო, გასაჭირი შეიქნა, იმდენათ შევიწროვება იწყო ხიზნების მდგომარეობამ. ის, რასაც წინათ იხდიდნენ ხიზნები და ასრულებდნენ მემამულეთა სასარგებლოდ ამ უკანასკნელთა თვალში მცირე შეიქმნა გამრავლებულ მოთხოვნილებათა მიხედვით. ვინ არ იცის, რომ ყოფილი ბატონების მდგომარეობა დღითი დღე განსაცდელში ვარდებოდა, იმათი მამული ვალიანდებოდა და იყიდებოდა, ამიტომ ცხადია, რომ მემამულეებმა ჯერ მოუმატეს ხიზნებს გადასახადი, ე. ი. ლალა; ეს, რასაკვირველია, ეუცხოვათ ხიზნებს, მაგრამ პირველ ხანებში უმეტეს ნაწილად

იტანდნენ. მაგრამ რაც ხანი გადიოდა, მემამულეები უფრო და უფრო უმატებდნენ გადასახადს; და ამასაც აღარ ჯერდებოდნენ და ბანკებში აგირავებდნენ ან ყიდდნენ იმ მიწებს, რომლებიც უხსოვარ დროიდან ხიზნების სარგებლობაში იყო. ამ გარემოებამ გასული საუკუნის მე-80 წლებში ხიზნებში გამოიწვია დიდი დრტვინვა და უკმაყოფილება. ადგილობრივი საგლეხო დაწესებულებანი (крестьянские присутствия), რომლებიც აქამდის ხიზნებისათვის თითქო არ არსებობდნენ, იძულებული შეიქნენ იმათი მდგომარეობისათვის ყურადღება მიექციათ. 1884 წელს თბილისის და ქუთაისის გუბერნიების საგლეხო დაწესებულებები შეუდგენ ხიზანთა მდგომარეობის გამოკვევას. ცნობების შეკრება მიენდო მომრიგებელ შუაეაყებს, რომლებიც უმეტეს ნაწილად მემამულეები იყვნენ და როგორც ასეთი, ძლიერ დაინტერესებულნი ამ საქმეში. მეორე მხრივ, ცნობებს ჰკრეფდნენ განსაკუთრებით მხოლოდ მემამულეთაგან და მეორე მხარეს სრულებით არ ეკითხებოდნენ. ამიტომ სრულებით გასაკვირალი არ არის, რომ საგლეხო დაწესებულებებმა, რომლებიც დაემყარენ მხოლოდ ერთი მხარის ჩვენებას სავსებით, მემამულეთა სასარგებლოდ მოინდომეს ხიზანთა კითხვის გადაწყვეტა. თავი და თავი საკითხი ხიზნების მდგომარეობაში იყო: ხიზნები უბრალო მეიჯარენი არიან, თუ იმათი მდგომარეობა წარმოადგენს რაიმე მსგავსებას მაგალითად, დროებით ვალდებულ გლეხებთან. თუ ხიზნები უბრალო მეიჯარენი არიან იმ შემთხვევაში, რასაკვირველია, მემამულეთ სრული უფლება აქვთ მოექცენ იმათ, როგორც სურთ: ე. ი. მათ უფლება ჰქონდათ, როგორც გადასახადის, მიწის, ღალის მომატებისა, ისე მამულიდან სრულიად გაძევებისა. საგლეხო დაწესებულებებმა ხიზნები ერთხმით იცნეს უბრალო მეიჯარეებთან და ამნაირად წაართვეს მათ ის უფლებები, რომლებიც დროებით ვალდებულ გლეხებს აქვთ სანადგლო მიწებზე. „ამნაირად, დაასკვნის გ. თუმანოვი¹³⁾ — ის დაწესებულებანი, რომელთა მოვალეობას შეადგენდა გლეხების მდგომარეობის გაუმჯობესება, ამ შემთხვევაში ამ მდგომარეობის გაუარსება მოინდომეს. მხოლოდ 1891 წელს გამოიცა პირველი დებულება ხიზნების შესახებ. ღარი უმთავრესი კითხვა ხიზნების შესახებ ამ დებულებამ გადასწყვიტა ამნაირად: 1) ვინ უნდა მივიღოთ ხიზანთ? 1891 წლის დებულების § 1 ასე განსაზღვრავს ხიზანს: ის გლეხები, რომლებიც თბილისის და ქუთაისის გუბერნიების მემამულეთა მიწებზე არიან დასახლებული ამ დებულების გამოცემაშემდეგ და არა აქვთ ამ უკანასკნელებთან ვალიანი ხელშე-

კრულება რაიმე აქტით, უნდა ჩაითვალოს ხიზნებათ. მეორე კითხვა: აქვს თუ არა მემამულეს უფლება თავის ნებით მოუმატოს ხიზანს გადასახადი, ან სრულებით წაართვას მას მიწა, რომლითაც ხიზანი დიდი ხნის განმავლობაში სარგებლობდა? დებულებამ ამნაირად გადასწყვიტა ეს მეტათ სამძიმო კითხვა: ყოველგვარი ცვლილება მიწის სარგებლობაში და ყველა იმ უფლებებში, რომლებიც ამ სარგებლობაზე არიან დამოკიდებული, მემამულეს შეუძლიან მხოლოდ ხიზანის თანხმობით, (სტ. 4). ვინიცობაა, თუ ეს დაარღვია მემამულემ, მაშინ დებულების § 7 მემამულე, რომელიც უარს ეტყვის ხიზანს მიწის სარგებლობაზე და მოინდომებს მის გაძევებას, ვალდებულია დააკმაყოფილოს ხიზანი ისე, როგორც ისინი ერთმანეთში შეთანხმდებიან. თუ ასეთი შეთანხმება არ მოხდა, იმ შემთხვევაში მემამულე ვალდებულია უზღოს ხიზანს, საგანგებო შეფასების კვალობაზე, ყოველგვარ შენობების, სამეურნეო მოწყობილების და ნაშენების ორკეცი ღირებულება, და აგრეთვე ყველა იმ ხარჯებისა, რომლებიც ხიზანს გაუწევია იმ მაწების გასაუმჯობესებლად, რომლებიც მის სარგებლობაში იმყოფებოდა (7 მუხლი).

ამნაირად 1891 წლის დებულებამ თუმცა არსებითად ხიზნები შეიჯარებათ იცნო, მაგრამ მეორე მხრით, მემამულეთა უფლებაც § 4 და 7 ძალით რამდენიმედ შეზღუდა ხიზნების სასარგებლოდ. ამ გარემოებამ მაშინვე უკმაყოფილება გამოიწვია მემამულეთა შორის. მემამულეებს სურდათ, რომ, როგორც ღალის მომატება, ისე ხიზნის მიწისაგან გაძევება არაფრით არა ყოფილიყო შეზღუდული; რომ ყოველივე ეს მის საკუთარ ნებაზე ყოფილიყო. ე. ი. ხიზნებს მოქცეოდნენ ისე, როგორც უბრალო შეიჯარეებს. ამიტომ იმათ ასტეხეს ყაყანი, შესძრეს. ქვეყანა, რომ ეს არის ვილუპებით, მოგვეშველეთო. ამ მიზნით მათ მაშინვე აღძრეს შუამდგომლობა, როგორც საგლეხო დაწესებულებათა, ისე მთავარმართებელის საბჭოს წინაშე, რათა ეს ახალი დებულება შეცვლილიყო მათ სასარგებლოდ, თორემ დავილუპებითო. გლეხებს კი ეს დებულება კაი ხანს არ გაუმხილეს. ბოლოს, როგორც იქნა, მემამულეთა თხოვნამ გასკრა: 1900 წ. (2 ივნისს) გამოიცა ახალი კანონი ხიზნების შესახებ, რომელიც არსებითად სცვლის 1891 წ. დებულებას მემამულეთა სასარგებლოდ. ამ ახალი კანონით ხიზნათ მიღებულ იქნა მხოლოდ ის, ვინც დასახლებულა მებატონეთა მიწაზე ხიზანთა ჩვეულებრივი უფლებით, მემამულეს ნებასურვილით (1 მუხლი).

მეორე მუხლით მემამულეს უფლება აქვს წაართვას ხიზანს მიწა და უზლოს მას შენობების სამუენეო მოწყობილობის ღირებულება. რაც შეეხება იმ ხარჯებს, რომლებიც ხიზანს გაუწევია მიწის გაუმჯობესობისათვის, ახალი კანონი ამის ზღვევას სრულებით უარჰყოფს. მეორე მხრით, თუ რაში მდგომარეობს ხიზანთა ჩვეულებრივი უფლება, ეს არც წინანდელ და არც ახალ დებულებაში განსაზღვრული არ არის. თუ რა ნაირი შედეგი გამოიწვია და კიდევ გამოიწვევს ეს ახალი კანონი, ამის მაგალითს გვაძლევს რამდენიმე აგრარული დანაშაულობა, რომელთაც ადგილი ჰქონდა თბილისის გუბერნიაში ამ უკანასკნელ 2-3 წლის განმავლობაში. ადგილი საქმე როდია უხსოვარ დროიდან ნაფერები და ნაშენები მიწის ძალდატანებით დატოვება, სახლ-კარის აყრა და საღდაც გადახვეწა. მოვიყვანოთ ახლა აქ რამდენიმე სტატისტიკური ცნობები ხიზნების შესახებ. როგორც ვთქვით, ხიზნები განსაკუთრებით თბილისის და ქუთაისის გუბერნიებში ცხოვრობენ; მაგრამ უფრო კი თბილისის, სახელდობრ: გორის მაზრაში.

ბატონ-ყმობის გაუქმების დროს თბილისის გუბერნიაში ითვლებოდა დაახლოვებით 4,685 კომლი ხიზანი და ქუთაისის გუბერნიაში 1,160 კომლი; მაშასადამე, ორივე გუბერნიაში დაახლოვებით ჯთვლებოდა 5,854 კომლი ხიზანი. შემდეგ დაწვრილებითი ცნობები გვაქვს თბილისის გუბერნიისათვის, შეკრებილი 1881—4 წლებში. აქედან ჩვენ ვხედავთ შემდეგს:

1882-4 წლებში თბილისის გუბერნიაში ირიცხებოდა უკვე 6.774 კომლი ხიზანი, რომლებიც ესახელენ *):		
თავად-აზნაურობის მიწაზე .	5,893 კომლი	— ანუ 85%
სახელმწიფო გლეხების ,	141	„ 2,08
ალალარისა და ბეგების.	203	3,00
მოხელეების	135	„ 1,99
ამასთანავე დასახლების ხანი ასე განისაზღვრება:		
0— 5 წლამდის სახლობდა.	289 კომლი	— ანუ 4,26%
5— 10	660	9,75
10— 50	4,430	65,54
50—100-ზე ზევით	763	11,26
ძირეული მცხოვრებნი	530	7,32%
უცნობი	93	1,37 „

*) იხ. Св Стат. данных по зем. влор. стр. 15-18.

თუ მაზრებათ დაეყოფთ გამოვა, რომ ხიზნები უმეტესათ ცხოვრობენ გორის მაზრაში, სახელდობრ 3,222 კომლი ანუ 48% საერთო რიცხვისა. ყველაზე ნაკლები ცხოვრობს სიღნაღის მაზრაში, რაც შეეხება ახალციხის და ახალქალაქი მაზრებს, იქ ხიზნები სულ არ არიან. გარდა ამისა ზევით მოყვანილ ცხრილიდან სჩანს, რომ 1882—95 წლებში ხიზნების 86% სახლობდა ათ წელზე მეტს ერთს და იმავე მიწაზე და მხოლოდ 4,26% დასახლების ხანს არ აღემატებოდა 5 წელს. საინტერესოა ვიცოდეთ, ამ უკანასკნელი წლების განმავლობაში ხიზნების რიცხვმა იკლო თუ იმატა. ამაზე გადაჭრილ პასუხს იძლევა 1890 წლის ცნობები, შეკრებილი თბილისის გუბერნიის მომრიგებელ შუაქაცთა მიერ. აქედან სჩანს, რომ თბილისის გუბერნიაში ხიზნების რიცხვი თანდათან იზრდება და ძლიერ მომეტებულათაც იზრდება. მაგალითად: თუ ავიღებთ მარტო გორის მაზრას გამოვა, რომ 1890 წელს იქ ირიცხებოდა უკვე 7,148 კომლი ე. ი. 3,926 კომლი ანუ 116% მეტი ამ ერთ მაზრაში, და 378 კომლი ანუ 5,52% მეტი, ვინემ მთელ თბილისის გუბერნიაში. სხვა მაზრების შესახებ არა გვაქვს ასეთი ცნობები, მაგრამ უნდა ვიფიქროთ, რომ იქაც ხიზნების რიცხვს უნდა მოემატებინოს, თუმცა არა იმ ზომამდე, როგორც გორის მაზრაში. გადავიდეთ ახლა იმაზე, თუ მიწაადგილის მხრივ როგორ არიან უზრუნველყოფილი თბილისის გუბერნიის ხიზნები. სამოსახლო ადგილის შესახებ 1882—4 წლებში ხიზნები ასე გაიყოფოდა:

0 — 600 ოთხკუთხედი საყ.	ჰქონდა	5,193 კომლს	ანუ	76,65%
600—1,200	—	—	—	913
სრულებით არ ქონდა სამოსახლო მიწა		597	—	8,82%

საერთო სამოსახლო მიწა ჰქონდა ხიზნებს სულ 982 დესიატინა ანუ საშუალო რიცხვით კომლზე მოდის 386 ოთხკუთხედი საყენი; მაგრამ, როგორც ვიცით, ეს თანასწორად კი არ არის განაწილებული; პირიქით, 597 კომლს სულ არ ქონებია სამოსახლო მიწა, 5,193 კომლს ჰქონდა 600 ოთხკუთხედ საყენამდის და მხოლოდ 913 კომლს 600—12 ოთხკუთხედ საყენამდე; შემდეგ ცხრილი გვეუბნება თუ რამდენი სახნავ-სათესი და სავენახე მიწა აქვთ ხიზნებს თბილისის გუბერნიაში, და თუ როგორ არის განაწილებული ეს მიწა მცხოვრებთა შორის.

სახნავ-სათესი მიწა—27,440 დესიატინა ანუ თითოეულ კომლზე მოდის 4 დესიატინა 1522 ოთხკუთხ. საყ. ეს მიწა ასე იყო განაწილებული. 1,586 კომლს ანუ 22,41% აქვს 0 — 2, — 5 დესიატინა, 2,966 „ 43,80 „ „ 2, — 3, — 5

1,369 20,21 „ 5, — 25, — და ზევ. „
782 „ „ 11,54 არა აქვს სულ სახნავი მიწა.

სავენახე მიწა არის სულ 148 დესიატინა ანუ საშუალო რიცხვით თითო კომლზე 614 ოთხ. კუთხ. საე.

ეს მიწა ასე განაწილებული:

367 კომლს ანუ 5,43% აქვს 0— 600 ოთხკუთხ. საე.

211 „ „ 3,11 „ 600—1,200 და ზევით.

6,125 „ „ 90,42 სულ არა აქვს სავენახე მიწა.

ამნაირად თბილისის გუბერნიაში ხიზნებს საშუალო რიცხვით მოს-
დის კომლზე 4 დესიატინა სახნავ სათესი მიწა; მაგრამ როგორც დავი-
ნახეთ, მიწა ხსენებული კატეგორიის გლეხებში ძლიერ მეტ-ნაკლებობით
არის განაწილებული. 11,54 პროც. სულ არა აქვს სახნავ-სათესი მიწა;
22,41% აქვს სულ მცირე რაოდენობა. სახელდობრ 2,5 დესიატინამდე
ასე რომ 34% 1882—4 წლებში მეტად გაჭირვებულ მდგომარეობაში
უნდა ყოფილიყო. რაც შეეხება სამოსახლო და სავენახე მიწებს, ამათი
რაოდენობა ისე მცირეა და უმნიშვნელო, რომ ესენი ანგარიშში მისაღე-
ბი არ არის. რაც შეეხება ხიზნების ვალდებულებას მემამულეთა წინაშე
მიწით სარგებლობისათვის, ეს მრავალგვარია: ხიზნები მოვალენი არიან
არა მარტო მიწის ღალა და კულუხი, არამედ თავისი პირადი შრომითაც
და სხვადასხვა გვარი შინაური ნაწარმოებითაც, როგორც მაგალითად:
ერბო, ყველი და სხვა და სხვა. მიწის ღალა მოსავლის მეოთხედს შე-
ადგენს, მაგრამ ზოგან მეტია და ზოგან ნაკლები; კულუხი უმეტეს ნა-
წილად მოსავლის ნახევარს უდრის. 1882—4 წლის ციფრები საინტე-
რესო ცნობებს იძლევა აგრეთვე იმის შესახებ, თუ რა და რა წოდების
ხალხიდან იკრიბებოდა ხიზნები. უმეტესობას შეადგენენ სახელმწიფო
გლეხები ე. ი. 5463 კომლი ანუ 80,65% საერთო რიცხვისას; შემდეგ
დროებით ვალდებული გლეხები—865 კ. ანუ 12,76% ორივე ეს კა-
ტეგორია კი—93,41%. რაც შეეხება ქუთაისის გუბერნიის ხიზნებს,
1882—4 წლებში ქუთაისის გუბერნიაში ითვლებოდა სულ 2,460 კ.
ხიზანი, რომელთაც ქონდათ: სამოსახლო მიწა, სულ 945 დესიატინა,
ანუ საშუალო რიცხვით თითო კომლს 0,40 დესიატინა. ეს მიწა ასე იყო
განაწილებული ხიზნებში: 351 კომლს ანუ 14,36% ქონდა 600 ოთხ-
კუთხი საე.; 2,052 კომლს ანუ 83,96% 600 და მეტი ოთხკუთხ. საე.;
ხოლო 41 კომლს ანუ 1,68% სრულებით არ ქონებია სამოსახლო მიწა.
ამავე გლეხებს სახნავ-სათესი მიწა ქონდათ სულ 4,555 დესიატინამდე

ანუ კომლზე საშუალო რიცხვი 2,24 დესიატინა. მაგრამ უმეტესობას ჰქონდა ამის საშუალო ზომასზე ნაკლები; ამნაირად 1,193 კომლს ანუ 48,81% ჰქონდა 0—2,5 დესიატინამდე; 620 კომლს ანუ 25,37%— 2,5—5 დესიატინამდე; მხოლოდ 215 კომლს, ანუ 8,80% ჰქონდა 5—20 და ზევით დესიატინამდე. მაგრამ ამავე დროს 416 კომლს ანუ 17,02% სრულებით არ ქონებია სახნავ-სათესი მიწა. რაც შეეხება სავენახე მიწებს სიერციით 614 დესიატინამდე, რომლებიც ხიზნების სარგებლობაში იყო ზემოთმოყვანილ ცნობების შეკრების დროს, ესე იგი 1882—4 წლებში, ამაზე ცნობები არა გვაქვს, არ ვიცით აგრეთვე სისწორით 1882—4 წლების შემდეგ ხიზნების რიცხვი როგორ შემცირდა თუ გამრავლდა ქუთაისის გუბერნიაში, ოფიციალური ცნობით *). მეოცე საუკუნის დასაწყისში ე. ი. თითქმის ოცი წლის შემდეგ ზემოთმოყვანილი ცნობების შეკრებისა ქუთაისის გუბერნიაში ითვლებოდა ორი ათასი კომლი (2000) ხიზანი, თუ ეხლა ყურადღებას მივაქცევთ იმ ვალდებულებათ, რომლებიც აწევთ თავზე ქუთაისის? გუბერნიის ხიზნებს მემამულეთა სასარგებლოთ, დავინახათ, რომ გარდა იმ გვარ ვალდებულებათა, რომლებიც აწევთ თბილისის გუბერნიის ხიზნებს, აქაური ხიზნები კიდევ იხდიან მემამულეთა სასარგებლოდ გადასახადს ფულით, რაც 1882—4 წლებში აღწევდა 10,471 მანეთს ე. ი. კომლზე საშუალო რიცხვით მოდიოდა 4 მანეთი 18 კაპ. აქედან აშკარაა, რომ ხიზნების მდგომარეობა საზოგადოთ ქუთაისის გუბერნიაში უფრო გაჭირვებულია, ვინემ თბილისის გუბერნიაში. მაგრამ ყურადღებაში მისაღებია არა მარტო ეს უზომო ვალდებულებანი, რომლებიც აწევს ხიზნებს; როგორც ქუთაისის, ისე თბილისის გუბერნიებში, არამედ უმეტესად ის გარემოება, რომ, როგორც ჩვენ დავინახეთ, ხიზნების მდგომარეობა არაფრით არ არის განსაზღვრული, არავითარი კანონი მათ არ იცავს მემამულეს თვითნებობისაგან, რომელსაც ყოველ წამს შეუძლია მოუმატოს გადასახადი და თითქმის სრულებით გააძეოს ხიზანი იმ მიწა-ადგილიდან, რომელიც მას ათი და ასი წლის განმავლობაში თავისი ოფლით გაუნაყოფიერებია **).

*) Доклад Кут. Губ. Пом. гвер. 30.

***) ხიზნების უნუგეშო მდგომარეობა იძულებულია იცნოს თვით ოფიციალურმა ორგანომაც. აი რას ვკითხულობთ Доклад-ში: „მივიღებთ რა მხედველობაში იმ ვალდებულებათ, რომლებითაც დატვირთულია ხიზნები, და იმ გარემოებას, რომ ისინი სრულებით უზარუნველყოფილნი არ არიან მემამულეთა თვითნებობისაგან, არ შეიძლება არ მივიღეთ იმ დასკვნამდის, რომ ხიზნები უნდა მიეწეროს დროებით-ვალდებულ გლეხებს“. ეს მართალი არ არის; დროებითი ვალდებული გლეხები შედარებით უფრო კარგ პირობებში იმყოფებიან.

V. რ ა ი ა ტ ე ბ ი .

აშიერ-კავკასიის გლეხკაცობა, როგორც ზევით ვამბობდით, ისტორიულ და ეთნოგრაფიულ პირობების გამო, მეტად სხვადასხვაგვარ ელემენტებისაგან შესდგება. ზევით ჩვენ დაეხასიათეთ ის ელემენტები, რომლებიც გარდა იმისა, რომ უფრო უმრავლესობას წარმოადგენენ, უფრო ცნობილია, მაგრამ არის კიდევ სხვა ელემენტებიც, რომლებიც რიცხვით ზოგიერთ ზევით აღნიშნულ ელემენტებზე ნაკლები არიან, მაგრამ, რომელთაც ჩვენ ნაკლებათ ვიცნობთ. ასეთებია მაგალითად: დაღესტანის ოლქში ეგრედ წოდებული უნდენები, 1886 წლის ცნობებით 106,536 კომლი ანუ 490,643 სული ირიცხებოდა, რომელთა შესახებ ჩვენ არავითარი ცნობა არა გვაქვს; ასეთებია, ეგრედ წოდებული მიულიკა და ხედერის გლეხები ერევნის გუბერნიაში (1886 წლის დამლევს 6685 კომლი და 44928 სული), რომლებთა უფლება ისევე განუსაზღვრელი და გამოურკვეველია, როგორც დროებით ვალდებულ ხიზანთა უფლებები. მაგრამ ჩვენ აქ გვსურს მკითხველის ყურადღება მივაქციოთ რაიატების მდგომარეობას; რაიატები ცხოვრობენ დაღესტანის ოლქში, კატაგი, კამასარანის მაზრაში. 1886 წლის ცნობებით ირიცხებოდა 14582 კომლი ანუ 78112 სული. აი როგორ ასურათებს რაიატების თანამედროვე მდგომარეობას ვაზეთ ბაქოს „უწყებების“ თანამშრომელი: „ვინ იფიქრებდა, რომ დაღესტანში აქამდის არსებობს ბატონყმობა? მაგრამ ეს კი ასეა, რაიატები არა თუ მუშაობენ თავის მებატონეთა (ბეგები) სასარგებლოდ, არამედ იმდენად დაძაბუნებულან, რომ არც კი ფიქრობენ უკეთეს მომავალზე. ეს უბედურები სრულიად დამოკიდებული არიან ბეგებზე... რაიატები არ ცხოვრობენ ბეგებთან, ვინაიდან ბეგები შეძლებული ხალხი არ არიან; სამაგიეროდ იმათ აწვეთ კისერზე ათასგვარი ვალდებულებანი ბეგების სასარგებლოდ. ისინი აძლევენ ბეგებს გადასახადს ფულით და ყოველგვარ ნაწარმოებით. რაიატები მეტის მეტათ შშვიდი და წყნარი ხალხია, რაც ხელს უწყობს ბეგებს იმათ დასამორჩილებლად; ხშირად ხდება ხოლმე, როცა გაცხარებულ ყანების მუშაობით რაიატების სოფელში მოვარდება მხედარი და მოხუცებულებს ძალას ატანს ბეგის ყანებში მუშაობაზე... ყოველგვარი დავა აქ იჩივება ადათების მიხედვით, და ადათები კი ბეგების სასარგებლოდ არიან შედგენილნი... ამ ეამად ბეგების მეტადინეობა მიმართულია იმისაკენ, რომ რამენაირათ ჩაიგდონ ხელში ის მიწები, რომლებიც რაიატების ხელში იმყოფება; ამას კიდევაც მიაღ-

წიეს*)... ერთი სიტყვით აქ ნამდვილი ბატონყმობაა. სწორედ ეს გარემოება აქვს მხედველობაში ბატონ სააკოვს, როდესაც ამბობს, რომ რაიატების მდგომარეობა არაფრით არ განირჩევა ყმისაგან“. მაგრამ მისი შემდეგი სიტყვებიდან გამოდის, რომ რაიატები ვითომც წინეთაც უბედური ყოფილიყვნენ. „ისინი (რაიატები) აქამდის იმავე ვალდებულებათ უსრულებენ ბეგებს და იმავე ზომით, როგორც ეს ბატონყმობის დროს იყოფო“. მაგრამ ეს მართალი არ არის, რადგანაც წინათ რაიატები არასოდეს ბატონ-ყმურ დამოკიდებულებაში არ იმყოფებოდნენ. აი რას ამბობს ამის შესახებ სახელმწიფო გლეხების მდგომარეობის მკვლევარი ი. ბახტაძე: „შედარებით უკეთეს მდგომარეობაში იმყოფებოდნენ ეგრედ წოდებული რაიატები, რომლებიც ცხოვრობდნენ, როგორც თავისუფალი სოფლის საზოგადოებანი და, რომლებიც ვალდებული იყვნენ განსაზღვრული ერთხელ და სამუდამოთ გადაწყვეტილი გადასახადი და ბეგარა ეხადნათ. ეს გადასახადი არა თუ არ იყო თვითნებობაზე დამყარებული, არამედ იმის გაწერის დროს მხედველობაში უსათუოდ უნდა მიღებული ყოფილიყო გადამხდელთა ეკონომიური კეთილდღეობა. ხანს შეეძლო გაეცა რაიატების სოფელი იმისთვის, ვინც მას სურდა, მაგრამ იმნაირი პირობით, რომ მცხოვრებთა პირადი თავისუფლება არ შეევიწროებუდიყო. წინააღმდეგ შემთხვევაში რაიატებს ნება ჰქონდათ ეჩივლათ ხანთან დროებით მფლობელის ასალაგმავათ“.

აქედან აშკარაა, რომ ბატონყმური ურთიერთობის ხსენებაც კი არ ყოფილა რაიატებში. და ის, რაც დღეს იმათში ხდება, ეს სულ ახლად შემოღებულია: ე. ი. ეს მოხდა მას შემდეგ, რაც ბეგები და ალღარები მიწათმფლობელებათ იქმნენ ცნობილნი ძველი მებატონეთა უფლებით. დაღესტანის მიყრუებულ ადგილებში ცხოვრებამ, წარმოების განუვითარებლობამ და ხალხის სიბნელებმ ხელი შეუწყვეს, რომ ბატონ-ყმურ მიდრეკილებათ აქ თანდათან გაედგა ფესვი, ჩვენც მე-20-ცე საუკუნის დასაწყისში, თითქმის ორმოცი წლის შემდეგ რუსეთში ბატონ-ყმობის გაუქმებისას ვართ მოწამენი ბატონ-ყმობის ურთიერთობის არსებობის ამიერ-კავკასიაში სხვადასხვა სახით და სხვადასხვა ფორმით.

*) მოყვანილია შურ. „Образование“ 1908 წ. № 11.

დასკვნა.

ჩვენ კარგათ ვგრძნობთ, რომ ზევით ნათქვამი სახეებით არ ახასიათებს ამიერ-კავკასიის გლეხკაცობას, მაგრამ ერთი საერთო დასკვნის გამოყვანა აუცილებელია. ეს დასკვნა ამნაირია: ამიერ-კავკასიაში საერთოდ გლეხკაცობის მდგომარეობა არა თუ გამოურყვეველი და განუსაზღვრელია, არამედ მას ჯერ არ ღირსებია ის მცირე რეფორმებიც, რომლებიც შიდა გუბერნიების გლეხკაცობის მდგომარეობას შეეხო. ამიტომ თუმცა ჩვენშიაც გაუქმდა ბატონ-ყმობა და გლეხი პირადათ დამოუკიდებელი შეიქნა, მაგრამ სხვადასხვა მოსაზრებათა, განზრახვათა და შეხედულებათა წყალობით ბატონ-ყმობა ჩვენში დღემდისაც დაცულია. მესაკუთრე გლეხები, რომლებიც შედარებით ბატონყმურ დამოკიდებულებისაგან თავისუფალი არიან, ამიერ-კავკასიაში შედარებით ძლიერ მცირე ნაწილს შეადგენენ. უმეტესობას შეადგენენ სახელმწიფო გლეხები, რომელთა მდგომარეობა არაფრით არ არის განსაზღვრული და გაწესრიგებული, რაც უზრუნველყოფდეს მათ მომავალში *).

რაც შეეხება დროებით ვალდებულ გლეხებს, ხიზნებს, სახელმწიფო გლეხებს, დასახლებულ კერძო მემამულეთა მიწებზე, რაიატებს და სხვების იმათი იურიდიული მდგომარეობა თითქმის არაფრით არ განირჩევა ბატონ-ყმურ დამოკიდებულებისაგან.

ამნაირად ამიერ-კავკასიის გლეხკაცობა მეოცე საუკუნის დასაწყისში საჭიროებს თავის მდგომარეობის გასაუმჯობესებლად უწინარეს ყოვლისა ხელახალ რეფორმას.

საერთოდ ამიერ-კავკასიის ხუთ გუბერნიაში დაახლოვებით გლეხკაცობის 457,167 კომლს სარგებლობაში ირიცხება 4,864,280 ღესეტინა მიწა ანუ საშუალო რიცხვით კომლზე 10,42 ღესეტინა.

სხვა და სხვა კატეგორიის გლეხკაცობაში და სხვა და სხვა გუბერნიებში, როგორც საერთო რიცხვით, ისე თითო კომლზე მიწის რაოდენობა ძლიერ რყევაშია. ასე მაგალითად: მაშინ, როცა ოთხ გუბერნიას სახელდობრ; თბილისის, ერევნის, განჯის და ბაქოს გლეხკაცობა საშუალო რიცხვით კომლზე მოსდის 12,30—15,46 ღესეტინა, ქუთაისის გუ-

*) ამას აღიარებს თვით ოფიციალური ორგანო: „განიხილა რა სამეურნეო მოქმედება სახელმწიფო გლეხთა და განსაკუთრებით სამხედრო გამგეობაში მყოფ ოლქებისა, კომიტეტ მივიდა იმ დასკვნამდე, რომ ერთი იმ პირველ მიზეზთაგანათ, რომელიც იწვევს მეურნეობის განუვითარებლობას, არის მიწის მფლობელთა განუსაზღვრელობა და გამოურყვევლობა, რაც იწვევს შიშს მომავლისათვის“. ДИАЛОГ გვერ. 30-1.

ბსრნიის გლუბკაცობას კომლზე მოდის საშუალო რიცხვით მხოლოდ 2,86 დესეტინა. ქუთაისის შემდეგ თბილისის გუბერნიის გლუბკაცობას ეტყო-
ბა მიწის სივიწროვე; მართალია, საშუალო რიცხვით აქ საერთოდ გლუბ-
კაცობას 12,39 დესიატინა მოსდის კომლზე, მაგრამ თუ ავიღებთ გლუბ-
კაცობის სხვა და სხვა კატეგორიებს, მაშინ ასეთ შესაძენვე განსხვავებას
დავინახავთ; თბილისის გუბერნიის გლუბკაცობაში თითო კომლზე მოდის;

სახელმწიფო გლუბებს

სახაზინო მიწაზე

17,90 დესიატინა:

კერძო მემამ. მიწაზე .

7.47

დროებით ვალდებულ გლუბებს .

2,42

მესაკუთრეებს .

21.03

ხიზნებს.

4,05

თუ აქედან გამოვრიცხავთ მესაკუთრე გლუბებს, რომლების შესახებ
ცნობები სრულებით სანდო არ არის, გამოვა, რომ მხოლოდ სახელმწი-
ფო გლუბებს სახაზინო მიწაზე მოსდის საშუალო რიცხვით 17,90 დესია-
ტინა. დანარჩენ კატეგორიას კი ძლიერ მცირე მიწა აქვს თავის სირგ-
ბლობაში. ასე რომ ამ მხრით დიდათ უახლოვდებიან ქუთაისის გუბერ-
ნიის გლუბკაცობას. მეორეს მხრით, თუ მხედველობაში მივიღებთ იმ გა-
რამოვებასაც, რომ თბილისის იმ სახელმწიფო გლუბებში, რომლებიც სა-
ხაზინო მიწებზე სახლობენ, გერმანულ კოლონისტთა და რუსის გლუბებს
უჭირავთ კომლზე საშუალო რიცხვით 24,65 დესიატინა, (გერმანულ კო-
ლონისტებს 27,59 დესიატინა, რუსის გლუბებს 21,71 დესიატინა). მა-
შინ ჩვენ დავინახავთ, რომ ადგილობრივ გლუბებს, რომლებიც დიდ
უმრავლესობას შეადგენენ, საერთო რიცხვით კომლზე 17,90 დესიატი-
ნაზე ბევრად ნაკლები უნდა მოდიოდეს.

საჭიროა აღვნიშნოთ, რომ თუმცა ამიერ-კავკასიის ხუთი გუბერნიის
გლუბკაცობის სარგებლობაში ამ ეამად არის დაახლოვებით 4,864,280
დესიატინა მიწა ე. ი. 21,09 პროცენტი ხსენებულ ხუთი გუბერნიის
მთელი ტერიტორიასა, რომელიც დაახლოვებით უდრის 15,642,415
დესეტინას, მაგრამ ამ 4,864,200 დესიატინიდან მხოლოდ მცირედი ნა-
წილი, ე. ი. 342,372 დესიატინა ე. ი. 7,04 პროცენტის განკარგულე-
ბა მფლობელთა მიერ ცოტათ თუ ბევრად უზრუნველყოფილია, კინაი-
დან ეს მიწები შეადგენენ მესაკუთრე გლუბების სრულ საკუთრებას. და-
ნარჩენი მიწები ანუ 4,521,908 დესიატინა, ე. ი. 92.96%, რომლე-
ბიც ეკუთვნის სხვა და სხვა კატეგორიის სახელმწიფო გლუბებს დროე-

ბით ვალდებულ და ხიზნებს არაფრით განსაზღვრული და გაწესრიგებული არა არის, და არც ერთი იმათი დღევანდელი მფლობელი არ არის დარწმუნებული იმაში, რომ ხვალ მას არ აყრიან იმ მიწიდან, რომელსაც იგი რამოდენიმე თაობის ხნის განმავლობაში ფლობდა და აპოხიერებდა. ამ მიწების სარგებლობისათვის გლეხები იხდიან ღალას და სხვადა სხვა ბეგარას, რომელიც თანდათან მალა იწევს, რამდენადაც მრავლდება მემამულეთა მოთხოვნილება და რამდენად მიწის საჭიროება მეტი ხდება.

ამაირად, ვინაიდან ამ მიწებზე მფლობელობის უფლება დღემდის არაერთად კანონით უზრუნველყოფილი არ არის, ამიტომ რა გასაკვირველია, რომ სამეურნეო გაუმჯობესება ჩვენში ძლიერ წელი ნაბიჯი მიდის წინ, და უმეტეს შემთხვევაში იგი მამაპაპურ წეს ვერ გასცილებია.

აქვე უნდა აღვნიშნოთ, რომ ჩვენი გლეხკაცობა დღეს სრულებით ერთ მთელს არ წარმოადგენს, ასე რომ ის გარამეობა, რომ ამა თუ იმ გუბერნიაში ან გლეხკაცობას ამა თუ იმ კატეგორიაში საშუალო რიცხვით კომლზე მოდის 10 თუ 15 დესიატინა მიწა, ეს სრულებით არაფერს არ ამბობს იმის შესახებ, თუ ნამდვილად გლეხკაცობაში როგორ არის განაწილებული მიწა. რომ თანასწორად არ არის განაწილებული, ეს არავისთვის დღეს სადაო არ არის. მხოლოდ ის გარამეობა, თუ გლეხკაცობის რა ნაწილს არ ყოფნის მიწა ან სულ უმიწაწყლოდ არის დარჩენილი, და მეორე მხრით, რამდენს აქვს სამყოფი და რამდენს კიდევ იმაზე მეტი, რაც თავის სარჩენად უნდება, სამწუხაროდ ამ ფრიად საჭირო კითხვების გამოსარკვევად, გარდა იმისა, რაც ზევით იყო ნათქვამი, ჩვენში თითქმის არავითარი სწორი ცნობები არ მოიპოვება. ამისთვის საჭიროა მოვიყვანოთ აქ ისეთი ფაქტები, რომლებიც დაახლოვებით გვაჩვენებენ, თუ როგორ უნდა იყოს განაწილებული მიწები გლეხობაში. მოვიყვანოთ აქ შემდეგი ცნობები.

თბილისის გუბერნიის 941 სოფელში, რომლებშიც სახაზინო მიწებია, სახელმწიფო გლეხებს თითო კომლზე მოდის:

20 სოფელში	0—	1 დესიატინა
26 „	1—	2
24 „	2—	3
72 „	3—	4
62 „	4—	5
64 „	5—	6
36 „	6—	7

29	სოფელში	7—	8	დესიატინა
32	"	8—	9	
32	"	9—	10	
57		10—	12	
34		12—	14	
35		14—	16	
31		16—	18	
24		18—	20	
65		20—	25	
46		25—	30	
79		30—	40	
59		40—	60	
39		60—	100	
52		100—	200	
5		200—	449	

აქედან ჩვენ ვხედავთ, რომ იმ სოფელთა გვერდით, რომლებშიაც კომლზე 0-1 დესიატინა მიწა მოდის, არიან ისეთი სოფლები, სადაც კომლზე მოდის 200—449 დესიატინამდე მიწა. ეს უკანასკნელნი მსხვილ მემამულეებათ უნდა ჩათვალონ. საიდან არის გამოწვეული სახანო მიწების ეს უთანასწორო განაწილება სოფლებში და გლეხებში, ამის შესახებ ოფიციალური წყარო ჩვენ არაფერს გვეუბნება. მხოლოდ დაწვრილებით ადგილობრივი გამოკვლევა დაგვანახებდა ამ საინტერესო მოვლენის ნამდვილ მიზეზს.

შემდეგ ჩვენ ვტყობილობთ, რომ იმავე თბილისის გუბერნიის სახელმწიფო გლეხებს ამ 10—15 წლის წინად 2,034 სული მამობრივი სქესისა სრულებით უმიწაწყლოთ იყო დარჩენილი ე. ი. ნამდვილი სოფლის პროლეტარები იყო. თუ ამას მიუმატებთ იმ სოფლების სახელმწიფო გლეხებს, რომელთაც 0—1 დესიატინამდე მიწა ჰქონდათ, რაც იგივე უმიწობას ნიშნავს, მაშინ გამოვა, რომ 10—15 წლის წინად თვით სახელმწიფო გლეხებშიც, რომლებიც შედარებით სხვებზე უფრო უზრუნველყოფილი არიან მიწით, კაი ძალი ხალხი სოფლის პროლეტარებს ეკუთვნოდა. თბილისის გუბერნიის დანარჩენ გლეხებზე ამგვარივე ცნობები არა გვაქვს, გარდა იმისა, რომ დროებით ვალდებული გლეხთა და ხიზნების კომლზე საშუალო რიცხვით მოდის 2,42 და 4,05 დესიატინა მიწა. რაც შეეხება ქუთაისის გუბერნიის გლეხთა ცნობას, ყველანი ერთ-

ხმად აღიარებენ, რომ აქ მიწის დიდი სიფიწროვეა გლეხკაცობაში, რასაც აშკარად მოწმობდნენ ჩვენ მიერ ზევით მოყვანილი ცნობები ყველა კატეგორიის გლეხკაცობის შესახებ. მაგრამ დღემდის არაფერს უცდია იმის გამოკვლევა, თუ რა სახით ან რა ზომამდეა მიწის სიფიწროვე ქუთაისის გუბერნიაში. ეს გამოკვლევა ჩვენ აშკარად დაგვანახებდა, რომ ქუთაისის გუბერნიის გლეხკაცობის უმეტეს ნაწილს თანდათან ეცლებოდა ზელიდან მიწა-წყალი და პროლეტარებად ხდებოდა. გარდა იმ ცნობებისა ქუთაისის გლეხების შესახებ, რომლებიც ზევით მოვიყვანეთ, ჩვენ გვაქვს ამ გუბერნიის ერთი მაზრის საგლეხო მიწათმფლობელობის დაწვრილებითი ცნობები, შეკრებილი 1893 წელში, საფილოქსერო უსის მოხელეთა მიერ, რაც ძლიერ სარწმუნოდ უნდა მივიღოთ. აი რას გვეუბნება ეს ცნობები:

გლეხთა კატეგორიები.	რიცხვი კომლსა	მიწა დესიატინებათ.			
		ნადელში მიცემ.	ნაყიდი	სულ.	თითო კომ. საშ. რიცხვი.
სახელმწ. ნადელიანი გლეხებს.	4,990	15,013	1,468	16,481	3,29
სახელმწ. გლეხებს უნადელ. დარჩენილთ დროებით ვალდებული	129	12	1,362	1,374	3,20
მესაკუთრენი	5,766	12,532	4,710	17,250	3,00
ბოგანო ანუ უმიწა-წყლოებს	9,117	4,000	34,454	34,458	3,78
საეკლესიო	61	—	—	—	—
მეშჩანებთ.	266	870	179	1,049	3,93
ვაქრებს	157	64	137	201	1,29
ვაქრებს	91	61	229	290	3,18
სულ.	20,886	28,556	42,547	71,103	3,40

როგორც აქედან ვხედავთ, შორაპნის მაზრაში 20,886 კომლიდან 61 სოფლებით უმიწაწყლოად არის დარჩენილი; დანარჩენს აქვს სულ 71,103 დესიატინა მიწა ანუ საშუალო რიცხვით კომლს—4,40 დესიატ.; აქედან 28,556 დეს. ანუ 40,16% სანადელო მიწა არის; დანარჩენი—42,547 დეს., ე. ი. 49,84% ნაყიდი; აქედან უმეტესი ნაწილი 34,454 დეს. ვაკუთრენის მესაკუთრე გლეხებს, თუმცა საშუალო რიცხვით შორა-

პნის მახრაში თვითეულ გლეხის კომლს მოსდის 3,40 ღეს., ე. ი. ბევრად იმაზე ნაკლები, რაც საჭიროა საშუალო ოჯახისათვის თავის სარჩენად. მაგრამ ნამდვილად კი უმეტესობას ამ საშუალო ნორმაზე ბევრად ნაკლები მოდის. შემდეგი ცხრილი გვაჩვენებს, თუ როგორ არის განაწილებული მიწა-ადგილი შორაპნის გლეხებში. შორაპნის მახრაში ქონებია მიწა:

0 — 1/2 ღეს.	808 კომლს.	ესე იგი	3,90%
1/2 — 1	1,673	"	8,02
1 — 1 1/2	2,580		12,38 „
1 1/2 — 2	2,716		13,02 „
2 — 3	4,419		21,20 „
3 — 4	3,030		14,54 „
4 — 5	1,871		8,98 „
5-დან და მეტი	3,630		17,40 „
სულ .	20,825		100,00 „

ამნაირად ნახევარზე მეტს ანუ 58,52%, გლეხებისას შორაპნის მახრაში აქვს მიწის ნაწიკვები, ე. ი. სამ ღესიატინამდის; ამასთანავე ერთ ღესიატინამდის აქვს 11,92%, ერთიდან სამ ღესიატინამდე 46,60%, მხოლოდ 17,40% აქვს იმდენი მიწა-ადგილი, ე. ი. 5 ღეს. ზევით, რამდენიც თავის სარჩენად ეყოფა. დანარჩენი ნაწილი უმეტეს შემთხვევაში მხოლოდ სიტყვით ითვლება მიწის მფლობელებათ, მართლაც კი ნამდვილი ბოგანოა, ე. ი. უმიწაწყლო, ვინაიდან თავის სარჩენად იგი იძულებულია ან იჯარით აიღოს მიწა და ან წავიდეს გარეთ საჭიროაზე.

სამწუხაროდ დანარჩენ მახრების შესახებ არა გვაქვს ამგვარი ცნობები, მაგრამ ეკვი არ არის, რომ რაც შორაპნის მახრაში ხდება, იგივე ხდება დანარჩენ მახრებშიაც. განსაკუთრებით ეს უნდა ითქვას ოზურგეთის მახრაზე, სადაც მიწის სივიწროვე გლეხობაში უკიდურეს ხარისხამდღა.

დასასრულ აღვნიშნავთ აქვე, რომ ქუთაისის გუბერნიაში ხიზნების უმრავლესობას, ე. ი. 1,193 კომლს აქვს 0—2,5 ღესიატინამდე, ე. ი. ბევრად იმაზე ნაკლები, რაც ოჯახის სარჩენად არის საჭირო; იმავე დროს 416 კომლს არ ქონდა ცნობების შეკრების დროს სახნავ-სათესი მიწა, 41 კომლს კი არ ქონებია საშოსახლოც კი.

ამნაირად გლეხობის უმრავლესობა ან სრულეებით უმიწაწყლოთ არის დარჩენილი, ან და იმოდენა მიწა შერჩენია, რომ ამით თავს ატ-

კვილებენ. ოჯახს კი ან ქირაზე მუშაობით არჩენენ და ან მიწის იჯარით აღებთ. რაც ურო გადის და ხალხი მრავლდება. სოფლის ხალხის მეტ ნაწილს სულ უფრო და უფრო ეკლება ხელიდან მიწა და ამასთანავე აულ უფრო და უფრო მეტს საქიროებათ ხდება, ერთი მხრით, იჯარით მიწის აღება და, მეორე მხრით, გარეთ საქირაოზე წასვლა.

სოფლის ხალხის უმიწა-წყლოთ დარჩენას, გაპროლეტარებას არ შეეძლო ძილიდან არ გამოეყვანა ერთი ჯურის „მამულისშვილები“, რომელთა რიცხვი ყოველგან ბევრია და რომლების გონება მეტად შეზღუდულია. ამასთანავე ჩვენს „მამულიშვილებს“ მიაჩნიათ გლეხაკობა ერთ მთელ წოდებათ. რომელშიაც დღეს არაერთარი კლასობრივი წინააღმდეგობა არ არსებობს და თუ მიწის მხრით უთანასწორობაა. ეს მხოლოდ შემთხვევითი მოვლენაა, რის თავიდან აცილება შეიძლება საგლებო ბანკის, საიჯარო მრეწველობის და სამეურნეო ტეხნიკის გაუმჯობესებით*). ამნაირად ოცნებობა შეუძლია მხოლოდ იმას, ვისაც სინამდვილეზე, ე. ი. დღევანდელ ეკონომიურ პირობებზე, არაერთარი წარმოდგენა არ აქვს და იმავე დროს თავი მეტად გატენილი აქვს სხვა და სხვა თეორიებითა და განყენებული ფრაზებით.



*) ასეთ საშუალებას იძლევა ამ ბოლო დროს ბ-ნი ფ. გოგჩაიშვილი¹⁴⁾ (იხ. მისი *Материалы кр. работы* და წერილი „შოაბებში“ I, 1904 წ.).

სათავად-აზნაურო მიწათმფლობელებს ამიერ-კავკასიაში.

იმას, თუ როგორი იყო და არის დღეს გლეხკაცობის ეკონომიური და პოლიტიკური მდგომარეობა და საერთოდ გლეხური მიწათმფლობელობა ამიერ-კავკასიაში, ჩვენ ცალკე წერილში შევხებით. ახლა კი აქ საკიროა თავად-აზნაურობისა და საზოგადოთ უფლება-მოსილ წოდებათა მიწათმფლობელობის გამოარკვევა, რამდენათაც კი ეს შესაძლებელია.

ოფიციალური ცნობებით (იხ. Свод стат. данных) ამიერ-კავკასიის ხუთ გუბერნიაში უფლება-მოსილ წოდებათა მიწების რაოდენობა შედარებით გლეხკაცობისა და ხაზინის საკუთრებასთან წარმოდგენილია შემდეგ ცხრილში (იხ. გვ. 69).

უმთავრესი ნაკლულევანება მოყვანილი ცხრილისა ის არის, რომ აქ არ არის ნაჩვენები ქალაქის მცხოვრებლების და ვაჭრების მიწის რაოდენობა. ექვი არ არის, რომ ამ უკანასკნელთა მიწების რაოდენობა გლეხების მიწებათ არის ნაჩვენები; ეს გარემოება კიდევ უფრო ამცირებს საერთო საგლეხო მიწათმფლობელობას ამიერ-კავკასიის დასახელებულ ხუთ გუბერნიაში. თუ ამ ნაკლულევანებას აუცილებელ სტატისტიკურ გამოკვლევათა დღევანდელ მდგომარეობაში გვერდს აუვლით, მოყვანილი ცხრილი ასეთ დასკვნას იძლევა:

1) ამიერ-კავკასიის დასახელებულ ხუთ გუბერნიაში ეკუთვნის:

ხაზინას.	51,15%	მთელი ტერიტორიისა
თავად-აზნაურობას.	17,93	" "
გლეხკაცობას	30,92	" "

2) მაგრამ, როცა განვიხილავთ ცალ-ცალკე თითოეულ გუბერნიას, მაშინ ეს საერთო სურათი იცვლება; მაშინ, როცა ერთ გუბერნიაში კარბობს სახაზინო მიწა, მეორეში მეტია სათავად-აზნაურო, მესამეში კი საგლეხო მიწათმფლობელობა.

ამნაირად ყველაზე უფრო მეტი სახაზინო მიწა ირიცხება ბაქოს გუბერნიაში, ე. ი. 61,06% მთელი ტერიტორიისა. დანარჩენ გუბერნიებში ასე კლებულობს სახაზინო მიწა: 1

გუბერნიები	'ი მ ყ რ ფ ე ბ ა ს ა რ გ ე ბ ლ ო ბ ა შ ი.							ს უ ლ
	'ვმამაყა -ღაყ სამსადგ %	'ვმამაყ -ღაყ სამსადგ %	'ვმამაყ -ღაყ სამსადგ %	'ვმამაყ -ღაყ სამსადგ %	'ვმამაყ -ღაყ სამსადგ %	'ვმამაყ -ღაყ სამსადგ %	'ვმამაყ -ღაყ სამსადგ %	
თბილისის	1,574,483	40,09	1,260,406 *	32,09	1,093,021	27,82	3,927,910	
ქუთაისის **)	685,999	35,94	815,321	42,71	407,581	21,35	1,908,901	
ერევნის .	1,324,738	56,03	60,126 **)	2,45	981,615	41,52	2,366,479	
განჯის	2,275,833	57,54	440,798	11,22	1,235,154	31,24	3,951,785	
ბაქოს.	2,185,184	61,06	246,904	6,89	1,146,909	32,05	3,578,997	
ს უ ლ	8,046,237	51,15	2,823,555	17,93	4,864,280	30,92	15,734,072	

* 1) ბ-5 ფ. გავიარაგებულ კონტრაქტით, რომელიც თბილისის თავდაზნაურობის სტატისტიკისა, თბილისის გუბერნიის თავდაზნაურობას აჭრს სულ 1,011,719 დეკატონა მიწა.

** 2) ეს ამოღებულია თბილისის სახანოთი კალატის კონტრაქტის მიხედვით "РАСКЛАД ПОС. НАЛОГОВ НА ТРЕХ-ЛЕТНЕМ С 1884 Г. УНДА МЕРИТОВО", რომ აკ მიღებულია მხედველობაში კარგი მიწა, ასე რომ ნამდვილად რამდენიმე ანაზღაურება უნდა იყოს.

*** 3) შუილ მატარებელი: ქუთაისის, შორაპნის, რაჭის, ლენჯის, სენაკის, ზუგდიდის და თბილისის, რომლებიც სამოკალაქო ურეგულარული იმყოფებიან.

განჯის გუბერნიაში	57,54 ⁰ / ₀ მთელი ტერიტორიისა.
ერევნის	56,03
თბილისის	40,09
ქუთაისის	35,94

ამნაირად ქუთაისის გუბერნიის ხაზინას უჭირავს დანარჩენ გუბერნიებთან შედარებით ყველაზე უფრო ნაკლები მიწა. სამაგიეროდ, თავად-აზნაურობას ხსენებულ გუბერნიაში უჭირავს უდიდესი ნაწილი, ე. ი. 42,71⁰/₀ მთელი ტერიტორიისა. დანარჩენ გუბერნიაში ასე კლებულობს თავად-აზნაურობის მამული:

თბილისის გუბერნიაში.	32,09 ⁰ / ₀ მთელი ტერიტორიისა.
განჯის	11,22
ბაქოს	6,80
ერევნის	2,45

მაშასადამე, თავად-აზნაურობის მამული სიერკით უდიდეს ნაწილს შეადგენს ქუთაისის და თბილისის გუბერნიაში, განსაკუთრებით კი პირველში. უმცირეს ნაწილს—ერევნის გუბერნიაში, სადაც თავად-აზნაურობას ეკუთვნის მხოლოდ 2,45⁰/₀ მთელი ტერიტორიისა.

რაც შეეხება საგლეხო მიწათმფლობელობას, ამ მხრით პირველი ადგილი უჭირავს ერევნის გუბერნიას, სადაც გლეხობის ხელშია დაახლოვებით 41,52⁰/₀ მთელი ტერიტორიისა. დანარჩენ გუბერნიებში საგლეხო მიწათმფლობელობა ასე კლებულობს:

ბაქოს გუბერნიაში.	32,05 ⁰ / ₀ მთელი ტერიტორიისა.
განჯის	31,24
თბილისის	27,82
ქუთაისის	21,35

ამნაირად ქუთაისის გუბერნიაში საგლეხო მიწათმფლობელობას უკანასკნელი ადგილი უჭირავს. ამ მხრივ მას უახლოვდება თბილისის გუბერნია; სადაც გლეხობას უჭირავს 27,82⁰/₀. ეს გარემოება მეტად საგულისხმეოა: სწორედ ქუთაისის და თბილისის გუბერნიაში თავად-აზნაურობას უჭირავს მომეტებული მიწები, ვინემ დანარჩენ გუბერნიებში.

ჰ) თუ თავად-აზნაურობის საერთო რიცხვს შევეუფარდებთ გლეხობის რაოდენობას ამიერ-კავკასიის ხუთ გუბერნიაში, მაშინ დაინახავთ, რომ თავად-აზნაურობა აქ შეადგენს 3,39⁰/₀ მცხოვრებთა საერთო რიცხვისას, ამათ ეკუთვნის 17,93⁰/₀ მთელი ტერიტორიისა; გლეხობა კი

ამავე გუბერნიებში ირიცხება 85,44%⁰, მის ხელში კი არის 30.92⁰ მთელი ტერიტორიისა. ეს ითქმის საერთოდ ყველა ხუთ გუბერნიის შუახებზე. მაგრამ თუ ცალ-ცალკე ავიღებთ ამ გუბერნიებს. მაშინ ეს სერათი რამდენიმეთ იცვლება. როგორც ეს შემდეგი ცხრილიდან სჩანს

გუბერნიები	თავად-აზნაურობა		გლეხკაცობა.	
	მცხოვრობთა რაოდენობა % შუალედში.	რამდ. მიწა უპირატეს % მთელ ტერიტორიაში.	% მცხოვრებლების.	% მიწისა.
თბილისის	2,88	32,09	84,59	27,82
ქუთაისის	6,70	42,71	85,82	21,35
ერევნის	0,89	2,45	89,75	41,52
განჯის	3,37	11,22	85,86	31,24
ბაქოს .	2,00	6,89	81,26	32,05
სულ :	3,39	17,93	85,44	30,92

ამნაირად, დიდძალი მიწა ადგილი უჭირავს თავად-აზნაურობას ქუთაისის გუბერნიაში, სადაც იგი რიცხვითაც სჭარბობს დანარჩენ გუბერნიების უფლებამოსილ წოდებათ. როგორ მოსალოდნელი იყო, ამავე გუბერნიის გლეხობას, რომელიც 85,82%⁰ შეადგენს მცხოვრებთა მთელი რიცხვისას, უჭირავს მხოლოდ 21,35%⁰ მთელი ტერიტორიისა. როგორც ზევითაც შევნიშნეთ, ყველაზე უფრო მცირე რიცხვი თავად-აზნაურობისა არის ერევნის გუბერნიაში, სადაც ამ წოდებას ეკუთვნის შედარებით მცირე მიწა-ადგილი. რასაკვირველია აქ კიდევ უნდა შევნიშნათ, რომ ზევით მოყვანილი ცნობები სწორი არ არიან, და ამასთანავე ისინი წარსულს ეკუთვნიან. ეჭვი არ არის, რომ დღევანდელ პირობების გამოსახატავად აქ ბევრი ცვლილება უნდა იქნეს შეტანილი, მაგრამ დაახლოებით მაინც შესაძლებელია იმ დასკვნათა მიღება, რომლებიც ზევით გამოვთქვით.

ასეთია საერთოდ სათავად-აზნაურო მიწათმფლობელობა ამიერ-კავკასიის ხუთ გუბერნიაში: მაგრამ თავისთავად იგულისხმება, რომ თავად-

აზნაურობაში, ისე როგორც გლეხკაცობაში, თანასწორად როდია განაწილებული ის მიწები, რომლებიც საერთოდ მთელ თავად-აზნაურობას ეკუთვნის.

უფრო დაახლოვებითი ვაცნობა თავად-აზნაურობის მიწათმფლობელებსთან ჩვენ დაგვანახებებს, რომ თავად-აზნაურობის უმეტესი ნაწილი მეტად წვრილ მესაკუთრეებს წარმოადგენს, მაშინ როცა უმცირესობას უჭირავს დიდძალი მიწა-ადგილი.

განვიხილოთ ამ მხრით თითოეული გუბერნია ცალ-ცალკე.

თბილისის გუბერნია. როგორც ნათქვამი გვქონდა, თბილისის გუბერნიაში თავად-აზნაურობას ეკუთვნის, სულ 1,260,406 დესიატინა მიწა. ეს მიწები განაწილებულია სულ 3,330 ცალკე სამფლობელოდ.*) (владение). სულ 436 მამულია, რომელიც 380 დესიატინაზე მეტს შეაჯგუფებს. აქედან 16 მამული ანუ 3,50⁰/₀ არის ისეთი, რომლის სივრცე 10,000 დესიატინას აღემატება, ე. ი. რომლებიც მამულად უნდა ჩითვალოს. ყველაზე უმცირესი ამ მამულებში შეიცავს 11,135 დესიატინას, ყველაზე უდიდესი 68,661 დესიატინას. საერთოდ ამ 16 მამულის სივრცე უდრის 357,461 დესიატინის, ანუ 28,36⁰/₀ მთელი თავად-აზნაურობის მიწათ-მფლობელობისას თბილისის გუბერნიაში და 9,10⁰/₀ მთელი ამ გუბერნიის ტერიტორიისას. ეს 16 მამული ასეა განაწილებული სხვა და სხვა მაზრებში:

ახალციხის მაზრაში არის ერთი, რომელიც უდრის 19,362 დესიატინას.

ბორჩალოს მაზრაში — 7, რომლებიც საერთოდ შეაჯგუფებს 132,583 დესიატინას ანუ საშუალო რიცხვით თითო მამული შეადგენს 18,940 დესიატინას.

გორის მაზრაში—6, რომელიც საერთოდ შეადგენს 155,748 დეს. საშუალო რიცხვით ერთ მამულზე მოდის 25,941 დესიატინა.

დუშეთის მაზრაში არის ერთი მამული, რომელსაც აქვს 23,000 დესიატინა და

თიონეთის მაზრაში ერთი, რომელსაც აქვს 15,000 დეს.

ამ უდიდეს მამულში საშუალო რიცხვით თითოეულს მოსდის 22,341 დეს. ამნაირად ყველაზე უფრო მსხვილი მიწათმფლობელობა გორის მა-

*) ბ. ფ. გოგიჩაიშვილის ანგარიშით, რომელსაც დაუწვია და შეუმუშავებია ცნობები თბილისის თავად-აზნაურობის შესახებ, სტენბულ გუბერნიაში სულ ყოფილი 4,701 თავად-აზნაურის მამული. ჩვენ მიერ მოყვანილი რიცხვი 3,330 ცალკე სამფლობელოს შეგებება და არა თვით მამულებითა რიცხვს, რაც, რა თქმა უნდა, ამაზე მეტი უნდა იყოს.

ზრაშია, სადაც ექვს მამულ უქირავს 155,748 ღეს. მიწა ანუ საშუალო რიცხვით თითო მამულს 25,941 ღესიატ. მეორე ადგილი უქირავს ბორჩალოს მაზრას, სადაც 7 მამულია ისეთი, რომლებიდანაც თვითეულს ათი ათას ღესიატინაზე მეტი სივრცე აქვს, ერთად ყველას კი 132,583 ღესიატინა. ახლა თქვენ წარმოიდგინეთ, თუ რა განსხვავება უნდა იყოს თავად-აზნაურობის იმ ჯგუფთა შორის, რომელსაც უქირავს 0-2 ღესიატინამდე და თუნდაც 2-20 ღეს. ერთი მხრით და იმ 16 მემაულეთა შორის, რომელთაგან თვითეულს აქვს ათი ათას ღესიატინაზე მეტი, მეორე მხრივ.

მოვიყვანოთ ახლა თანაბარი ცნობები ქუთაისის გუბერნიის შესახებ.

ქუთაისის გუბერნია. როგორც ვიცით, ქუთაისის გუბერნიაში თავად-აზნაურობას ეკუთვნის სულ 815,321 ღესიატინა მიწა, ანუ 42,71% გუბერნიის მთელი ტერიტორიისა. ეს მიწა-ადგილი განაწილებულია 9,231 სამფლობელოდ, ე. ი. საშუალო რიცხვით თითო სამფლობელოს მოსდის 88,32 ღესიატინა მიწა. გავშინჯოთ ახლა ნამდვილად, როგორ არის განაწილებული თავად-აზნაურობაში მიწა.

სულ მთლად 9,231 სამფლობელოა, რომელთაგან 4,877 ანუ 49,60% აქვს სივრცე მხოლოდ 0-8 ღესიატინამდე, რაც მცირე მამულიან სამფლობელოდ უნდა ჩაითვალოს; 3,591 მამულს ანუ 42% აქვს 8-72 ღესიატ., რაც საშუალო მიწის მფლობელობას უახლოვდება. დანარჩენი 772 მამული ანუ 8,4%, რომლიდანაც თითეულს აქვს 72 ღესიატინაზე ზევით, მსხვილ მიწათმფლობელობას უნდა მივაკუთვნოთ. მაშასადამე, წვრილი საშუალო ზომის სათავად-აზნაურო სამფლობელო ქუთაისის გუბერნიაში სივრცით შეადგენს 8,468 მამულს, ანუ საერთო სივრცის 91,60% და მხოლოდ 772 მამული ანუ 8,4% აქედან ეკუთვნის მსხვილ მიწათმფლობელობას. მკითხველს-ეგონება, რომ ქუთაისის გუბერნიაში სათავად-აზნაურო სამფლობელო სულ წვრილ მესაკუთრეთა შორის არის გაყოფილი; და საზოგადოთ აქ სუფევს წვრილი სათავად-აზნაურო მიწათმფლობელობა, მაგრამ ეს დიდი შეცდომა იქნება.

თუ უკანასკნელი კატეგორიიდან, ე. ი. იმისაგან, რომელიც ჩვენ მივაკუთვნეთ მსხვილ მიწათმფლობელობას, გამოვყოფთ მხოლოდ ისეთ მამულებს, რომლებს სივრცე აღემატება 380 ღესიატინას, ე. ი. ავიღებთ უფრო მსხვილ მამულს, მაშინ ჩვენ დავინახავთ, რომ იმათი რიცხვი ქუთაისის გუბერნიის ყველა მაზრებში უდრის 261, ანუ 2,7% ყველა მამულების საერთო რიცხვისას. ამ 261 მამულს საერთოდ 533,719

ღეს. უკირავს. 815,321 ღეს. მიწიდან, რომელიც ეკუთვნის 9,270 სავადა-აზნაურო სამფლობელოს, 533,719 ღეს. ე. ი. 65.40% განაწილებულია მხოლოდ 261 სამფლობელოს შორის; მამასადამე, ღანარჩენ 8,970 მამულს, ე. ი. 97,30% ეკუთვნის 281,602 ღესიატ. მიწა. ე. ი. 34,60% თავდა-აზნაურობის ყველა მიწებისა. ე. ი. მაშინ, როცა პირველ შემთხვევაში თითო მამულს საშუალო რიცხვით მოდის 2.045 ღესი, უკანასკნელ შემთხვევაში თითო მამულს ერგება მხოლოდ 31.40 ღესიატინა. ამიტომ როცა ჩვენ გვეუბნებიან, რომ ქუთაისის გუბერნიის თავდა-აზნაურობაში წვრილი მიწათმფლობელობა არის გავრცელებულიც, ეს სიპართლეს მოკლებულია. აქ მსხვილ მიწათმფლობელობას უფრო აქვს გადგაული ფეხი, ვიდრე წვრილს. ის გარემოება, რომ წვრილ სამფლობელოთა რიცხვი ბევრად სჭარბობს მსხვილ სამფლობელოთა რიცხვს. წვრილ მიწათმფლობელობის გავრცელებას სრულებით არ ამტკიცებს; ეს მხოლოდ გვეუბნება. რომ რაზედენიმე ათიოდე ბუმბერაზ მამულების გვერდით არსებობენ წვრილი მესაკუთრენი. და შეტს არაფერს. მეორე მართ. თვით ამ წვრილ მესაკუთრეთა არსებობა და ქარბობა იმის დამამტკიცებელი საბუთია, რომ იმათ გვერდით არსებობენ მსხვილი ბუმბერაზი მესაკუთრენი. თუ 261 მამულიდან გამოვყოფთ უკანასკნელ კატეგორიას, ე. ი. იმას, რომელთაგან თითოეულ მამულს 5000 ღესიატინაზე მეტი სივრცე უკირავს. მაშინ ჩვენ დავიანახეთ შემდეგს: ერთი იმათგანი, რომელიც ეკუთვნის თ-დ კირ. დადიანს. არის სენაკის მაზრაში და შეიცავს 14,625 ღესიატინას; ორი არის ლეჩხუმის მაზრაში. ერთი მათგანი ეკუთვნის თ-დ გრ. დადიანს (ახლა თ-დ მინგრელსკის შემკვიდრეს) და არის სივრცით 29,000 ღეს.; მეორე თ-დ მინგრელსკის შემკვიდრეს, სივრცით 85,030 ღესიატინა. ოთხი არის ოზურგეთის მაზრაში, რომელთაგან სამს აქვს თითოეულს 7.000 ღეს. და ერთს 9,373 ღეს.; ყველა ესენი ეკუთვნის თ-დ გურიელს. ღანარჩენი ორი იყოფება ზუგდიდის მაზრაში, რომელთაგან ერთი არის 187.500 ღეს. და ეკუთვნის თავად მინგრელსკის შემკვიდრეს და ერთიც სივრცით 9,984 ღეს. თავად დადიანს.

ამაირად 261 სამფლობელოთაგან მხოლოდ 9 სამფლობელოს, ე. ი. 3.45% უკირავს სულ 355.516 ღეს. ანუ 43,61% „ ყველა თავდა-აზნაურობა მიწებისაგან მთელ გუბერნიაში ანუ საშუალო რიცხვით თითოეული ამ 9 მამულთაგან უდრის თითქმის 40,000 ღეს. შემდეგ თუ ამ 9 მამულიდან გამოვყოფთ ცალკე თ-დ მინგრელსკის სამფლობელოს, რომ

მელიც უდრის 272,530 დესიატინას (85,030 დესიატინა ლეჩხუმის მაზრაში და 187,500 დეს. ზუგდიდის მაზ.) და იმას მიეუმატებთ 29,000 დეს., რომელიც დღეს იმავე მინგრელსკის სამფლობელოს ეკუთვნის. გამოვა, რომ ქუთაისის გუბერნიაში მარტო შემამულეს ხელშია ამ ყამად 301,530 დეს. მიწა, რომელიც მართლაც ბუმბერაზი სამფლობელოა: მარტო ეს ერთი სამფლობელო უდრის 37% ყველა სათავად-აზნაურო მიწებისას ქუთაისის გუბერნიაში და 15,80% მთელი გუბერნიის ტერიტორიისას. ამას შემდეგ კიდევ გამოდიან ზოგიერთი ვაჟბატონები და აზტკიცებენ, რომ ქუთაისის გუბერნიაში წერილი სათავად-აზნაურო მიწათმფლობელობაა. მაგრამ იმათ აშინებს ის გარემოება, რომ ამ ბუმბერაზ შემამულეთა გვერდით არსებობს დიდძალი თავად-აზნაურობა, რომელსაც მართლა სულ მცირე მიწა შერჩენია, ისე მცირე, რომ თავის გამოსაკვებათ უშამულო გლეხებსავეთ იძულებულია სხვის მიწაზე იძუშაოს და ან გარედ საქირაოზე წაეიდეს. ამათი აზრით მსხვილი მიწათმფლობელობა მხოლოდ იქ არის, სადაც ყოველივე შემამულეს დიდძალი საკუთარი მიწა აქვს. მაგრამ განა ეს შესაძლებელია? მსხვილი მიწათმფლობელობა იქ არის, სადაც უმრავლესობას მცირედი ნაწილი შერჩენია ხელში და მხოლოდ უმცირესობის ნაწილში მოუყრია თავი უზარმაზარ ქონებას და სიმდიდრეს. ამ მზრით ქუთაისის გუბერნიაში სათავად-აზნაურო მიწათმფლობელობა მსხვილი მიწათმფლობელობის ტიპიურ მაგალითს წარმოგვიდგენს.

	0-2 დესტ.	3-4 დესტ.	5-19 დესტ.	20-190 დესტ.	191-2000 დესტ.	2001-6000 დესტ.	6000 ზევით	სულ.
თბილისის.	320	243	704	1323	659		21	3330
% %	9,56	7,28	21,12	39,92	19,75	1,67	0,70	100
ქუთაისის.	640	1,580	4,751	1,873	378	9	9	92,31
% %	6,92	17,13	51,48	20,29	4,08	0,05	0,05	100
სულ.	960	1823	5455	3196	1037	66	33	13561
% %	7,66	14,60	48,47	25,48	8,02	0,54	0,21	100

აქ საინტერესოა შევადაროთ სათავად-აზნაურო მიწათმფლობელობა თბილისის და ქუთაისის გუბერნიაში.

აქედან ჩვენ ვხედავთ, რომ თუშკა ქუთაისის გუბერნიაში თავად-აზნაურთა სამფლობელოების რაოდენობა ბევრად მეტია, მაგრამ იმ მაშულთა რიცხვი, რომლების სივრცე 0—2 დეს. არის, ქუთაისის გუბერნიაში შედარებით ბევრად ნაკლებია, სახელდობრ ამნაირი მაშულების რიცხვი თბილისის გუბერნიაში 9,56%, ქუთაისში კი 6,92%. სამაგრი-როდ იმ მაშულების რიცხვი, რომელთა სივრცე არის 3—19 ზესია-ტინამდე, თბილისის გუბერნიაში 28,40%, ქუთაისის გუბერნიაში კი 58,61%. პირიქით, იმ მაშულების რიცხვი, რომელთაგან თითოეულს აქვს 20 დეს. მეტი, თბილისის გუბერნიაში ბევრად უფრო მეტია, ვიდრე ქუთაისში; სახელდობრ: პირველში 62,04%, მეორეში კი მხოლოდ 24,47%, მაგრამ აქედან მიწათმფლობელობის ხასიათზე დასკვნის გამოყენება ყოველად შეუძლებელია, როგორც ეს ჩვენ აღვნიშნეთ. ამისათვის საჭიროა იშის ცოდნა, თუ თითოეულ ჯგუფში რამდენი მიწებია მოგროვილი. ამას დაგვანახებებს შემდეგი ცნობები, სადაც ხსენებული ორი გუბერნიის სათავად-აზნაურო მიწები დაყოფილია სამ კატეგორიათ. პირველ კატეგორიას ეკუთვნის ის მიწები, რომლებიც გამოხატავენ ყველა იმ მაშულების საერთო სივრცეს, რომლიდანაც თითოეულს აქვს 380 დეს., მეორეს 380—6000 დეს., მესამეს 6000 ზეს-ზე ზევით.

11,873 სამფლობელოს ანუ საერთო რიცხვის 94,45% აქვს სივრცე სულ 520,602 დეს., ანუ ორივე გუბერნიის თავად-აზნაურობის მიწების 27,18%, ე. ი. თითო სამფლობელოზე საშუალო რიცხვით შოდის 43,84 დეს. 664 სამფლობელოს ანუ 5,28% უჭირავს სულ 573,203 დეს. მიწა, ანუ 29,92%, ე. ი. თითო სამფლობელოს საშუალო რიცხვით 863,24 დეს., დასასრულ 33 სამფლობელოს ანუ 0,26% უჭირავს 821,722 დეს., ანუ 42,90%, ე. ი. თითო სამფლობელოს საშუალო რიცხვით 24,901 დეს. აქ აშკარად იხატება მსხვილი მიწათმფლობელობის უტყუარი თვისებები. თუ ამ ორი გუბერნიის სათავად-აზნაურო მიწათმფლობელობას ცალკალკე გავსინჯავთ, ეს საზოგადო დასკვნა არსებითად იგივე რჩება, მხოლოდ კერძობაში ეპოულობთ ზოგიერთ განსხვავებას. მაგალითად: ქუთაისის გუბერნიაში როგორც წერილი მიწათმფლობელობა, ისე მსხვილი უფრო თვალსაჩინოდ, უფრო რელიეფურად არის გამოხატული. საერთოდ აქ თავად-აზნაურობაში წერილი მფლობელობა უფრო დაკნინებულია, რაც იქიდან სჩანს, რომ 8973 სამ-

ფლობელოს ანუ 97,14% უჭირავს სულ 281,602 დეს., ე. ი. 34,44% ანუ საშუალო რიცხვით თითოეულ სამფლობელოს — 31,36 დეს.; მაშინ როცა თბილისის გუბერნიაში ამავე კატეგორიის სამფლობელოთ, რიცხვით 2894 ანუ 86,91% უჭირავს 239,000 დეს. ანუ 21,74%, ე. ი. საშუალო რიცხვით თითოეულს 83,61 დეს. თუ ახლა გეორჯ კატეგორიის სამფლობელოები ქუთაისის გუბერნიაში არის სულ 252, ანუ 27,2% რომელთაც უჭირავთ სულ 179,203 დეს. ანუ 21,96% საშუალო რიცხვით 711,12 დეს., თბილისის გუბერნიაში კი ამ კატეგორიის სამფლობელოები არის 412, ანუ 12,36%, რომელთაც უჭირავთ 344,000 დეს. მესამე კატეგორიის, ე. ი. იმათი, რომლებს სამფლობელოთა რიცხვი ქუთაისის გუბერნიაში არის სულ 9, ე. ი. 0,09%, რომელთაც უჭირავთ 355,516 დეს. ანუ 43,60%, ე. ი. საშუალო რიცხვით 39,502 დეს., თბილისის გუბერნიაში ამ კატეგორიის სამფლობელოები არის 24 ანუ 0,73%, რომელთაც უჭირავთ 466,206 დეს. ანუ 42,42%, ე. ი. საშუალო რიცხვით 19,425 დეს. საჭიროა აქვე მოვიხსენიოთ, რომ საშუალო რიცხვით ქუთაისის გუბერნიის თავადაზნაურთა ყველა სამფლობელოზე მოდის 88,24 დესიატინა, თბილისისაზე კი 330 დეს.

ზოგიერთი ვაჰბატონები თავიანთი დასკვნის გამოყენების დროს, ვითომც ქუთაისისი გუბერნიაში წვრილი მიწათმფლობელობა იყოს, ემყარებიან ამაზე. დაწერილებით განხილვამ და ანალიზმა ჩვენ დაგვანახა, თუ რამდენად უსაფუძვლო და შემცდარია ასეთი დასკვნა. ამნაირად, როგორც თბილისის, ისე ქუთაისის გუბერნიაში მეტის მეტად წვრილი და დაჭუცმაკებული მამულების გვერდით არსებობენ ძლიერ დიდი, თითქმის ნამდვილი ბუმბერაზი მამულები, რომლებიც სიერციით ბევრად ჯარბობენ პირველებს. ამიტომ დასახელებულ გუბერნიებში მიწათმფლობელობის მომეტებული ტიპი მსხვილი მიწათმფლობელობაა. ამით ჩვენ არა თუ უარს არ ვყოფთ იმ გარემოებას, რომ დასახელებულ ორ გუბერნიაში არსებობს ურიცხვი წვრილი მესაკუთრე, არამედ ჩვენ მიერ გაკეთებული ანალიზი ამ ფაქტს კიდევ უფრო აშკარად ჰყოფს.

სამწუხაროდ თბილისის და ქუთაისის გუბერნიის თავადაზნაურთა მიწათმფლობელობის დასახასიათებლად ჩვენ გვაკლია ერთი მეტად საჭირო და უტყუარი საშუალება. ზევით წარმოვდგინოთ სურათი სათავად-აზნაურო მიწათმფლობელობისა მხოლოდ მის სტატისტიკურ, გაჩერებულ მდგომარეობას წარმოვადგინოთ, მაგრამ ნამდვილად ხომ სამუდამოთ გაყინული არაფერია, არამედ ყოველივე მოძრაობს და იცვლება და ამი-

ქომ სტატისტიკის გვერდით საქიროა დინამიკის განსაზღვრა, ე. ი. საქიროა იმის ცოდნა, თუ დროგამის განმავლობაში რა ხდება ცხოვრებაში, რა ცვლილებებს განიცდის ესა თუ ის სოციალური მოვლენა. თავადაზნაურობის მიწათმფლობელობა რომ ცვლილებაშია, რომ თავადაზნაურობის მიწა-წყალი ერთი პირიდან მეორე პირის ხელში გადადის. ერთი მხრით, ეს თვით შემამულეც თანდათან ვალიანდება, მეორე მხრით, ეს დღეს ყველამ უწყის. ირძოთ რა ხდება თბილისის და ქუთაისის გუბერნიის სათავადაზნაურო მიწათმფლობელობაში: კლებულობს თუ მატულობს მისი რაოდენობა? საერთოდ. უკანასკნელ შემთხვევაში მის ხელში გადადის თავადაზნაურობის მამული, კიდევ უფრო ქუცმაცდება სათავადაზნაურო მიწათმფლობელობა თუ მსხვილი მიწათმფლობელობაა. სამწუხაროდ თბილისის და ქუთაისის გუბერნიის თავადაზნაურობის მიწათმფლობელობის შესასწავლად ამ მხრით თითქმის სრულებით არავითარი მასალა არა გვაქვს; და ასე ითქმის არა მარტო თავადაზნაურობის მიწათმფლობელობის შესახებ, არამედ კიდევ უფრო გლახაკობის მიწათმფლობელობაზედაც შეურყეველი რჩება, ყველა ამ კითხვებზე პასუხის მიცემა არ შეგვიძლია მასალის უქონლობის გამო. ეჭვი არ არის, რომ თავადაზნაურობის მიწათმფლობელობა დანარჩენ მცხოვრებთა მიწათმფლობელობასთან შედარებით კლებულობს, როგორც აბსოლიუტურად, ისე შედარებითაც. ჩვენ გვაქვს რამდენიმე ოფიციალური ცნობა დასახელებულ გუბერნიებში თავადაზნაურთა მამულების დავალიანებაზე; რასაკვირველია, ჩვენ აქ არ ვლახაკობთ იმ კერძო ვალებზე, რომლებიც ბატონყმობის გაუქმებამდე ემართათ ქუთაისის და განსაკუთრებით თბილისის გუბერნიების თავადაზნაურობას კერძო მევაღლე-მევახშეების. აქ ლახაკობა მხოლოდ იმ ვალებზე, რომლებიც მართლა ემართათ თუ მართებთ დღეს. 1859 წ., როცა შეჩერებული იქნა წინანდელ საკრედიტო დაწესებულებათა მოქმედება, რომლებიც გირაოდ ღებულობდნ დასახელებულ მამულებს, სულ გაცემული სესხი მთელი რუსეთის თავადაზნაურობაზე იყო 425.475,061 მანეთი; 1899 წ., ე. ი. 40 წლის შემდეგ, ეს ვალი ავიდა 1.345,778,868 მანეთამდე, ე. ი. გადიოდა სამჯერ უფრო მეტად. მთელ კავკასიაში (9 გუბერნიაში) 1859 წ. თავადაზნაურობაზე მთავრობის ვალი ირიცხებოდა სულ 333,601 მანეთი და 1899 წელს კი 28.325,780 მანეთი, ე. ი. მოიმატა 8,000%; მიწის დავალიანების ასეთი საოცარი ზრდა არ მომხდარა რუსეთის არც ერთ რაიონში. მართალია აქ ამიერ-კავკასია არ არის გამოყოფილი, მაგრამ, აშ-

კარაა; ამით არ კარგავს ძალას და მნიშვნელობას ეს ფაქტი. რაც შეეხება კერძოთ. თბილისის და ქუთაისის გუბერნიის თავად-აზნაურობი მამულების დავალიანებას. ამის შესახებ ჩვენ გვიქვს შემდეგი ცნობები: თბილისის და ქუთაისის სათავად-აზნაურო საადგილ-მამულო ბანკები დაარსებიდან, ე. ი. 1875 წლიდან 1889 წლამდე. მაშასადამე, 14 წლის განმავლობაში დაუგირავებია:

ბანკები.	დაგირავებული მამულები			დაგირ. მიწები დესიატინობით.			
	თბილ.	ქუთ.	სულ	თბილ.	ქუთ.	სულ	%
თბილისის	285	36	200	197432	1.201	198,633	18,74 *)
ქუთაისის	3	416	440	919	27,544	28.463	3,40
სულ	288	451	730	198351	28.745	227.096	11,86

ამაირაუ 14 წლის განმავლობაში (1875 - 89) თბილისის გუბერნიის თავად-აზნაურობას დაუგირავებია საადგილ-მამულო ბანკში სულ 198,633 დესიატინა ანუ დაახლოებით 18.74% - ტი ყველა იმ მიწებისა, რომლებიც თბილისის გუბერნიის თავად-აზნაურობას ეკუთვნის; საშუალო რიცხვით თითო მამული იყო სივრცით 675 ღესიატ. ამავე ხნის განმავლობაში ქუთაისის გუბერნიაში თავად-აზნაურობას დაუგირავებია სულ 28,463 დესიატ. მიწა ანუ მხოლოდ 3,49% - ტი იმ მიწებისა, რომლებიც მას ამ გუბერნიაში ეკუთვნის. საშუალო რიცხვით თითო დაგირავებული მამული უდრიდა 63 დესიატ. მაშასადამე, სათავად-აზნაურო მიწების დავალიანება თბილისის გუბერნიაში პირველ ხანებშივე უფრო აჩქარებული ნაბიჯით წასულა წინ, ვინემ ქუთაისის გუბერნიაში; ამასთანავე საშუალო რიცხვით თითო დაგირავებული მამული თბილისის გუბერნიაში 10-ჯერ უფრო მეტი იყო, ვინემ ქუთაისის გუბერნიაში.

ქუთაისის საოლქო სასამართლოს ნოტარიალური აქტებით 1868-79 წლებში ქუთაისის გუბერნიაში გაყიდულია სულ 25,190 დესიატინა მიწა, რაშიაც მიუღიათ 955,780 მანეთი ანუ დესიატინაზე საშუალო რიცხვით 38 მანეთი. ეს 25,190 გაუყიდა 2879 კაცს; ამათში იყვნენ:

*) მიღებულია 1.099.000 დესიატინა.

თავად-აზნაური .	2,777 ანუ	96,45%
გლეხები	76	2,65 "
დანარჩენი	26	0,90

მყიდველებში:

თავად-აზნაური	678 ანუ	23,53%
გლეხები . .	1,834	" 63,70 "
სამღვდელოება	128	4,44
დანარჩენი	240	8,33 "

ამნაირად, 2,879 გამყიდველში 2,777 ანუ 96,45% თავად-აზნაური იყო. ამდენივე მყიდველებში თავად-აზნაური ერია მხოლოდ 678, ანუ 23,53% თუმცა აქ ჩვენ ვერ ვპოულობთ, სახელდობრ რამდენი მიწა გაუყიდა მარტო თავად-აზნაურობას ან რამდენი შეუძენია მას. მაგრამ ზევით მოყვანილი ცნობები რამდენიმე გვეუბნებიან, რომ თავად-აზნაურობას გაუყიდა უფრო მეტი იმაზე, რაც თვითონ შეუძენია. შემდეგი ათი წლის განმავლობაში (1879—88) ნოტარიალური აქტებით ქუთაისის გუბერნიაში გლეხ-კაცობას შეუძენია 9,328 დესიატინა, რაშიაც მიუცია 1,135,035 მან. ანუ დესიატინაში საშუალო რიცხვი 121 მანეთი. ექვი არ არის; ამ მიწების უმეტესი ნაწილის გამყიდვენი თავად-აზნაურობა უნდა ყოფილიყო, თუმცა ეს არ არის ნაჩვენები ოფიციალურ წყაროში. ერთ სიტყვით, თავად-აზნაურობის მიწები, როგორც ქუთაისის, ისე თბილისის გუბერნიაში თუ რამდენათ გადაღის სხვა წოდების ხელში, ამის შესახებ ჩვენ თითქმის სრულებით არაფერი არ ვიცით. შესაძლებელია მხოლოდ ვიფიქროთ, რომ საერთოდ თავად-აზნაურობის მიწათმფლობელობა როგორც ქუთაისის, ისე თბილისის გუბერნიაში თანდათან კლებულობს. შედარებით უფრო მეტი ვიცით თავად-აზნაურობის მამულების ღვალიანების შესახებ.

თავად-აზნაურობის ღვალიანება ქუთაისის და თბილისის გუბერნიაში იწყება მე-XIX საუკუნის დასაწყისიდან. თუ რა ზომამდე ღვალიანებული იყო თავად-აზნაურობა გასული საუკუნის 40-50 წლებში, ამას მოწმობენ ის ფაქტები, რომ მაშინ მეტად განზირებული იყო საჯარო გაყიდვა მებატონეთა ვალებში იმათი მიწების და ყმების. ჯერ კიდევ თავად-აზნაურობის დიდ ნაწილს ბატონ-ყმობის გაუქმებამდე გამოეცალა ამ გზით დიდძალი მამულები, რომლებიც შეიძინეს ტფილისის ვაჭრებმა და მეფაშეებმა. ეს ხდებოდა განსაკუთრებით თბილისის გუბერნიაში, რად-

განაც ყველაზე უფრო ადრე აქ გაჩნდნენ ფულიანი კაცები, მაგრამ ეს იყო ვალი კერძო პირების. საკრედიტო დაწესებულებების გასული საუკუნის ნახევარში ქართველ თავად-აზნაურობას შედარებით ძლიერ ცოტა ემართა.

რაც შეეხება ქუთაისის გუბერნიას, 1894 წლის დასაწყისში იქ დაგირავებული იყო სულ 1,179 მამული, რომლებშიაც ირიცხებოდა 50,542 დესიატინა ანუ მხოლოდ 6,200/0 ყველა იმ მიწებისა, რომლებიც ქუთაისის გუბერნიის თავად-აზნაურობას ეკუთვნის. საშუალო რიცხვით თითო დაგირავებულ მამულზე მოდიოდა 42,87 დესიატინა ანუ 20,52 დესიატინით ნაკლები, ვინემ ათი წლის წინათ. ყველა ამ მამულებზე ირიცხებოდა ვალი 3.021,216 მანეთი ანუ დესიატინაზე საშუალო რიცხვით—59 მანეთი 77 კაპიკი. მაშასადამე, 49 მანეთი 45 კაპ. მეტი, ვინემ თბილისის გუბერნიაში. თუ თავს მოვუყრით ხევით მოყვანილ ცნობებს, მივიღებთ შემდეგ ცხრილს, რომელიც უფრო თვალსაჩინოთ გვიხატავს თავად-აზნაურობის მიწების დავალიანებას თბილისის და ქუთაისის გუბერნიაში:

გუბერნიები.	რიცხვი დაირავებულ მამულებში 1889 წ. დასაწყისში	დაგირავებ. მიწის რაოდენობა დესიატინით	% დამირავებულ მამულში თავად-აზნაურო მიწებისა	ფართო დაგირავებ. მამულზე მოდიოდა დესიატინა	რამდენი ვალი იყო 1889 წ. დასაწყისში	თითო დაგირავებული დესიატინა რამდენი მან. ლირდა	
						მან.	კაპ.
თბილისის	892	733,762	58,22	823	7.380,839	10	32
ქუთაისის	1,179	50,542	6,20	42,87	3.021.216	50	77
სულ .	2,071	784,304	37,78	379	10.382,095	13	11

თუ საერთო ჯამებს შევეუფარდებთ ერთმანეთს, გამოვა, რომ 1883 წლის შემდეგ ათი წლის განმავლობაში ტფილისის და ქუთაისის გუბერნიებში თავად-აზნაურობის მიწების დავალიანებას ასე უმატია: 1889 წ. დაგირავებული მამულების რიცხვი იყო 739; 1899 წელს კი—2071, ე. ი. მოუმატია 1,332, ანუ 180,240/0; დაგირავებული მიწების სიგრვე იყო წინათ 227,096 დესიატინა, 1899 წლის დასაწყისში კი 784,304 დესიატინა, ე. ი. 557,208 ანუ 249,760/0 მეტი. ამნაირათ დაგირავე-

ბული მიწების სივრცეს უფრო უმატია, ვინემ დაგირავებული მამულე-ბის რიცხვს; და მარაღაც, წინათ საშუალო რიცხვით ერთ დაგირავებულ მამულზე მოდიოდა 307 დეს., ახლა კი—379 დეს. 1889 წლის დასაწყისში ორივე გუბერნიაში დაგირავებული მიწები შეადგენდნენ ყველა სათავად-აზნაურო მიწების 11,86⁰/₁₀₀. 1899 წლის დასაწყისში კი—37,78⁰/₁₀₀. აქ აღარ დაუებრუნდებით იმას, რომ თბილისის და ქუთაისის თავად-აზნაურობა ამ მხრით ერთნაირ მდგომარეობაში არ იმყოფება,—ეს ჩვენ განვმარტეთ ზევით; აქ დაუმატებთ მხოლოდ იმას, რომ, რამდენათაც ცნობები გვეუბნება, ქუთაისის გუბერნიაში უფრო წერილ მამულებს აგირავებენ, და თბილისში კი—უფრო მსხვილს: პირველში დაგირავებულ მამულს საშუალო რიცხვით მოსდიოდა 1889 წელს 63 დეს., 1899 წლის დასაწყისში კი მხოლოდ 42,87; თბილისის გუბერნიისათვის სათანაო რიცხვები იყო: პირველ შემთხვევაში 67¹/₂ დეს., მეორეში 82³/₄.

თუ ასეთი ჩქარი ნაბიჯით წავიდა წინ მომავალშიაც ქართველი თავად-აზნაურობის მიწების დავალიანება, მოსალოდნელია, რომ ათი წლის შემდეგ თბილისის გუბერნიაში დაუგირავებელი მიწა თავად-აზნაურობაში სრულეებით აღარ დარჩება.

მოვიყვანოთ აქვე ცნობები კერძო მამულების შესახებ ამიერ-კავკასიის დანარჩენ სამ გუბერნიაში: განჯის, ერევნის და ბაქოსი.

1899 წლის დასაწყისში დაგირავებული იყო:

განჯის გუბერნიაში . 18 მამული	24,107 დეს.	590,904 მან.
ერევნის 7	8,344	212,180
ბაქოს. 4	8,469	113,750
ს უ ლ .	29	40,920 916,834

ბაქოს გუბერნია. ბაქოს გუბერნიაში ბეგების კერძო სამფლობელო სულ 1211, რომელთაც უჭირავთ სულ 246,913 დეს. მიწა, ანუ საშუალო რიცხვით თითო სამფლობელოს აქვს 20¹/₂ ჰესტინა მიწა.

ყველა ეს მიწები ასეა განაწილებული:

გუბერნიები	0—1/2	1/2—1	1—2	2—5	5—10	10—25	25—50	50—100	100—200	200—500	500—1000	1000 ზე- ეთ.	სულ
ბაქოს	60	57	79	172	191	212	131	93	70	45	27	85	1211
%	5,70	4,71	6,52	14,19	15,78	20,00	10,62	7,68	5,73	3,71		2,59	100
განჯის	33	62	180	325	415	658	371	255	159	151	66	67	2744
%	1,20	2,27	4,74	11,85	16,23	23,98	13,53	9,20	5,70	5,51	3,15	2,45	100
ერევნის	34	60	117	223	169	169	60	48	33	20	22	18	932
%	3,46	6,11	11,92	22,71	17,20	17,20	6,11	4,58	3,41	2,95	2,23	1,82	160

ამ ცნობების განხილვა ჩვენ გვეუბნება, რომ ბაქოს გუბერნიაში მიწის მფლობელთა რიცხვა 25 დესიატინამდე, რამდენათაც ზევით მიედით, მატულობს, ამას შემდეგ კი თანდათან კლებულობს. თუ ყველა 1211 სამფლობელოს გავყოფთ ხუთ კატეგორიათ: 0—5 დეს., 5—25 დეს., 25—100 დეს., 100—500 დეს. და 500 ზევით, ჩვენ მივიღებთ:

- 1) 377 სამფლობელო, ანუ 31,12⁰/₁₀₀ აქვს 0— 5 დეს.
- 2) 433 35,78 5— 25
- 3) 224 18,50 25—100
- 4) 115 9,49 „ 100—500
- 5) 62 5,11 „ 500-ზე ზევით.

უფრო დაბეჯითებითი დასკვნათა გამოყენებისათვის, თუ მიწათმფლობელობის რომელი ტიპი, წერილი, საშუალო, თუ მსხვილი სქარბობს ბაქოს გუბერნიაში, ცნობები არა გვაქვს; სახელდობრ, ჩვენ არ ვიცით, თუ ამა თუ იმ კატეგორიის მიწათმფლობელებს საერთოდ რამდენი მიწა-ადგილი უჭირავთ, როგორც ეს ნაჩვენებია თბილისის და ქუთაისის გუბერნიების შესახებ.

განჯის გუბერნია. განჯის გუბერნიაში კერძო მესაკუთრეთ არა გლეხთაგან ეკუთვნის სულ 410,798 დეს. მიწა, რომელიც გაყოფილია 2744 სამფლობელოთ ანუ საშუალო რიცხვით თითო სამფლობელოზე მოდის 161 ღესეტიანა მიწა.

უფრო მართალ წარმოუგენას ყველა ამ მიწების განაწილებისას 2744 სამფლობელოთა შორის გადაღვეს ზემოდ მოყვანილი ცხრილი; იქედან ჩვენ ვხედავთ, რომ, როგორც ბაქოს გუბერნიაში, ისე აქაც, რამდენათაც ზევით მივღვივართ, სამფლობელოთა რიცხვი 25 დესიატინამდე თანდათან მატულობს; აქედან დაწყებული კი, რამდენათაც შრავლდება საშუალო რიცხვი თითოეულ სამფლობელოს მიწის რაოდენობისა, იმდენათ თანდათან მცირდება სამფლობელოთა რიცხვი. სამფლობელოთა რიცხვი ყველაზე უდიდეს კატეგორიას წარმოადგენენ ის სამფლობელოები, რომელთაგან თითოეულს აქვს 10—25 დეს. მიწა, სახელობრ., 638 ანუ 23,98%, ყველაზე უმცირეს ისინი, რომელთაგან თითოეულს აქვს 0—1,2 დესიატინა, სახელობრ., 33 ანუ 1,20%. თუ, მსგავსათ ბაქოს გუბერნიისა, ყველა სამფლობელოთ გავყოფთ ხუთ კატეგორიათ, გამოვა:

- 1) 550 სამფლობელოს ანუ 20,06% აქვს 0 — 5 დესიატინა.
- 2) 1103 " 41,21 " 5 — 25
- 3) 629 " 22,82 " 25—100
- 4) 310 " 11,31 " 100—500
- 5) 53 " 5,60 " 500-ზე ზევით.

შევადაროთ ახლა ეს საერთო ჯამები ამ ორ გუბერნიაში, ე. ი. ბაქოსა და განჯისა.

გუბერნიები	0—5		5—25		25—100		100—500		500 ზევით	
	რიცხვი სამფლობელოთა	პროცენტი სამფლობელოთა	რიცხვი სამფლობელოთა	პროცენტი სამფლობელოთა	რიცხვი სამფლობელოთა	პროცენტი სამფლობელოთა	რიცხვი სამფლობელოთა	პროცენტი სამფლობელოთა	რიცხვი სამფლობელოთა	პროცენტი სამფლობელოთა
ბაქოს.	377	31,12	433	35,78	224	18,50	115	9,49	62	5,11
განჯის	550	20,06	1,103	41,21	626	22,82	310	11,31	153	5,60

აქედან ჩვენ ვხედავთ, რომ ეს ჯამები, განსაკუთრებით თუ %-ულ დაწკარდებულებას მივიღებთ მხედველობაში, გარდა პირველ კატეგორი-

ისა, დიდათ არ განსხვავდებიან ერთმანეთისაგან. სხვა დასკვნების ვაშლ-ყვანას ჩვენ ვშიშობთ მასალის უქონლობის გამო.

ერევნის გუბერნია. როგორც ვიცით, ყველაზე უფრო ნაკლები მიწა უჭირავთ კერძო მემამულეებს ერევნის გუბერნიაში; უფლებიან წოდებას, თავად-აზნაურობას, მელიკები და ალაღარები წარმოადგენდნენ. ამათ ხელში ირიცხებოდა. 1897 წელს სულ 60,126 ჯესეტიანა მიწა, რომელიც განაწილებული იყო 982 სამფლობელოთ, ანუ საშუალო რიცხვით თითო სამფლობელოს აქვს 61 დესიატინა.

	0—1/2	1/2—1	1—2	2—5	5—10	10—25	25—50	50—100	100—200	200—500	500—1000	1000 ზევით
რიცხვი სამფლობ.	31	60	117	223	169	109	60	48	33	29	22	18
საშუალო %.	3,46	6,11	11,92	22,71	17,20	17,20	6,11	4,88	3,41	2,95	2,29	1,92

აქაც ჩვენ ვხედავთ იმას, რასაც დანარჩენ გუბერნიებში; რამდენათაც მატულობს მამულის სივრცე, იმდენათ სამფლობელოთა რიცხვი თანდათან და შეურყეველათ კლებულობს.

ერევნის გუბერნიის შესახებ ჩვენ გვაქვს რამდენიმე ცნობა იმის დასახსიათებლად, თუ საზოგადოთ მსხვილი მიწათმფლობელობა რამდენათ არის იქ გავრცელებული. ეს ცნობები გამოკრფილია 1894 წლის სამამულო გადასახადის გაწერისაგან. ამ წელს კერძო მიწათმფლობელობა ერევნის გუბერნიაში შეიცავდა სულ 57,791 დესეტიანა მიწას, რომელიც განაწილებული იყო 654 სამფლობელოთა შორის, ე. ი. თითო სამფლობელოზე მოდიოდა 88 დესეტიანა მიწა.

აი უფრო დაწვრილებითი ცნობები ამ მიწების განაწილებისა:

	0—2	3—4	5—6	9—19	20—36	37—72	73—190	191—380	380 ზევით
სამფლობელოს რიცხვი.	133	101	105	124	53	40	29	29	40
საშუალო %.	20,34	15,45	16,05	18,96	8,10	6,12	4,43	4,43	6,12

ეს ცნობები არსებითად ბევრათ არ განსხვავდებიან ზევით მოყვანილ ცნობებისაგან, გარდა იმისა, რომ 1897 წლის ცნობებით საშუალო რიცხვით თითო სამფლობელოზე მოდიოდა 61 დესეტინა, მაშინ როცა 1894 წლის ცნობით—88 დესეტინა. მაგრამ 1894 წლის ცნობები საყურადღებოა იმ მხრით, რომ აქ ჩვენ ვპოულობთ მეტად საინტერესო ფაქტებს ამ 40 სამფლობელოს შესახებ, რომელთაგან თითოც აქვს 380 დესეტინაზე მეტი სივრცე: ამ 40 სამფლობელოს აქვს:

20 მაჟულს—	380—1000 დეს. სულ—	11,998 დეს. საშვ. თით.	599 დეს.
18	1000—2000	23,386	1,299
1	2000—3000	2,748	2,748
1	4000—5000	4,897	4,897

თუ მივიღებთ, რომ კერძო სამფლობელოთა რაოდენობა გამოიხატება 60,126 დესეტინით, მაშინ გამოვა, რომ 71,56% უკირავს მართო 40 სამფლობელოს ანუ 6,12% საერთო რიცხვისა. ამ 40 სამფლობელოში თითოეულს მოდიოდა საშუალო რიცხვით 1076. მაშასადამე, დანარჩენ 614 სამფლობელოს ანუ 93,88% ექირა სულ 14,762 დესეტინა მიწა, ე. ი. 28,44% საშუალო რიცხვით თითო სამფლობელოზე მოდიოდა 26 დესეტინა. იმ მსხვილ სამფლობელოთ, რომელთაგან თითოეულს 380 დესეტინაზე მეტი სივრცე ჰქონდა, ყველაზე უმცირესს ექირა 382 დესეტინა, ყველაზე უდიდესს კი—4,897 დესეტინა. გარდა ამისა, კერძო მიწათმფლობელობის შესახებ ერევნის გუბერნიის 4 მაზრაში: ერევნის, სურმალინის, შარუროდარალაგეზის და ეჩმიადინის, და განჯის გუბერნიის ორ მაზრაში: არეშის და ჯეჟანშირის, ჩვენ გვაქვს უფრო დაწვრილებითი ცნობები, შეკრებილი თანახმად ცენტრალურ სტატისტიკურ კომიტეტის პროგრამისა 1894 წელს. შემდეგი ცხრილი წარმოგვიდგენს კერძო მიწათმფლობელობას ერევნის გუბერნიის დასახელებულ ოთხ მაზრაში (იხ. 87 და 88 გვ.).

ზევით მოყვანილი ორი ცხრილი შეიცავს ძალიან საინტერესო ცნობებს კერძო მიწათმფლობელობის შესახებ ერევნის გუბერნიის აღნიშნულ ოთხ მაზრაში. ამ ოთხ მაზრაში კერძო მიწათმფლობელობა ხელშია 28,138 დესეტინა მიწა, რომელიც განაწილებულია 494 სამფლობელოთ, ასე რომ საშუალო რიცხვით თითოეულ სამფლობელოზე მოდის 57. დესეტინა მიწა. მაგრამ თუ დაწვრილებით განვიხილავთ ამ ცნობებს, მაშინ ჩვენ გავიგებთ, რომ ნაშუადღევად სულ სხვანაირათ არის განაწილებული მიწა კერძო მესაკუთრეთა შორის. სახელდობრ: 120 მესაკუთრეს (უფრო მართალი რომ ვთქვათ, სამფლობელოს), ანუ საერთო რიცხვის 2,4,24

ს რ ე	ენშიანი			სურმალინი			შარუროდარალა-გეგის			ერევის		
	ადგილობრივი მფლობელი	საგარეო მფლობელი	საზღვრის მფლობელი	ადგილობრივი მფლობელი	საგარეო მფლობელი	საზღვრის მფლობელი	ადგილობრივი მფლობელი	საგარეო მფლობელი	საზღვრის მფლობელი	ადგილობრივი მფლობელი	საგარეო მფლობელი	საზღვრის მფლობელი
0-2 დღს.	126,96	1,08	20	29,37	1,13	13	61,30	1,48	21	23	1,12	3,06
2-5	372,35	3,10	27	90,83	3,96	20	70,32	2,60	36	140	3,06	6,10
5-8	383,71	6,89	14	89,10	6,57	14	48,38	6,91	25	104	6,10	9,61
8-10	250,84	8,86	7	60,76	8,80	8	42,02	8,52	8	77	9,61	11,90
1-15	511,88	11,70	10	122,17	12,21	5	103,96	10,39	19	130	11,90	16,39
15-25	739,63	17,72	9	150,42	16,71	13	210,39	19,18	9	130	16,39	23,46
25-50	1,067,30	32,36	6	292,38	29,76	8	297,51	33,06	10	251	23,46	33,46
50-100	1,150,40	72,28	8	691,10	73,90	3	69,50	66,50	4	251	33,46	42,61
100-500	2,185,30	223,82	5	1,899,97	261,00	1	703,92	231,61	3	572	42,61	100,06
500-1000	5,193,55	696,81	2	1,569,34	681,67	2	2,118,55	701,18	1	728	100,06	928,00
1000 დღს. ზევით	15,323,70	1,319,04	1	1,000,00	1,000,00	3	5,617,50	1,872,50	3	8,306	928,00	1,186,61

	ერმაძინის		სურმალი-		შარურდა-		ერევნის		ს უ ლ	
	სამფლობელოები.	მიწის რაოდენობა.	სამფლობელოები.	მიწის რაოდენობა.	სამფლობელოები.	მიწის რაოდენობა.	სამფლობელოები.	მიწის რაოდენობა.	სამფლობელოები.	მიწის რაოდენობა.
0— 2	22,31	0,72	15,11	0,40	43,22	0,69	13,73	0,21	24,29	0,45
2—	23,08	2,24	23,24	1,89	19,50	0,71	30,08	1,28	24,29	1,33
5— 8	12,28	2,22	16,26	2,28	5,08	0,51	10,35	1,46	12,15	1,53
8— 10	6,14	1,46	6,09	1,60	3,42	0,45	5,23	6,70	5,66	0,89
10— 15	8,75	3,05	5,80	1,61	7,2)	,	12,43	2,07	8,98	1,83
15— 25	7,89	3,74	15,11	6,48	7,91	2,28	5,90	1,96	8,50	2,09
25— 50	5,26	5,04	9,28	6,02	6,50	3,20	6,55	3,07	6,63	3,79
50— 100	7,02	14,73	3,45	6,46	0,71	0,70	2,61	2,28	3,24	4,11
100— 500	4,39	32,60	1,22	2,64	2,15		1,90	5,22	2,42	9,54
500—1000	1,79	34,20	2,32	33,68	2,15	22,60	0,65	6,63	1,62	19,52
1000—ზევით	—	—	1,22	36,46	2,15	60,06	4,57	75,72	2,22	54,47

პროცენტს უჭირავს სულ 128 დესეტინა ანუ 0,45⁰/₁₀₀, ე. ი. თითო სამფლობელოზე ზოდის დესეტინაზე ცოტა მეტი (ჯგუფი 0—2 დეს.). შემდეგ რამდენათ კლებულობს შემამულეთა რიცხვი, იმდენათ მატულობს მიწის რაოდენობა თითოეულ იმათგანზე, სანამ არ მივაღწიოთ უმაღლეს საფეხურამდე, სადაც 11 შემამულეს, ე. ი. 2,22 პროცენტის ხელში მოგროვილია 15,323¹/₁₀₀ დესეტინა მიწა, ანუ საერთო რიცხვით 54,47 პროცენტი, და საშუალო რიცხვით კი თითოეულს მესაკუთრეს ზოდის 1,393 დესეტინა. ყერძით ყველაზე უფრო უთანასწოროთ განაწილებულია მიწები შარურდა-რაღაგების და ერევნის მაზრებში; პირველში 3 შემამულეს ანუ 2,15⁰/₁₀₀ აქვს 5,617 დესეტინა ანუ 60⁰/₁₀₀, საშუალო რიცხვით თითო მესაკუთრეს 1,872 დესეტინა; მეორეში 7 მესაკუთრეს ანუ 4,57⁰/₁₀₀ უჭირავს 8,306 დესეტინა ანუ 75,72⁰/₁₀₀, საშუალო რიცხვი თითოეულს 1.186 დესეტინა.

სულ სხვანაირ სურათს ვხედავთ განჯის გუბერნიის ორ მაზრაში, სახელდობრ: არეშის და ჯეჰანშირის. აქ მოგვეყავს ცხრილი, რომელიც ვეინახავს ყერძო მიწათმფლობელობას განჯის გუბერნიის ამ ორ მაზრაში.

აქედან ჩვენ ვხედავთ, რომ განჯის გუბერნიის ორ დასახელებელ მაზრაში კერძო მიწათმფლობელობა შეადგენს სულ 91,740 დესეტინა მიწას ანუ 20,81 %-ს ამ გუბერნიის მთელი კერძო მიწათმფლობელობისას. მაგრამ აქ საინტერესოა სხვა გარემოება. უწინარეს ყოვლისა აქ ჩვენს ყურადღებას იქცევს ის გარემოება, რომ მაშინ, როცა როკორც თვით განჯის გუბერნიის დანარჩენ ნაწილებში, ისე ამიერ-კავკასიის სხვა გუბერნიებში თითქმის ყოველგვან წვრილი მიწათმფლობელობა დიდათ გავრცელებულია, ასე რომ $\frac{1}{2}$, 1, 2, 3 და 4 დესეტინიანი მამულები ძლიერ ხშირ მოვლენას შეადგენს, ზევით დასახელებულ ორ მაზრაში 8 დესეტინაზე ნაკლები მამული სრულებით არ მოიპოვება; 15 დესეტინაზე ქვევით მხოლოდ ორ მამულს აქვს, სახელდობრ ერთს 8 და მეორეს 12 დესეტინა; ორივე ჯვეანშირის მაზრაშია, არეშისაში 15 დესეტინაზე ქვევით არც ერთ მამულს არ აქვს. დანარჩენ 141 მამულს უჭირავს:

6	—	15	—	25	დეს. საშუალო რიცხ. თითოეულს	19	დესეტინა
8	—	25	—	50	"	"	37,25
21	—	50	—	100	"	"	64,76
67	—	100	—	500	"	"	255,54
18	—	500	—	1000	"	"	702,00
21	—	1000	—	ზევით	"	"	2,866,28

%⁰/₀ თითოეულ ამ 8 ჯგუფთაგანს უჭირავს სივრცე საერთო სივრცესთან შედარებით: —

I	ჯგუფს	0,09	—	8	დესეტინა.
II	"	0,01	—	12	"
III		0,12	—	114	"
IV		0,32	—	298	
V		1,48	—	1,360	
VI		18,68	—	17,121	
VII		13,78	—	12,635	
VIII		65,01	—	60,192	

თუ ახლა შევადარებთ არეშის და ჯვეანშირის მაზრების კერძო მიწათმფლობელობას, მაშინ დაინახავთ, რომ პირველში კერძო საშუალებლო არის სულ 62, ანუ 43, 16 პროცენტი; რომელსაც უჭირავს სულ 28,654 დესეტინა მიწა ანუ საშუალო რიცხვით 31,23 %; მეორეში — საშუალებლოების რიცხვი უდრის 81, ანუ 66,54 % ამათ უჭი-

რავთ სულ 63,086 დესეტინა მიწა. ანუ 68.77%⁰. საერთოდ ჯვეანშირის მაზრაში თითოეულ მამულს აქვს შედარებით უფრო დიდი სივრცე-ვიდრე არეშისაში, ე. ი. საშუალო რიცხვით უქირავთ:

I	II	III	IV	V	VI	VII	VIII
I	II	III	IV	V	VI	VII	VIII
ჯგუფში არეშის მახ.	0	16,50	33,00	61,40	278,86	644,46	1,691,00
დესეტ.	0		"	"	"	"	"
ჯვეანშ. მახ.							
	12,00	20,25	37,86	65,81	230,00	852,00	3,336,00
დეს.							

ყველა ჯგუფებში 462,16 დესეტინა — 778,81 დესეტინა.

გარდა ამისა 1894 წელს შეესებულ ცნობებიდან სჩანს. რომ ჯვეანშირის მაზრაში არის ორი საქმარისად მოზრდილი მამული. რომელთაგან ერთი შეიცავს 17,082 დესეტინას ანუ 27,23%⁰ ამ მაზრის ყველა კერძო მიწათმფლობელობისას და ეკუთვნის ვაქართ ნატუროვს და ტაგიევს; მეორეს უქირავს 10,150 დეს. და ეკუთვნის სომეხ-გრიგორიანთა მონასტერს. თუ ახლა ამ ორი მაზრის კერძო მიწათმფლობელობას შევადარებთ იმავე გუბერნიის დანარჩენ მაზრებს, დაინახავთ, რომ იმათ შორის დიდი განსხვავებაა, და სახელდობრ აი რა: განჯის გუბერნიის ყველა რვა მაზრაში ირიცხება 2,744 სამფლობელო, რომლებსაც უქირავთ სულ 440,798 დესეტ. მიწა. ამ თში ისეთი მამულების რიცხვი, რომლებშიაც თითოეულს უქირავს არა უმეტეს 25 დესეტ. მიწა, შეადგენს სულ 1,651 ანუ 60,26%⁰. როგორც ზევით დავინახეთ, არეშის და ჯვეანშირის მაზრებში ასეთ სამფლობელოთა რიცხვი სულ არის 8 ანუ 5,58%⁰; უფრო ახლო რომ გავიგოთ, თუ რა განსხვავებაა განჯის გუბერნიის ორ ზევით დასახელებულ მაზრებსა: არეშის და ჯვეანშირის და დანარჩენ მაზრებს შორის. მოგვყავს აქ შემდეგი ცნობები:

განჯის გუბერნიაში სამფლობელო უქირავთ:

0 — 1/2	დეს. არეშის და ჯვეანშირის 0, დანარჩენ მაზრებში	33 სამ.
1/2 — 1	0	64
1 — 2	0	130

2— 5 დეს. არეშის და ჯევეანშირის	0	დანარჩენ მაზრებში	324	სამ.
5—10 „	1		443	
10—25: „			656	
ს უ ლ	8		1,651	

ამნაირად ეს ორი მაზრა მეტად აშკარად განსხვავდება ხსენებულ გუბერნიის დანარჩენ მაზრისაგან მით, რომ იქ კერძო შემამულეთა შორის თითქმის არ არსებობს წვრილი მიწათმფლობელობა, რაც საზოგადოთ, როგორც ხსენებული გუბერნიის დანარჩენ მაზრებში, ისე ამიერკავკასიის ყველა გუბერნიებში ძლიერ ხშირად არის გავრცელებული. მოვიყვანოთ აქ კიდევ ცნობები იმის შესახებ, თუ საშუალო რიცხვით რამდენი დესეტინა მიწა მოსდის თითოეულ სამფლობელოს განჯის გუბერნიის თითოეულ მაზრაში.

განჯის მაზრა .	824	დესეტინა
ჯევეანშირის მაზრა .	758	
არეშის მაზრა	462	
შუშის მაზრა .	176	
ზანგეზურის მაზრა .	88	
ჯებრაილის მაზრა .	77	
ნუხის მაზრა .	69	
ყაზახის მაზრა . .	60	

ამნაირად სამფლობელოთა საშუალო ზომა, როგორც არეშის, ისე განსაკუთრებით ჯევეანშირის მაზრაში ბევრით აღემატება სამფლობელოთა საშუალო ზომას განჯის გუბერნიის დანარჩენ მაზრებში.

აქედან გამონაკლისს შეადგენს მხოლოდ განჯის მაზრა, სადაც სამფლობელოთა საშუალო ზომა უდრის 824 დეს., მაგრამ, როგორც განჯის, ისე დანარჩენ მაზრების შესახებ ჩვენ არა გვაქვს ისეთი დაწვრილებითი ცნობები, როგორც მოიპოვება არეშის და ჯევეანშირის მაზრების შესახებ. ამიტომ ამაზე აქ ჩვენ ვათავებთ საუბარს.

დასასრულ კერძო მიწათმფლობელობის დავალიანებაზე ბაქოს, ერევანის და განჯის გუბერნიებში. 1899 წ. პირველ იანვრისათვის დასახელებულ სამ გუბერნიის კერძო მამულების დავალიანება სხვა და სხვა საკრედიტო დაწესებულებაში შემდეგ სურათს წარმოადგენდა:

გუბერნიების სახელები	რ ა ც ხ ე ი		დარჩენილი ვალი 1 იანვარ, 1889 წ.	1891 წ. გაღებული სესხის ჯამი	% დაზოკიდებულ დაგირავ. მიწ.	თითოეულ დაკირ. მაგულზე მოდიოდა დესიატინა
	დაგირავ- ბული მა- გულები	სივრცე და- ვითარებული ნაგულების დესიატინ.				
განჯის	18	24,107	590,904	597,908	5	1,339
ერევნის	7	8,344	212,180	217,800	15	1,192
ბაქოს	4	8,469	113,715	116,600		2,117
ს უ ლ	29	40,920	916,834	932,308		1,111

აქედან ჩვენ შემდეგი დასკვნის გამოყვანა შეგვიძლია: 1) დასახელებულ სამ გუბერნიაში განსაკუთრებით მსხვილი მაგულები ვალიანდება, სახელდობრ ის მაგულები, რომელთაგან თითოეულის სივრცე საშუალო რიცხვით აღემატება 1000 დეს., 2) რუსეთის ან გუბერნიასთან შედარებით; რომლების შესახებ ჩვენ გვაქვს ცნობები, ზევით დასახელებულ სამ გუბერნიაში კერძო მიწათმფლობელობის შედარებით ძლიერ მცირე ნაწილია დაგირავებული; მაშინ, როცა საზოგადოთ მთელი რუსეთისათვის დაგირავებული კერძო მიწების სივრცე შეიცავს $\frac{1}{5}$, მთელი კერძო მიწათმფლობელობისას, დასახელებულ სამ გუბერნიაში ეს უდრის მხოლოდ $\frac{1}{5}$. ეს პროცენტული დაზოკიდებულება მხოლოდ ქუთაისის გუბერნიისა არის ყველაზე უფრო მცირე, სახელდობრ დაგირავებულ მიწების რაოდენობა აქ შეადგენს $\frac{4}{5}$ მთელი კერძო მიწათმფლობელობისას.

1907 წ.

II

ქუჩნალი „ს ხ ი ვ ი“

1910 წლისა

ალექსანდრე წულუკიძის ხსოვნას.

(მისი გარდაცვალების შემდეგ ხუთი წლის შესრულების გამო).

„Нужны нам великие могилы,
Если нет величия в живых“.
ნეკრასოვი.

წელს ¹⁵), 8 ივნისს, სწორედ 5 წელიწადი სრულდება მას შემდეგ, რაც ალექსანდრე წულუკიძე სამუდამოდ გამოეხალმა სიცოცხლეს. ჯერ კიდევ სულ ახალგაზრდა, როცა მისი ნიკი ის-ის იყო უნდა გაფურჩქვნილიყო, იგი ბრძოლის ველზე სიკვდილმა გამოგვეგლიჯა ხელიდან, რამაც მთელი ჩვენი ბანაკი საგრძნობლად შეასუსტა მეტად საკირო მომენტში. ვის შეუძლია დაივიწყოს ეს დიადი მომენტი. ვის არ ხიბლავდა, ვის არ აღფრთოვანებდა, ან არ უღვიძებდა ტკბილ ოცნებებს და საუკეთესო იმედებს ეს მართლაც გმირული ხანა. დამონებული, წელში გატეხილი, გაყვლეფილი ფიზიკურად და გონებრივად მუშა ხალხი პირველად იკრებს თავის ძალებს და ეწყობა საუკუნოების განმავლობაში გაკედლილი ბორკილების დასამსხვრევად. თუ რა დიადი გრძნობით, რა აღფრთოვანებით ეგებებოდა ალექსანდრე წულუკიძე ამ ისტორიულ მომენტს, ამის წარმოდგენა: დაახლოვებით მხოლოდ იმას შეუძლიან, ვინც განსვენებულს ახლო იცნობდა.

სამწუხაროდ ყველასათვის, იმ დროს არა თუ მისი დღენი, არამედ მასი სიცოცხლის წამნიც კი უკვე დათვლილი იყო. უღმობებლმა სენმა, რომლითაც იგი შეპყრობილი იყო და რომლის წინაშე იგი ქვეს არ იხრიდა, ვინაიდან ეს ეწინააღმდეგებოდა მის ბუნებას,—ბოლოს თავისი გაიტანა. ალექსანდრე მოკვდა იმ დროს, როცა რუსეთის ხალხის საყოველთაო დღესასწაული, გამოუთქმელ ტანჯვისა და წვალების შემდეგ, ყველას მოახლოვებული გვეგონა, ეს ტკბილი იმედი მას თან ჩაჰყვა საფლავში.

მაგრამ ალექსანდრე წულუკიძის სიკვდილას შემდეგ აღარ გაუვლია დიდ ხანს, რომ ეს იმედი ყველას გაგვიცრუვდა. ჩვენ განვიცადეთ კიდევ რამდენიმე მძლავრი ტალღა, რომლებმაც საზოგადოებრივი მოძრაობა

წინ გააქანა და ჩვენი იმედები გააძლიერა, და შემდეგ სურათი უეცრივ გამოიცვალა: ქვეყანა თითქო ჯოჯოხეთურმა ძალებმა შეიპყრესო, ალექსანდრე წულუკიძეს უკვე აღარ უხილავს ბნელი ძალების თავ-შეუკავებელი თარეში, რომელთან შედარებით წინანდელი ღრო ნანატრი შეიქნა. გარდა ამისა, იგი აღარ შეიქნა მოწამე მრავალ თავისი „ამხანაგების“ დაცვისა და გარდაცულებისა იმ წმინდა საქმისადმი, რომელსაც იგი მათთან ერთად ემსახურებოდა. სამაგიეროდ, მას წილად ხედა ჯერ არ ყოფილი, ჩვენში უმაგალითო გამოთხოვება დასაფლავების ღროს. ვეკვობ, რომ არა თუ წასულში, არამედ ახლო მომავალშიაც, სხვა რომელიმე საზოგადოებრივ მოღვაწეს წილად ხედეს ჩვენში რაიმე ამის მსგავსი.

ახლა ვიკითხოთ: ვინ იყო ალექსანდრე წულუკიძე და რაში გამოიხატება მისი მნიშვნელობა. უნდა გამოვჩყდე და ვთქვა, რომ ამ მხრით ყველა მის ახლო მეგობრებს დიდი დანაშაული მიგვიძღვის. საქმე იმაშია, რომ გარდა იმისა, რაც ითქვა და დაიწერა მისი გარდაცვალების გამო, შემდეგ აღარავის არ უცდია ალექსანდრე წულუკიძის პიროვნების დახასიათება და აგრეთვე მისი მოღვაწეობის გაცნობა. რა თქმა უნდა, მე აქ სრულებით არ ვფიქრობ ამ ნაკლის შეესებას: აქ მე ვუთითებ მხოლოდ ამ ნაკლზე და ეისურვებ, რომ ახლო მომავალში თავიდან აცდენილ იქნას იგი.

ალექსანდრე წულუკიძე იყო ერთი საუკეთესო წარმომადგენელი იმ პატარა გუნდისა ჩვენში, რომელიც ჯერ კიდევ გასული მეცხრამეტე საუკუნის დამლევს გამოვიდა საზოგადოებრივ ასპარეზზე და რომელიც თავის უმაღლეს და საკაცობრიო დანიშნულებას მუშა ხალხის გათვითცნობიერებაში ხედავდა. გამოსული ქართველი საზოგადოების მაღალი წრედან, რომელიც კი ხანია უკვე გახრწნის გზაზე იყო შემდგარი, ალექსანდრე ჯერ კიდევ ოცი წლის არ იქნებოდა, როცა დარწმუნდა, რომ მისი დანიშნულება-მოწოდება—ეს მშრომელი ხალხის სამსახური უნდა გამხდარიყო; და იგი მთელი თავისი არსებით შეუღდა ამ დიად საქმეს.

ამ ჩემს გამოზრდაში ბევრი ნიჭიერი და უნიკოც მინახავს ამ ასპარეზზე გამოსული; მინახავს, თუ როგორ აკეთებდენ; ან როგორ გაურბოდენ საქმეს, მინახავს უკან დაბრუნებულნიც და ისეთებიც, რომლებიც ბოლომდის შერჩენ ერთხელ არჩეულ გზას, მაგრამ არც ერთ ამთვანს არ გავდა ალექსანდრე წულუკიძე. იმ წრეში, რომელშიაც ის მოქმედებდა, იგი სრულიად განსაკუთრებულ მოვლენას წარმოადგენდა. ბუნებისაგან ნიჭით უხვად დაჯილდოებული, აღქურვილი დაუშრეტელი

ენერგიით და მტკიცე დამოუკიდებელი ხასიათით, იგი შეურყეველად მიდიოდა მეცნიერული სოციალიზმის შესასწავლად. შეუძლებელია იმისი თქმა, თუ რომელი მხარე ამ მოძღვრებისა, პრაქტიკული თუ თეორიული, სქარბობდა მასში. უფრო მართალი იქნება ვთქვათ, რომ ორივე ეს მხარე თანაბრად პოულობდა მასში თავის ღირსეულ გამოშხატველს. ჩვეულებრივად ჩვენ ვხედავთ, რომ ის, ვინც ძლიერია თეორიაში, პრაქტიკაში უკულობს და პირიქით: ის, ვინც ძლიერია პრაქტიკული ცხოვრებაში, სუსტობს თეორიაში. ალექსანდრე წულუკიძე ამ შემთხვევაში წარმოადგენდა იშვიათ გამონაკლისს. რა თქმა უნდა, ძნელია იმის მტკიცება, თუ ბოლოს, სრული დავაქაცების ხანაში, რომ ეს მას დასცლოდა, ვინ გამოვიღოდა ალექსანდრე წულუკიძისაგან: თეორეტიკოსი თუ პოლიტიკური მოღვაწე, ვინაიდან ფართო თეორეტიკულ კოდნასთან ერთად იგი იწინდა მკერმეტყველობასაც. აქ უნდა აღინიშნოს მხოლოდ ის, რომ მუშათა მოძრაობაში, რომელსაც მან შესწირა თავისი სიცოცხლე, იგი მუდამ სათავეში იღვა, როგორც პრაქტიკულად, ისე თეორეტიკულადაც. სამწუხაროდ, მაშინდელი პირობები ხელს უშლიდნენ მისი ნიჭის გამოაშკარავებას ლეგალურ პრესაში, სამაგიეროდ, როცა გარემოება ნებას აძლევდა, იგი საუცხოვოდ სარგებლობდა არალეგალურით. მაგრამ კიდევ უფრო ძლიერი იყო მისი გავლენა ზეპირ, სიტყვიერ პროპაგანდის დროს.

ამნაირად, თუმცა მეტად ხანმოკლე იყო ალექსანდრე წულუკიძის მოღვაწეობა, მაგრამ მან წაუშლელი კვალი დასტოვა არა მარტო ქართველი, არამედ მთელი მრავალ-ეროვანი კავკასიის პროლეტარიატის მოძრაობის ისტორიაში. აქ მას მუდამ საპატიო ადგილი ექნება დათმობილი.

დასასრულ, ესარგებლობ რა ალექსანდრე წულუკიძის გარდაცვალების შემდეგ ხუთი წლის შესრულებით, არ შემოძლია მისი მახლობელი მეგობრების ყურადღება არ შივაქციო შემდეგ გარემოებას: განსვენებულს დარჩა დაუბეჭდავი ხელ-ნაწერი. მიუხედავად იმისა, რომ მრავალ ადგილებს იქ დღეს უფრო ისტორიული მნიშვნელობა აქვს, იგი მაინც უნდა გამოიცეს ან ცალკე, ან სხვა მის ნაწერებთან ერთად. ეს არის ჩვენი პირდაპირი მოვალეობა და ამის გადადება დღეს შეუძლებლათ მიმაჩნია.

III

„ასტრახანსკი ლისტოკი“

1911 წლისა

ბატონ-ყმობა ასტრახანის გუბერნიაში რეფორმის წინა-დღით.

(ისტორიული ცნობა).

I.

რუსეთში ბატონყმობის აღმოცენება და განვითარება გამოწვეული იყო განსაზღვრული ისტორიული და ეკონომიური მიზეზებით, რომელთა შესახებ ჩვენ აქ საუბარი აღარ გვექნება. აღენიშნავეთ მხოლოდ იმ საერთოდ ცნობილ ფაქტს, რომ ბატონ-ყმობა თავდაპირველად აღმოცენდა და შედარებით ძალიან ადრე და სწრაფად განვითარდა პირველ ყოვლისა და უმთავრესად მოსკოვის სახელმწიფოს ცენტრალურ ნაწილებში; რაც უფრო თანდათან ვცილდებით ცენტრს და ყურადღებას ვაქცევთ პერიფერიებს, მით უფრო ცხადი ხდება, რომ ამ ნაწილებში გლეხების დამონაგება მეტად ნელა მიმდინარეობდა ან ბრკოლდებოდა კიდევ. ამასთან მხედველობაში უნდა მივიღოთ აგრეთვე ზოგიერთი განაპირა კუთხეების რუსებით დასახლების შეგვიანება; რაც უფრო გვიანდებოდა ასეთი დასახლება, მით უფრო ყოვნდებოდა იმ ნიაღავის მოშადება, რომელზედაც ვითარდებოდა ბატონ-ყმობა.

აქედან ბუნებრივად გამოქმდინარეობს, რომ ბატონ-ყმობა ახლანდელ ასტრახანის გუბერნიაში შეიძლება აღმოცენებულიყო შედარებით უფრო გვიან. საქმე იმაშია, რომ ეს მხარე იმყოფებოდა აზიის რუსეთის საზღვარზე, მუდამ გახსნილი იყო და მას არაფერი არ იცავდა ნახევარდბარბაროსული ტომების თავდასხმისაგან და ამასთანავე უმთავრესად წარმოადგენდა ნახევრად-გამოსადეგ ან საესებით გამოუსადეგარ ადგილებს მიწათ-მოქმედებისათვის; ამის გამო იგი არ შეიძლებოდა ყოფილიყო არა თუ გამავრცელებელი ბატონ-ყმობისა, არამედ დიდხანს იგი სასტიკ წინააღმდეგობასაც უწევდა ბატონ-ყმობის ცენტრიდან პერიფერიაში გაღმობანას. იმ დროს, როდესაც ევროპის რუსეთის გუბერნიებში ბატონ-ყმობამ უკვე მძიმე უღელი დაადგა გლეხობას და ისინი ძლიერი რკინის ბორკილებით შებოჭა, ასტრახანის მხარე წარმოადგენდა საიმედო თავ-

შესაფარს ცენტრალური რუსეთიდან გამოსული და გამოქცეული გლეხობისათვის, რომელსაც ბატონის სამსახურში მძიმე და აუტანელი ცხოვრება აიძულებდა გაქცეულიყო, საითაც კი შესაძლებელი იყო. ამავდროს ეკატერინე მე-II მთავრობა, ხედავდა რა, რომ ასტრახანის მხარის კოლონიზაცია რუსის თავისუფალი მოსახლეობით ძალიან ზანტად მიმდინარეობდა, იძულებული გახდა დათანხმებულიყო ამ გამოქცეულთა ძალით მის კოლონიზაციაზე, იმის მაგივრად, რომ ისინი დაებრუნებია ძველი მფლობელებისათვის. მთავრობა ხედავდა, რომ ასტრახანის ოლქის ყმებით დასახლება იქნებოდა სრულებით არა მიზანშეწონილი; მოსახლეობის ასეთი ელემენტი ხელს ვერ შეუწყობდა ამ მხარის ვერც საბოლოო დაპყრობას და ვერც მის დაწყნარებას, მაგრამ რაკი ამ მხარის საბოლოოდ დაწყნარების პროცესი დამთავრებულ იქნა, ამის შემდეგ უკვე შესაძლებელი გახდა ყმების გაჩენა ამ მხარეშიც.

ყოველ შემთხვევაში ყმა-გლეხები რჩებიან ასტრახანის მხარეში არა უადრეს მე-XVIII საუკუნის ბოლოსა და მე-XIX საუკ. დასაწყისისა. რაც არ უნდა იყოს, ერთი რამ უდავოა: ბატონ-ყმობას დიდი გავრცელება აქ არ ჰქონებია. თუ რამდენათ მკაცრი იყო ამ მხარეში მემამულეთაგან ყმების შევიწროება, იყო თუ არა აქ გლეხთა ცოტათ თუ ბევრად ძლიერი აჯანყებანი ან რა შედეგები ჰქონდათ მათ, ამის შესახებ ძალიან ცოტა რამ ვიცით, ვინაიდან არც სემიოვსკი და არც სხვა ცნობილი ავტორები ამის შესახებ არაფერს გვეუბნებიან, მაგრამ მხედველობაში უნდა მივიღოთ ის გარემოება, რომ ადგილობრივი პირობები ნაკლებად უწყობენ ხელს აქ ბატონყმობის განვითარებას; რა ყმების დიდი უმრავლესობა გადაყვანილი იყო გაუასახლზე, ზოლო ასეთი გლეხობის მფლობარეობა ბევრად უფრო უკეთესი იყო, ვინემ მემამულეთა კარზე მომუშავე და სხვა გლეხებისა. შეიძლება ითქვას, რომ ყმების მფლობარეობა ასტრახანის გუბერნიაში თუ გინდ ცენტრალური გუბერნიების გლეხობის მფლობარეობასთან შედარებით, უნდა ყოფილიყო ბევრად უფრო შემსუბუქებული.

იმ სტატისტიკური ცნობებიდან, რომელიც მოიპოვებია სარედაქციო კომისიების მასალებში, სჩანს, რომ ბატონ-ყმობის რეფორმის წინ ასტრახანის გუბერნიაში ყმა-გლეხებიდან გაუასახლზე იყვნენ გადაყვანილი 87⁰/₁₀₀, ხოლო მემამულის კარზე კი მუშაობდა სულ 13⁰/₁₀₀. გაუასახლადის სისტემის განვითარების მხრით ევროპის რუსეთის 42 გუბერნიაში ასტრახანის გუბერნიას ეკირა მე-3 ადგილი; პირველი ადგილი ეკავა კოს-

ტრომის გუბერნიას, სადაც ასეთი ყმების რიცხვი აღწევდა 87,6%, შერეულადგილი.—იაროსლავის გუბერნიას, სადაც ეს რიცხვი აღწევდა 87,4%, — ორივე ესენი სამრეწველო გუბერნიებია. იმავე ცნობების მიხედვით თავრიდის გუბერნიაში სულ არ ყოფილა ასეთი სახის ყმები; ხოლო ბევრ სხვა გუბერნიებში, მაგ., ბერსონის, ეკატერინოსლავის, ჩერნიოვოს, პოლტავის და სხვ., ასეთი ყმების პროცენტი მეტად უმნიშვნელო იყო.

გადასახადის უპირატესობა ასტრახანის გუბერნიაში უმთავრესად აიხსნება იმით, რომ არსებობის მთავარ წყაროს ამ მხარეში წარმოადგენდა მეთევზეობა და მეჯოგეობა. რაც შეეხება მიწათმოქმედებას, უნდა ითქვას, რომ ამ გუბერნიის გლეხობას შორის იგი ძალიან სუსტად იყო განვითარებული. ამის გამო მემამულეთათვის ბევრად უფრო ხელსაყრელი იყო გლეხობა გადასახადზე ყოლოდა გადაყვანილი.

ყველაზე უფრო მძიმე და აუტანელი იყო ამ მხარეში, როგორც ყველა სხვა გუბერნიებშიც, შინა-მოსამსახურეთა (ბატონის კარზე მყოფთა) მღვდმარეობა. ასტრახანის გუბერნიაში მათი რიცხვი შედარებით საკმაოდ დიდი იყო. მათ როგორც პირუტყვეებს ისე ექცეოდნენ. მას შემდეგ, რაც მათ საესებით გამოიყენებდნენ, ასეთ ყმებს გააგდებდნენ ხოლმე, როგორც უფარგისს ნივთს, ან გაჰყიდდნენ, როგორც საქონელს. პირველად ასტრახანის გუბერნიაში გაზეთი „ასტრახ. საგუბერ. უწყებები“ გამოდის 1839 წლიდან. და აი ამ გაზეთის მე-9 ნუმერში ჩვენ ვხვდებით განცხადებას ყმა-გლეხი ქალის გაყიდვის შესახებ. მოგვყავს ეს დოკუმენტი მთლიანად ბატონ-ყმობის „კეთილ-პატრიარქალური“ ურთიერთობის დასახასიათებლად: „კერძო განცხადება. - იყიდება ყმა შინა-მოსამსახურე-ქალი 40 წ., 9 წლიანი ვაჟით. დაწვრილებით ცნობების გაგება შეიძლება თვით მათ ბატონთან—პოლკოვნიკ ვილკესთან“. ეს პატარა „კერძო განცხადება“, როგორც მას უწოდებს ოფიციალურ გამოცემა, უფრო მეტს გვეუბნება, ვინემ მთელი ტომები. ბეშვიანი ქალი გათანაბრებულია ძაღლთან—ლეკვით. ამ უფეარტომო და უსახელო ადამიანებს ყიდნან, როგორც უბრალო საგნებს ბაზრობაზე.

თუ კი ასეთი განცხადება შეიძლებოდა გარეკვეყნებინათ 1839 წელს და ისიც ოფიციალურ გამოცემაში, მას შემდეგ, რაც ისინი აკრძალულნი იყვნენ ჯერ კიდევ 1801 წლიდან, მაშინ ეს ფაქტი მხოლოდ იმას მოწმობს, რომ ასეთი „პატრიარქალური დამოკიდებულებანი“ და „მამობრივი მზრუნველობა“ ყმების მიმართ ამ დროისათვის უკვე ჩვეულებრივ მოვლენას წარმოადგენდა. იგი ძვალრბილში ჰქონდა გამჯდარი მა-

შინდელ საზოგადოებას. როგორც ზევითაც აღვნიშნეთ, ბატონ-ყმობა ასტრახანის გუბერნიაში ფართოდ არ იყო გავრცელებული. ტროინიციის გამაანგარიშებით, — მეთე რევიზიის (1858 წ.) ცნობების მიხედვით, — ასტრახანის გუბერნიაში ყმა გლეხები შეადგენდნენ გუბერნიის მოსახლეობის მხოლოდ 3⁰/₁₀. ევროპის რუსეთის მხოლოდ ორ გუბერნიაში იყო ეს პროცენტი უფრო ნაკლები: სტაეროპოლის გუბერნიაში ყმები შეადგენდნენ 2⁰/₁₀ და ბესარაბიის გუბერნიაში მხოლოდ 1⁰/₁₀—ამ გუბერნიების მთელ მოსახლეობასთან შედარებით. მაგრამ მხოლოდ ასტრახანის გუბერნიაში მეთე რევიზიის უროს სრულებით არ ყოფილან ყმები. ყველაზე მაღალი⁰/₁₀/₁₀ ყმებისა აღნიშნულია სმოლენსკისა და ტულის გუბერნიებში—აქ მათი რიცხვი აღწევს 69⁰/₁₀-მდე, საერთოდ ევროპის რუსეთის გუბერნიებში ყმების საერთო პროცენტი სხვა მოსახლეობასთან შედარებით ბატონ-ყმობის რეფორმის წინ უდრის—37,5⁰/₁₀.

აბსოლუტური რიცხვი ყმა-გლეხებისა ასტრახანის გუბერნიაში გლეხების განთავისუფლების დროს უდრიდა 5514 სულს, ანუ ორივე სქესის 10.000 სულს. მაზრების მიხედვით ეს მოსახლეობა შემდეგნაირად ნაწილდებოდა;

ასტრახანის მაზრაში	— 2619 სული ანუ 47,5 ⁰ / ₁₀ .
კრასნოიარის	— 10048 18,2 ⁰ / ₁₀ .
ჩერნოიარის	— 930 17,2 ⁰ / ₁₀ .
ენოტაევის	— 617 11,1 ⁰ / ₁₀ .
ცარევის	— 344 „ „ 6,2 ⁰ / ₁₀ .
სულ .	— 5514 „ 100,0 ⁰ / ₁₀ .

ამ რიგად, თითქმის ნახევარი ასტრახანის გუბერნიის ყველა ყმებისა მოდიოდა მხოლოდ ასტრახანის მაზრაზე, სახელდობრ — 47,5⁰/₁₀ საერთო რიცხვისა. ყველაზე ცოტა რიცხვი ყმებისა იყო ცარევის მაზრაში— 344 სული ანუ 6,2⁰/₁₀.

მთელი ეს რიცხვი ყმებისა განაწილებული იყო დაახლოვებით 20 მფლობელს შორის. საშუალოდ თითო მებატონეზე მოდიოდა დაახლოვებით 275 სული. ამ დროს ყველაზე უფრო დიდი მემამულე იყო გენ.-მაიორის ჩუბარევის ქვრივი, რომელსაც ასტრახანის მაზრის რამდენიმე სოფელში ყავდა 1737 სული, ე. ი. მაზრის ყველა ყმა-გლეხობის 66,3⁰/₁₀, ანუ გუბერნიის—31,5⁰/₁₀. შემდეგ დიდი მემამულე იყო თავ. გო-

ლიცინის ქვრივი, რომელსაც ორ მახრაში (ჩერნოიარის და ცარევის მახრაში) ყავდა 805 სული, შემდეგ აზნაური ვიშენსკი, რომელსაც ყავდა (ენოტაევის მახრაში) 582 სარ. სული.

ამ ყმების უმრავლესობა სცხოვრობდა სოფლებში, მაგრამ გარდა ამისა გუბერნიის ქალაქებში და აგრეთვე დაბებში სახლობდნენ ყმები, რომელნიც ჩამოსული იყვნენ სხვა გუბერნიებიდან სხვადასხვა სამუშევრის საძიებლად.

ასტრახანის პოლიციის ცნობით 1738 წელს ქალ. ასტრახანში იყო შემდეგი რიცხვი ყმებისა.

1) შინა მოსამსახურენი:	მამაკაცი	დედაკაცი	სულ
ა) ბატონის კარზე	235	195	430
ბ) პასპორტებით	118	82	200
სულ	3649	782	4431

ამ რიგად 20 წლის წინად ბატონ-ყმობის რეფორმამდე ქალ. ასტრახანის მოსახლეობაში შედიოდა 4431 სული ყმა, რაც შეადგენდა თითქმის 10% ქალაქის საერთო მოსახლეობისას (45,703 სული ორივე სქესისა) და ეს მაშინ, როდესაც მთელ გუბერნიაში საკუთარი ყმების რაოდენობა შეადგენდა 3% მთელი მოსახლეობისას. ეს გარემოება უმთავრესად აიხსნება იმით, რომ ასტრახანი, როგორც მუშათა ბაზარი იზიდავდა ყმებს სხვადასხვა სამუშაოებისათვის მთელი ვოლგის ნაპირებიდან, როგორც იგი ეხლაც იზიდავს მუშა-ძალას.

II

თუ როგორ ხდებოდა ასტრახანის გუბერნიაში გლეხთა განთავისუფლების პროცესი საზოგადოების ეკონომიური სტრუქტურის თანდათანობით შეცვლის მიხედვით — საამისო ცნობები ჩვენ არ მოგვეპოვება. ვიცით მხოლოდ ის, რომ სხვა გუბერნიების თავად-აზნაურობის შემდეგ ასტრახანის გუბერნიის თავად-აზნაურობამაც ძალა-უნებურად — 1858 წლის დასაწყისში გამოსთქვა სურვილი შესდგომოდა პროექტის შედგენას მემამულეთა ყმების ყოფა-ცხოვრების მოწყობისა და გაუმჯობესების შესახებ. ამავე 1858 წლის დასაწყისში შეაღწინეს საგუბერნიო კომიტეტი, რომელსაც უნდა შეედგინა ეს პროექტი შემდეგ საფუძველზე, რაც

აღნიშნული იყო გუბერნიის უფროსის სახელზე ბოძებულ უმაღლეს რესკრიპტში: 1) შემამულეებს რჩებათ საკუთრების უფლება ყველა მიწებზე; 2) გლეხებს რჩებათ მათი კარმიდამო, რომელიც განსაზღვრული ვადის განმავლობაში შეუძლიათ საკუთრებათ შეიძინან; 3) გარდა ამისა გლეხებს ეძლევათ განსაზღვრული რაოდენობა მიწისა, რათა შეძლებდნენ ექნეთ შეასრულონ თავიანთი ვალდებულებანი შემამულეებისა და მთავრობის წინაშე, რომლისთვისაც გლეხები იხდიან გადასახადს ან ასრულებენ სხვა სახის სამუშაოს და 4) შემამულეებს რჩებათ საგვარეულო პოლიტიკის უფლება.

ასტრახანის თავად-აზნაურობის მიერ შედგენილი პროექტის ხასიათისა და მიმართულების შესახებ წარმოდგენა შეგვიძლია ვიქონიოთ ნაწილობრივ სარედაქციო კომისიების მასალების მიხედვით და აგრეთვე ასტრახანის კომიტეტის დეპუტატის კიშენსკის სიტყვებიდან, რომელიც, როგორც წევრი, მონაწილეობას იღებდა როგორც მთავარი კომიტეტის, ისე სარედაქციო კომისიების მუშაობაში.

ამ წყაროებიდან ვგებულობთ, რომ ასტრახანის კომიტეტი პროექტის შედგენის დროს გზადაგზა იძლევა ასტრახანის გუბერნიის ერთგვარ საინტერესო დახმარებას სასოფლო-სამეურნეო მხრით.

„ასტრახანის გუბერნია, — ვკითხულობთ სარედაქციო კომისიების მასალებში, — გუბერნიის კომიტეტის მიერ წარმოდგენილი ცნობების მიხედვით, გაყოფილია ორ ნაწილად. ერთ ნაწილში შედის ასტრახანის, კრასნოიარის და ენოტაევის მაზრები. აქედან პირველ ორ მაზრაში სრულებითაც არ ზღბა მიწის დამუშავება, რადგან საამისოდ გამოსადეგი მიწები იქ არ არის. მიწა მფლობელთ აქ შემოსავალი აქვთ სხვა წყაროებიდან: მეთევზეობიდან, მეჯოგეობიდან და სხვ., ხოლო გლეხობა უმთავრესად მეთევზეობას მისდევს, ქალაქის ახლო მდებარე ორ მამულში კი — მეჯოგეობასა და მებოსტნეობას. ენოტაევის მაზრაში მიწათმოქმედება სუსტად არის განვითარებული და გლეხობაც თავს ირჩენს მეთევზეობითა და მეჯოგეობით. გუბერნიის მეორე ნაწილს ეკუთვნის ჩერნოიარისა და ცარევის მაზრები, სადაც უწინააღრეს წარმოებას შეადგენს მიწათმოქმედება, რომლის ხასიათიც დაახლოებით ემსგავსება ორი მოსაზღვრე სარატოვისა და სამარის გუბერნიების მიწათმოქმედებას“. შემდეგ — ასტრახანის, კრასნოიარის და ენოტაევის მაზრებში არ არის შესაძლებელი გლეხობისათვის მისაცემი ნორმის საუფქველად მივიჩნიოთ მიწის რაოდენობა, რომელიც არსებითად მეურნეობის სხვა სისტემისათვის თუ გამოადგება. ამის გამო,

რადგანაც შეუძლებელია ამ მაზრებში არსებული ნორმის გამოკვეცვა, უფრო სამართლიანად იქნა ცნობილი ნება მიეცეს ადგილობრივ დაწესებულებათ ამ სამ მაზრაში განსაზღვროს მიწის ნორმა თითოეული ადგილისათვის, რომლის დროსაც მხედველობაში უნდა იქნეს მიღებული მისი სოფლის მეურნეობის განსაკუთრებული თვისებები. ხოლო ჩერნოიარისა და ცარევის მაზრებისათვის განზრახულია დაწესებულ იქნეს ის ნორმები, რომელიც განსაზღვრულია დიდ-ველებიანი გუბერნიებისათვის“. გარდა ამისა კიშენსკი განმარტავდა, რომ ასტრახანის გუბერნიაში არის სხვადასხვა ხასიათის ნიადაგი და ჰავა: მისი ჩრდილოეთი ნაწილი (ჩერნოიარისა და ცარევის მაზრები) მეტად მძაფრად ეწევიან პურის წარმოებას, რაც აკმაყოფილებს ადგილობრივი მოსახლეობის მოთხოვნილებას. გუბერნიის საშუალო ადგილია ენოტაევის მაზრა, რომელიც წარმოადგენს ჩრდილოეთიდან სამხრეთისაკენ გადასვლას. აქ მცხოვრებნი ხშირათ იძულებულნი არიან იყიდონ პური, რომელიც შემოაქვთ ზედა გუბერნიებიდან. სამხრეთი ნაწილი (ასტრახანისა და კრასნოიარის მაზრები) წარმოადგენს დაბლობს, რომელიც საესებით სილით არის დაფარული და დასერილია მდინარე ვოლგის აუარებელი შტოებით. აქ არ იზრდება არავითარი პურეულობა და მცხოვრებლები უმთავრესად მისდევენ მეჯოგეობასა და ნაწილობრივ მეთევზეობას. გუბერნიის ასეთი სხვადასხვაობა იყო მიზეზი იმისა, რომ კომიტეტმა (ასტრახანის) გაჰყო იგი ორ ნაწილად—სამხრეთ და ჩრდილოეთ ნაწილად“.

ყოველივე ეს რამდენიმეთ მარაალია, მაგრამ ამ სამართლიან მოსაზრებებიდან ასტრახანის კომიტეტმა და მისმა წარმომადგენელმა არ გამოიყვანეს ის დასკვნა, რომელიც მათ უნდა გამოეტანათ, თუ კი სურდათ სამართლიანობის ნიადაგზე დამდგარიყვნენ. ასტრახანის დეპუტატებს იმდენათ არ აინტერესებდათ სამართლიანობის თვალსაზრისი, რამდენათაც ვიწრო-კლასობრივი თვალსაზრისი. მაგალითად,—კიშენსკის სიტყვებით,—იმავე „მასალებში“ ნათქვამია შემდეგი: მიწების ის რაოდენობა, რომელიც სამეურნეო განყოფილების აზრით უნდა გადაცემოდა გლეხობას ასტრახანის გუბერნიაში, მეტად დიდია და შეავიწროებს მემამულეებს. კიშენსკის აზრით, განყოფილებამ არ მიიღო მხედველობაში, რომ მეძამულეთა მთელი მიწებიდან მხოლოდ უმნიშვნელო ნაწილი თუ გამოდგება დასამუშავებლად, ხოლო უმრავლესობა კი შესდგება გაუვალ ქაობებიდან, რომელნიც ზაფხულობით მეტ წილად წყლით არის დაფარული, ან და მლაშ მიწებიანი და სილიანი ადგილებისაგან. ამიტომ ბ-ნ კიშენ-

სკის აზრით უფრო სამართლიანი იქნებოდა თუ დაამტკიცებდნენ საგუბერნიო კომიტეტის გადაწყვეტილებას. ხოლო საგუბერნიო კომიტეტი ფიქრობდა მიეცა გლეხობისათვის კომლზე: 1) ასტრახანის და კრასნოიარის მაზრებში შრავალმიწებიანი მამულებიდან 7-დან 8 დესეტინამდე მიწა, ხოლო საშუალო-მიწებიანი მამულებიდან 5-დან 7 დესეტინამდე, ყოველ შემთხვევაში არა უმეტეს მიწების $\frac{1}{3}$, გარდა ტყისა; ენოტაევისა და ჩერნოიარის მაზრებში 2 $\frac{1}{10}$ და ცარევის მაზრაში თითოსათვის 7 დესეტინა მიწა.

ბ-ნი კიშენსკი აქ ივიწყებდა უბრალო რამეს, რომლის შესახებაც თვით იგი ლაპარაკობდა წინად, სახელდობრ იმას, რომ ბ. ბ. მემამულენი უმთავრეს სარგებლობას იღებენ ასტრახანისა და კრასნოიარის მაზრებში და ნაწილობრივ ენოტაევის მაზრაში არა მიწის დამუშავებიდან, არამედ მეთევზეობიდან და მეჯოგეობიდან, ხოლო სათევზაო ადგილებს ისინი სკდილობდნენ დაეტოვებინათ და კიდევაც დაიტოვეს სრულ თავის განკარგულებაში.

და აი, წაართვეს რა გლეხობას თევზის ჰერის საშუალება, ე. ი. ადგილობრივი მცხოვრებლების არსებობის მთავარი წყარო, მემამულენი სკდილობდნენ მიეცათ მათთვის მცირე ნაჭკრები მიწისა. და ამას ბ-ნი კიშენსკი სამართლიან მოსაზრებას უწოდებდა.

თავის თავად ცხადია, რომ ამ შემთხვევაში ჩვენ გვინტერესებს უმთავრესად არა თვით მაშინდელი პროექტი ასტრახანის თავად-აზნაურობისა, არამედ ის პოზიცია, რომელიც დაიკავა მაშინ ყველასათვის საინტერესო საკითხში ასტრახანის კომიტეტმა და მისმა წარმომადგენელმა პეტერბურგში ბ-ნი კიშენსკიმ. ნაწილობრივ ეს ჩვენ უკვე ვიცით. მაგრამ მოვიყვანოთ კიდევ რამდენიმე დამახასიათებელი მოვლენა ამ პოზიციის გამოსაკვლევალ.

გლეხობისათვის გადასაცემი მიწების სამეურნეო დამუშავების საკითხის შესახებ ასტრახანის კომიტეტი ფიქრობდა, რომ გლეხობას შეუძლია ისარგებლოს ამ მიწებით მხოლოდ სამეურნეო დამუშავებისა და მეჯოგეობისათვის. გლეხობისათვის მიწების უფალო და ვადიანი სარგებლობისათვის გადაცემის შესახებ „პირველი მოწვევის ყველა წევრების შორის მხოლოდ ოთხმა—შიდლოვსკიმ, თავ. გაგარინმა და კიშენსკიმ დადებითად მიიჩინეს მოთხოვნა გლეხობის უმიწოდ განთავისუფლებისა“.

ბ-ნი კიშენსკი,—ეკითხულობთ ჩვენს სკრაიბინსკის ნაწარმოებში,— ფიქრობდა შეეზღუდა გლეხობის უფლება სილაზზე, ტორფზე, თიხაზე და

ქვაზე, ხოლო გლეხობის ახალ შენობათა აგება მებატონეთ აშენობებიდა დაშორებული უნდა ყოფილიყო არა 50, არამედ 100 საენი“. შემდეგ ბატონი კიშენსკი სხვა წევრებთან ერთად, — ბ. ბ. კომელოვთან, ოზნობიშიყვთან და თავ. შჩერბატოვთან ერთად მოითხოვდა, რომ „კიდევ უფრო მეტად შევევიწროებიათ გლეხების პირადი თავისუფლება“.

ამ რიგად როგორც ასტრახანის კომიტეტის, ისე მისი პეტერბურგელი წარმომადგენლის ყველა აზრები და მოსაზრებები გაჟღერდებოდა იყვნენ მეტად დახვეწილი და ჩამორჩენილი მონათ-მფლობელთა შეხედულებებით. თავისთავად უმნიშვნელო მებატონე ბ-ნი კიშენსკი იყო მეტად თავგამოდებითი დამცველი ძველი დროის მემამულეთა უფლებებისა. მას არ შეეძლო გლეხობის შესახებ ბასი და მსჯელობა გარეშე ზიზღისა და სიძულვილისა, რადგან მათში იგი ხედავდა მხოლოდ თავისი სურვილებისა და ჟინის დამაკმაყოფილებელ არსებათ. და რომ ბ-ნი კიშენსკისა და მის დამქაშებს სკოდნოდათ თანამედროვე თერმინები, ისინი ალბათ გამოვიდოდნენ მოწოდებით ჯვაროსნული ომი გაემართათ გლეხობის ძალმომრეობისთვის ბატონ-ყმობის დროს.

III

იმ დროს, როდესაც პეტერბურგში გაცხარებული მუშაობა სწარმოებდა თებერვლის 19-ს დებულების შესამუშავებლად და საზოგადოების საუკეთესო ნაწილი გაფაციცებითა და თანაგრძნობით ადევნებდა თვალ-ყურს ამ მუშაობას, — ამ დროს ასტრახანის საზოგადოებას პირუპით არაფერში არ გამოუხატავს თავისი ინტერესი ამ რეფორმისადმი. ან სად და როგორ უნდა გამოუხატა ეს მას.

პერიოდული პრესა მაშინ ჯერ კიდევ არ არსებობდა და შეუძლებელია ისეთ ორგანოთ მივიჩნიოთ მაშინდელი „საგუბერნიო უწყებები“. მხოლოდ დრო-გამოშვებით თუ იბეჭდებოდა ამ გაზეთში სხვადასხვა ოფიციალური ბრძანებებსა და ცირკულიარებს შორის მთავრობის ზოგიერთი დოკუმენტები, რომელიც აუწყებდა საზოგადოებას, რომ ამა და ამ კომიტეტებსა და კომისიებში მზადდებოდა გლეხთა რეფორმა, რომ ირჩეოდა საკითხები იმ გლეხობის ცხოვრების მოწესრიგების შესახებ, რომელნიც თავისუფლდებოდნენ ბატონ-ყმობისაგან. სხვა ვერაფერს ვერ გაიგონებდით ვერსად — თითქმის თებერვლის 19-ს მანიფესტის გამოქვეყნებამდე. მანიფესტი ასტრახანში გამოქვეყნდა დეკვიანებით — მხოლოდ 1861 წლის მარტის 22-ს.

ოფიციალურ წრეებში ამ მოვლენამ მეტად ჩვეულებრივად ჩაიარა, — იგი არაფრით არ იყო აღნიშნული იმავე „საგუბერნიო უწყებებში“.

როდესაც თვალს გადაავლებ მთელ ამ წარსულს, ძალა-უნებურად მიდიხარ იმ დასკვნამდე, რომ მთელი ჩვენი ცხოვრების ეს ერთი უმნიშვნელოვანესი მოვლენათაგანი სრულებით შეუქმნეველი დარჩა ადგილობრივი საზოგადოების მიერ, რომ აღარაფერი ესთქვათ მის არა სათანადო შეფასებაზე.

მაგრამ ასე იყო თუ ისე, რეფორმა მაინც გამოცხადდა და შეუდგენ მის ცხოვრებაში გატარებას ახალი დაწესებულებანი, რომელთაც უწოდეს საგლეხო საქმეთა საგუბერნიო და სამაზრო საკრებულოები. თავიდანვე მათ მუშაობაში თავი იჩინა მისწრაფებამ როგორმე მემამულეთა გული მოეგათ. ერთ-ერთ პირველ სხდომაზე ასტრახანის საგუბერნიო საკრებულოს, როდესაც ირჩეოდა საკითხი მლაშე მიწების შესახებ, სამართლიანად მიიჩნდა, რომ იგი (წინააღმდეგ კანონის გარკვეული მითითებისა) დამატებოდა გლეხის ნორმას იმ რაოდენობის მიხედვით ნოყიერ მიწებთან, როგორი შეფარდებაც იყო მასთან მებატონის მთელ მამულში. ეს აზრი, რომელაც უეჭველად ნაკარანხევი იყო ბ-ნ კიშენსკისებრი მემამულეთა ინტრიგით, პირდაპირ ეწინააღმდეგებოდა მიწების დაყოფის სახელმძღვანელო პრინციპებს და ამიტომ, რადგანაც მეტად ცხადად დაარღვიეს 28 მუხლი გლეხობის შესახებ დებულებისა, — საკრებულო იძულებული იყო უარი ეთქვა თავის ასეთ განზრახვაზე.

საკიროა აღვნიშნათ, რომ ნაწილობრივ იმ უნდობლობის გამო, რომლითაც ეკიდებოდნენ საგუბერნიო კომიტეტის მიერ წარმოდგენილ ცნობებს, ნაწილობრივ იმ მოსაზრებით, რომ ამ ცნობების შემოწმებით არ შეეფერხებინათ თავის დროზე გატარება რეფორმისა, ასტრახანის გუბერნიისათვის დაშეებულ იქნა არსებითი გამონაკლისი საერთო წესიდან. ასტრახანის და კრასნოიარის მაზრებისათვის გლეხობისათვის მისაცემი მიწის ნორმები თებერვლის 9-ს დებულებით არ იყო განსაზღვრული და იგი მინდობილი ჰქონდა გლეხთა საქმეების საგუბერნიო საკრებულოს, რომელსაც ეს ცნობები უნდა განესაზღვრა ადგილობრივი პირობების მიხედვით, მაგრამ იმ პირობით, რომ სათანადო მოსაზრებანი ამ საკითხის შესახებ წარედგინათ შინაგან საქმეთა სამინისტროსათვის. 1862 წლის დასაწყისში ამ წესების მე-6 §, სხვათა შორის, ჩვენ ეხვდებით შემდეგ პუნქტებს:

1) გლეხებს ნორმაში, როდესაც ასეთ ნორმას მიუზომავენ მათი თანხმობის გარეშე, უნდა მიეცეთ მიწის ის რაოდენობა, რომლითაც ისინი ამდენ ხანს სარგებლობდენ; უკეთეს დიდ მამულებში გლეხების მიერ მიწით სარგებლობა არ ყოფილა შეზღუდული და ამ მამულის სივრცის გამოარკვევა შეუძლებელი იქნება, მაშინ ხსენებული ნორმა მიწისა განისაზღვრება თორმეტი დესეტინა მიწით თითო სულზე.

2) მიწის ნორმაში უნდა შედიოდეს გლეხის ბალი, ვენახი, ბოსტანი და აგრეთვე ჩალამ-კალამით გაშენებული მიწა არა უმცირეს $\frac{1}{2}$ საყ.

3) მლაშე მიწები და აგრეთვე საძოვარი ადგილები მიეცემათ სამი დესეტინა ერთ დესეტინაზე.

4) გლეხთა სარგებლობაში რჩება აგრეთვე ის სათევზაო ადგილები და სხვა მიწები, რომლითაც ისინი ამდენ ხანს სარგებლობდენ.

ერთ-ერთ შემდეგ სხდომაზე იმ საკითხის შესახებ, თუ როგორ უნდა განაწილებულიყო გადასახადი შემამულებსა და გლეხებზე საგლეხო საქმეთა საგუბერნიო და სამაზრო საკრებულოების შესანახათ, -საგუბერნიო საკრებულომ დაადგინა, რომ სათევზაო გადასახადი უნდა დაეკისროს შემამულებებს და არა გლეხებს, ვინაიდან თევზის ქერა ასტრახანის გუბერნიაში რჩებოდა მებატონეთა უშუალო განკარგულებაში და გლეხობის მიწის ნორმაში არ შედიოდა. როგორც ზევით ნათქვამია, პუნქტი მე-2 უმაღლესი ხელისუფლების მიერ დამტკიცებული წესების § 6 ნათლად და კატეგორიულად ამბობს, რომ ის სათევზაო ადგილები, რომლითაც გლეხები მანამდე სარგებლობდენ, ბატონ-ყმობის გაუქმების შემდეგაც რჩებოდენ მათ სარგებლობაში. ნამდვილად კი ბატონ-ყმობის დროს გლეხები არ სარგებლობდენ სათევზაო ადგილებით, როგორც ამ ადგილების დამოუკიდებელი ექსპლოატატორები, მაგრამ ამ წარმოებაში ისინი ღებულობდენ საშუაოს, ხოლო რადგანაც მიწის ნორმაში მათ სათევზაო არ ეძლეოდათ, ამით ერთმეოფათ არსებობის ერთი უდიდესი სახსართავანი. მაგრამ შესაძლებელია გლეხობას ეს დანაკლისი აუნაზღაურეს მიწების გულუხვით დარიგებით?

მართალია საკრებულო ამტკიცებდა, რომ ჩერნოიარის, ენოტაევის და ცარევის მაზრებში გლეხობისათვის გადასაცემი ნორმის უმაღლეს განაკვეთად მიღებულია თორმეტი დესეტინა სულზე; ხოლო ასტრახანისა და კრასნოიარის მაზრებში ასეთი ნორმის უმაღლესი განაკვეთი განსაზღვრულია 9 დესეტინით და 750 საყენით. ამას თან დართული ქონდა საზღაპრო ხასიათის შენიშვნა, რომ - „თუ რამდენი მიწა არის გლეხობის

ნამდვილ სარგებლობაში, ამის შესახებ სწორი ცნობები არა გვაქვს, მაგრამ უნდა ვიფიქროთ, რომ იგი არ იქნება განზრახულ უმაღლეს განაკვეთზე ნაკლები“. მაგრამ ეს იყო მხოლოდ სიტყვები. ნამდვილად კი საკრებულოს ცნობების მიხედვით ასტრახანის გუბერნიის 5 მაზრაში გლეხობის სარგებლობაში იყო სულ შემდეგი რაოდენობის მიწები.

		დესეტინის რაოდენობა	საშუალოდ 1 სულზე დესეტინა
ასტრახანის	მაზრაში .	6,803 ¹ / ₂	2,6
კრასნოიარის	„	6,724	6,7
ჩერნოიარის	მაზრაში	8,439	9,1
ცარევის	„	2,046	6,5
ენოტაევის	„	7,404	12,0
სულ .		31,446	5,7

ამ რიგად საკრებულოს მიერ განზრახული მოსაზრება უმაღლესი განაკვეთის შესახებ ფაქტიურად მათ მიერვე მოყვანილი ცნობების მიხედვით მართლდება მხოლოდ 1 ენოტაევის მაზრის მიმართ, ხოლო დანარჩენ 4 მაზრაში გლეხობის ფაქტიური მფლობელობა სრულებით არ შეესაბამებოდა იმ ნორმას, რომელიც განსაზღვრული იყო კანონით, ე. ი. თითო სულის განაკვეთის რაოდენობა სამჯერ და ოთხჯერ უფრო ნაკლები აღმოჩნდა.

ბევრად უფრო ცუდათ იყო მდგომარეობა ამ მხრით ასტრახანის მაზრაში, სადაც ერთ სარევიზიო სულზე მოდიოდა საშუალოდ 2,6 დეს. მიწა. ამასთანავე ზოგიერთ მამულებში საშუალო განაკვეთი თითო სულზე ნაკლები იყო. მაგალითად შებატონე ჩუბარევის ქალის ყველა 5 მამულში საშუალოდ თითო სულზე მოდიოდა 1,5 დესეტინაზე ნაკლები; მხოლოდ ერთ მამულში (სოფ. იკრიანოში) საშუალოდ თითო სულზე მოდიოდა 6,4 დესეტინა მიწა, ხოლო დანარჩენ 4 მამულში კი—

სოფელ სერგიევკაში	0,53	დესეტინა
დმიტროვკაში	0,28	„
ნიკოლაევკაში	0,91	„
„ ფედოროვკაში	0,30	„

საკითხავია, მართლაც და მიწების ასეთი მცირეოდენი რაოდენობა იყო თუ არა გლეხების სარგებლობაში ბატონ-ყმობის დროს ამ მამულე-

ბში? თუ ეს უმნიშვნელო ციფრები შედეგია ყალბი ცნობებისა, რომელიც იყო საკრებულოს განკარგულებაში?

რაც არ უნდა იყოს, ერთი რამ არის ცხადი: მიწის ასეთი უმნიშვნელო რაოდენობით გლეხებს არ შეეძლოთ არსებობა და მით უმეტეს მემამულისათვის გაუასახადის მირთმევა და მისი სხვადასხვა ბეგარის შესრულება. მეორეს მხრით ჩვენ ვიცით, რომ იგივე მემამულე ჩუბარევას ქალი განუზომელ დიდ შემოსავალს იღებდა სათევზაო ადგილებიდან: მაგრამ ასეთივე მეთოდებით სცხოვრობდნენ ხომ გლეხებიც.

შემდეგში, როგორც სჩანს, სიგელების შედგენის დროს ასტრახანის ყოფილ მემამულეთა გლეხების მიწის ნორმები რამდენიმეთ გააღიდა.

ხოუსკის მიერ მოყვანილი ცნობების მიხედვით, გლეხების სამიწო ნორმების საერთო რიცხვი ასტრახანის გუბერნიაში მე-XIX საუკუნის 80-იან წლებში უდრიდა:

ასტრახანის მაზრაში	19,687	დესეტ.
ენოტაევის	7,023	"
კრასნოიარის	12,209	"
კარევის	2,310	"
ჩერნოიარის "	9,794	"
<hr/>		
სულ	51,232	დესეტ.

და მიუხედავად ნორმების ასეთი გაღიდავისა, იმავე ავტორის გამოანგარიშებით, აღმოჩნდა, რომ ასტრახანის გუბერნიაში ყოფ. მემამულეთა გლეხებმა მიიღეს მიწის ნორმა შემდეგი შეფარდებით: გლეხობის 11% გულუბვათ, 35,8%⁰/₀ საკმაოდ და 53,2%⁰/₀ არა საკმაოდ. ამავე დროს კი ევროპის რუსეთის 40 გუბერნია ამ შემთხვევაში შემდეგ სურათს გვიხატავს—გულუბვად 13,9%⁰/₀, საკმაოდ—43,5%⁰/₀ და არა საკმაოდ 42,6%⁰/₀.

ამ რიგად, ჩვენ ვხედავთ, რომ ისეთ მრავალ მიწებიან გუბერნიაში, როგორც იყო ასტრახანის გუბერნია, გლეხობის გამოსასყიდი ღა მათთვის ბოძებული ნორმები მიწებისა იყო მეტად მცირე. ეს ფაქტი მით უფრო უცნაურია, რომ იგი-არსებითად ეწინააღმდეგება ბ-ნ კიშენსკის რწმუნებას, რომელმაც რამდენჯერმე განაცხადა მთავარი კომიტეტის კრებებზე, რომ „ასტრახანის გუბერნიაში არ არის მცირე მიწებიანი მამულები“-ო. მაგრამ არსებითად აქ გასაკვირალი არაფერი არ არის. „ეს

ფაქტი, — ამბობს ხოდსკი, — უცნაურია პირველ შეხედვით, თორემ სინამდვილეში იგი საესეებით გამომდინარეობს იმ პირობებიდან, რომელშიც ხდებოდა გლეხობისათვის მიწების გადაცემა განთავისუფლების დროს“.

თებერვლის 19-ს დებულების შედგენაც და მისი ცხოვრებაშიც გატარებაც უმთავრესად მემამულეების ხელში იყო, რომელნიც ყოველგვარ ხერხებს იცნობდენ, რომელთაც ყველაფერი იცოდენ, რომ კარგათ უზრუნველყოთ თავიანთი ინტერესები და ზოგიერთი უფლებების დაკარგვა მრავალით აენაზღაურებიათ. ამავე დროს კი გლეხობისათვის მთელი ეს „პოლიტიკა“ უცნობი იყო. და კიდევაც რომ მათ ყოველივე სკოდნოდათ, ისინი მაშინდელი სახელმწიფოებრივი წყობილებისა და ძალთა ურთიერთობის დროს მაინც ვერ შესძლებდენ მედგრად და წარმატებით დაეცვათ თავისი უფლებები.

გაზეთი: „ასტრახანსკი ლისტოკი“,
№ 40, 1911 წლის 19 თებერვალი.

IV

ქუჩნალი „ჩვენნი ჳყარო“

1913 წლისა.

შინაური მიმოხილვა.

პატრიოტული მანიფესტაციები პეტერბურგში და მთავრობა. დეპუტატის ზელმეუხებლობა.—ოქტომბრისტები იჩენენ ნამდვილ თავის სახეს.

ერთობ მეტათ გაუძნელდა მმართველ ბიუროკრატის საქმე. მან აღარ იცის, როგორ მოიქცეს. ამას წინათ, აღრიანოპოლის¹⁰⁾ დაცემის გამო, მემარჯვენეებმა და ნაციონალისტებმა მანიფესტაცია მოახდინეს პეტერბურგის ქუჩებზე. როგორც ვიცით, აქამდის მანიფესტაციებს რუსეთში მუშები და სხვა დემოკრატიული ელემენტები ახდენდენ მთავრობის წინააღმდეგ. ეს ყველამ უწყის, და უწინარეს ყოვლისა—მთავრობამ და პოლიციის დეპარტამენტმა, მაგრამ მემარჯვენეების და შაერაზმელების დემონსტრაცია პურიშკევიჩ¹¹⁾-მარკოვების¹²⁾ წინამძღოლობით,—ეს ახალი ხილია. ასეთი მანიფესტაცია სრულიად მოულოდნელი იყო პეტერბურგის პოლიციისათვის. მაგრამ მის სასახელოთ უნდა ვაღიაროთ, რომ თავის ღირსება არ შეუღაბავს, შეიძლება ვთქვათ, რომ იგი გამარჯვებული გამოვიდა ამ უხერხული მდგომარეობიდან. წარმოიდგინეთ, რომ ეს ახირებული მანიფესტანტები მღეროდნენ არა რევოლიუციონურ სიმღერებს, არამედ ეროვნულ ჰიმნს, გაიძახოდნენ არა: ძირს მთავრობაო, არამედ—გაუმარჯოს ბალკანეთის მეფეებს და ძამია სლავიანებს და სხვა ამ გვარებს. გარდა ამისა, რაც უფრო საყურადღებოა, თვით მანიფესტაციის მონაწილენი სულ ერთიანათ წარჩინებული პირებისაგან შესდგებოდნენ, დაწყებული ბრწყინვალე თავადებიდან და ჯინჯილებიან ლენერლებიდან და გმთავებული სტატსკი სოვეტნიკებით. ასეთ პატივცემულ საზოგადოებაში მხოლოდ ეგერ-აგერ თუ გამოერეოდნენ სალდათები ან მოწაფეები და საიდუმლო პოლიციის აგენტები. მიუხედავად ამისა, პოლიციური მთავრობა ამას არ შეუშინდა, და, როცა მის მოთხოვნაზე მანიფესტანტები არ დაიშალენ, გასცა ბრძანება ძალა ეხმარათ, და გაისმა ამ პატივცემულ პირების ზურგებზე მათრახების და ნაგაიკების ზუზუნი.

სიმართლე მოითხოვს ვთქვათ, რომ პეტერბურგის პოლიციელები ამ შემთხვევაში მეტად ზრდილობიანათ იქნეოდნენ მათრახს, ისე, რომ რაც შეიძლება ნაკლები უსიამოვნება მიეყენებიათ ამ ახირებულ და გამოუცდელ მანიფესტანტებისთვის, ვინემ ისინი იქცეოდნენ საზოგადოთ ასეთ შემთხვევაში. რაც უნდა იყოს, ორიოდე მათრახი თავიანთ ზურგებზე პურიშევიჩი-მარკოვებმაც იწვნიეს და, თუმცა ისინი ყოველთვის თავის მოწინააღმდეგეებისთვის დაუზოგველათ ურჩევნ მთავრობას ასეთი და კიდევ ბევრათ უარესი ზომების ხმარებას, მაგრამ ამ შემთხვევაში მათრახებმა იმათზე საკპარისათ დიდი აღმზრდელიობითი მნიშვნელობა იქონია. ჩვენი გმირები გაემართენ და მაშინვე შეკითხვა შეიტანეს სახელმწ. დუმაში. ასე და ამ გვართო, ამბობდნენ ისინი.

მთავრობამაც არ დააყოვნა პასუხის გაცემა. შინაგან საქმეთა მინისტრმა ბ. მაკლაკოვმა თავის პასუხში აღნიშნა, რომ მანიფესტაციები აკრძალულია, ვინაიდან ისინი უწყესობას იწვევენ, და მერე ამას მუშები და საზოგადოთ მქმარცხენე, მთავრობის მოწინააღმდეგე ელემენტები ჩადიან; რა თქმა უნდა, მთავრობამ კარგათ იცის იმ მანიფესტაციის მიზანი და დანიშნულება, რომელზედაც ახლა ლაპარაკი არისო, მაგრამ ეს მოულოდნელათ მოხდა, პოლიცია არ იყო მომზადებული და მთავრობა ბოდიშს იხდის, გამოძიებას მოახდენს და დამნაშავე პოლიციელებს დასჯისო. ასეთი პასუხით გათამამებულია „პატრიოტებსა“ ერთი კვირის შემდეგ ხელახლად მოახდინეს მანიფესტაცია (24 მარტს). მონაწილეთ უდიდეს ნაწილს ახლა შეადგენდნენ სამხედრო პირები (აფიცრები და სალდათები) და მოსწავლეები. პოლიცია ახლა აღარ ჩარევიდა საქმეში. და მანიფესტანტებმა გული მოიჯერეს, თუმცა მიზანს მაინც ვერ მიახწიეს. რა სწადდათ რუსეთის „პატრიოტებს“? რომი ანსტრისთან და სტამბოლის ხელში ჩაგდება, — აი რას ეტრფიან ისინი. რა თქმა უნდა, მთავრობასაც არა ნაკლებ სწადია ეს. მაგრამ იგი არ არის დაწმუნებული გამარჯვებაში, — და ამიტომ ომს გაურბის. ერთი სიტყვით, „პატრიოტები“ — ამ შემთხვევაში უათურ სამსახურს უწევენ თავიანთ მთავრობას.

ასე თუ ისე, ბოლოს პატრიოტულსა მანიფესტაციებმაც მოაბეზრეს თავი მთავრობას, და მეორე დღესვე პეტერბურგის გრაფონაჩაღნიკმა ქუჩებში განცხადებები გამოაკრა, რომ ყოველგვარი მანიფესტაციები აკრძალულია და იმათ ჩასაქრობათ მთავრობა ყოველ ზომას იხმარსო. ასეთმა განცხადებამ თურმე მემარჯვენეები ძლიერ გააკვირვა. მაგრამ ზოგიერთი იმათაგანი ირწმუნება, რომ ეს განცხადება პატრიოტებს არ ეხე-

ბაო. ჩვენც გვჯერა, რომ ეს ასეც უნდა იყოს, მაგრამ როგორც უნდა თქვათ, მთავრობის მდგომარეობა მაინც უხერხულია: ერთი მხრით აკრძალვა, მეორე მხრით დაშვება, ეს ორპირიანი მახვილია.

დიდ უხერხულობაში აყენებს დღევანდელ მთავრობას აგრეთვე ძირითად კანონების ის მუხლი, რომელიც დეპუტატის ხელუხლებლობას შეიცავს. წარმოიდგინეთ, 160 მილიონ სულის პიროვნებას მთავრობა ექცევა ისე, როგორც მოისურვებს: თითოეულ მის მოხელეს—უბრალო მეფზოველან დაწყებული და გათავებული მინისტრით—შეუძლია დაუსჯელათ გადალახოს მცხოვრებთა პიროვნება სრულიად უდანაშაულოთ. იმავე დროს კი ამ უუფლებო ხალხის მიერ არჩეულ დეპუტატს იგივე მთავრობა ვერ ეხება, თუ რაიმე განსაკუთრებული გარემოება არ მოხდა. დღევანდელი კანონით კატორღაში იგზავნება ის, ვისაც სოც.-დემ. პარტიის წევრობას დაუმტკიცებენ. იმავე დროს კი, სახელმ. ღუმეში არსებობს სოც.-დემ. ფრაქცია, რომელიც აშკარათ ამ პარტიის სახელით ლაპარაკობს და მოქმედებს. წარმოიდგინეთ, რა უხერხული უნდა იყოს ასეთ პირობებში მთავრობის მდგომარეობა. ამას წინათ სოც.-დემ. ფრაქციის წევრი, ზუბ. პეტროვსკი პოლიციამ დააკავა ორი-სამი საათის განმავლობაში თავის ოთახში. იმავე ბინაზე პოლიციამ გაჩხრიკა და შემდეგ ნაობაში უკრა თავი პეტროვსკის ორ სტუმარს, რომლებიც ის იყო პეტერბურკში მოსულიყვენ შორი მანძილიდან, და მათი ერთათ ერთი დანაშაული ის იყო, რომ ისინი პოლიციის ცნობით პოლიტიკურად არა საიმედო პირებათ ითვლებოდენ. როგორ გვონათ: ვის შესახებ შეიტანეს ღუმეში შეკითხვა? შეიძლება თქვენ იფიქროთ, რომ უდანაშაულოთ დაპატიმრებულ პირების შესახებ? სრულებითაც არა: შეკითხვა შეტანილ იქნა იმაზე, რომ დემ. პეტროვსკის ორი საათის განმავლობაში პოლიციამ ნება არ მისცა თავის ოთახიდან გარეთ გასულიყო! და აი სწორეთ მხოლოდ ამაში ხედავდენ კანონის დარღვევას! ამაზე მეტი უმსგავსობა განა კიდევ შეიძლება? ჩვენ რაღა უნდა ვთქვათ იმის მეტი, რომ კიდევ კარგი, თუ 160 მილ. ხალხში 400 მისი შვილი სარგებლობს ხელშეუხებლობის უფლებით.

ახლა ყური დაუგდეთ, თუ რას ამბობს ამის შესახებ მინისტრი. მან განაცხადა, რომ შეკითხვაში აღნიშნული ფაქტი მართალია, მაგრამ მერე ვითომ რაო? პეტროვსკისთანა ხალხს ჩვენ კატორღაში ვისტუმრებთო. და რა დიდი დანაშაული ჩვენ ჩავიდინეთ, თუ იგი 2—3 საათით მის ოთახში დაეამწყვდიეთო? რა განა ჩვენ შეგვიძლია მას ვუსაყვედუროთ,

რომ იგი ამ შემთხვევაში სიმართლეს არ ამბობს? მე თქვენ გთხოვთ. ერთი გადახედეთ ამ ვებერთელა რუსეთს და თქვენ მაშინ დარწმუნდებით მასში, რომ თუ კანონის დარღვევაზე მიდგება საქმე, მაშინ დეპუტატ პეტროვის ინციდენტი სახსენებლათაც არა ღირს.

რა თქმა უნდა, ჩვენ გვწამს ხსენებული შეკითხვის უდიდესი პოლიტიკური მნიშვნელობა, ზა მის ავტორებს და ყველა იმათ, ვინც მას მხარი დაუჭირა, მხოლოდ ამ აზრით შექონდათ იგი სახ. დუმაში.

გარდა ამისა, ხსენებულ შეკითხვას ის მნიშვნელობაც ქონდა, რომ მისი განხილვის დროს ოქტომბრისტებმა¹⁹⁾ ერთბაშით შესცვალეს ლაპარაკის კილო ზა საესებით დაკმაყოფილდენ მინისტრის განმარტებით: თუ აქამდის ისინი ყოყმანობდენ ზა მემარჯვენეებისაკენ აშკარათ გადახრას ვერ ახერხებდენ, ამიერიდან არავინ ექვი არ უნდა შეიტანოს იმათ შავრაზმელობაში. ჩვენ სრულებით არ გვიკვირს, რომ ოქტომბრისტებმა მოძებნეს თავისი ბუნებრივი მოკავშირენი. მეოთხე დუმის არსებობა უზრუნველყოფილია, მაგრამ უზრუნველყოფილია მისი მოქმედების შეარაზმული ხასიათიც.

თურნალი: „ჩვენი წყარო“,
1919 წლის 7 აპრილი, № 3-19.

კარგი გაკეთილი.

გასულ ორშაბათს, 15 აპრილს, ქალაქ ბაქოში მოხდა ერთი პატარა ამბავი, რომელიც ბევრ საგულისხმიერო ამბავს გვეუბნება. ამ დღეს აქ ლექცია უნდა წაეკითხა კადეტების²⁰⁾ პარტიის ლიდერს ბ-ნ მილიუკოვს²¹⁾. ბაქო, როგორც მოგეხსენებათ, ნაეთის სამეფო ქალაქია; აქ არსებობს საკმარისათ განვითარებული მრეწველობა მსხვილი და საშუალო ზურგით და შედარებით დიდძალი მუშა ხალხით. მაგრამ, მიუხედავად ამისა, საზოგადოებრივი ცხოვრება ვერ დგას თავის სიძალღეზე, იგი ძალზე ჩამოქვეითებულია. მტკიცე და ძლიერი დემოკრატიული მოძრაობის შესაქმნელად აქ აუარებელი ნედლი მასალაა მოგროვილი, მაგრამ დემოკრატია აქ სუსტია და მის ჩამოყალიბებას ბევრი გარემოება უშლის ხელს, როგორც პოლიტიკური, ისე ისტორიულ-ეტიმოგრაფიული ხასიათისა. მკითხველმა შეიძლება იკითხოს, რომ ყველა ამას რა კავშირი უნდა ჰქონდეს ბ-ნ მილიუკოვის ლექციასთანო. რა თქმა უნდა, გარეგნობით თითქმის არაფერი, მაგრამ თუ საქმეს უფრო ღრმად შევხედავთ, მაშინ ჩვენთვის ადვილი გასაგები იქნება ის ინციდენტი, რომელიც მილიუკოვის ლექციის დროს მოხდა. ისინი, ვინც, როგორც, მაგ., ვაზ. „ბაქო“, ამ ინციდენტს მარტოოდენ ნაციონალისტური თვალთახედვის წერტილიდან ხსნის, სასტიკად ცდებიან. ეკვი არ არის, რომ აქ მუსულმანების ნაციონალური თავმოყვარეობაც თამაშობდა ერთნაირ როლს, მაგრამ არა უმთავრესს.

მკითხველი უეკველად იკითხავს: რა მოხდაო? როგორც ვამბობდით, 15 აპრილს ბ-ნ მილიუკოვს ლექცია უნდა წაეკითხა ამ სათაურით: „ოსმალეთის კრიზისი და ბალკანეთის კავშირი“. ჯერ კიდევ ლექციამდე, თუ დაფუჯერებთ ვაზეთ „ბაქოს“, მუსულმანთა ინტელიგენციის წარმომადგენლებს მოუნდომებიათ მისი ჩაშლა. და როცა იმათ ეს ვერ შესძლეს, თვით ლექციის დაწყების დროს მოახდინეს დემონსტრაცია მილიუკოვის წინააღმდეგ. მაგრამ იმავე დროს მსმენელების მეორე ნაწილი ლექტორს ტაშის ცემით მიეგება. შემდეგ ხალხი დაწყნარდა, და ლექცია შედგამეტად დამახასიათებელია ის გარემოება, რომ ვაზეთ „ბაქომ“ ყველა ისინი, ვინც მილიუკოვის ლექციის წინააღმდეგ პროტესტი განაცხადა, მუსულმანებათ მონათლა და იმათ უკულტურო და უწლოვანი უწოდა.

მაგრამ ხსენებული გაზეთი თავის შოვინისტურ მისწრაფებაში მეტად შორს წავიდა და მხოლოდ თავის უკულტურობა დაგვიმტკიცა. თავის თავად იგულისხმება, რომ ბაქოს საზოგადოების ერთი ნაწილის პროტესტი ამ შემთხვევაში მიმართული იყო არა ხსენებული ლექციის წინააღმდეგ, არამედ იმ პოზიციის წინააღმდეგ, რომელიც ბალკანეთის დღევანდელ კონფლიქტში უკირავს როგორც თვით ბ-ნ მილიუკოვს, ისე მთელ იმ პარტიას, რომლის ერთ ლიდერთა თვით ბ-ნი მილიუკოვი ითვლება. ეს პოზიცია, როგორც ვიცით, არსებითად არ განირჩევა იმ პოზიციისაგან, რომელიც ამ საქმეში დაიჭირა რუსეთის მთავრობამ, ერთი მხრით, და რუსეთის ნაციონალისტების ბანაკმა, მეორე მხრით.

ვის არ ახსოვს საზონოვ²²)-გუჩკოვ²³)-მილიუკოვის საიღუმლო მოლაპარაკება აწინდელი ომის წინა დღეებში, მილიუკოვის მოგზაურობა ბალკანეთის მხარეში რუსეთის მთავრობის მისიის შესასრულებლად. მისი თათბირი ბულგარეთის ფერდინანდ მეფესთან და ის სამარცხვინო განგაში, რომელიც მან და მისმა გაზეთმა „რეჩმა“ ასტეხა ოსმალების სიმხეცის წინააღმდეგ მაშინ, როცა ბოლგარლების და ბერძნების შემადარწუნებელ ამბებს ხელს აფარებდნენ. გაიხსენეთ შემდეგ ვერეთწოდებულ სლავიანების ბანკეტები და მიტინგები, რომელშიაც ბ.ბ. მილიუკოვები, ბობრინსკები²⁴), ბლაშოვები, კრუპენსკები და ზამისლოვსკები ერთნაირად მხურვალე მონაწილეობას იღებდნენ, სადაც ყველა ეს ვაჭბატონები ასე ურცხვად ცდილობდნენ რუსეთის საზოგადოებრივ აზრის გაყალბებას. დაუმატეთ ყველა ამას ის სამარცხვინო როლი, რომელიც ბ-ნი მილიუკოვის პარტიის ერთმა ნაწილმა ითამაშა ადრიანოპოლის დაცემის გამო სახელმწიფო დუმაში მომხდარ დემონსტრაციაში. ყველა ამის შემდეგ ვინ იტყვის, რომ პროტესტის და დაგმობის ღირსი არ არიან ბ-ნი მილიუკოვი და ის პარტია; რომელსაც იგი წარმოადგენს. და თუ მხოლოდ მარტო მუსულმანები აღმოჩნდნენ ასეთ პროტესტანტებად, მით უარესი ბაქოს საზოგადოებისთვის და თვით გაზეთ „ბაქოსთვისაც“.

ჩვენ არ გვანტერესებს მილიუკოვის ლექცია თავისთავად. მისი უშინაარსობა და წყალ-წყალობა უკვე წინდაწინ იყო უზრუნველყოფილი მით, რომ იგი წინათვე გააფრთხილეს მწვავეთ არ შეხებოდა საგანს. ეს იყო ტიპიური პროფესორული ლაზღანდარობა, მოკლებული როგორც ღრმა დაკვირვებას, ისე სიმახვილეს. მან ვერ გაარკვია ოსმალების რევოლუციის უნაყოფობის მიზეზები; ვერც ბალკანეთის საკითხის დღევანდელი მდგომარეობა. მან მოჩამხა ბალკანეთის ომის შესახებ რუსეთის საზოგადოებრივი აზრის სამ მიმდინარებათ დაყოფა, და ამასთანავე მესა-

მე მიმდინარეობა, რომელიც ვითომც პროგრესიულია, მან დაუპირდაპირა, ერთი მხრით, მარცხენა და, მეორე მხრით, მარჯვენა მიმდინარეობათ, მაშინ როცა ეს საზოგადოებრივი აზრი ამ შემთხვევაში უაიყო მხოლოდ ორ ნაწილად: ერთი მხარეზე დგანან რუსეთის მუშა ხალხი და ყველა დემოკრატიული ელემენტები, რომლებიც ომის წინააღმდეგი არიან, და მეორე მხარეზე დგას საზოგადოების ყველა დანარჩენი ნაწილი მემარჯვენეებიდან დაწყებული და გათავებული კადეტებით. ტყუილად იმიჯნებოდნენ კადეტები მემარჯვენეებისაგან, ამ საკითხში იმათ შორის არსებითად არაფითარი განსხვავება არ არის. დემოკრატია არასოდეს არ აპატიებს კადეტებს იმ მუხანათურ, იმ გაიძვერულ პოლიტიკას, რომელსაც ისინო ბალკანეთის საქმეში აწარმოებდნენ და დღესაც აწარმოებენ. ამიტომ ბ-ნ მილიუკოვის სიტყვებს, რომლებითაც მან საზოგადოებას მიმართა და სადაც იგი ამბობდა, რომ იგი გამოდის იმ პარტიის დროშის ქვეშ, რომელიც მისწრაფის ეროვნებათა თანასწორობისაკენ და რომელიც ნაციონალური გრძნობების შეურაცყოფას არ ითმენს, მხოლოდ ზიზღის გამოწვევა შეეძლო ყველა ქვეშაირი დემოკრატში. რაც შეეხება ბ. მილიუკოვის განცხადებას, რომ მისგან გულწრფელ და ობიექტურ განმარტებას უნდა მოველოდეთ, ეს პირდაპირ სასაცილოა.

მილიუკოვ! და გულწრფელობა! ეს ის მილიუკოვია, რომელიც ერთ და იმავე დროს მშვიდობიანობის ლიგის წევრია, პაციფისტი და მოძმე ხალხთა სისხლის ღვრის მომხრე, რომელიც რუსეთის საგარეო პოლიტიკის დამცველია და იმავე დროს „ხალხის თავისუფლების პარტიის“ ლიდერიც, რომელიც სიტყვით თითქო ხალხის თავისუფლებას ემსახურება და საქმით კი მას ღალატობს.

და აი, ამის შემდეგ, ბ-ნი მილიუკოვი გამოდის და საზოგადოებისაგან ნდობას თხოულობს მის პარტიისადმი.

არა, ბ. მილიუკოვო! თქვენ და თქვენი პარტია ორთავე მატყუარები და ფარისევლები ხართ. მართალია ბევრ გულუბრყვილოებს მოატყუებთ ჯერ კიდევ, მაგრამ დემოკრატია თქვენ და თქვენ დამცველებს. სასტიკ ომს გიცხადებს. დარწმუნებული ვართ იმაშიაც, რომ ბაქოს ინციდენტი კარგად დაგამხსოვრდებათ თქვენ. ძალიან კი ელაჭუცებით და იგრებთ კულს კავკასიის წინაშე, მაგრამ ტყუილად გაქვთ იმის იმედი.

არა, როგორც უნდა იყოს, ბაქოს შემთხვევა კარგი გაკვეთილი იქნება ბ. მილიუკოვებისთვის.

შინ გავიხარჯვას?

სკუტარის²⁵⁾ და ალბანეთის გარშემო ატეხილმა ხმაურობამ და აურზაურმა ლამის იყო არ დაჩრდილა ჩვენი ღროის ის უდიდესი მოვლენა, რომელსაც ბელგიის უკანასკნელი საყოველთაო გაფიცვა წარმოადგენს. მოგვხსენებთ, რომ ვეროპის დიდი და პატარა სახელმწიფოების მთავრობანი ეს ერთი ხანია იმაზე იტყვნენ თავს, რომ როგორმე გამოძებნონ გამოსავალი ახლო აღმოსავლეთში შექმნილი მდგომარეობიდან, მაგრამ ამაოთ. თუ ამ ერთი წლის წინეთ ბალკანეთის საკითხი მთელი თავისი სიმწვავეით და სირთულით წინ ედგა ვეროპას, დღეს ამ მხრით ამოდენა მსხვერპლის შეწირვის და ამოდენა სისხლის ღვრის შემდეგ მდგომარეობა არა თუ არ გაუმჯობესებულა, არამედ დანამდვილებით შეგვიძლია ვთქვათ, რომ იგი კიდევ უფრო გამწვავდა. ვერც მოლაპარაკებამ და თათბირმა, ვერც თოფ-ზარბაზნების ჭეჭამ და სისხლაც ღვრამ საქმეს ვერა უშველა რა, არ იქნა და არა: ბურჟუაზიული მთავრობები ვერ შორიგდნენ, ვერ გამონახეს ურთიერთ შორის შესათანხმებელი პირობები.

ეს გარემოება მეტათ დამაფიქრებელი და საგულისხმიერო უნდა იყოს იმათთვის, ვინც საზოგადოების აწმყოზე და მომავალზე ზრუნავს და ფიქრობს, ვისაც საზოგადოების განვითარების სვე-ბედი აინტერესებს. ბალკანეთის საკითხის ისტორია ცხადათ ყოფს იმ ჭეშმარიტებას, რომ თანამედროვე ბურჟუაზიული მთავრობები სრულებით უძლურნი არიან საერთაშორისო კონფლიქტები საბოლოოდ გადაწყვიტონ ისე, როგორც ისინი უძლურნი არიან შინაური კონფლიქტები თავიდან აიცილონ ან შესამჩნევად შეასუსტონ. თითოეული იმათი ნაბიჯი, როგორც საგარეო, ისე შინაური კონფლიქტების თავიდან ასაცილებლათ, იწვევს მხოლოდ ახალ კონფლიქტებს, ბადებს ახალ უთანხმოებებს.

თუ ახლა ჩვენ ბურჟუაზიულ მთავრობების ბრძოლის მეთოდებს და ტაქტიკას დაუფიქრდაპირებთ შეგნებული და შეერთებული პროლეტარიატის ბრძოლისავე მეთოდებს და ტაქტიკას, ჩვენ აღმოვაჩინებთ ღრმა ძირითად განსხვავებას: მაშინ, როცა თანამედროვე სახელმწიფოები ურთიერთ შეტაკების დროს ანგარიშს უწყვენ მხოლოდ გაბატონებულ კლასების

ვიწრო ეგოისტურ ინტერესებს და ხალხის უმრავლესობის ინტერესებს ფეხ-ქვეშ თელავენ, პროლეტარიატს სწორეთ ამ უმრავლესობის ინტერესების დაცვა მიაჩნია თავის უმთავრეს დანიშნულებათ. და ვინაიდან ხალხის უმრავლესობის ინტერესები ყოველგან თითქმის ერთი და იგივეა, ამიტომაც არის, რომ კონფლიქტებს აქ სრულებით არა აქვს ნიადაგი, ან ძლიერ ნაკლებათ. იმავე დროს შეგნებული პროლეტარიატი ბრძოლის დროს თავის ტაქტიკას უფარუებს და ქმნის დროის და ადგილის მიხედვით: იგი ანგარიშს უწევს საზოგადოებრივ ძალთა განწყობილებას და მხოლოდ ამის შემდეგ იღებს იგი ხელში ბრძოლის ამა თუ იმ იარაღს.

ზევით ნათქვამის საუცხოო დასურათხატებას წარმოადგენს ბელგიის უკანასკნელი გაფიცვა. ეს გაფიცვა უდიდესი ისტორიული ფაქტია. მისი დრმა ისტორიული მნიშვნელობის დაფასება ჩვენ ახლა არც კი შეგვიძლია.

ბელგიაში, როგორც მოგეხსენებათ, ეგრეთ წოდებული ბურჟუაზიული თავისუფლება კარგა ხანია განხორციელებულია, მაგრამ ეს არ უშლის ხელს მუშა ხალხის შევიწროვებას და დაჩაგრვას გაბატონებულ კლასების მიერ, რომელთა პირველ რიგში აქ დგანან სასულიერო წოდება და მსხვილი ბურჟუაზია. უმთავრესი იარაღი, რომლის საშუალებით ხეივებული კლასები ახორციელებენ ბელგიაში თავის ბატონობას მუშახალხზე, პარლამენტის საარჩევნო კანონია. ამ კანონის ბრალია ის, რომ თითქმის სამოცდა ათი წლის განმავლობაში ბელგიელი ხალხის დიდი უმრავლესობის ბედი კლერიკალურ უმცირესებას ჩაუფარდა ხელში. ბელგიელი მუშა ხალხი უკვე დიდი ხანია იბრძვის ამ უსამართლობის წინააღმდეგ. რა თქმა უნდა, ამ ბრძოლის დროს თვით მუშა ხალხში დიდი ცვლილება მოხდა იმ მხრით, რომ იმათ კლასობრივმა თვითშეგნებამ და ორგანიზაციულმა კავშირმა დიდი ნაბიჯი გადადგეს წინ. ამის მიხედვით შეიცვალა მუშათა კლასის ბრძოლის ტაქტიკაც.

თუ წინეთ ბელგიელი მუშები ამ უფარგისი საარჩევნო კანონის შეცვლას ლამობდნენ პირდაპირ ქუჩაში გამოსულით და დემონსტრაციების გაკეთებით, ეხლა იგი იწყებს საყოველთაო გაფიცვის მოხდენას. საყოველთაო გაფიცვაში მუშათა კლასი იძენს ისეთ იარაღს, რომელიც პირდაპირ გულში ხედება თანამედროვე ბურჟუაზიულ საზოგადოებას. რამდენად შეუძლებელი და უხერხული იყო იმ იარაღის ხმარება წინეთ, იმდენად შესაფერი და წელსაყრელი შეიქნა იგი დღეს. თავის თანაურ იგულისხმება, რომ საყოველთაო გაფიცვა არ წარმოადგენს ერთად ერთ ია-

რადს მუშების ხელში თანამედროვე საზოგადოების ღუხჭირი პირობების თავიდან ასაცილებლათ, მაგრამ ვერაფერ ვერ უარყოფს იმას, რომ ეს იარაღი თავის ადგილას და შესაფერ დროზე ნახმარ მეტათ ძლიერ საშუალებას წარმოადგენს. ბურჟუაზიული საზოგადოების მთელი ძალა და გამავლობა დაყრდნობილია დაქირავებულ შრომაზე და ამ შრომის ექსპლოატაციაზე. თუ მუშა ხალხი იმდენათ შეგნებული და გაერთიანებულია, რომ, როცა მას უარს ეუბნებიან მის მიერ წამოყენებულ ეკონომიურ და პოლიტიკურ მოთხოვნების დაკმაყოფილებაზე, მას შეუძლია საყოველთაო გაფიცვის გამოცხადება და მისი ცხოვრებაში გატარება, იგი თანამედროვე წყობილებას პირდაპირ გულში სცემს მახვილს.

ჩვენ ვხედავთ, რომ უკანასკნელ ხანაში პროლეტარიატი სულ უფრო და უფრო ხშირათ მიმართავს ხოლმე ამ ზომას. ჯერ კიდევ ამ ათიოდეწლის წინათ შინჯეს ბელგიელმა მუშებმა ეს იარაღი იმავე საარჩევნო კანონის შესაცვლელათ, და ამ ცდამ ცოტაოდენი წაყოფიც მოუტანა მათ, თუმცა არსებითად მდგომარეობა არ შეცვლილა. შემდეგ ვის არ ახსოვს საყოველთაო გაფიცვების ხანა რუსეთში (სხვათა შორის ცნობილი ოქტომბრის გაფიცვა), და ვარდა ამისა დიდი გაფიცვები, თუმცა არა საყოველთაო, ჯერ შვეიციაში და შემდეგ ინგლისში. ამათგან მხოლოდ რუსეთის და ბელგიის საყოველთაო გაფიცვებს ქონდათ დასახული პირდაპირ პოლიტიკური მიზანი. მაგრამ საყოველთაო გაფიცვა თავის წმინდა სახით შეიძლება დაერქვას იმ გაფიცვას, რომელიც ამ რამოდენიმე დღის წინათ დასრულდა იმავე ბელგიაში. როგორც ვამბობდით ზევით, ბელგიის მუშა ხალხი დიდი ხანია იბრძვის ნამდვილი საყოველთაო საარჩევნო კანონის მოსაპოვებლათ. ამ უფლების დაპყრობა მოასწავებს უღვეანდელი კლერიკალურ-ბურჟუაზიული უმცირესობის ბატონობის თუ სრულიად მოსპობას არა, ძალზე შესუსტებას მანც. ეს კარგათ იციან დღევანდელმა ბატონებმა, და ამიტომაც მაგრათ იცავენ თავის პოზიციას. არის მხოლოდ ერთათ რთი საშუალება, რომ ამ პოზიციიდან ისინი ჩამოაბრძანონ. ეს არის ძალა და მხოლოდ ძალა, ძალა ფიზიკური და არა მხოლოდ მორალური. თავის თავად იგულისხმება, რომ აშკარა ბრძოლა, რომელიც ამ ეამათ სწარმოებს ბელგიაში საარჩევნო უფლების ნიადაგზე, მხოლოდ ასეთი ძალის გამოყენებით შეიძლება დაბოლოვდეს. მაგრამ თვით ეს ძალა ორნაირი ფორმით შეიძლება გამოყენებულ იქნას, ე. ი. როგორც პასიური წინააღმდეგობის, ისე აქტიური ბრძოლის ფორმით. პირველ

შემთხვევაში ოგი ღებულობს საყოველთაო გაფიცვის ფორმას, მეორე შემთხვევაში კი სამოქალაქო ომის სახეს.

ამ ხანათ ბელგიის პროლეტარიატმა აირჩია პირველი გზა. თავის ძალების შეფასების და გამოზომის შემდეგ მან გამოაცხადა საყოველთაო გაფიცვა კლერიკალური მთავრობის დასამარცხებლათ. ამ უკანასკნელმა იმდენათ გაუშწარა საქმე მთელ ქვეყანას, რომ ამ შემთხვევაში ბელგიის ლიბერალური ბურჟუაზიის ერთი ნაწილი გაფიცვას, გარეგნობით მაინც, თანაგრძნობით მიეგება. მთავრობას ეყონა, რომ ბელგიელი პროლეტარიატი მხოლოდ ფახი-ფუხობს — თორემ თავის განზრახვას იგი სისრულეში ვერ მოიყვანსო. მით უფრო ფიქრობდა იგი ასე, რომ მას იმედი ქონდა, გაფიცვას ჩაშლიდა თავის ეშმაკურის მახინაკიებით. ჯერ კიდევ გაფიცვის გამოცხადების შესაშე-მეოთხე დღეს, როცა პარლამენტი გაიხსნა და იმაში შეიკთხვა იქნა შეტანილი გაფიცვის შესახებ, მთავრობა შეუდრეკელად იღვა წინანდელ პოზიციანზე და არაკითარ დათმობანზე არ ფიქრობდა, სანამ გაფიცვა არ შეწყდებო. შემდეგ პარლამენტის სხდომები შეწყდა რამდენიმე დღით. მთავრობის შეურთიგებელმა ტაქტიკამ და რიხიანობამ მუშა ხალხი ააღელვა და გაუიცვა თანდათან გაფართოვდა და გაიზარდა, იგი სულ უფრო და უფრო თავზარდამცემ სახეს იღებდა. მთავრობა საგონებელში ჩაადო ამავ დროს იმ გარემოებამ, რომ გაფიცვა შშვიდობიანად მიმდინარეობდა, წინდაწინვე გამოძუშავებული საერთო გეგმის თანახმად. ამ პირობებში გაფიცვის გაგრძელება მთავრობისთვის ხელსაყრელი აღარ იყო. არ იყო იგი ხელსაყრელი არც ბურჟუაზიისთვის, რა თქმა უნდა. და აი, ისინი შეერთდენ და ერთნაირი დათმობა აირჩიეს. პარლამენტმა სცნო, რომ პარლამენტის საარჩევნო კანონი შესაძლებელია გადაისინჯოსო. აშკარაა, რომ ეს კიდევ არ ნიშნავს საყოველთაო საარჩევნო უფლების განხორციელებას იმ სახით, რა სახითაც ამას პროლეტარიატი თხოულობს, მაგრამ ეს არის საქმარისათ დიდი ნაპრაღი კლერიკალურ-ბურჟუაზიულ მთავრობის სიმეგრისა. ამ ფორმულის მიღების შემდეგ მდგომარეობა შეიცვალა. პროლეტარიატისთვის შეუძლებელი შეიქნა დროებითი ზავის გამოცხადება. დიდი ტაქტიკით და საქმიანობით, როგორც შეფერის უდიდეს პოლიტიკურ პარტიას, სოკიალისტურმა კონგრესმა გაფიცვა შეწყვეტილად გამოაცხადა.

თავის თავად იბადება კითხვა: ვინ გამოვიდა ამ შეტაკებიდან გამარჯვებული? რა თქმა უნდა, თუ ვინმე არის აქ გამარჯვებული, ეს მხო-

ლოდ პროლეტარიატი: მან თავისი საკუთარი ნებით გამოაცხადა გაფიცვა და თავისივე ნებით შეწყვიტა იგი, როცა ამის საჭიროება თვითონ სცნო. ამის შემდეგ ვის დაებადება ეჭვი იმაში, რომ ასეთივე საჭიროების დროს ბელგიის პროლეტარიატი კიდევ უფრო შეკავშირებული და დარაზმული არ გამოვა თავის ნება-სურვილის განსახორციელებლად? და ნუ თუ ეს გამარჯვება არ არის?

ჟურნალი „ჩვენი წყარო“ 1913 წ.
28 აპრილი № 6 -16. -

მეორე მხარესაც მოვუსმინოთ!

I

ჩვენ ფედერალისტ-აგტონომისტებს თითქო სანატრელი ღრო დასდგომიათ: თუ 1905-6 წლები მათთვის თავზარდამცემი იყო, სამაგიეროდ შემდეგ ხანაში ბურთი და მოედანი იმათ დარჩენიათ სანაუარდოდ. ამ ხნის განმავლობაში იმათ არაფერი არ დაუზოგიათ, ოღონდ კი აბრუ გაეტეხათ ხალხის თვალში განმათავისუფლებელი მოძრაობისათვის. სიმართლე და ქვემარტება გაქელეს და საეცებით ანაცვალეს თავიანთი ჯგუფის ეიწრო ეგოისტურ ინტერესებს. ამის შემდეგ რალა გასაკვირალი უნდა იყოს, თუ რომ ასეთ თავაშვებულ განგაშის დროს იმათ არ დაინდეს თავიანთ მოწინააღმდეგეთა პიროვნება, და აი, სწორეთ აქ, თავიანთ მოწინააღმდეგეთა პიროვნების გაქელვა-გაბიაბრუებაში გაჰოჩნდა იმათი ნამდვილი სულისკვეთება და შესაძლებელი შეიქნა იმათი ნამდვილი სახის დანახვა.

ერთ ასეთ პიროვნებათ გახდა თქვენი უმორჩილესი მოსამსახურე, ამ სტრიქონების დაშწერი. ამ უკანასკნელ 6—7 წლის განმავლობაში ჩვენი ფედერალისტების პრესა ყოველ ღონისძიებას ხმარობდა ჩემი პიროვნების დასამცირებლათ და ლაფში ამოსასერელათ. რა ცილი გინდათ, რომ ჩვენთვის იმათ არ დაეწამებინოთ. მაგრამ ამ მხრით ილია ქაქუაძის მკვლელობის²⁶) გამო ჩვენკენ წამოსროლილმა საზიზღარმა კორმა და ცილისწამებამ ყოველივეს გაააქარბა. ჩვენ ყოველთვის ზედმეტათ მიგვაჩნდა ასეთ ყოველად უაზრო ცილისწამებაზე პასუხი გაგვეცა. არის ბრალდება, რომელიც თავის თავად იმდენათ უგნურია, რომ იმის დარღვევა ყველა ქუაში მყოფ ადამიანისათვის სრულებით ზედმეტია. ერთ ამ გვარ „ბრალდებათ“ უნდა ჩათვალოს, რა თქმა უნდა, ის სამარცხვინო კორი, რომელიც ჩვენმა აგტონომისტებმა ილიას მოკვლის გამო შეთხზეს. ჩვენი შეხედულება ამ მხრით ოღნავათაც არ შეცვლილა, და თუ, მიუხედავათ ამისა, ჩვენ ახლა ხმას ვიღებთ ამ საგანზე, ეს სულ სხვა გარემოებით აიხსნება.

ამას წინეთ ბნმა ია ეკლამე-კინცაძემ ერთი მხრით, და ბ.ბ. ლასხიშვილმა და გოგიჩაიშვილმა მეორემ მხრით, იეთი რამეები გამოა-

ქვეყნის გაზეთებში, რის გამოქვეყნებას წინეთ ასეთი სითამამით და ასეთი გულახდილობით ვერ ბედავდნენ. აი, სწორეთ ამ გარემოებამ მიიძღულა მე ხმა ამომხელო და ერთხელ და სამუდამოთ პასუხი გამეცა ფედერალისტთა კომპანიისათვის. მაგრამ თავდაპირველათ საქირთა, -ორიოდე სიტყვით მაინც, მოვიხსენიოთ საქმის ვითარება.

როგორც მოგეხსენებათ 1905 წ. დასაწყისში ქართლ-კახეთის სოფლებსაც მოედვა ის აგრარული მოძრაობა, რომელიც არსებიადა- ბატონყმობის ნაშთის წინააღმდეგ იყო მიმართული და რომელიც აქ დასავლეთ საქართველოდან გავრცელდა. დღეს ბ-ნი გოგიჩაიშვილი მთელ ამ მოძრაობას „საერთო გაგვიების ხანათ“ (ხაზს ჩვენ ვუსვამთ) ნათლავს, მაგრამ ამით მხოლოათ თავის საკუთარ სულისკვეთებას გამოხატავს და არა მაშინდელ და თუნდ დღევანდელ ობიექტიურ პირობებს ახასიათებს. ვინ იტყვის, რომ ქართველი გლეხ-კაცობა ძალზე შევიწროებული არ იყო და დღესაც არ არის ადგილობრივ მემამულეებისაგან? და თუ ეს გლეხ-კაცობა, ერთხელაც იყო, თავისი აუტანელი მუგომარეობის გაუმჯობესებას შეეცადა, ამისთვის იგი უაგმობის და გაკიცხვის ღირსი უნდა ყოფილიყო?—ასე იყო თუ ისე, იმ ხანებში ყველა ადგილობრივ რედაქციებს, და მათ შორის ეურნ. „მოგზაურის“²⁷⁾ რედაქციასაც, აუარებელი წერილები და კორესპონდენციები მოსდიოდა საქართველოს ყველა კუთხიდან ამოძრავებული გლეხ-კაცობის შესახებ, და რამდენათაც ჩვენ ვიცით, თითქმის ყველა ეს რედაქციები და იმათ შორის ისეთებიც, რომლებიც დღეს ამ მოძრაობას ლანძღავენ და უშუალო სიტყვებით იხსენიებენ, ასეთ კორესპონდენციებს ბეჭდავდნენ. მთელი ეს ისტორია დღეს აღარავის ასხვავს, ვინაიდან მისი მოხსენება ბევრთათვის არც ისე სასიამოვნოა. მაგრამ მოვა დრო, როცა ყველაფერი ეს დღის სინათლეზე იქნება გამოტანილი, და ვნახოთ, მაშინ რაღას იტყვიან ჩვენი დღევანდელი მგმობელნი!

ამ რეაქციონურ, ანუ როგორც ჩვენი ფედერალისტები იტყვიან—გამოფხიზლების ხანაში, მთელი იმათი ყურადღება მიქცეულია მხოლოთ ვ. ნ-ის წერილზე „საგურამოს და კოპორტის საზოგადოებები“, რომელიც 1905 წლის „მოგზაურში“ იყო დაბეჭდილი; ეს იყო და ეს: გარდა საგურამოს და კოპორტის საზოგადოებისა ჩვენ თითქო არსაიდან კორესპონდენცია არ დაგვიბეჭდია, და საგურამოში და კოპორტის საზოგადოებაში მომხდარი და დაწერილი ამბები რაღაც გამოჩაქლისის შეადგენდნენ იმ ხანებში. ნამდვილათ კი ყოველივე ის, რაც ხსენებულ წერილში

იყო ნათქვამი, ჩვენში საყოველთაოთ და სრულებით ჩვეულებრივ მოვლენას შეადგენდა ჯა დღესაც შეაღვენს. არაჩვეულებრივი ამ შემთხვევაში იყო მხოლოდ ის, რომ იქ. სხვათა შორის, როგორც მემამულეზე, თ-ღ ილია ქავჭავაძეზედაც იყო ლაპარაკი. როგორ უნდა მოქცეულიყო რედაქცია? ნუ თუ მართო ის გარემოება, რომ წერილში მოხსენებული იყო სხვათა შორის ილია ქავჭავაძე, საკმარის საფუძველს იძლეოდა იმი-სას, რომ მთელი წერილი არ დაბეჭდილიყო? ჩვენ კი ვფიქრობდით, რომ ასე კითხვის დაყენება უსამართლობას ნიშნავდა. რედაქციამ სულ სხვანაირათ დააყენა საკითხი: ჩვენ გვიინტერესებდა მხოლოდ მოთხრობილი ამბების სინამდვილე, და როცა ამ უკანასკნელში რედაქცია დარწმუნდა, ვ. ნ - ის წერილის დაბეჭდვაც თავის თავად გადაწყდა.

ჩვენ არ უარვეყოფთ, რომ ვ. ნ — ის კარგესპონდენციისაში მეტათ აღმაშფოთებელი ამბები იყო მოთავსებული, მაგრამ განა ეს იმის საბუთს იძლეოდა, რომ წერილი არ დაგვებეჭდა? პირიქით, რედაქცია მხოლოდ მაშინ იქნებოდა დამნაშავე. რომ ხსენებული წერილის გამოკვეყნებაზე უარი ეთქვა, სულ ერთია, მოკლებული იყო სინამდვილეს იმაში მოთხრობილი აღმაშფოთებელი ამბები თუ არა. და განა სცადა კი ვინმემ ან მაშინ, ან მას შემდეგ იმის დამტკიცება, რომ იქ მოთხრობილი ამბები განზრახ გამოგონილი იყვენ? „ცნობის ფურცელმა“²⁸⁾ და მაშინდელმა მისმა ხელმძღვანელმა, ბ. გ. ლასხიშვილმა, რომელიც ახლა დედბრულ კილოზე გოდებს, სრულებით ხმა გაკმიდეს და კრინტიც არ დაძრეს არც ილიას სასარგებლოთ, არც „მოგზაურის“ წინააღმდეგ. სიმართლე მოითხოვს ვალიართ, რომ ეს სიჩუმე, თავისებური ფარისევლობით და ლაქუც-მლიქვნელობით, რამდენიმეთ ბ. ფ. გოგიჩაიშვილმა დაარღვია. მან გახ. „ივერიაში“²⁹⁾ აპოიწერა „მოგზაურიდან“ ზოგიერთი აღმაშფოთებელი ამბები, როგორც ამას თვითონ ამბობდა, და ილია ქავჭავაძე საპასუხობთ გამოიწვია, რომ მას დაემტკიცებია იმათი უსაფუძვლობა. ეს უკანასკნელი, როგორც ჩანს, ამას თურმე სრულებით არ მოელოდა. პირიქით, ილია ქავჭავაძე თურმე ფიქრობდა, რომ მის დაცვას იკისრებდენ მისი მეგობრები და თანამოაზრენი, ვინაჟდან პრინციპიალურათ როგორც ის, ისე „ივერია“-„ცნობის ფურცელი“ ერთ და იმავე ნიადაგზე იდგენილია ქავჭავაძის ასეთი ფიქრი უსაფუძვლო არ იყო. მას მეტათ საღი მსჯელობა და ლოლიკა ქონდა. ბატონყმობის ნაშთების არსებობა, ერთი მხრით, და მსხვილი მიწათმფლობელობა, მეორე მხრით, თხოულობდა ცხოვრებაში მისგან, როგორც კერძო მემამულესაგან, იმგვარ ტაქტიკას,

რომელსაც იგი ადგა. რა ეუყოთ, რომ იგი იმავე დროს „გლახის ნა-
ამბობის“³⁰), „კაკო ყაჩაღის“ და სხვათა ავტორი იყო? განა მისი მე-
გობრები და თანამოაზრენი, რომელთაც არხეინათ მოეკალათებიათ „ივე-
რიისა“ ღა „ცნობის ფურცლის“ რედაქციებში, იმავე ტაქტიკას არ ახორ-
ციელებდნენ ცხოვრებაში? ეს ხომ კარგათ იცოდა ილიამ?

ამიტომაც ვამბობთ ჩვენ, რომ ილიას სრული საფუძველი ქონდა
ეფიქრა, რომ მას გამოცნობისაგან დაცული „ივერიის“ და „ცნობის ფურცლის“
მესვეურნი, მაგრამ ამაოთ. ამ უკანასკნელმა ვერ გამოიჩინეს იმდენი გამ-
ბედაობა, რომ საქვეყნოთ განეცხადებიათ იმ დროს თავიანთი ნამდვილი
გულის ზრახვანი. ილია ჭკვევაძე დამნაშავე არ არის იმაში, რომ მისმა
თანამოაზრეებმა ვერ გამოიჩინეს ხასიათის ისეთი სიმტკიცე და, შეგვი-
ძლია ვთქვათ, პირდაპირ ისეთი რაინდული გამბედაობა, რომლებითაც
იგი უკანასკნელ წუთამდე აღჭურვილი იყო. მართლაც, საღ ეს კაცუნები
და საღ ილია ჭკვევაძე? ჭეშმარიტათ შესაბრაღისია ეს მღვეი-მწერალი:
ასეთ კაცუნების კომპანიაში. მაგრამ დაეუბრუნეთ საგანს.

ამნიართ, ილია ჭკვევაძე იძულებული შეიქნა თვითონ გაეცა პა-
სუხი „მოგზაურში“ მოთავსებულს წერილზე. ვინც კი ეს პასუხი წაიკით-
ხა, ყველა კარგათ ხედავდა, რომ ეს პასუხი ოდნავათაც არ უარყოფდა
ხსენებულ წერილში მოთხრობილ ამბებს. იგი მხოლოდ გვიხსნიდა, გან-
კვირბრტავდა ზოგ რამებს. კარგათ ხედავდა ამას თვით ბ. ფ. გოგირაი-
შვილიც, რომელმაც რამდენიმეთ თვით ამ პასუხის დაწერა გამოიწვია, ეს
მან რამდენიმეთ, თუმც ძლიერ ბუნდოვანათ, აღნიშნა სარედაქციო შე-
ნიშვნაში, სადაც იგი, სხვათა შორის, ამბობდა: „ებეჭდავთ დაპირებისა-
მებრ თ-ღ ილია ჭკვევაძის წერილს, რომელშიაც ავტორი არ ჩეცს (ხაზს
ჩვენ ეუსვამთ) მის შესახებ „მოგზაურში“ დაბეჭდილ კორესპონდენციასო.
როგორც ხედავთ, აქ შენიშვნის ავტორი აშკარათ ამბობს, რომ ჭკვე-
ვაძე „არჩევს“ „მოგზაურში“ მოთავსებულ წერილს და არა არღვევსო-
ღა საქმე კი სწორეთ ამ დარღვევაში იყო და არა გარჩევაში: მე შემი-
ძლია რომელიმე წიგნი ან ნაწარმოები გავარჩიო, მაგრამ ეს კიღვე იმას
არ ნიშნავს, რომ იმაში გატარებული აზრები და შეხედულებანი უარგყო-
ანუ დავარღვიო. ასე იყო ამ შემთხვევაშიაც და „ივერიის“ ხსენებული
შენიშვნაც სწორეთ ამას ამბობდა. მაგრამ ამას როღი ამბობდა „ივერია“
ნათლათ და გარკვევით. იგი თითქო ექვობდა, ვაი თუ ერთ დროს უკან
დახვეა დარჩეს საკირო და ამიტომ ზურგს იმაგრებდა. გარდა ამისა, ბ-
გოგირაიშვილის ორგანო იმასაც უმატებდა; რომ „ზოგიერთ საზოგადო-

მოსაზრებაში პატივცემულ ავტორს ვერ ღავეთანხმებითო“. აშკარაა: მთელი ეს შენიშვნა სრულებით არ უკრავდა კვერს ილიას პასუხს. დღე კი ბ-ნი გოგიჩაიშვილი ყოველივე ამას იფიწყებს და ურცხვათ გაიძახის რომ „შენიშვნაც სწორეთ ამ ორიოდვე საზოგადო ადგილს (რომელ ადგილებია ეს, ავტორი ამას ახლაც უმაღაეს მკითხველს. ფ. მ.) შეეხებოდა და არა ილიას შიერ ბრალდების „ფაქტების დარღვევასო“ („სახ. გაზ.“ № 871). როგორც ხედავთ, ბ-ნი გოგიჩაიშვილი ახლა გასაყალ ანუ გასაძრომ ხვრელს ეძებს და ამიტომაც ლობე-ყორეს ედება. მაგრამ ასეთი ფანდებით იგი ახლა შორს ვეღარ წაგვივა.

II

ილია ქაქავაძის „ნუ-თუ“-ს გამოქვეყნების შემდეგ მდგომარეობა ასეთი იყო: „მოგზაურში“ წამოყენებული ფაქტები დაურღვეველი დარჩენ: „ნუ-თუ“-მ ისინი ოდნავაც ვერ შეაჩყია. მეორე მხრით, თვით ილია სრულიად გარიყული შეიქნა. პირველხარისხოვან მწერალს და საზოგადო მოღვაწეს, რომელიც რამდენიმე ათეული წლების განმავლობაში სათავეში ედგა ქართულ პრესასა და ქართულ საზოგადოებრივ აზრს ხელმძღვანელობდა, თავის გარშემო აღარაფერ გამოაჩნდა ისეთი ვინმე, რომელსაც მისი გამოსარჩლება საკუროთ ეკისრა. იმავე დროს ჩვენ არ უნდა დავივიწყოთ ის გარემოება, რომ ილიას „ნუ-თუ“-ში იყო ისეთი ადგილები, როგორც: „მოგზაურის“, ისე თვით ვ. ნ-ის შესახებ, რომლების უყურადღებოთ უატკეპა არ შეეძლო არც „მოგზაურის“ რედაქციას და არც ვ. ნ-ს. გარდა ამისა, „ნუ-თუ“ შეიცავდა ისეთ განმარტებათ, რომლებიც ნათელს ფენდენ ვ. ნ-ის წერილში გაკვრით აღნუსხულ ფაქტებს და რომლებიც უფრო „ნუ-თუ“-ს ავტორის წინააღმდეგ ლაპარაკობდენ, ვინემ მის სასარგებლოთ. კამათი პრესაში—ეს ხომ იგივე ჭიდილია, მხოლოდ იდეური, საზოგადოებრივი ცხოვრების ასპარეზზე, და, რა თქმა უნდა, ილიას მოხერხებულ კისრულებს ჩვენ გულზე ხელდაკრეფილი ვერ შევხვდებოდით. ერთი სიტყვით, პასუხი ჩვენგან აუცილებელი იყო.

ძველი ამბების განმეორების სურვილი არა გვაქვს, მაგრამ ყველა იმათ, ვისაც კუშმარტების გაგება აინტერესებს, ჩვენ ვთხოვთ ერთხელ მაინც გადაიკითხონ ის, რაც თავდაპირველათ „მოგზაურში“ (№ 13, 1905 წ.) იყო ნათქვამი ილია ქაქავაძის შესახებ და შემდეგ ის, თუ

რა პასუხი გასცა ამაზე ილიამ („ივერია“ № 68, 1905 წ.). აშნიარათ, პასუხის გაუტყემლობა ჩვენგან შეუძლებელი იყო, და ეს პასუხი დაიწერა როგორც „მოგზაურის“ რედაქციის, ისე ე. ნ-ის მხრით (იხ. „მოგზაური“, 1905 წ. №№ 18 და 19). ჩვენდა უნებლიეთ, ბრალდება ილიას წინააღმდეგ ახლა გაორკეცდა, ვინაიდან ამის საბუთი მოგვცა ერთი მხრით, თვით „ნუ-თუ“-მ და, მეორე მხრით, ე. ნ-ის დამატებითა ცნობებში. მაგრამ ახლა ხმა აღარაღვის ამოუღია. ვთქვათ, ილიამ თავის სათქმელი უკვე სთქვა თავის „ნუ-თუ“-ში, მეტის თქმა მას აღარ შეეძლო. მაგრამ რით აიხსნება დღევანდელ მის ქომაგთა და მოსარჩლეთა საშარისებური ღუმილი, თითქო აქ არაფერი მომხდარიყოს? რით აიხსნება, გეკითხებით. თქვენ, ის სამარცხენო გარემოება, რომ ეს ღუმილი ორი წლის შემდეგ პირდაპირ ველურ ვახანალიათ და განგაშათ შეიცვალა? შესაძლებელია. მკითხველმა იფიქროს, რომ „მამულიშვილთა“ ბანაკმა ხმა გაკმიდა მაშინ ამ ინციდენტის შესახებ იმიტომ, რომ ისინი დარწმუნდნენ ილიას უმართლობაში, და ამიტომ იმათი ღუმილი გულწრფელი იყო.

რა თქმა უნდა, არაფერ მსგავსს ადგილი არა ქონებია. ილიას დამარცხება „მოგზაურთან“ კამათში მათთვის გულში ლახვრის ჩაცემა რომ იყო, ეს მათ კარგათ ესმოდათ, მაგრამ არა თუ თვითონ ვერ ბედავდნენ საჯაროთ მის გამოსარჩლებას, არამედ თვით ილიას მიერ დაწერილი პასუხის დაბეჭდვაც კი თავის ორგანოებში ეძინებოდათ. ამის თავი და თავი მიზეზი იყო შიში ამოდრავებული ხალხის წინაშე, და ამიტომ მათ არჩიეს ისევ გაჩუმება, ე. ი. მიმართეს მათ მიერ არა ერთხელ ნაცად იარაღს — გაიძვერაობას და ფარისევლურ ტაქტიკას. თავის თავად იგულისხმება, რომ ფართო საზოგადოებას ამ უკანასკნელ დრომდე ყველა ამაში შეეძლო ეკვი შეეტანა, ვინაიდან ყველა ამას ჩვენი ავტონომისტ-ფედერალისტები ბურუსში ხვევდნენ. ჩვენ კი სრული იმედი გვქონდა, რომ სიყალბისაგან აშენებული ხუხულა ერთხელაც არის ჩამოინგროვდა და ჩვენი მოლოდინიც ჩქარა გამართლდა.

ჩვენი სასიკაღლო „მამულიშვილების“ ფარისევლობას და გაიძვირაობას, იმ საკითხში მაინც, რომელიც ჩვენ ახლა გვიანტერესებს, საუბრებით ფარდა ახადა ბ-მა ია ეკალაძე-ცინცაძემ, ე. ი. თვით „მამულიშვილთა“ შინაურმა კაცმა: ჩვენ კარგათ ვიცით, რომ ბ. ეკალაძეც, ერთხელაც იყო, საკმარისათ ჩაიფლა იმ აშშორებულ წუმბეში, რომელსაც „მამულიშვილთა“ ბანაკი ეწოდება, მაგრამ არ შეგვიძლია არა

ვთქვით, რომ იგი პატრისციუმის ღირსი არ იყო, თუნდაც მარტო იმი-
ტომ, რომ ერთხელ მინც სიმათლე აღიარა გულახდილათ. ჩვენ არ
ვიციტ, გრძნობდა თუ არა ბ. ეკლადე, რომ ამ გულახდილი აღსარე-
ბით იგი სპობდა, აქარწყლებდა ფედერალისტებს. ვიციტ მხოლოდ, რომ
მის მიერ გამოქვეყნებული სიმათლე არაფრათ ექაშნიკათ ბ. ბ. ვ.
ლასხიშვილს და ფ. გოგიჩაიშვილს. ამიტომ სრულეზით გასაკვირალი არ
არის, თუ ამ უკანასკნელეზმა მოინდომეს ბ-ნ ეკლადის სიტყვეზის მი-
ფუჩუზება და საქმე გადაიტანეს იმაზე, რომ ილიას პასუხის დაბეკდვაზე
თიქოლ არც „ივერიას“ უთქვაშს უარი და არც „ცნობის ფურცელ-
სო“. არა, ბატონებო, საქმე ამაში რადია. საყურადღებო ბ-ნ ეკლადის
მხილებაში სულ სხვა რამეა. აი სიტყვა-სიტყვით რას ეკითხულობთ მის
აშალ გამოქვეყნებულ წერილში. „მაშინ“ (ე. ი. „ნუ-თუ“-ს გამოქვეყ-
ნების დროს, 1905 წ., ხაზს აქ ჩვენ ვუსვამთ. ფ. მ.)—გვეუბნება ბ-ნი
ეკლადე—ყველა სოციალისტობდა (ხაზს თვით ავტორი უსვამს); დიდი
განხებტილებაც იყო ორ მოპირდაპირე დასს შორის და „ივერიელებიც“
საგონებელს მიეცენ, ზედ-მეტ აყალბაკალს ერიდებოდენ, რადგანაც
ილიას წერილი აშენებულია წმინდა ეროვნულ და კერძო საკუთრე-
ბის დროებით დაცვის საფუძველზე (ხაზი ეკლადისაა, ფ. მ.). დიახ, სა-
გონებელში იყო „ივერიის“ მაშინდელი რედაქცია, მაგრამ მოკირანახლუე
კაცისათვის რომ არ ეწყენინებიათ, ვადასწყვიტეს „ნუ-თუ“ დაებეკდათ „ივე-
რიის“ ცალკე დამატებათ, რაც ახრულეზულ იქნა. იმ დროს მე,—უმარტებს
ავტორი—მდივანთ გახლდით განახლებულ „ივერიის“ რედაქციისა, და უს
ამბავი ძალიან კარგათ მახსოვსო“ (იხ. გაზ. „თემი“¹²) 1913 წ. №118).
ხოლო რაც შეეხება გაზ. „ცნობის ფურცელში“ „ნუ-თუ“-ს არ გაშვემას,
ამაზე იგივე ავტორი აი რას ამბობს: „მე არ ვიცი, ვინ იყო იმ დროს
„ცნ. ფურცლის“ ნამდვილ გამგეთ, მაგრამ ის კი კარგათ ვიცი, რომ
ილია ქავეკვაძე ძალზე გულნაკლული იყო იმის გამო, რომ „ცნ.-ფურ-
ცელში“ ეს წერილი არ მიელოთ. ამის შესახებ ბევრს ლაპარაკობდენ
განახლებულ „ივერიის“ რედაქციაში... ასეთია მიხლება და მოწმობა იმ
კაცისა, რომელიც საქმესთან მკიდროთ დაახლოვებული იყო.

ჩვენ კარგათ გვესმის, რომ ბ-ნ ეკლადის მხილება არ ესიაშოვნე-
ბოდა არც გ. ლასხიშვილს და არც ფ. გოგიჩაიშვილს: ავტორის ზევით
ამოწერილი, უბრალო და გულახდილი სიტყვები ამ უღრობის ორ
გმირს პირდაპირ ასამარებენ. რა თქმა უნდა, როგორც ერთი, ისე მეო-
რე შეეცადა ბ-ნ ეკლადის ჩვენების გაბიაბრუებას, მაგრამ ამათ. ბ-ნი

ლასხიშვილი აცხადებს, რომ „ეკალაძის დაბეჯითებითი მხილება მარტო-ოღონ მითქმა-მოთქმისა და ხმებზე უნდა იყოს დაფუძნებულიო (იხ. „სახ. გაზ.“ № 868). ხოლო რაც შეეხება ბ-ნ გოგიჩაიშვილს, იგი შეუღარებელი ურცხვობით მოგვითხრობს: „ბ. ია ეკალაძის ნათქვამი: „ივერიელნი საგონებელს მიეცნენო“, მართალი და სწორია, აა, რა მხრით: იმ დროში ფ. მახარაძის ლაშქარმა მემამულის ილია ჭავჭავაძის წინააღმდეგ საშინელი ატმოსფერა შექმნა. იმდენ საშინელებას აბრალებდენ ილიას, რომ ზოგიერთ მის მეგობარსაც ცოტათი გულში ექვი. ებადებოდა და ამბობდენ— ვაი, თუ მესადიე მართალიაო“ („სახ. გაზ.“ № 871). ყოველივე ეს მარტოოდენ უხერხული ფანდები და ლათაიებია.

ია ეკალაძე გულახდილათ ამბობს, რომ მაშინ ყველა სოციალისტობდაო და იმათ შორის „სოციალისტობდენ“ „ცნობის ფურცელი“ და „ივერიაცო“. მაგრამ იმათი სოციალიზმი როდი ყოფილა ნამდვილი, არამედ იგი ყალბი იყო. ბ. ეკალაძე არ უმატებს იმას, რომ ამ ყალბ „სოციალიზმს“ ყალბი დემოკრატიობაც თან ახლდა, მაგრამ ეს ხომ თავის თავად იგულისხმება. და თუ „ივერია“-„ცნობის ფურცელი“ და მათი პატრონ-ბატონნი ილია ჭავჭავაძეს ვერ გამოეჭიმაგენ თავის დროზე, ამის თავი და თავი მიზეზი ამ ვაჟბატონების ცრუ სოციალიზმი და ცრუ დემოკრატიზმი იყო და არა ის უაზრო ოინები და ხრიკები, რომლებსაც ახლად ისინი ასახელებენ. იმ ვარემოებამ, რომ ილიას წერილი, რომელიც, ბ-ნ ეკალაძის თქმისა არ იყოს, „კერძო საკუთრების დროებით (ეს დროებით აქ სრულებით უადგილოა. ფ. მ.) დაცვაზე“ იყო დამყარებული, ხსენებულ ვაჟბატონებს დაეთარი აურია. და ისინი საგონებელში ჩაყარდენ, არ იცოდენ როგორ მოქცეულიყვენ. იმათი ნამდვილი გულის ზრახვანი თხოულობდენ, ერთი მხრით, „მოგზაურის“ წინააღმდეგ გალაშქრებას და, მეორე მხრით, ილიას გამოქომაგებას, მაგრამ, იმათ სავალალოთ, ის ყალბი სოციალისტური და ცრუ დემოკრატიული კილო, რომელიც მათ მაშინ აღებულნი ქონდათ, ამის ნებას როდი აძლევდა. ყოველივე ეს კი საჭირო იყო იმისთვის, რომ ხალხისთვის თვალები დაებრმავებინათ და იმას ელოდენ, თუ როდის შესძლებდენ. დაუსჯელათ თავიანთ ნამდვილ მისწრაფებათა გამომქლავებას. ეს სანატრელი დროც ჩქარა დაუდგათ.

როცა რუსეთში გაბატონდა რეაქცია და ხალხის მოძრაობა დაეცა, ბ. ბ. გოგიჩაიშვილების ნავარდობა უზრუნველი შეიქნა, მაგრამ ეს კიდევ არ კმარადა. საჭირო იყო ისეთი რამ, რასაც ძველი პოლემიკა გა-

ეხსენებია. ჩქარა ამის საბაბიც იშოვნეს. თავზე ხელაღებულმა ავაზაკებმა, ვინ იცის რა მოსაზრებით და რა ნიადაგზე, ილიას სიკოცხლე მოუსპეს. და, აი, ქვემძრომებმა ისარგებლეს ამ შემთხვევით ჩვენ გასაბიბრუებლათ, ნამდვილათ კი მხოლოდ თავიანთი სიბინძურე და სიწამხლრე დაანახვეს ქვეყანას. რაღა ბევრი გავაგრძელოთ, ის უსასტიკესი დანაშაული, როგორც ილიას მოკვლა არის, ფედერალისტ-ავტონომისტებმა, არც იქით, არც აქეთ, პირდაპირ ჩვენ იდეურ ბრძოლას დაუკავშირეს ილიას წინააღმდეგ. „აბა ჩვენ რა ვიცოდით მაშინ—ასე ურცხვად გაიძახის დღეს ბ. ლასხიშვილი—თუ, „მოგზაურის“ საზიზღარ კამპანიას ილიას წინააღმდეგ ასეთი საშინელი შედეგი მოყვებოდა... მაშინ არც ჩვენ, არც ბ. ლიასამიძეს³³) და არც არავის ფიქრათაც არ მოგვესულია, რომ გაჩნდებოდა ისეთი დევნერატი, რომელიც საზიზღარ ცილისწამებას (ხაზს ჩვენ ვუსვამთ) დაუჯერებდა და რომლის ბნელგულში ილიასადმი ისეთი ფანატიკური მძულვარება აღიზრდებოდა. ეს რომ გვეგონებოდა, დარწმუნებული ვართ, სხვა რიგათ მოვიტყეოდით ისინიც, ვისაც გაზეთი გვექანდა და ისინიც, ვისაც გაზეთი არ ქანდაო („სახ. გაზ.“ № 868).

აი, ნამდვილი საზიზღარი კამპანია და საზიზღარი ცილისწამებაც, თუ გნებავთ, სწორეთ ამას ქვია! ძველი რომაელები ამბობდენ, რომ როცა ღმერთები ადამიანის გაუბედურებას მოინდომებდენ, ჯერ მას ქუთას დაუქარგავდნო. ვინ დაიჯერებს, რომ ზევით მოყვანილ სტრიქონებს სწერს ჟურნალისტი და ისიც გაზეთის ხელმძღვანელი. იცის კი მან, რასა სწერს? ზევით მოყვანილი ამონაწერის მნიშვნელობა და აზრი რომ ეცნათ, მაშინ შეუძლებელი იქნებოდა ლიტერატურის ორი დარგი მაინც, სახელდობრ, პუბლიცისტიკა და პოლემიკა: ესენი ორივე უნდა გაუქმდნენ, თუ ბ-ნ ლასხიშვილის, უკაცრავად პასუხია, ლოლიკას მიეყვით. ეს ორი დარგია, რომლებშიაც იდეური ბრძოლა სწარმოებს ყოველგან, სადაც კი საზოგადოებრივი ცხოვრება, კოტათი არის მაინც, წარმატებული და განვითარებულია: ჯერ არავის მოსვლია თავში იდეური ბრძოლის ფიზიკურ ბრძოლასთან დაკავშირება, და მართლაც რაღა ძალა და გამავლობა უნდა ქონდეს პირველს, თუ საქმე უკანასკნელით უნდა გათავდეს. ჩვენ გვაბრუნებენ ისევ ველურობის და ბარბაროსობის ხანაში.

ის მართლაც საზიზღარი კამპანია, რომელსაც ეს ერთი ხანია ჩვენბური მამულიშვილები ეწევიან ჩვენს წინააღმდეგ, შეპყვრით მხოლოდსრულებით გამოთაყვანებულ და უგნურ არსებათ. განა ჩვენმა მოწინა-

აღმდეგეებმა არ იციან, რომ ჩვენ ვებრძოდით იდეურ ნიადაგზე არა მარტო ჰავეკავაძეს, რომ ჩვენ შედარებით ბევრი უფრო გამწვავებული ბრძოლა ამავე ნიადაგზე გვქონდა და გვაქვს სხვებთან? და განა რომელიმე იმათგანი ამ ნიადაგზე ვინმემ როდისმე სიცოცხლეს გამოასალმა? ფიქრობთ, ბატონებო, იმაზე, თუ რას ლაპარაკობთ? ან შეიძლება, თქვენ ისე გაგიტაცათ თქვენი იდეურ მოწინააღმდეგეთა მოსპობის სურვილმა, რომ ჰკუნა-გონება, საღი მსჯელობა დაკარგეთ? აგრემც ყოფილა!

სხვისა რა ბრალია, თუ თქვენ არ შეგწევთ არც მოქალაქობრივი გრძნობა და არც გამბედაობა, თუ თქვენ, თქვენდა საუბედუროდ, იკისრეთ თქვენთვის სრულებით შეუფერებელი სოციალისტობა და დემოკრატობა. ჰე, მახლას! არა შეჯდა მწყერი ხესა, არა იყო გვარი მისიო! თქვენ, სულით და ხორციით უბადრუკო, ხომ თავისივე ხელით იმათ რახებით დღეს თავის თავს? და ამის შემდეგ განა ღირს კიდევ თქვენთან ლაპარაკი?

(ჯურნალი „ჩვენი წყარო“

№№ 5—15 და 6—16; 1919 წ. 21 და 28 აპრილი).

უკანასკნელი პასუხი ცილისმწამებლებს.

„სახალხო გაზეთის“³¹⁾ № 883-ში დაბეჭდილია რაღაც პასუხის მსგავსი იმ წერილზე, რომელიც „ჩვენ წყაროში“³²⁾ იყო მოთავსებული (იხ. № № 5-15 და 6-16). ჩვენ დარწმუნებული ვართ იმაში, რომ თითოეული, ცოტათ თუ ბევრათ შევნებული მკითხველი თვითონ დასდებს შესაფერ მსჯავრს „სახ. გაზ.“-ის პასუხზე. მიუხედავად ამისა, აღძრული საკითხის შესახებ ჩვენ იძულებული ვართ კიდევ ერთხელ და უკანასკნელათ მოკლე პასუხი გავსცეთ ჩვენ ცილისმწამებლებს.

„სახ. გაზეთი“ წამდაუწყუპ იმეორებს: ფ. მ. სიტყვას ბანზე ავდებსო! აბა ახლა გაეშინჯათ, თუ ვინ იქცევა ასე: ჩვენ თუ ჩვენი ცილისმწამებელნი? დავიწყით თავიდან.

„სახ. გაზეთი“ ცდილობს საქმე ისე მოაჩვენოს მკითხველ საზოგადოებას, რომ ჩვენ თითქო თავის მართლება, რეაბილიტაცია მოგვენდომებინოს. თავის თავად იგულისხმებ, რომ არაფერს ამის მსგავსს ადგალი არ ქონებია. ან კი რაში უნდა გვემართლება ჩვენ თავი? ერთად ერთი ბრალდება, რომელიც ჩვენმა მოწინააღმდეგეებმა ჩვენ წინააღმდეგ წამოისროლეს, არის შემდეგი: ვითომც ჩვენ ილია ჭავჭავაძეს საზიზღარი ცილი დაესწამეთ ჟურნ. „მოგზაურში“ კორესპონდენტის მოთაყვებით: მაგრამ ყოველივე ჭკუათამყოფელ ადამიანისათვის აშკარა უნდა იყოს, რომ, სანამ ასეთი ბრალდება იქნებოდა წამოყენებული, საჭირო იყო ხსენებულ კორესპონდენტიაში დასახელებული ფაქტები გაერჩიათ და დაერღვიათ. ეს კი იმათ არა თუ არ შეუძრულებიათ, არც კი უცდიათ. „მოგზაურის“ მე-13-ტე და 18-ტე ნომერში ჩამოთვლილია არა ერთი და ორი ფაქტი მემამულე ილია ჭავჭავაძის შესახებ; ნაჩვენებია გვარები და სახელები, რომელთაც ესა თუ ის ფაქტი ეხებოდა; დასახელებულია ადგილი და დრო, სადაც ამ ფაქტებს ადგილი ქონდა. სცადეთ კი თქვენ როდისმე ამ ფაქტების შემოწმება, რომ ისინი ოდნავაც შეგერყვიათ, აუ საესებით ვერ დაარღვევდით მაინც? არა და არა. ამას შემდეგ რა ზნეობრივი ან იურიდიული უფლება გაქვთ თქვენ იმაზე, რომ ფ. მ. საზიზღარი ცილი დასწამა ილია ჭავჭავაძესო! ან შეიძლება თქვენ

ფიქრობდეთ, რომ „ნუ-თუ“-ში უარყოფილია ეს ფაქტები? ჩვენ გადა-
 კრით გეუბნებით, რომ იქ ისინი ოდნავაც შერყეული არ არიან. და ამ
 შემთხვევაში ჩემი მტკიცება რაღა საქირია, როცა თქვენივე ბანაკის წე-
 ვრის, თქვენივე მეგობრის, პოლიტიკური ეკონომიის დოქტორის, ბ-ნ
 გოგიჩაიშვილის უტყუარი მოწმობა გვაქვს („ნუ-თუ“-ს შენიშენა), სადაც
 იგი აშკარათ და ცხადად უცხადესათ ამბობს, რომ ილია ჭავჭავაძე თავის
 „ნუ-თუ“-ში არ ჩევეს „მოგზაურის“ კორესპონდენციას, და არა არღ-
 ვევეს მასო. ყველა ამის შემდეგ თქვენ მაინც უტიფრათ ისტერიული დე-
 დაკიცვიით, წამლაუწუმ ერთსა და იმასვე გაიძახათ: „მოგზაურის“, სა-
 ზიზღარი ცილის წამებაო. რამდენათ 'მეუწყენარებელი და უსაფუძვლოა
 თქვენი ასეთი ძახილი, იმდენათ ჩვენ სრული ზნეობრივი და იურიდიუ-
 ლი უფლება გვაქვს თქვენ ნამდვილი ცილისმწამებელი გიწოდოთ და
 გიწოდეთ კიდევ. ამიტომ თავის მართლების და რეაბილიტაციის პირვე-
 ლი ჯერი ჯერ თქვენზეა და არა ჩვენზე. მაგრამ თქვენი გაპირებება მარ-
 ტო ამაში ხომ არ არის. თქვენ ჯერ კიდევ სხვა ცოდვებიცა გავთ მო-
 სანანიებელი; სხვა რამეშიაც უნდა იმართლოთ თავი. მაგრამ უბედურე-
 ბაც ის არის, რომ აქაც უიმედოა თქვენი გოდება და სინანული. სი-
 კვდილის შემდეგ მოსანიება არ არისო, — ამბობს რუსული ანდაზა, და
 სწორეთ აგრეთ თქვენი საქმეც! ორი წლის განმავლობაში თქვენ სდუმ-
 დით, თითქო ენა მუცელში ჩაგვარდნოდათ: შემდეგ როცა სანეტარო-
 დრო დაგიდგათ, ასტეხეთ ხმაურობა და მორთეთ ღრიალი: გვაპატიეთ
 ამდენი ხნის დუმილი! შევედით, მოგვიტევეთო; თითქო გუშინ დაბადე-
 ბულიყოთ! არა ბატონებო! თქვენ არც უწლოვანი ხართ და არც გულ-
 უბრყვილოები. ორი წლის განმავლობაში თქვენს დუმილს, თქვენი თვალ-
 თახედვის წერტილიდან საკმაჩისად ვასამართლებელი მიზეზი ქონდა. ეს
 მიზეზი თქვენ სასარგებლოთ, რა თქმა უნდა, როდი ლაპარაკობს, ამი-
 ტომ მისი გამოაშკარაება თქვენთვის სასურველი არ იყო. და აი, რო-
 ცა ჩვენ, საბუთებით ხელში, საზოგადოებას მიუთითეთ ამ მიზეზზე, თქვენ
 ეს გემწვავათ და ახლა აღარ იცით, რაღა თქვათ აქ. „ყალბი სოციალი-
 სტობა და ცრუ დემოკრატობა მოსატანი არ არისო“, — გაიძახით ახლა
 თქვენ. მაგრამ ფაქტები რაღას ამბობენ? თქვენდა საუბედუროთ ამის
 თქვენიანი ამოწმებს და როცა ამის მიფუჩეჩებას ცდილობთ, ჩვენ კი
 არ ვაჯდებთ სიტყვას ბანზე, არამედ თქვენ.

„სახ. გაზეთი“ შემდეგ გვეკითხება ჩვენ: ნუ-თუ ილია ჭავჭავაძე
 მხეცი იყო, რომ ის ჩადინა, რასაც მას „მოგზაურის“ კორესპონდენტი

აბრალებსო? რა თქმა უნდა, ძნელია იმ პირებთან სერიოზული ლაპარაკი რომლებსაც გლახებსა და მემამულეებს შორის არსებული ურთიერთობა იდილიურათ, მამაშილურათ აქვთ წარმოდგენილი. დღეს მერე ვინ არ იცის ეს ურთიერთობა, თუ ამას განსრახ ხელს არ აფარებენ?

ჩვენ ვურჩევთ „სახ. გაზეთის“ ვაებატონებს, წაბრძანდნენ ჩვენ სოფლებში; გამოიკვლიონ იქაური ვითარება და მაშინ დაინახავენ, რომ იქ კიდევ ბევრათ იმაზე უარესი ამბები ხდება, რომლებიც ხსენებულ კორესპონდენციაში იყო აწერილი. მართალია, ვინც ცხოვრებას „სახ. გაზეთით“ ფრანგულ მელოდრამების თვალთ უყურებს, იმისთვის ძნელია სინამდვილის გაგება-დაფასება. მაგრამ განა თვით „სახ. გაზეთი“ არ ამბობს ახლა, რომ „ილიას აზრი კანონსა და ცხოვრებაზე, ილიას შეხედულება მემამულეთა და გლახთა ურთიერთობაზე ყველამ კარგათ იცოდაო“. მერე რად არ გამოგყავთ აქედან ლოლიკური დასკვნა? ეს შეხედულება ხომ ბატონყმობის ნაშთების საეცებით მიღება-დადასტურებაა? და კორესპონდენციაში აწერილი ამბებიც მხოლოდ ამ შეხედულების ცხოვრებაში გადატანაა და მეტი არაფერი. თქვენ ეს ყველაფერი „მელოდრამათ“ მიგაჩნიათ, მაგრამ ისინი, ვინც ამას თავის ზურგზე განიცდიან, ამით შელავათს ვერ გრძნობენ. მაგრამ თქვენთან ლაპარაკი ხომ კედელზე ცერცვის შეყრანა. თქვენ კამათი იდეური ნიადაგიდან სხვა სფეროში გადაიტანეთ, ვინაიდან პირველში დამარცხდით. ახლა ამ მეორე სფეროში ფიქრობთ ჩვენ წინააღმდეგ ბრძოლას. თუ რა სფეროა ეს, ეს ეხლა არავისთვის საეკვო აღარ უნდა იყოს. თქვენ უკვე საკმარისათ აშკარათ აღიარეთ თავის სულის ზრახვანი. თქვენ ისეთ თავდავიწყებამდე მიდით, რომ იმ ადგილს თქვენი წერილისას, სადაც ეს თქვენი გულის ზრახვაა გამოხატული, ხაზიც კი გაუსვით. ჩვენ ამის შესახებ რალა გვეთქმის, გარდა იმისა, რომ ეს თქვენთვის ალბათ მეტად ნაცადი საშუალებაა მოწინააღმდეგის დასამარცხებლათ.

სცადეთ ბატონებო, სცადეთ!—იცოდეთ მხოლოდ, რომ საზოგადოება ღირსეულათ დააფასებს თქვენ საგმირო საქმეებს.

ფურც. „ჩვენი წყარო“,

1913 წ. 5 მაისი, № 7—17.

ბექდვითი სიტყვის შესახებ კანონ-პროექტი და ლიბერალები.

გასული კვირა შეიძლება ბექდვითი სიტყვის კვირად ჩაითვალოს. და მართლაც. იმ კანონ-პროექტის ძირითად დებულებათა გამოქვეყნებამ, რომელიც ამ დღეებში საშინაო საქმეთა სამინისტრომ წარადგინა განსახილველათ მინისტრთა საბჭოში, თითქმის მთელი რუსეთის პრესა ალაპარაკა. ბექდვითი სიტყვის შესახებ კანონ-პროექტს მთავრობა ამზადებს აგერ 8-9 წელიწადი შესრულდება, მაგრამ ვერ იქნა და ვერა: რამდენჯერაც არ სცადა მან ასეთი პროექტის შედგენა, იმდენჯერვე იგი უვარჯისი და შეუსაბამო გამოდგა თვით მთავრობისავე თვალში, და მას არჩევში ისტუმრებდნენ. ბოლოს, როგორც სჩანს, ყველა ამ დაბრკოლებას სძლია ბ. მაკლაკოვმა და მას გამოუცხვია კანონ-პროექტი არა იმდენათ ბექდვითი სიტყვის შესახებ, რამდენათ თვით ბექდვითი სიტყვის წინააღმდეგ.

თუმცა ჩვენ მთავრობის განცხადებაში ვკითხულობთ, რომ განზრახული წესები ანუ კანონი ბექდვითი სიტყვის შესახებ რაიმე ძირითად ცვლილებას არ შეიცავს არსებული წესების პირისპირ, მაგრამ ეს სიმართლეს მოკლებულია. ამის დასამტკიცებლათ საკმარისია დავასახელოთ აქ უწინარეს ყოვლისა ის ფაქტი, რომ ახალ კანონ-პროექტს შემოაქვს სრულებით ახალი ცნება პ ა ს უ ხ ი ს მ გ ე ბ ე ლ გ ა მ ო მ ც ე მ ლ ის შესახებ, რომელიც არსებულმა კანონმა არ იცის და რომელიც ძირიანათ ცვლის საქმეს. არსებული კანონი დროგამოშვებით გამოცემათა პასუხისმგებლათ მხოლოდ რედაქტორებს სთვლის და ცალკე წერილების ან სტატიების პასუხისმგებლებათ აგრეთვე ავტორებსაც, თუ უკანასკნელთა პასუხისმგებაში მიცემა შესაძლებელი ხდება. ამათ მაგიერ სამინისტროს კანონ-პროექტი ახლა აყენებს პასუხისმგებელ გამომცემელს. მაგრამ საქმე ამით როდი თავდება. პასუხისმგებელ გამომცემლისათვის პროექტი აწესებს კიდევ განათლების ცენზს, ე: ე. გამომცემელს უნდა ჰქონდეს საშუალო სასწავლებლის მოწმობა მაინც. გარდა ამისა, იგი უნდა იყოს მუდმივი

ბეჭდვები იმ ქალაქში, სადაც გემოცემა არსებობს. ყოველივე ეს, და უკმა უნდა, სრულებით ახალი ცვლილებანია.

შემდეგ, პროექტი თხოულობს იმ თხზულებათა წინასწარ ცენზურას, რომლებიც მკიდროთ შეკავშირებულია სარწმუნეობასთან და ღვთის მსახურების წესებთან; დაცულია დრამატიული ცენზურა და აგრეთვე განცხადებათა წინასწარი ცენზურა, სასახლის ცენზურა ხომ თავის ძალაში რჩება. მაგრამ განსაკუთრებული ყურადღება აქვს მიპყრობილი დროგამოშვებით გამოცემათ. წინასწარი ცენზურა აქ სიტყვით არ არსებობს, მაგრამ პროექტი აწესებს, რომ ის გამოცემები, რომლებიც კვირაში გამოდიან ოთხჯერ. მაინც, საბოლოო ბექდვის დაწყებისთანავე და არა უგვიანეს ერთი საათისა სტამბიდან გამოტანამდე, უნდა წარედგინოს ადგილობრივ კომიტეტს ან ინსპექტორს, რომლებიც თუ საჭიროთ დაინახვენ, მაშინვე მიიღებენ ზომებს მთელი გამოცემის დასაქერათ და დამნაშავეთა სამართალში მისაცემათ.

ბექდვითი სიტყვის დანაშაულისთვის სასჯელის დადება პროექტით მხოლოდ სასამართლოს წესით შეიძლება. მაგრამ ამ მხრითაც სასიხარულო არაფერია: დატუსაღებას და დაჯარიმებას აქ მეტად ფართო ადგილი უჭირავს.

ამნაირათ, როგორც მკითხველი ხედავს, ახალ კანონ-პროექტს არა თუ არა აქვს მხედველობაში ბექდვითი სიტყვის მდგომარეობის გაუმჯობესება, არამედ იგი ღიდათ აუარესებს ამ მდგომარეობას. რაც შეეხება ბექდვითი სიტყვის თავისუფლებას, რომელიც აღიარა 17 ოქტომბრის მანიფესტმა³⁶), აქ იმის ხსენებაც აღარ არის. როგორც ხედავთ, ხსენებული მანიფესტის ლიკვიდაცია მიდის წინ შეურყეველათ და თანდათან. ამ უკანასკნელ დრომდე თუ კიდევ იყო მისი აჩრდილი, ახლა ეს აჩრდილიც ქრება. ვინაიდან ბექდვითი სიტყვის თავისუფლება შეადგენს ყველა დანარჩენ თავისუფლებათა საძირკველს, ამიტომ გასაკვირვალი არ არის, თუ სწორედ უწინარეს ყოვლისა მის საცვებით აღმოფხვრას ლაპოზენ. თავის თავად იგულისხმება, რომ სამინისტროს კანონ-პროექტებს ამ შემთხვევაში მიზანში ამოღებული აქვს განსაკუთრებით მხოლოდ ახლად აღორძინებული მუშათა პრესა, რომელმაც ამოღენა გამოუთქმელ დაბრკოლებათ სძლია და რომელიც დღეს ასეთ დიდ როლს თამაშობს მუშათა მოძრაობაში. რაც შეეხება კონსერვატორულ და ლიბერალურ-რადიკალურ პრესას, უნდა ვთქვათ, რომ ამას ხსენებული პროექტი არსებით ვნებებს ვერ მიაყენებს. მაგრამ მიუხედავად ამისა, სამინისტროს პროექტი

იმდენათ უხამსი და ყოვლად უმსგავსო ნაწარმოებია, იგი ისე მოუხრიდებლათ ჯგენის იმ ნამცეც თავისუფლებასაც კი, რომელიც დღეს არსებობს, რომ მის წინააღმდეგ შეუძლებელი იყო ხმა არ ამოეღოთ იმათ, ვისთვისაც ახლანდელი პროექტის სუსხი არა ნაკლებათ საგრძნობელია.

ცნობილ „ნოვოე ვრემიას“³⁷) რომ თავი დავანებოთ, რუსეთის პროგრესიულმა და რადიკალურმა პრესამ ერთხმად პროტესტი განაცხადა მაკლაკოვის „ნაწარმოების“ წინააღმდეგ. მაგრამ პირდაპირ გულუბრყვილობა იქნებოდა გვეფიქრა, რომ მთავრობას სხვა გვარი პროექტის შედგენა ეკისრა. ყველას კარგათ უნდა ახსოვდეს, რომ ბ-მა მაკლაკოვმა თავის შეხედულება ბეკდვითი სიტყვის თავისუფლებაზე უკვე ამ რამდენიმე თვის წინეთ გამოთქვა, რაც თავის მხრით ნაკარნახევი იყო გაერთიანებული თავად-აზნაურობის მიერ. მაგრამ კადეტები და პროგრესისტები მაინც ფიქრობდნენ, რომ მაკლაკოვი თავის შეხედულებაზე უარს იტყოდა და ჩვენს ლიბერალებს ხონჩით მზა-მზარეულათ ბეკდვითი სიტყვის თავისუფლებას მიანიჭებდა; და რადგანაც ეს ასე არ მოხდა, ლიბერალები, ოქტომბრისტებიდან დაწყებული კადეტებამდე, ძლიერ გაჯავრდნენ და თავის ზნეობრივ მოვალეობათ თელიან მაკლაკოვის პროექტს პროტესტი გამოუცხადონ და ყოველივე ღონისძიებით იბრძოლონ სიტყვის თავისუფლებისთვის.

ჩვენ უნდა ვიცოდეთ, რომ ეს მხოლოდ ლიბერალური ფაფხურია და მეტი არაფერი. ლიბერალები ვერ ხედავენ, და არც უნდათ დაინახონ, რომ საქმე მართო სიტყვის თავისუფლების უქონლობაში როდია. სიტყვის თავისუფლების უქონლობა მჭიდროთ გადაბმულია მთელ სისტემასთან, მთელ წყობილებასთან და ამ რეჟიმის რადიკალური ცვლილების გარეშე არავითარი თავისუფლების დამყარება არ შეიძლება. ამიტომაც არის, რომ ლიბერალების ფაფხურს, იმათ ზნეობრივ მოვალეობისაგან გამოწვეულ პროტესტს არსებითად თითქმის არავითარი ფასი არა აქვს:

(იურნ. „ჩენი წყარო“,
1913 წ. 12 მაისი № 8—18).

ივანე ჯაბადარის ხსოვნას.

გასული აპრილის 25-ს, გზაში, სოფ. საგარეჯოდან თბილისში მგზავრობის დროს გარდაიცვალა ჩვენში და რუსეთის საზოგადოების ზოგიერთ წრეებშიაც ცნობილი ივანე სპირიდ. ჯაბადარი. ადგილობრივ რუსულ-ქართულ გაზეთებმა, თითქოს განზრახ, მხოლოდ რამდენიმე სიტყვით აღნიშნეს ამ იშვიათი ადამიანის და საზოგადო მოღვაწის დაკარგვის ამბავი. ნაფიცი ვეჭილი, ქალაქის საბჭოს ხმოსანი, რომელმაც ახალგაზრდობაში ბევრი იტანჯა იდეისათვის, პატიოსანი ადამიანი, თანამშრომელი რუსულ-ქართულ ჟურნალ-გაზეთების,—აი ყოველივე ის, რაც სიტყვა სიტყვით ითქვა ადგილობრივ გაზეთებში ივ. ჯაბადარის დასახასიათებლად. და ამავე დროს იგივე გაზეთები, ბევრათ უფრო დაწვრილებით შეეხენ იმას, თუ ტფილისის ქალაქის საბჭოში რომელი კანდიდატი დაიკერს ივ. ჯაბადარის გარდაცვალების გამო განთავისუფლებულ ადგილს. ასე უმასპინძლებიან ჩვენში ყველა გულწრფელ და ქეშმარიტათ თავდადებულ საზოგადო მოღვაწეს.

რა თქმა უნდა, ჩვენ მყვირალა დროში, როცა ყალბი დემოკრატობით და რენეგატობით თავს იწონებენ, ეს არავის არ უნდა გაუკვირდეს. ჩვენ კარგათ ვიცით, რომ ასეთ ცრუ და მყვირალა დემოკრატების და რენეგატების გვერდით ივ. ჯაბადარს ადგილი არ აქვს ჯბუნებისაგან უხვათ დაჯილდოვებულმა, ნიკიერმა და საოცარი კეთილშობილური ხასიათის პატრონმა; ვანო ჯაბადარმა ერთობ ადრე განიცადა ცხოვრების სუსხი. რკინის ენერჯის და რაინდული გამბედაობის პატრონი, ის სკოლის სკამზევე, სტუდენტობის დროს, თავდავიწყებით შეებრძოლა დუხპირ საზოგადოებრივ წყობილებას იმ მიზნით, რომ დაბეჩავებული და ტანჯული ხალხის მდგომარეობა შეემსუბუქებია. სამწუხაროთ, ჩვენ არ გვაბადია დღეს ცოტათ თუ ბევრათ სწორი ბიოგრაფიული ცნობები, რომლებიც ამ ხანას ეკუთვნოდნენ. ვიცით მხოლოდ, რომ ჯაბადარმა აქტიური მონაწილეობა მიიღო გასული საუკუნის მესამეოცდაათე წლების რევოლუციონურ მოძრაობაში და შემდეგ იგი, როგორც ბრალდებული, მოხდა 50 პროცესში. გასამართლების შემდეგ, 1880 წ., მას

მიუსაჯეს 8 წლის კატორღა, რომელიც მან მოიხადა თავისი საშინელებით ცნობილ კარიის საკატორღო ციხეში. კატორღის მოხდის შემდეგ იგი ერთხან ცხოვრობდა ციმბირში, როგორც სამუდამოთ გადასახლებული; იქ მან შეირთო ცოლათ ცნობილი რევოლიუციონერი—ქალი ოლღა ლიუბატოვიჩი. 1887 წ. ჯაბადარი დაბრუნდა ტფილისში. აქედან იწყება ახალი ხანა მის ცხოვრებაში.

აქტიური მონაწილეობა მოძრაობაში მას აღარ მიუღია; მაგრამ ეს იმას არ ნიშნავს, რომ მან სხვებივით სამუდამოთ უარყო თავისი წმინდა იდეალები და ცხოვრების დუბჭირ პირობებს შეურიგდა. ბრძოლამ იგი მოქანცა, მაგრამ ვერ გასტეხა. ამიერიდან უკანასკნელ წუთამდე ვანო ჯაბადარის ცხოვრება საშინელი სულიერი ტრაგიზმით არის მოცული. მთელი თავისი აზროვნებით იგი ისევ ძველი ნაროდნიკი დარჩა. მაგრამ იმავე დროს მას არ შეეძლო არ შეემჩნია, რომ ცხოვრება შეუბრალებლად აცლიდა ნიადაგს ნაროდნიკულ შეხედულებას. ამით აიხსნება ის გარემოება, რომ ვ. ჯაბადარი, როგორღაც გარიყული დარჩა ცხოვრებაში, ქართულ ოფიციალურ აზროვნებას, ჩვენებურ ცრუ-პატრიოტიზმს და ცრუ დემოკრატიზმს, რომლითაც გაყენებული იყო და არის ქართული ინტელიგენციის დიდი უმეტესობა, მან იმ თავითვე სასტიკი ომი გამოუცხადა. მაგრამ საესებით ვერც ჩვენ მოწინავე დემოკრატიას შეუერთდა, თუმც ბოლო ხანებში მთელი მისი თანაგრძნობა სწორედ აქეთკენ იყო მიმართული. (მაგრამ ჯერ დაუბრუნდეთ ისევ ძველ ამბავს.

სწორედ იმავე ხანებში დაბრუნდა ჩვენში მეორე ყოფილი რევოლიუციონერი ბ. ზდანოვიჩი³⁸). მაგრამ ამ ორ ახლად დაბრუნებულ ყოფილ მებრძოლთა შორის მაშინვე შეამჩნევდით დიდ განსხვავებას, რაც შემდეგში აშკარა შეიქნა! სხვათა შორის უნდა აღვნიშნოთ აქ, რომ ტფილისის მაშინდელი მოსწავლე ახალგაზრდობის ერთი პატარა ჯგუფი გაფაციცებით ადევნებდა თვალს ამათ მოქმედებას, საინტერესოა ის გარემოება, რომ როგორც ჯაბადარმა, ისე ზდანოვიჩმა სამშობლოში დაბრუნებისთანავე შინაგან პირველი გამოსვლა მაშინდელ ერთად-ერთად ქართულ გაზეთის „ივერიის“ ფურცლებზე. კიდევ უფრო საინტერესოა ის, რომ როცა ერთი იმათგანი, ბ. გ. ზდანოვიჩი, კარგათ შეეგუა „ივერიის“ პოზიციას, უარყო ძველი იდეალები და ახალი დროის კერპის—ოქროს წინაშე მოიხარა ქედი და ჯწყო მას გუნდრუკის კმევა, ივ. ჯაბადარი შეუდრეკელი დარჩა: იგი ვერ მოურიგდა „ივერიას“ და ჩქარა მას და ჯაბადარს შორის დიდი განხეთქილება ჩამოვარდა, მაგალითად, ივ. ჯაბადარის წე-

არილები საქართველოზე „სევერნი ვესტნიკში“ ერთი მხრით და „აი ისტორიის“ ავტორის არა საკადრისი, ვიტყვიტ პირდაპირ, დემაგოგიური პოლემიკური კილო და ფანდები ხსენებული წერილების ავტორის წინააღმდეგ მიმართული მეორე მხრით.

არ შეგვიძლია არ მოვიხსენიოთ აქ ის გარემოებაც, რომ ერთი იმ მიზეზთაგანი, რომლებმაც მოსწავლეთა ზევით დასახელებული ჯგუფი ჩამოაშორეს „ივერიის“ მიმართულებას, იყო სწორედ ხსენებულ გაზეთის ზევით დასახელებული უდიერი პოლემიკა. თავის თავად იგულისხმება, რომ იმ ხანებში მთელი ჩვენი სიმპატია ივანე ჯაბადარისკენ იყო. შემდეგ ჩვენ შორს გავემგზავრეთ და კარგა ხნის განმავლობაში ვანო ჯაბადარი თავის მხედველობიდან დაეკარგეთ. ამ დროს იგი ნაფიცი ვეჭილი გამხდარიყო და თავისი პროფესიონალური მოღვაწეობის უმთავრეს საგნათ აწიოკებული გლეხები და საზოგადოთ ღარიბი ხალხი გაეხადა. და ეს ასე შეეფერებოდა მის წმინდა დემოკრატიულ ბუნებას და კეთილშობლიურ ხასიათს.

1905-6 წლების მოძრაობამ მას თითქო ახალი სული ჩაბერა, იგი როგორცა გამოცოცხლდა და შეეცადა მოძრაობისათვის ხელი შეეწყო. მართალია წინანდელი იდეალები შორს იყვნენ, აღარც ის პარტია ჩანდა, რომლის სამსხვერპლოზე მანაც თავისი წვლილი მიიტანა, სამაგიეროთ იგი ხედავდა ახალ ძალას. და თუმც თითონ მასთან არ იყო ორგანიულად შეკავშირებული, შეიძლება არც იზიარებდა მის იდეალებს და კიდევ უფრო მის ტაქტიკას, მაგრამ ინსტიტუტურად, თავისი წმინდა დემოკრატიული რწმენის გამო იგი მიიწე ამ ახალ ძალას უცხადებდა თავის გულის სიღრმიდან ამონახეთქ თანაგრძნობას. ივ. ჯაბადარმა საჯაროთ დაგვიმტკიცა ეს 1907 წ. ტფილისში სახელმწიფო დუმის არჩევნებზე. როცა ცრუ დემოკრატიზმის და ყალბი სოციალიზმის მოციქულებმა კანდიდატათ სახელმწიფო დუმაში წამოაყენეს თავისი მსგავსი, კადეტი, თ-დი ანდრონიკაშვილი, ივ. ჯაბადარმა წარმოსთქვა თავისი დაუვიწყარი სიტყვა ამომრჩეველთა კრებაზე, რომელშიაც მან აშკარათ და გარკვევით ახადა ფარდა იმათ დემოკრატიობას, ვინც ხსენებულ ანდრონიკაშვილს უჭერდა მხარს. მან ხმამაღლა, ყველას გასაგონათ დაგმო ყოველგვარი ფარისევლობა და სიბინძურე და აღიარა, რომ თუმც იგი თითონ არ ეკუთვნის სოც. დემ. პარტიას, მაგრამ მთელი თავისი არსებით იგი მხარს უჭერს და თეთრს აძლევს იმ პარტიის წარმომადგენელს, რომელმაც თავისი თავგანწირული ბრძოლით დაგვიმტკიცა, რომ იგი ხალხს ემსახურებაო. (ასეთ

პარტიათ მე დღეს მიმჩნია სოც. დემოკრატია და ამიტომ მე მას სრულიად შეგნებულათ თეთრს ვაძლევეს! (საქმე მართო იმაში კი არ არის, რომ ჯაბადარის ხმამ იმ ხნობით გადამწყვეტი როლი ითამაშა სოც. დემ. კანდიდატების გათეთრებაში, აქ აღნიშვნის ღირსი უფრო ის არის, თუ ამ გაქალაჩავებულმა ძველმა მებრძოლმა რამოდენი აღფრთოვანება და რასულის სიმაღლე გამოიჩინა. ასეთი ბედნიერი წუთები ერთობ იშვიათათ შეხვედრია ივ. ჯაბადარს ცხოვრებაში და ამით აიხსნება ის, რომ მის სახეს მუდამ რალაც გულჩათხრობილობის და გამოუთქმელი სევდა-კაენის ბეჭედი ესვა. ივ. ჯაბადარი მეტად რთული ბუნების პატრონი იყო და მას ბევრათ იმაზე მეტის გაკეთება შეეძლო რაც გააკეთა, თუ რომ შესაფერი პირობები დახვედროდა. არ შეგვიძლია არ მოვიხსენიოთ აქ ისიც, რომ ვანო ჯაბადარი ვერასოდეს ვერ ურიგდებოდა ქართველი ინტელიგენციის ნაციონალისტურ მისწრაფებათ და ასეთ მისწრაფებათ იგი ყოველთვის შეუპოვრათ ებრძოდა. მან კარგათ იცოდა თუ რა იფარებოდა ნაციონალისტურ სამოსელში და ამას ვერ იტანდა მისი ნამდვილი დემოკრატიული ბუნება. ჩვენ დარწმუნებული ვართ, რომ ქართველი დემოკრატიის მომავალი ისტორიკოსი ღირსეულად დააფასებს მის მოღვაწეობას და შესაფერ აღგილს მიუჩენს მას ქართველ დემოკრატიის განვითარებაში.

(ტურნ. „ჩენი წყარო“

1913 წ. 12 მაისი № 8—18).

ბიუჯესი და სახელმწიფო დუმა.

10 მაისს, როგორც იყო, სახელმწიფო დუმა შეუდგა 1917 წლის ბიუჯეტის განხილვას. ამ გეგმით, თუ მშვიდობა იქნა, მიმდინარე წლის ხარჯთ-ალრიცხვას იგი დაამტკიცებს წლის გასულს, ვინაიდან სახელმწიფო დუმის შემდეგ იგივე ბიუჯეტი უნდა განიხილოს კიდევ სახელმწიფო საბჭომაც, რომელსაც შეუძლია რაიმეში, თუ გინდ სულ წვრილმანშიაც, არ დაეთანხმოს დუმას, რაც იწვევს შემთანხმებელ კომისიაში სადაო კითხვის განხილვას და ამ რიგათ საქმე კიანურდება. ესე იგი, მართალი რომ ვთქვათ, ფორმალურად ხარჯთ-ალრიცხვას დაამტკიცებენ მაშინ. როცა ფაქტიურად იგი ცხოვრებაში უკვე გატარებული იქნება.

მარტო ეს მხარეც რომ ავიღოთ, ჩვენ ადვილათ დავინახავთ იმას, რომ: ბიუჯეტის განხილვა სახელმწიფო დუმაში, ამ თავისებურ „პარლამენტში“ (ხომ გახსოვთ ბ. კოკოვცოვის განცხადება მეორე სახელმწ. დუმაში: „მადლობა ღმერთს, რომ ჩვენში პარლამენტი არ არისო!“) მხოლოდ ფიქტია, და მეტი არაფერი. ეს ფიქტია კიდევ: ორკეცდება საბიუჯეტო წესების მეოხებით, რომელთა წყალობით მთელი ხარჯთ-ალრიცხვის თითქმის ერთი მესამედი ნაწილი სქელი ჯავშნით არის დაფარული და დუმა მას ვერ შეეხება მსჯელობითაც კი; ერთი დიდი ნაწილი კიდევ შეკავშირებულია არსებულ კანონებთან და თუმცა დუმას უფლება აქვს იმის შესახებ მსჯელობა იქონიოს, მაგრამ ერთი იოტის ოდენა ცვლილების მოხდენაც კი მას არ შეუძლია საბიუჯეტო კანონის ძალით. ამნაირათ დუმას შეუძლია ცვლილების მოხდენა, თუ მოინდომა მხოლოდ, ხარჯთ-ალრიცხვის ერთ ნაწილში, მაგრამ საქმე სწორეთ ის არის, მოინდომებს იგი ამას თუ არა? დუმის შავრაზმული უმრავლესობა, მემარჯვენეების, ნაციონალისტების და ოქტომბრისტებისაგან შემდგარი, როდის იყო, რომ ბიუროკრატის წინ გადაეღობა? და თუ ისეთი სასწაული რამე მოხდა, რომ დუმის შავრაზმულმა უმრავლესობამ ბიუროკრატის რამეზე უარი უთხრა, უკანასკნელის მისაშველებლათ ხომ მზათა სახელმწიფო საბჭო. რომელსაც ჩვენში ევროპის წახედულობით ზედა პალატას ეძახიან. მაგრამ მეორე სასწაულიც რომ მოხდეს და ბიუროკრატის რაიმე ხარჯზე

უარი უთხრას ზედა პალატამაც, ბიუროკრატიას მინც შეუძლია თავისი გაიტანოს და დახარჯოს ის, რაც მას სწადია.

ასეთ პირობებში დუმის როლი ისეთ დიდ სახელმწიფო საქმეში, როგორც არის ბიუჯეტის განხილვა თავდება მით, რომ მას უფლება ეძლევა რამოდენიმე საცოდავი სიტყვა და რამოდენიმე კიდევ უფრო საცოდავი სურვილი გამოთქვას მმართველი ბიუროკრატიის საყურადღებოთ. საერთოდ კი 3 ივნისის (1907 წ.) კანონით შეკრებილი დუმა ბიუროკრატიას სავსებით კვერს ურტყავს სახალხო სიმდიდრის მოხმარა-პატრონობაში და გაფლანგვაში. თავის თავად იგულისხმება, რომ ერთ-ერთი დადებითი მნიშვნელობა მთელ ამ პროცედურაში ხალხის იმ თითო ოროლა წარმომადგენლებს აქვთ, რომლებიც თავის სიტყვაში გაბედულათ და შეუდრეკლათ ფარდას ხდიან მთელ ამ მახინჯიას. უამისოთ კი ბიუჯეტის განხილვა სახელმწ. დუმაში, როგორც მრავალი სხვა საგნების განხილვაც, მხოლოდ კომედიალა იქნებოდა.

1911 წლის ხარჯთ-აღრიცხვა კოლოსალურ ციფრებში იხატება. იგი უდრის 3.233.298,006 მანეთს. რუსეთის ბიუჯეტი მატულობს შეუჩერებლათ, ამის უარყოფა შეუძლებელია, უკანასკნელ 5 წლის განმავლობაში შემოსავალმა მოიმატა 800 მილიონ მანეთზე მეტი. ე. ი. გაიზარდა 33⁰/₁₀₀. გარდა ამისა, უკანასკნელ ოთხი წლის განმავლობაში ხარჯთ-აღრიცხვა უდღეფიცტოთ თავდება, ე. ი. შემოსავალი ფარავს გასავალს ისე, რომ სესხის აღება საჭირო აღარ ხდება, და იმავე დროს მთავრობის სალაროში გროვდება კიდევ თავისუფალი ნაღდი ფული (СВОБОДНАЯ НАЛИЧНОСТЬ*). ხარჯთ-აღრიცხვის ასეთი საოცარი ზრდით, ნაღდი ფულის შეგროვებით და საზოგადოთ ბიუჯეტის კოლოსალური სიდიდით ამაყოფს და ყოყოჩობს მმართველი ბიუროკრატია: ერთი დახეთ, თუ როგორ მატულობს შემოსავალი, თუ როგორ იზრდება ხალხის საწარმოვო ძალები. მაგრამ ასე ბრწყინვალეა რუსეთის ბიუჯეტი მხოლოდ გარეგნობით. ჯერ ერთი, რას მოასწავებს მისი კოლოსალური სიდიდე ევროპის სახელმწიფოების ბიუჯეტის სიდიდესთან? რუსეთის ბიუჯეტის ასეთი

*) რა თქმა უნდა. ასე ლაპარაკობს მთავრობა ფინანსთა მინისტრის ბ. კოკოცოვის პირობით, თორემ უკანასკნელი ხარჯთ-აღრიცხვა რომ ავიღოთ, ჩვენ დავინახავთ, რომ ხარჯის დასაფარავად საჭირო შეიქნა ამ თავისუფალი ნაღდი ფულიდან გადმოეცესაბთ 100 მილ. მან. ასე რომ. თუ ეს უკანასკნელი თანხა არ ყოფილიყო. მაშინ 1913 წლის ხარჯების დასაფარავად საჭირო იქნებოდა სესხი. მაშასადამე, უკანასკნელი ხარჯთ-აღრიცხვა არსებითად დღეფიცტოთ გათავდა.

სიდიდე აიხსნება მით, რომ მასში შედის შესავალ-გასავალის მრავალი ისეთი სტატიები, რომლებიც უცხოეთის სახელმწიფოებში ბიუჯეტებში სრულებით არ შედიან, ვინაიდან ისინი ეკუთვნით ადგილობრივ თვითმართველობათა ორგანოებს, რუსეთში კი, სადაც ყველაფერს ბიუროკრატია განაგებს, სადაც ადგილობრივ თვითმართველობათა ჰქაპანება არ არის, ან თუ არის, იმათი მოქმედების ფარგალი ვიწროთ შემოფარგლულია, ყველა სტატიები, რა თქმა უნდა, სახელმწიფო ბიუჯეტში შედიან. ამიტომ რუსეთის ბიუჯეტი ხელოვნურად არის გაბერილი, და ყველა ასეთი სტატიები რომ მას გამოვაკლოთ, იგი საგრძნობლათ დაიკლებს. თორემ განა შესაძლებელია, რომ რუსეთის ბიუჯეტი, სადაც საოცარი საყოველთაო სიღატაკე არსებობს, სადაც ხალხის სიმშობილი ჩვეულებრივ მოვლენას წარმოადგენს და, სადაც საწარმოვო ძალები ძლიერ ჩამორჩენილია, დაწინაურებულ და მრეწველობა-ვაჭრობის მხრივ განვითარებულ ქვეყნების ბიუჯეტებს აღემატებოდეს? ამიტომ აშკარა უნდა იყოს, რომ რუსეთის ბიუჯეტის ზრდა ასეთ პირობებში სრულებით არ გვეუბნება ხალხის ეკონომიურ კეთილდღეობის ზრდა-განვითარებას. ფაქტები და ბიუჯეტის განხილვა ჩვენ გვარწმუნებს იმაში, რომ ეს ზრდა არანორმალურია. ყველაზე უფრო საინტერესოა აქ იმის ცოდნა, თუ საიდან და რით იკვებება რუსეთის ბიუჯეტი, თუ რა შეადგენს, მაშასადამე, ბიუროკრატის ყოყოჩობის საფუძველს?

ჩვენი ბიუჯეტის უმთავრეს წყაროს შეადგენს არყის ეაქრობა, მონოპოლია, რომლის შემოსავალი წრეევანდელ ბიუჯეტში ნანგარიშევა 800 მილ. მან. უკანასკნელი წლების განმავლობაში ეს შემოსავალი ასე იზრდებოდა: 1904-1907 წ. წ. საშუალო რიცხვით არყის მონოპოლია წლიურათ რუსეთის ხაზინას აძლევდა 640 მილ. მან. 1908-12 წლებში— 747 მილ. ახლა ვიკითხოთ, თუ რატომ იზრდება ასე არყის შემოსავალი? ეს აიხსნება ორი მიზეზით: 1) ხალხის თრობის მატებით და 2) სახაზინო არაყზე ფასის აწევით. 1900 წლამდე ერთი ვედრა არაყი ღირდა 7 მან.. შემდეგ იგი ასწიეს 7 მან 60 კაპ. მერე იგი გახადეს 8 მან. 40 კაპ. არაყის შემდეგ პირველი ადგილი უჭირავს არაპირდაპირ გადასახადებს, სხვა დასხვაგვარ ბაჟებს და აქციზს მასიურ სახმარ ნივთებზე, (შაქარზე, ნავთზე, სპიჩკაზე, ჩაიზე, თამბაქოზე და სხ.) ერთი სიტყვით, ბიუჯეტი დამყარებულია ხალხის დათრობაზე და გატყავებაზე.

ამნაირათ რუსეთის კოლოსალური ბიუჯეტი სულ ერთიანათ დაწოლილია თიხის ფეხებზე. მას აკლია მკვიდრი საფუძველი, იგი არ არის

დაყრდნობილი ხალხის კეთილდღეობაზე და იგი არ მოწმობს ხალხის საწარმოვო ძალთა ზრდა-განვითარებას. ამის დასასურათხატებლათ საინტერესოა მოვიყვანოთ აქ შემდეგი ცნობები. 1910 წლის ცნობებით ფაბრიკის მუშის საშუალო წლიური შემოსავალი უდრიდა: რუსეთში 251 მ., მაშინ, როცა ამერიკის შეერთებულ შტატებში იგი უდრიდა 1036 მან. ე. ი. უკანასკნელი ოთხჯერ უფრო მეტია, ვინემ რუსეთის მუშის. იმავე წლების ცნობით საფაბრიკო მუშის შრომის ნაყოფიერება უდრიდა: ამერიკაში 6264 მან. რუსეთში კი მხოლოდ 1.810 მან. $3\frac{1}{2}$ ჯერ უფრო ნაკლები. აი რა განსხვავებაა თანამედროვე ნამდვილ კაპიტალისტურ ქვეყანასა და იმ სახელმწიფოს შორის, რომელიც ჯერ კიდევ საესეებით არ განთავისუფლებულა ბატონ-ყმურ ურთიერთობათაგან.

ახლა არ იკითხავთ, თუ რაზე იხარჯება ამოდენა ფული, თითქმის $3\frac{1}{2}$ მილიარდი მანეთი? ამას ნთქავენ უპირველეს ყოვლისა, რა თქმა უნდა, ჯარი და ფლოტი, ე. ი. სამხედრო საჭიროებანი, შემდეგ პოლიცია, სატუსალოები, სინოდი და საზოგადოთ ყველა დარგის მაღალი და დაბალი ბიუროკრატია. რაც შეეხება ხალხის ნამდვილ საჭიროებათ, კულტურულ და განმანათლებელ საქმეებს და სახელმწიფოს საწარმოვო ძალთა აღორძინებას—ყველა ამებს სახალხო ფულს მხოლოდ სხვათა შორის ახმარებენ. საერთოდ მთელი ეს საშუალებანი უცევივა ჯიბეში რუსეთის სხვილ მწიფომფლობელებს, თავად-აზნაურობას, სხვილ და საშუალო კაპიტალისტებს, ფაბრიკანტ-მექარხნეებს და ბობოლა მოხელეებს.

როგორი დამოკიდებულებაა ან როგორ უყურებენ ბიუჯეტს სახელმწიფო. რუმის სხვადასხვა ფრაქციები? დუმის ფრაქციები აქაც, როგორც საზოგადოთ სხვა კითხვების გარჩევის დროსაც, სამ ბანაკათ იყოფებიან. დუმის მემარჯვენე ნაწილის—შაერაზმელების, ნაციონალისტების და ოქტომბრისტების კრიტიკა ამ შემთხვევაში უბრალო კინკლაობაა პირად ანგარიშებზე დამყარებული: არა მე მერგოს და არა შენ ხაზინის გემრიელი ლუკმაო. საზოგადოთ კი დუმის ეს ნაწილი აშკარათ და სავსებით უჭერს მხარს მმართველ ბიუროკრატას. დუმის მეორე ბანაკს შეადგენენ ლიბერალური ბურჟუაზიის წარმომადგენლები, პროგრესისტები ერთი მხრით, და კადეტები მეორე მხრით, ესენი შეადგენენ ეგრეთ წოდებულ „ოპოზიციას“, მაგრამ ოპოზიციას დაბალი ხარისხისას. არსებითად ესენიც იმავე მყვლეფელთა კლასს ან ბიუროკრატიულ წრეებს ეკუთვნიან. ამიტომ აშკარაა, რომ ისინი ვერ იქნებიან პრინციპიალური მოწინააღმდეგენი თანამედროვე კლასობრივი ბიუჯეტისა, რომელშიაც მათაც საკ-

მარისი წილი. უდევთ. ისინი არ ეთანხმებიან მმართველ ბიუროკრატისა მხოლოდ ზოგიერთ წვრილმანებში, და თუმც ბიუჯეტის განხილვის დროს ხშირათ მაგარ-მაგარ სიტყვებს ხმარობენ მთავრობის მიმართ, მაგრამ ბოლოს ეს თავდება შეთანხმებით და მორიგებით ლიბერალებსა და შავ-რაზმელთა შორის.

ყველაზე უფრო საღ მსჯელობას და ლოლიკურ თანდათანობას აქაც დემოკრატიის წარმომადგენელი—სოც. დემ. ფრაქცია—იჩენს უცხადებს რა სრულ უნდობლობას მმართველ ბიუროკრატისა, იგი უარს ეუბნება მას სახალხო ფულების დახარჯვაში. ასეთი დანაწილება სავსებით გამართლდა ახლანდელი ბიუჯეტის საერთო განხილვის დროს. ბიუჯეტი უარყვეს სოც. დემოკრატებმა და „ტრუდოვიკებმა“. ხოლო მისცეს ხმა, როგორც რეაქციონურმა პარტიებმა, ისე კონტრ-რევოლიუციონური ბურჟუაზიის წარმომადგენლებმა, ე. ი. პროგრესისტებმა და კადეტებმა.

ბიუჯეტის განხილვის დანარჩენი სტატიები ისევე აჩქარებული ნაბიჯით იწარმოებს, როგორც მისი საერთო განხილვა მოხდა. საერთოდ ეს იქნება წყლის ნაყვა. პროლეტარიატისთვის ამაში საინტერესოა მხოლოდ თავის მტერ-მოყვრების უფრო ახლო გაცნობა და დანახვა. ამიტომ ყველა შეგნებულნი მუშა ვალდებულნია განსაკუთრებული ყურადღებით ადევნოს თვალ-ყური ბიუჯეტის გარშემო ატეხილ კამათს. აქ იგი გაიგებს ბევრ საგულისხმიერო რამეებს, გაიგებს იმას, თუ როგორ და საიდან აცლიან ხალხს მილიარდებს თითო გროშობით და მანეთობით და თუ რაზე ან როგორ ხარჯავენ და ფლანგავენ ამ ოფლში და სისხლში მონაწიურ სახალხო გროშებს. ერთი სიტყვით, აქ იგი ბევრ რამეს ისწავლის და შეიტყობს. იგი მიხვდება, თუ რა ფასი აქვს ლიბერალურ ფრაზეოლოგიას, თუ როგორია ლიბერალების სიტყვა და საქმე.

(ქურნ. „ჩვენი წყარო“,
1913 წ. 19 მაისი, № 9—19).

კირველი ნაყოფი

ამ დღეებში ჩვენმა რედაქციამ მიიღო ფრიად საყურადღებო ხელმოწერილი დოკუმენტი ასეთი სათაურით: ბაქოს, „ჩვენი წყაროს“—ს რედაქციას, რომელსაც ჩვენ უსახელო ავტორისავე გამოთქმული სურვილის თანახმად ვბეჭდავთ ამის ქვემოთ სრულებით უცვლელათ და თავისებურათ „მდიდარი სტილის“ დაცვით 40). არსებითათ ამ ხელის ხელსაგვამანებელ დოკუმენტზე ჩვენ აქ არას ვიტყვით, ვინაიდან უკომენტარიოთაც კარგათ ღალადებს, როგორც პირდაპირ მის შემდგენელზე, ისე იმ ბანაკზედაც, რომელმაც მას სული ჩაბერა. როგორც ხედავთ, ავტორმა ნიღაბი ჩამოიფარა და თავის ვინაობის გამხელა; როგორც ყველა ქვემძრომთ შეფერით, ვერ გაბედა; ან შეიძლება ვიფიქროთ, რომ თვით ავტორსავე შერცხვა ხელმოწერა თავის „ნაწარმოებზე“. ეს, რა თქმა უნდა, უმჯობესი იქნებოდა, რომ ამის დასამტკიცებელი საბუთი გვქონდეს, მაგრამ. საუბედუროთ, ასეთი საბუთი ჯერ არა გვაქვს. სამაგიეროთ რედაქციამ დანამდვილებით იცის, თუ ვინ, რა პიროვნება ბრძანდება ამ დოკუმენტის ავტორი და როცა საჭირო იქნება ამას ჩვენ კიდევაც გამოვაქვეყნებთ.

ჯერჯერობით კი საჭიროთ მიგვაჩნია ვაუწყოთ მკითხველებს შემდეგი გარეგანი ნიშნები ავტორის ვინაობის დაახლოვებით გამოსაცნობათ. კონვერტი, რომელშიაც ჩადებული იყო ეს დოკუმენტი, გამოგზავნილია თბილისიდან ამა წლის 13 მაისს, როგორც ამას მოწმობს ფოსტის შტემპელი. შემდეგ, წერა და სტილი მოწმობს, რომ ხსენებული დოკუმენტის ავტორი არც თუ ისე გაუნათლებელია, როგორც მას სურს მოაჩვენოს თავი საზოგადოებას. მართალია შიგა და შიგ ავტორს ბევრი უცოდვილია, ბევრი ძალა დაუტანია თავისთვის, რომ გამოეცვალა როგორც წერის მანერა, ისე ენა, სტილი, რომ როგორმე ქიზიყელ შრომის გლეხს დამსგავსებოდა,—მაგრამ ამ ცდას, როგორც თვით მკითხველი შეამჩნევს, სრულებით ამაოდ ჩაუვლია, ისე თეთრი ძაფებით. არის ნაკერი მთელი ეს საცოდავი „მსჯელობა“, რომელსაც ეს დოკუმენტი შეიცავს. შეიძლება ავტორი მართლაც ქიზიყელია, ეს ჩვენც გვრწამს, მაგრამ ქიზიყელი

მშრომელი გლეხის ნიღაბს იგი ამაოდ ეფარება. თუ ჩვენ უსახელო ავტორს დაუჯერეთ, გამოვა, რომ მღაბიო ჭიზიყელი მშრომელი გლეხი განსაკუთრებით ფრანგ მწერლის რ ო კ ო მ ბ ო ლ ი ს რომანებით იკვებება! აბა ამაზე მეტი ყალბობა განა კიდევ შეიძლება? როგორც ამბობს რუსული ანდაზა: „**АВТОР ВЫДАЛ СЕБЯ ГОЛОВОЙ, ДА И ТОЛЬКО!**“ ჭიზიყის დეპოს გახსენება კიდევ ახალ შუქს ფენს ავტორის ვინაობას. ყოველ შემთხვევაში, თუ ოდესმე საჭირო შეიქნება ავტორის ვინაობის შეტყობა, ქვევით მოთავსებული დოკუმენტის დედანი თავის კონვერტით შენახულია ჩვენს რედაქციაში და თავის დროზე გადაეცემა სადაც საჭირო იქნება.

დასასრულ არ შეიძლება არ აღვნიშნოთ ის გარემოება, რომ „სახ. გაზეთის“ „ქადაგებამ“ და ბ. ბ. გოგიჩაიშვილ-ლასხიშვილების მოწოდებამ ერთობ ჩქარა გამოიღო შესაფერი ნაყოფი. მაგრამ, როგორც ამბობს რუსული ანდაზა: ეს ჯერ ყვავილია, ნაყოფი შერიდევ იქნება!

(თურნ. „ჩვენი წყარო“,
1913 წ. 19 მაისი, № 9-10).

✓

გაზეთი „ფიქრი“

1913 წლისა

მოკლე მახსიერება

ბ-ნი ივ. გომართელი⁴¹) ისევ ალაპარაკდა. იგი იგონებს თავის წარსულს, და როგორც შეფერის ნამდვილ რენეგატს, ლანძღავს და ზიზღით იხსენიებს თავის წინანდელ თანამოაზრეთ. რა მოხდა? რამ გაახსენა ამ ვაჟბატონს თავისი წარსული ან თავისი ყოფილი ამხანაგ-მეგობრები?

დიდი არაფერი: ბ. გომართელს ამხილეს ერთი შავრაზმული საქციელი, მის მიერ ამ უკანასკნელ დროს ჩადენილი. აქ ახალი არაფერია, ვინაიდან შავრაზმელობა მისთვის კაი ხანია ჩვეულებათ გადაიქცა. მაგრამ ამ ჩვეულებრივმა ამბავმა რამდენიმეთ არაჩვეულებრივი სახე მიიღო თავის მოულოდნელი შედეგით თვით ბ-ნ გომართლისთვის. ეს ასე მოხდა. ბ-ნმა ივ. გომართელმა თავის პირველ საპასუხო წერილში (იხ. „თემი“⁴², № 149) ჯერ სავსებით დაადასტურა თავის შავრაზმული ქცევა და შემდეგ ერთი წიხლი ჰკრა მესამე დასელებს: თქვენ სიყალბეს ჩადიხართ ეროვნულ საკითხში და ამიტომ შეგაქციეთ ზურგიო! აქ კი ბ-ნმა გომართელმა ცოტა გადააქარბა, ან უფრო მართალი რომ ვთქვათ, აქ მას მახსიერებამ უღალატა. როგორც დავინახავთ ქვევით, ბ-ნმა გომართელმა ომი გამოუცხადა მესამე დასს სრულებით სხვა ნიადაგზე და ისიც იმ დროს, როცა ეროვნული საკითხი ჯერ კიდევ მორიგ კითხვად არ იყო გადაქცეული. მაგრამ საქმე ამით როდი გათავდა. როცა ბ-ნ გომართელს უპასუხეს მის ცარიელ გამოსროლაზე და მას ის სახელი უწოდეს, რაც⁴³ მან სავსებით დაიმსახურა, იგი ურცხვი ადამიანივით გამომდგარა და იძახის: „რაში გამოიხატა ჩემი მოღალატეობაო?“ — „შეგნებული მუშა—გვეუბნება ბ-ნი გომართელი, რომელიც წაიკითხავს „მერცხალში“ ჩემ წინააღმდეგ მომართულ წერილს, ის მაშინათვე ასე იფიქრებს, გომართელი ჩვენი მოღალატე ყოფილა და ეროვნული საკითხის შესახებაც არ ეთანხმება ჩვენებსო... „იქ, საცა საბუთი აღარ არის, საცა აზრის სიკოტრეა, სიტყვა მოღალატე, რენეგატი მეტათ მძლავრი საშუალებააო“. მაგრამ ბ-ნი გომართელი იწუგეშებს თავს მით, რომ „მერცხლის“ თანამოაზრეთა მასსა დღეს აღარ წარმოადგენს იმ ცომს, რომელსაც „მერცხლის“ ზოგიერთი მწერალი იქვე ზელავდა, როგორც მას სურდა. ადრე თუ გვიან, ეს მასაც შეიგნებს, თუ სად არის სიმართლეო“.

ერთი სიტყვით ბ. გომართელი გვეუბნება: მე ახლაც იგივე გომართელი გახლავარ, რომელიც 1899 წლიდან „კვალში“ თანამშრომლობდა და 1905 წლის გაზაფხულამდე მესამე დასში ირიცხებოდაო. რომ მე ვითომც უღალატე მარქსიზმს და შევაფურთხე მესამე დასელებს,—ეს მოქორილი ამბავია და ამაში იოტის ოდენა სიმართლე არ არისო!

და მართლაც, თუ დაუჯერებთ ბ-ნ გომართელს, ეს სწორეთ ასე უნდა იყოს. მისი სიტყვით, აი რაში გამოიხატება მისი მოღალატეობა: „პირველი იმაში—გვეუბნება ეს ვაუბატონი—რომ ამ ხუთიოდე წლის წინეთ გავბედე და ვსთქვი ქუთათურ გაზეთში: „მოდრობამ ჩვენი მოლოდინი არ გაამართლა მიწების შესახებ და ვილონოთ რამე, რომ გლეხებმა თავდაზნაურობის მიწა-წყალი ხელიდან არ გაუშვან მეთქი. მეორე იმაში, რომ ვ. ორბელიანის პოეზიის შესახებ ლექციის წაკითხვის დროს გავბედე და ვსთქვი, რომ სამშობლოსადმი სიყვარული უდიდესი გრძნობაა და ამ გრძნობას ყველა უნდა ვეფერებოდეთ მეთქი“ (იხ. „თემი“, № 150): ჩვენ განგებ მოვიყვანეთ ეს ადგილი ბ-ნ გომართლის წერილიდან სიტყვა-სიტყვით, რომ მკითხველებს დავანახოთ, თუ როგორ მოგვითხრობს ჩვენი ავტორი ახლო წარსულის ისტორიას

ბ-ნი გომართელი დიდ ნიქს იჩენს ჯამბაზობასა და მზაკვრობაში, მაგრამ ნათქვამია—ოსტატი ჩიტი ორივე ფეხებით გაემბება მახეშიო და ჩვენ ჯამბაზსაც სწორეთ ასე მოუვიდა. მას ათას წილად ერჩია თავის წარსულზე კრინტიც არ დაეძრა, თორემ ამ წარსულის მომსწრენი ჯერ ხომ ყველანი კიდევ არ დახოცილან, და თუ მას მეხსიერებამ ასე უღალატა, ამათ ხომ მაინც ეხსომებათ მისი საქმენი საგმირონი.

როგორც ბ-ნი გომართლის „საგმირო საქმეთა“ ერთი მომსწრეთაგანი, მე ნებას მივსცემ თავის თავს უწინარეს ყოვლისა აქ შემდეგი ეპიზოდი გავიხსენო. ბ-ნი ივ. გომართელი სამწერლო ასპარეზზე გამოსვლის დღიდანვე მესამე დასელთა ბანაკში ითვლებოდა, როგორც პუბლიცისტი და კრიტიკოსი. დაიწყო დაუვიწყარი 1905 წელი და ქართველმა მარქსისტებმა კვლავ აღადგინეს თავისი საკუთარი ლიტერატურული ორგანო „მოგზაურის“ სახელწოდებით. ყველა მარქსისტი, განურჩევლათ. იდეურ უთანხმოებათა ტაქტიკურ თუ საორგანიზაციო კითხვებში, ამ ორგანოს თვლიდა თავის ნავთსაყუდელათ. უნდა ვიგულისხმოთ, რომ „მოგზაურის“ არსებობის პირველ ხანებში ბ-ნი გომართელიც ასე ფიქრობდა, ვინაიდან იგი ჩვენ მოწინააღმდეგეთა პოლიტიკურ ორგანოებში მონაწილეობის მიღებას გაუბრბოდა, და ბოლოს „მოგზაურის“ მე-16-ტე ნომერ-

ში დაისტამბა „პირველი წერილი გლეხისადმი“. როგორც სათაურიდან ჩანდა, პირველს მეორე და მესამე წერილი უნდა მოყოლოდა, მაგრამ ეს ასე არ მოხდა. ეს კიდევ არაფერი. ამიერიდან ბ-ნი გომართელი თავს ანებებს როგორც „მოგზაურში“, ისე სხვა ქართულ მარქსისტულ ორგანოებში თანამშრომლობას, იგი გადადის ჩვენი მოწინააღმდეგეების ორგანოებში, საიდანაც აწარმოებს კამპანიას თავის წინანდელ თანამოაზრეთა წინააღმდეგ, უცხადებს მათ ზიზლს და სიძულვილს.

აქნაირათ ბ-ნი გომართელი იდეურათ და პრაქტიკულად დაშორდა ქართულ მარქსისტულ ოჯახს, დაგმო და უკუაგდო მარქსიზმის თითქმის ყველა ძირითადი დებულებანი არა „ამ ხუთიოდე წლის წინეთ“, როგორც ის დღეს ურცხვათ გაიძახის, არამედ ბევრათ უფრო ადრე, ე. ი. იმავე დაუეიწყარ 1905 წელს და აგრეთვე სულ სხვა ნიადაგზე. და თუ ამას დღეს ბ-ნი გომართელი არ იხსენიებს, ეს მას გულმავიწყობით როდი მოსდის. მან კარგათ იცის, რომ ამ ხუთი წლის წინეთ მის მიერ ჩადენილი ცოდვა სრულებით არაფერია იმ დანაშაულთან, იმ ღალატთან, რომელიც მან ჩაიდინა თვით 1905 წელში, აი რისთვის აფარებს იგი ხელს ამ ფაქტს. ახლა ვიკითხოთ, თუ რა ნიადაგზე მოხდა ბ-ნ გომართლის ჩამოშორება ჩვენს ბანაკისაგან და ჩვენ მოწინააღმდეგეთა ბანაკში გადასვლა. ჩვენ აღვნიშნავთ მხოლოდ ფაქტიურ მხარეს, რაც შეიძლება მოკლეთ.

თავის „პირველ წერილში“ („მოგზაური“, №16) ბ-ნი გომართელი აღნიშნავდა გლეხის დაჩაგრულ მდგომარეობას როგორც წარსულში, ისე აწმყოში და იმავე დროს უთითებდა მის მჩაგვრელებზე, მის მტარვალეებზე; არავისთვის საეჭვო არ იყო, რომ აეტორი ამ მტარვალეებში და მჩაგვრელებში გულისხმობდა წინანდელ მებატონეებს და დღევანდელ თავად-აზნაურობას. ვისაც კი თეთრზე შავი ასოებით კითხვა შეეძლო, ყველამ ეს ასე გაიგო, და მკითხველი საზოგადოება მოელოდა ბ-ნ გომართლის „წერილების“ გაგრძელებას. მაგრამ „მოგზაურში“ იმათი ბეჭდვა შეწყდა. თუ რად მოხდა ეს ასე, ეს განმარტა თვით ბ-ნმა გომართელმა ფედერალისტების მაშინდელ ორგანოში („ცნობის ფურცელი“ 1905 წ., №2820). მართო ის ფაქტები, რომ ბ-ნი გომართელი ჩვენი მოწინააღმდეგეთა ორგანოდან გამოელაპარაკა „მოგზაურის“ მკითხველებს, უკვე თავის თავათ ამბობდა, რომ მან თავის წინანდელ თანამოაზრეთ შეაფურთხა და სხვა ბანაკში გადაბარგდა. ასეთ მოსაზრებას საესებით ადასტურებს თვით წერილის შინაარსი. აი რას მოგვითხრობს ბ-ნი გომართელი: „მეორე წერილი გლეხისადმი ველარ იბეჭდება... ამ წერილ-

ში მე ვუმტკიცებდი გლეხებს, რომ თავად-აზნაურობა არ არის დღეს მათი მტერი, არამედ მტერი სულ სხვაა და ამ საერთო მტრის დასამარცხებლათ თავად-აზნაურობა და გლეხობა უნდა შეერთდნენ მეთქი... ჩემი პირველი წერილი ბევრმა ისე გაიგო, ვითომც მე გლეხობას თავად-აზნაურობის წინააღმდეგ ვაქეზებდი, ამ გვარი ქადაგება-მე აზრადაც არ მომსვლია... რა აზრისაც უნდა ვიყო წოდებათა ურთიერთ დამოკიდებულების ურთიერთობის შესახებ, დღევანდელ დღეს მაინც ერთ წოდებას მეორეს არ მიუსევდი, რადგან ეს იქნებოდა ჩემივე ხელით ჩვენი ხალხის ყელის გამოჭრა და ყალბ გზაზე შეყენებაო“.

უწინარეს ყოვლისა უნდა აღვნიშნოთ, რომ ბ-ნი გომართელი ვერავითარი საშუალებით, ვერავითარი მანქანებით ვერ დაამტკიცებს, რომ „პირველ წერილში“ მას თავად-აზნაურობა არ ყოლია მხედველობაში, როცა გლეხების მტრებზე ლაპარაკობდა. ქალაქზე დაწერილი ცულითაც არ ამოიშლებო—ნათქვამია, და ბ-ნ გომართლის „პირველი წერილი“, როგორც ვიცით, დაბეჭდილია, მის საუბედუროთ. ერთი სიტყვით, პირველ წერილში ბ-ნი გომართელი ამტკიცებდა გლეხების ტანჯვა-წვალებას და ყვლეფას თავად-აზნაურობის მიერ, რომელიც მას გლეხების მტარვალებათ გამოყავდა. მაგრამ ირკვევა, მეორე წერილის დაწერის დროს ბ-ნ გომართელს ფრონტი შეუცვლია, იგი ახლა ამის ნაცვლათ გაიძახის, რომ გლეხი და თავადი. ღვიძლი ძმებია, ისინი ერთ ტაფაში იწვიან, ერთნაირათ იტანჯებიან ერთი საერთო მტრისაგანო. წოდებრივი და კლასობრივი განხეთქილება გლეხ-კაცობასა და თავად-აზნაურობის შორის მისგან ახლა უარყოფილია და ამაზე მითითებას. იგი ახლა „წ ა ქ ე ზ ე ბ ა ს“ და ერთი წოდების მეორეზე „მ ი ს ე ვ ა ს“ უწოდებს. აშკარაა, ასეთ შეხედულებას მარქსისტულ ორგანოში ადგილი აღარ ექნებოდა; ბ-ნ გომართლის პოზიცია უკვე სხვა იყო. იგი ლალატობდა. მარქსიზმს და ისიც გაჩაღებულ მოძრაობის დროს. გომართელი დაუკავშირდა ხალხის მტრებს და როგორც ხედავთ, ძლიერ ჩქარა შეითვისა იმათი ენაც. მარქსისტების მუშაობას და პროპაგანდას ისინი ერთი წოდების მეორე წოდების წინააღმდეგ წაქეზებათ და მისევით სახავენ და ასე მოიქცა ბ-ნი გომართელიც. მას აშკარათ დაეტყო თავად-აზნაურული სულისკვეთება და შავრაზმული მიდრეკილება. როცა ხალხის მოძრაობა ჯერ მხოლოთ თეორიაში იყო, ბ-ნი ივ. გომართელი „კვალში“ თანამშრომლობდა, იმ დროს მარქსიზმის ქადაგება ბევრს ჩხირკედელაობათ მიაჩნდა, მაგრამ როგორც კი საქმე თეორიიდან პრაქტიკაში გადავიდა, მაშინ ბევრი დაფრთხა და მარქსიზმსაც სასტიკი ომი გამოუცხადეს. ამაში

მოყვა ბ-ნი გომართელიც. საკვირველია ის, რომ ბ-ნი გომართლის გარდაქმნა მეტათ მცირე ხნის განმავლობაში მოხდა. ძნელი იყო მხოლოდ პირველ ნაბიჯის გადადგმა მოლიპულ გზაზე; შემდეგი ნაბიჯების გაკეთება თავის თავად ზნებოდა.

გამოიცვალა რა პოზიცია, უღალატა რა ხალხის მოძრაობას, ბ. გომართელი შეეცადა თეორიულადაც გაემართლებია თავისი საქციელი. სწორედ ამ მოლაღატეობის გამართლებას შეიცავს მისი წერილი, სათაურით „მ უ შ ა თ ა კ ლ ა ს ი დ ა ხ ა ლ ხ ი“. რომელიც დაიბეჭდა 1905 წ. ცნობილი ფ. გოგიჩაიშვილის „ივერიაში“ (№ 145). ეს წერილი აშკარათ მოწმობს, რომ ბ. გომართელს ადვილად არ დაჯდომია ახალ პოზიციაზე გადასვლა, ე. ი. მას ერთობ ბევრი უტოვებელია თავის ღალატის გასამართლებლათ.

პირველი შეხედვით მკითხველს ეგონება, რომ ბ. გომართელი ვითომც ობიექტურად მსჯელობს, მაგრამ ეს მხოლოდ პირველი შეხედვით. აი, ყური დაუგდეთ, როგორ მსჯელობს ფერნაცვალი გომართელი: „როცა რომელიმე თავადი იცავს ან თხოულობს რამე წოდებრივ საქმეს და ამავე დროს აცხადებს: ეს საქმე წოდებრივი კი არა საერთოა,—აქ შეცდომა აშკარაა, ამგვარი პირი იცავს მხოლოდ წოდებრივ ინტერესებს როდესაც რომელიმე ბიუროკრატი იცავს ისეთ პროექტს, რომელიც ბიუროკრატის კიდევ უფრო აძლიერებს, ამავე დროს კი ამ პროექტის დამცველი გვიმტკიცებს: ამას მოითხოვს სახელმწიფოს ინტერესიო, აქ შეცდომა ყველასათვის თვალსაჩინოა. როდესაც რომელიმე ბურჟუა გადმოდგება და ამტკიცებს: ბაჟი და 12 საათის სამუშაო დღე სახელმწიფოს წარმოებისა და ერის კეთილდღეობისათვის არის საჭირო, აქაც შეცდომა ადვილი დასანახავია... ხოლო როცა რომელიმე დამცველი პროლეტარიატის ინტერესებისა გადმოდგება და ამტკიცებს: პროლეტარიატის ყოველი ინტერესი იგი ხალხის ინტერესიაო აქ ბევრი ჩვენთაგანი ვერავითარ შეცდომაას ვერ ხედავს, თუმცა აქაც დიდი შეცდომაა და იმგვარივე შეცდომა, როგორც ჩამოთვლილ მაგალითებშია.“ (ხაზი ჩვენია).

ამნაირათ ბ-ნმა გომართელმა გაათანასწორა თავისი სასწორ-სამართალზე ბიუროკრატის, თავადაზნაურობის, ბურჟუაზიის და პროლეტარიატის ინტერესები. პროლეტარიატის უდიდესი იდეოლოგიის თვალთახედვის წერტილს იგი „დიდ შეცდომათ“ აღიარებს, ყოველ შემთხვევაში ისეთ შეცდომათ, როგორც ბიუროკრატის, თავადაზნაურობის და ბურჟუაზიის დამცველთა თვალთახედვის წერტილს.

ვის ატყუილებდა ამით ბ-ნი გომართელი? ვის ატყუილებდა იგი იმაში, რომ ბურჟუაზიის, თავად-აზნაურობის და პროლეტარიატის მდგომარეობა თანამედროვე საზოგადოებაში ერთნაირია. როცა პროლეტარიატს თავის ინტერესები ხალხის ინტერესებთან გამოაქვს, იგი ამ შემთხვევაში ისეთსავე შეცდომას იდენს, რა შეცდომასაც იდენს ბურჟუაზია, თავად-აზნაურობა და ბიუროკრატია, როცა ესენი თავის კლასობრივ გინდ ჯგუფობრივ ინტერესებს ხალხის ინტერესებთან ასალებენო! ბ-ნი გომართელი მოლიპულ გზაზე თავს ველარ იკავებს: იგი იმეორებს მოწინააღმდეგეების მიერ ათასჯერ გადაღეკილ და სრულიად დაუსაბუთებელ დებულებას, რომ ვითომც „არც ერთ სახელმწიფოში პროლეტარიატი არ წარმოადგენს ერის უმრავლესობის ინტერესებსო,“ და შემდეგ იგი პროლეტარიატს უპირდაპირებს „ახალ“ კლასს, რომელსაც „ხალხს“ უწოდებს. ბ. გომართელის სიტყვით, „პროლეტარიატს აქვს ბევრი მხოლოდ საკუთარი, მხოლოდ კლასობრივი მისწრაფება ანუ ინტერესები, ბევრი ისეთი რამ განსახორციელებელი და გასაკეთებელი, რაც პირდაპირ ხალხის კეთილდღეობას არ შეეხებაო“. აქვს თუ არა ამ „ხალხს“ თავისი საკუთარი ე. ი. კლასობრივი ინტერესები, ამაზე ბ. გომართელი არაფერს გვეუბნება, მაგრამ აშკარაა, რომ ასეთი ინტერესები მასაც უნდა ქონდეს. რა ინტერესებს აყენებს ბ. გომართლის „ხალხი“? აშკარაა, წვრილი ან საშუალო ბურჟუაზიის. ჩვენი ავტორი ამ ბურჟუაზიის თვალთახედვის წერტილზე გადადის, მით უფრო, რომ, მსგავსათ ძველ „ივერიელთა“, იგი უარყოფს ჩვენში პროლეტარიატის არსებობას. თანახმათ ამისა, იგი ზღუდავს და ამცირებს საზოგადოების მებრძოლი ნაწილის მიერ წამოყენებულ პროგრამას. იგი აცხადებს: „ჭკუა და ტაქტიკა იმაშია, რომ ისეთი საჭიროებანი წამოაყენოთ, რომელთა დაკმაყოფილებაც დღესვე არის საჭირო და ასასრულებელიო“. მისი აზრი ასეთია: „მიწის სივიწროვის თავიდან აცილება და განათლების, ჯანმრთელობის და მეურნეობის რიგიან გზაზე დაყენება“. მორჩა და გათავდა.

ამნაირათ ბ-ნი გომართელი მარქსიზმს ჩამოშორდა ჯერ კიდევ იმ დროს, როცა მოძრაობა თანდათან მალლა იწვევდა; მან მაშინვე უარყო პროლეტარიატის თვალთახედვის ისარი და სამაგიეროთ ბურჟუაზიას ამოუდგა გვერდში. იმავე დროს იგი ქადაგებს გლენ-კაცობის და თავად-აზნაურობის სოლიდარობას და ძმობას. გარდა ამისა იგი უარყოფს ჩვენში პროლეტარიატის არსებობას; ბოლოს ყოველივე ამას იგი აგვირგვინებს მოძრაობის დანიშნულებათა შეკვეცით და თითქმის არარაობაზე

დაყვანით. ეს იყო მისი წინანდელი პოზიციის უარისყოფა და იმ საქმის ლაღატი, რომელსაც იგი წინეთ სხვებთან ერთად ემსახურებოდა. ყველაფერი ეს სავსებით დამტკიცებულ და გამოაშკარავებულ იქნა იმავე 1905 წელს „მოგზაურში“ (იხ. № №25 და 32). ამასთანავე ამიერიდან ბ-ნი ივ. გომართლის სამოღვაწეო ასპარეზი სავსებით გამოირკვა, ამიერიდან ყველა შეგნებული მუშისთვის ნათელი უნდა ყოფილიყო ის, თუ ვინაა, რომელი კლასის ან ჯგუფის ინტერესების სამსახური გაიხადა ბ-მა გომართელმა თავის მიზნათ, სამწუხაროთ, ეს მოლოდინი არ გამართლდა. ამის შემდეგ ჩქარა იგი არჩეულ იქნა სახელმწ. დუმაში, როგორც ს.—დ. კანდიდატი. დუმაში ხან-მოკლე მოღვაწეობის დროს მან ყველას დაუმტკიცა, რომ იგი არ იყო ამ პარტიის ღირსი. შემდეგ მისი მოღვაწეობა კიდევ უფრო ნათელ ყოფს ამ გარემოებას: მას ჩვენ ვხედავთ „ცნობილ“ გუნია-ხეობელის კომპანიაში ხელისხელ ჩაკიდებულს და იგი თანამშრომლობდა თვით სახელოვან „ნიშადურში“ 44), ვგონებთ, ეს ამხანაგობა და ეს თანამშრომლობა თავის თავათადაც აშკარათ ლაღადებენ, თუ ვისთან ვაკვს ჩვენ სექსე. პროლეტარიატისთვის სიტყვებს და ფრაზებს მნიშვნელობა როდი აქვს; იგი აფასებს და ანგარიშს უწევს მხოლოდ საქმეს, თვით პრაქტიკას. ბ-ნი გომართელს შეუძლია დღესაც წითელი ფრაზების წამოსროლა, მაგრამ ამით მან ეკრავინ უნდა მოატყვილოს, ვინაიდან ჩვენ წინაა მისი „საქმენი საგმირონი“.

(გახ. „ფიჭრი“. 1913 წ., 2 დეკემბერი, № 5,
 „მ. მონიძე“-ს ფსევდონომით).

VI

გაზეთი „ახალი კვალი“

1916 წლისა

კადეტების მეექვსე სივხდი.

თებერვლის უკანასკნელ რიცხვებში პეტროგრადში მოხდა კონსტიტუციონურ-დემოკრატიულ პარტიის წარმომადგენელთა მეექვსე სივხდი.

მოგახსენებთ, რომ კადეტების პარტია ნებადაურთველია; იგი არა-ლეგალურათ ითვლება ისე, როგორც ეს-დეკებისა და ეს-ერების პარტიები. მაგრამ ეს არის მხოლოდ ფორმალური მსგავსება, რომელიც არსებითად არაფერს არ მოასწავებს. ავილოთ თუნდაც ეს უკანასკნელი სივხდი. იგი მოხდა პეტროგრადში, პოლიციის დეპარტამენტის თვალწინ, და ისიც სამხედრო წესების მოქმედების დროს. სივხდის ყველა ხელმძღვანელებს და თითქმის ყველა მის მონაწილეთ მთავრობა კარგათ იცნობს, და არც ერთი ნაბიჯი, მათ მიერ გადადგმული, მას არ გამოეპარება. და აი კადეტები ახდენენ ნებადაურთველ კრებას არალეგალური პარტიისას; მთავრობამ იცის ეს ყოველივე, და მიუხედავათ ამისა, იგი ნებას აძლევს კადეტებს შინაურულათ დაფარული კრება, სივხდი მოახდინონ და არც ერთ მონაწილეს იგი პასუხისგებაში არ აძლევს, თუნდაც სავალდებულო წესების დარღვევისათვის. ამავე დროს არც პეტროგრადში, არც მოსკოვში და არც მრავალ სხვა ქალაქებში მუშებს ნება არ დართეს წინასწარი კრება მოეხდინათ სამხედრო-სამრეწველო კომიტეტებში მონაწილეობის მიღების საკითხის გამოსარკვევათ. ამას წინაზე ხარკოვის მუშებს ნება არ დართეს საავადმყოფო კასების წარმომადგენელთა კრება მოეწვიათ, და როცა ამის გამო სოც. დემ. ფრაქციამ შეკითხვის შეტანა გადაწყვიტა სახ. დუმაში, თვითონ ბატონ კადეტებმა მას მხარი არ დაუჭირეს, და ეს მოვლენა მათ სავსებით კანონიერათ იცნეს. ასეთი მაგალითი მრავალია. ვის არ ახსოვს ის ამბავი, რომ სახ. დუმის სოც. დემ. მუშათა ფრაქციის წევრის სხდომა, თათბირის აღმოჩენისთანავე, მთავრობამ კონფერენციის სახელით მონათლა და ყველანი სამუდამოთ ციმბირში გადაასახლა. მიუხედავათ იმისა, რომ ისინი დეპუტატები იყვნენ და ხელშეუხებლობის უფლებით სარგებლობდნენ. ეს კიდევ არაფერი. როცა ერთი წლის შემდეგ სოც. დემ. დეპუტატების უდანაშაულობა ყველასათვის აშკარა შეიქნა, და როცა სახელმწ. დუმაში შეკითხვა შეიტანეს უკანონოთ დას-

ჯილ დეპუტატების ისევ დღეში დაბრუნების შესახებ, შეკითხვა მოხსნილ იქნა თვით კადეტების წინადადებით.

მოგეხსენებათ, რომ კადეტების მარჯვნივ გადახრა,

(გამოტოვებულია ცენზორის მიერ).

იწყება ჯერ კიდევ 17 ოქტომბრის მანიფესტის

გამოცემის მეორე დღესვე. მაგრამ მეტად საგრძნობელი ნაბიჯი გადადგეს იმათ მარჯვნივ ვიბორგის ცნობილი მოწოდების გამოცემის შემდეგ. აშკარათ დაგმეს მთელი თავისი წინანდელი ტაქტიკა და თანდათან გამოიმუშავეს სრულიად ზომიერი ტაქტიკა. მართალია, პროგრამა დარჩა უცვლელი, მაგრამ დღევანდელ პირობებში მთავარ როლს თამაშობს პარტიული ტაქტიკა. რაც უნდა იყოს პროგრამა, თუ ტაქტიკა არ გივარგა, იგი ვერავითარ ნაყოფს ვერ გამოიღებს. ასე მოუვიდა კადეტებსაც, რომლებიც ლიბერალურ ფრაზეოლოგიას დღემდისაც არ ივიწყებენ, მაგრამ საქმით რეაქციას ემსახურებიან. მაგრამ ბედმა ესეც არ აკმაზა მათ. ომის გამოცხადებამ კადეტებს სულ აუბნია დავთარი. იმათ დაივიწყეს ყველაფერი, უკუაგდეს ყოველივე ის, რაც კიდევ შერჩენოდათ. ხელი აიღეს სარეფორმო მოქმედებაზე და თავის დროშას მემარჯვენეებთან ერთად წააწერეს: „ყველაფერი ომისთვის“. მილიუკოვი 45) და პურიშკევიჩი 46) ერთმანეთს გადაეხვიენ. მათდა საუბედუროთ ასეთი ტაქტიკა მაშინვე გაკოტრებული შეიქნა. ამას ყველა აშკარათ ხედავდა. წარმოიღვინეთ, რომ სინამდვილემ თვით კადეტებზე მარჯვნივ მდგომი პარტიებიც კი გამოაფხიზლა და სერიოზულათ დააფიქრა. ე. ი. აღმოჩნდა, რომ რეფორმა შინაურ ცხოვრებაში აუცილებელი შეიქნა თვით ომის ინტერესებისათვისაც კი. ახლაც მართალი გამოდგა მხოლოდ სოც.-დემ. ფრაქციის ტაქტიკა, რომელიც გამუდმებით იმაზე მიუთითებდა, რომ რეჟიმის განახლება და ძირითადი რეფორმების მოხდენა აუცილებელია. მართალია, კადეტები ახლა დარწმუნდნენ რეფორმების მოხდენაში, მაგრამ აქაც ულოლიკობა გამოიჩინეს: რეფორმამ მხოლოდ იმდენათ, რამდენათაც ეს საჭიროა მტერზე გასამარჯვებლათ, მხოლოდ იმდენათ, რომ ხალხი შევაკავშიროთ ჯარის დასახმარებლათო. ამით კადეტებმა მოიწადინეს წინანდელი შეცდომების გასწორება. მაგრამ ამასვე თხოულობენ ეხლა მათ მარჯვნივ მდგომი პარტიებიც კი უკიდურეს მემარჯვენეებამდე. გარდა პროგრესისტებისა, რომლებიც ახლა კადეტებზე შორს მიდიან რეფორმების საქმეში. როგორც ვიცით, ამ ნიადაგზე წარმოიშვა ე. წ. პროგრესიული ბლოკი. ეს ბლოკი მეტად ზომიერ რეფორმებს თხოულობს და ეს ასეც

უნდა იყოს, ვინაიდან იქ შედიან უფრო მემარჯვენე ელემენტები. პროგრესიული ბლოკის მოკლე ისტორია ნათლათ მოწმობს, რომ კადეტები სასტიკად დამარცხდნენ თავის ტაქტიკაში. პირველი მათი დამარცხება გამოიხატება იმაში, რომ ისინი გაჩქარებული ნაბიჯით მიდიან მარჯვენით და თავიანთ პროგრამას და ტაქტიკას უმორჩილებენ მემარჯვენე პარტიების პროგრამას და ტაქტიკას; მეორე დამარცხებათ ის უნდა ჩაითვალოს, რომ პროგრესიული ბლოკი თავის თავად მეტად უსიკოცხლო და აქტივობას მოკლებული გამოდგა. ხოლო როგორც ვიცით, სახ. დუმაში ბლოკის ტაქტიკა დღეს თვით კადეტების ტაქტიკაა. პარტიის სიეზდის საგანს უმთავრესად ამ ტაქტიკის დაფასება შეადგენდა. პარტიის მემარცხენე ფრთამ კრიტიკის ქარცეცხლში გაატარა კადეტების დღევანდელი ტაქტიკა, რომელსაც ადგას ფრაქცია სახ. დუმაში. კრიტიკა იმ ზომამდე გამწვავდა, რომ კინლამ რასკოლი გამოიწვია პარტიაში.

მიუხედავად ამისა სიეზზე გაიმარჯვეს ისევ ზომიერმა ელემენტებმა. მაგრამ ეს გამარჯვება თავის თავად კადეტების პარტიის დასამარებაა. პარტიამ არა თუ დათმო თავისი პოზიციები, არამედ არსებითად უარი სთქვა თავის საკუთარ და დამოუკიდებელ ტაქტიკის წარმოებაზე. მაგრამ ეს მარჯვენით დახრა, უკან-უკან დახევა კადეტებს თანდათან აცლის ცოტათ თუ ბევრათ სერიოზულ ოპოზიციის სულსაც კი. ასეთი გაუბედავი და ლაჩარი პარტია ვერ მფიზიდავს ფართო დემოკრატიის სიმპატიას და მით უმეტეს ვერ შეიქნება მისი ბელადი. •

(გახ. „ახალი კვალი“ № 13,
1916 წ. 7 მარტის).

სამხედრო წინააღმდეგობის კანონ-პროექტი სახელმწიფო დუგაში.

ამ უამთ ბევრს ლაპარაკობენ სამხედრო ცენზურის კანონ-პროექტის შესახებ, რომელიც ამ დღეებში სახელმწიფო დუგამ განიხილა. პროექტი ეხება მხოლოდ სამხედრო ცენზურას. მარა ვინ არ იცის, რომ მისი სახელით ცხოვრებაში ტარდება საყოველთაო პოლიტიკური ცენზურა.

როგორც ვიცით, 1914 წლის 20 ივლისს გამოცემულ იქნა დროებითი წესები სამხედრო ცენზურის შესახებ, რომლებიც ძალაში შევიდა დღიდან გამოქვეყნებისა, და მით თითქმის მოულოდნელათ განხორციელდა შავრაზმელთა გულის წადილი. სამხედრო ცენზურის შემოღების დანიშნულება თითქო იმაში მდგომარეობდა, რომ ხელი შეეშალა ისეთ ცნობების გამოქვეყნებისათვის პრესაში, რომლებიც ომის ინტერესებისათვის მავნებელი იქნებოდნენ. მაგრამ დროებით წესების ავტორებს ომის ინტერესები ყველაზე ნაკლებ აწუხებდათ. დროებითი წესები შეიქმნენ ერთნაირ საფარათ, რომ გაეუქმებიათ ის მცირეოდენი აზრილი ბეჭდვითი სიტყვის თავისუფლებისა, რომელიც რუსეთის დემოკრატიას კიდევ შერჩენოდა. ვის არ ახსოვს მაკლაკოვის ცნობილი კანონ-პროექტი ბეჭდვითი სიტყვის შესახებ, რომელიც ომის გამოცხადების წინ კანონიერის გზით სამარეს უთხრიდა მუშათა პრესას. მაგრამ მის დაკანონებას ომმა შეუშალა ხელი, და აი კიდევაც გამოიცა დროებითი წესები სამხედრო ცენზურის დაწესებით. მაკლაკოვ-გორემიკინს უფრო ჩქარა გაუღიმა ბედმა, ვინემ ისინი ამას თვითონ მოელოდნენ. სამხედრო ცენზურის შემოღებით ნათ ერთი დაკვრით მოსპეს მუშათა პრესა და ამით ომმა ამ ვაუბატონებს მეტად დიდი სამსახური გაუწია.

რა თქმა უნდა, მთელი შავრაზმული და რევოლუციონური ბანაკი ამ მოვლენას ტაშის ცემით შეხვდა; მათ ძილს უფროთხობდა სიმართლის ხმა, რომელიც ყოველ ცისმარა დღეს მუშათა პრესაში ქუხდა. და აი, ეს ხმა შეწყდა და რევოლუციონერებს დღეისაწაული დაუდგათ. ამ ფერხულში მოყვა, პირველ ხანებში მაინც, ლიბერალურ-ბურჟუაზიული პრესაც, რო-

მელსაც მუშათა პრესის მოსპობის გამო კრინტიც არ დაუძრავს. მართა-ლდა, სამხედრო ცენზურის პირველი სუსხი კადეტების ლეიბ-ორგანოს „რჩესაც“ მოხვდა, რომლის გამოცემა დროებით შეჩერებულ იქნა, მაგრამ კადეტების პატრიოტული აღტყინება რაღა მაქნისი იქნებოდა, თუ რომ ზემოხსენებულ ორგანოს გამოცემისთვის მეოთხე დღესვე ნება არ დაერთოთ. მაგრამ ამ საზეიმო ვაქსანალიამ და საერთო ფერხულში ბუქნაობამ დიდხანს ვეღარ გასტანა. ჩქარა გამოაშკარავდა, რომ სამხედრო ცენზურა, იმდენათ სამხედრო დანიშნულებას არ ემსახურებოდა, რამდენათაც გორემიკინ-მაკლაკოვის (გამოტოვებულია ცენზურის მიერ) პოლიტიკას საშინაო საქმეებში. მათ ომის სამსახური განზე გადადევს და იწყებს ცირკულიარების გამოცემა; რომელთა საშუალებით სამხედრო ცენზურა გადაიქცა იარაღათ მაკლაკოვ-შიეგლოვიტოვ უხომლინოვის მოქმედების გასაძლიერებლად. ერთი სიტყვით, სამხედრო ცენზურა მავნებელი გამოდგა თვით სამხედრო საქმისთვის, რომლის სამსახურისთვის იგი ქვეყანას მოევლინა.

თუ სადამდის მივიდა სამხედრო ცენზურის მოქმედება, ეს რამდენიმეთ ჩვენ შეგვიძლია დავაფასოთ იმ ფაქტებიდან, რომლებიც გამოქვეყნებულ იქნენ სახელმწიფო დუმის ტრიბუნიდან ზოგიერთ ორატორების მიერ. აქედან ჩვენ ვტყობილობთ, რომ სამხედრო ცენზურა არ უშვებდა პრესაში ცნობებს ქალაქ არხანგელსკის შესახებ, გადმოხვეწილებზე, უწმინდეს სინოდზე, ეპისკოპოზ ბარნაბაზე, რასპუტინს რომ თავი დავანებოთ. ერთ დროს არ შეიძლებოდა წერა პოლონეთის ავტონომიაზე, მოსკოვში მომხდარ პოგრომების შესახებ, გარდა ამისა 1915 წელს 31 მაისს მინისტრთა საბჭომ, რომელშიც ჯერ კიდევ თვითონ სუხომლინოვიც იღებდა მონაწილეობას, მთელ რუსეთში აკრძალა მსჯელობა პრესაში საკანონმდებლო დაწესებულებათა მოწვევის შესახებ და ბოლო დროს აგრეთვე მემარცხენე დეპუტატების სიტყვაც.

აი რა პოლიტიკის გატარების იარაღათ შეიქნა სამხედრო ცენზურა! რა ქონდა ომთან საერთო ეპისკოპოზ ბარნაბაზე ან უწმინდეს სინოდის შესახებ რაიმე ცნობების გამოქვეყნებას პრესაში? სრულებით არაფერი. მაგრამ ყოველივე ამას მჭიდრო კავშირი ჰქონდა იმ პოლიტიკასთან, რომელსაც ატარებდა ცხოვრებაში მაკლაკოვ-სუხომლინოვ-შიეგლოვიტოვის მთავრობა გორემიკინის მეთაურობით.

როცა ამ პოლიტიკამ შესაფერი ნაყოფი გამოიღო სამხედრო ასპარეზზე, მხოლოდ მაშინ აყაყანდენ და ახმაურდენ ბურჟუაზიულ-ლიბე-

რალური წრეები და მონიდომეს სამხედრო ცენზურის შესახებ კანონის გამოცემა დროებით წესების მაგიერ. საკვირველია, რომ ამ ვაუბატონებს მთელი ბოროტება მართო დროებით წესებში გონიათ. და საკმარისია დღევანდელმა დუმამ კანონი გამოსცეს, რომ ყოველივე ეს გაქრეს.

ასე იყო თუ ისე, გასული წლის სესიის დროს დუმის კომისიამ უკვე შეიმუშავა კანონ-პროექტი სამხედრო ცენზურის შესახებ. როგორც ვიცით, ეს პროექტი საერთოდ სახელმწიფო დუმამ კიდევაც მოიწონა ჯერ კიდევ გასული წლის სესიაშივე. ამ დღეებში კი დუმამ იგი განიხილა და მკირედი შესწორებით მიიღო. ფართო საზოგადოებას არ შეიძლება არ აინტერესებდეს შემდეგი კითხვა: რას იძლევა ეს ახალი პროექტი? რაცვლილება შეიძლება მოახდინოს მან ბექდვითი სიტყვის მდგომარეობაში? იძლევა იგი რაიმე შეღავათს, თუ მდგომარეობა ისევ ძველებურათ რჩება? წინდაწინ შეიძლებოდა გვეფიქრა, რომ სამი იენისის დუმის კომისია არსებით ცვლილებას გაუმჯობესების მხრივ ეჭვ შეიტანდა თავის პროექტში, მაგრამ შესაძლებელი იყო გვეფიქრა, რომ დუმის კომისია ბექდვითი სიტყვის დევის და შევიწროების საქმეში დროებით წესებს ველარ გაუსწრებდა. მაგრამ, როგორც ეტყობა, მოლოდინი გავიცრუვდა. აი რას სწერს, სხვათა შორის, ხსენებული კომისიის პროექტის შესახებ დინჯზე უდინჯესი და ზომიერზე უზომიერესი ლიბერალური „რუსეთის უწყებები“: „შეიძლება ვიფიქროთ, — სწერს ეს ლიბერალური გაზეთი. — რომ დუმის კომისია ადგენდა რა ამ კანონ-პროექტს „სამხედრო ცენზურის შესახებ“, არ უწყოდა რას ჩადიოდა. იგი მაკლაკოვის საკანტროლო საათების ბორკილებს ადებს მთელ რუსეთის პრესას. ასე გვეგონა, ამას იქით შორს წასვლა აღარ შეიძლებაო. მაგრამ არა, — კანონ-პროექტი კიდევ ადიდებს სასჯელს სამხედრო დადგენილებათა დარღვევისათვის. განსაკუთრებით გადიდებულია სასჯელი არდროგამოშვებით ლიტერატურის შესახებ: ციხეში ჯდომის ვადა და ჯარიმები ოთხჯერ უფრო გადიდებულია. მაგრამ ჟურნალ-გაზეთებისათვისაც დაწესებულნი დიდი სასჯელი კიდევ უფრო მომატებულია. კანონპროექტი მიდის დროებით წესების ავტორების შორს კონფისკაციის სისასტიკეშიაც; კონფისკაცია უნდა უყონ იმ ნაწარმოებსაც, რომლებიც მესამე პირების მფლობელობაში გადავიდენ;.

(გამოტოვებულია ცენზურის მიერ).

ეს მეტად საგულისხმეეროა. ესეც სახელმწიფო დუმის კანონ-პროექტი! იმ დუმის, რომელიც ვითომდა ხალხის სახელით ლაპარაკობს და

რომელიც სწორედ ამ კანონპროექტის შექმნის ხანაში გორემიკინის მთავრობამ გარეკა. ამის შემდეგ ბრამაც კი უნდა დაინახოს, რომ თუ რას უნდა მოელოდეს ხალხი ასეთი დუმისაგან და რა ღირებულების უნდა იყოს იმისი დროგამოშვებითი ოპოზიცია და ლიბერალური ფრაზეოლოგია. ყოველივე ეს კარგათ ესმის ზევით დასახელებულ გაზეთის რედაქციასაც, რომელიც ამავე დუმის ხორცი-ხორცთაგანია და სისხლი სისხლთაგანი. და ისიც სამართლიანად სწუხს იმის გამო კი არა, რომ დუმის კომისიის პროექტით რუსეთის პრესის მდგომარეობა უარესდება. არამედ იმიტომ, რომ ასეთი პროექტის მიღება სახელს გაუტეხს თვით დუმასო. „რა თქმა უნდა,—ამბობს დასახელებული გაზეთი,—დღევანდელ მომენტში სახელმწიფო დუმას ოდნავაც არ შეუძლია რაიმე არსებითი ცვლილება შეიტანოს პრესის მდგომარეობაში. მაგრამ ყოველივე ზომა, მიმართული პრესის წინააღმდეგ, თუ კი ეს ზომა დუმის მიერ იქნება დადასტურებული, გაუსწორებელ ზიანს მიაყენებს ქვეყნის პოლიტიკურ ინტერესებს და უწინარეს ყოველისათვის თვით დუმის პრესის ტიეს“.

უნდა ვალიაოთ, რომ ბურჟუაზიულ-ლიბერალური თვალთახედვის წერტილიდან თუ გავზომავთ, გამოვა, რომ ზევით დასახელებული რედაქცია სიმართლიანათ სჯის. ეს თვალთახედვის წერტილი მდგომარეობს იმ შეხედულების განმტკიცებაში, რომ რუსეთში ამ ყამად არსებობს ხალხი ნამდვილი წარმომადგენლობა და ეს წარმომადგენლობა სახელმწიფო დუმაა. ეს არის ილიუზია და ამ ილიუზიის გავრცელებაში დაინტერესებულია ლიბერალური ბურჟუაზია. ამიტომაც სწუხს ლიბერალური რედაქცია, რომ უვარგისი კანონპროექტის მიღება დუმას სახელს გაუფუჭებს ხალხის თვალშიო, აშკარაა, დემოკრატია ვერ დადგება ასეთ თვალთახედვის წერტილზე. იგი არ იზიარებს ბურჟუაზიის ილიუზიას სახელმწიფო დუმასა და სახალხო წარმომადგენლობაზე რუსეთში.

რაც შეეხება კერძოთ ბეკდვითი სიტყვის მდგომარეობას რუსეთში, ჩვენ დარწმუნებული ვართ იმაში, რომ დღევანდელ პირობებში მისი გაუმჯობესობა ყოველად წარმოუდგენელია, ვინაიდან ეს გაუმჯობესობა ნიშნავს ძირითად ცვლილებას მთელ სახელმწიფო წესწყობილებაში. ეს არის მხოლოდ ერთი რგოლი დემოკრატიულ რეფორმათა მთელი წყებისა. ნუ დავივიწყებთ, რომ ამას წინათ თვით შინაგან საქმეთა მინისტრი გადაკრით ამბობდა, რომ კანონს გარეშე ადმინისტრაციული ზომები პრესის წინააღმდეგ აუცილებელი იქნება მანამ, სანამ სახელმწიფოში

არ დამყარდება ნორმალური, მშვიდობიანი ცხოვრებაო. კარგია მხოლოდ ის, რომ მინისტრი გასაგონად ამბობს იმას, რასაც ჩადის. მხოლოდ უნდა გვახსოვდეს, რომ მოქმელს გამგონეც უნდა.

დუმის მიერ შემუშავებული კანონ-პროექტი კიდევ უფრო აუარესებს მდგომარეობას. აქედან აშკარაა, რომ დემოკრატია ვერ დაეყრდნობა ვერც სამი იენისის დუმის დაპირებებზე და ვერც ლიბერალური ბურჟუაზიის ოპოზიციაზე.

(გამოტოვებულია ცენზორის მიერ).

(გახ. „ახალი კვალი“ 7 მარტი, 1916 წ. № 13.
„მ. მონიძე“-ს ფსევდონიმით).

პადასტავის იმპერიალისტური სულის-კვეთება.

(ბატონ პ. მილიუკოვის სიტყვის გამო საგარეო პოლიტიკის შესახებ).

რაც დრო გადის და რამდენადაც დღევანდელი ომი მწვავედება, იმდენათ ყველა ქვეყნის იმპერიალისტების ზალაც, სხვა ქვეყნის დაპყრობა დამონებისაკენ მიმართული, თანდათან იზრდება და უსაზღვრო ხდება. ის უთვალავი მსხვერპლი, რომელიც დღემდის შეწირულა და დღესაც იწირება ომის საკურობეველზე, თითქოს საკმარისი უნდა ყოფილიყო იმისთვის, რომ კაპიტალისტური კლასის იდეოლოგები და ვეჟილები ერთხელაც არის მინც დაფიქრებულნიყვენ იმ უფსკრულის წინაშე, რომელსაც ისინი კაცობრიობას უმზადებენ. მაგრამ ამოთ! პირიქით რამდენადაც მატულობს მსხვერპლთა რიცხვი, იმდენათ ამ ვაჟბატონთ კიდევ უფრო ეხსნებათ მაღა და კიდევ უფრო და უფრო მოითხოვენ სისხლს.

გადავლეთ თვალი იმპერიალისტების ორგანიზაციებს, პარლამენტებს, კრებებს, მიტინგებს, მოუსმინეთ იმათ ორატორებს, გადახედეთ ბურჟუაზიულ პრესას და თქვენ ადვილათ დაწმუნდებით ზემოთ ნათქვამის სინამდვილეში. „ომი ბოლომდის“, „სრული გამარჯვება მოწინააღმდეგე მხარეზე“—გააკვირან ისინი ყოველგან როგორც ინგლისსა და საფრანგეთში, ისე გერმანიასა და რუსეთში—რას ნიშნავს ეს ომი ბოლომდის“, ან „სრული გამარჯვება მოწინააღმდეგეზე“? როდის უნდა მოელოს ბოლო ამ სისხლის ღვრას? ყველა ამას თითქმის სავსებით ფარდას ხდის კადეტების ცნობილი ლიდერი ბ-ნ პ. მილიუკოვის სიტყვა წარმოთქმული ტუმის ტრიბუნიდან II მარტის სხდომაზე, როცა იქ საგარეო საქმეთა სამინისტროს ხარჯთ-აღრიცხვა იჩივოდა. ნამდვილათ კი კადეტების ლიდერის სიტყვა ენებოდა არა საგარეო საქმეთა სამინისტროს ხარჯთ-აღრიცხვას. ამ შემთხვევაში ბ-ნ მილიუკოვს მიზანში ამოვლო სოც. დემ. ფრაქციის ლიდერის კარლო ჩხეიძის 47) სიტყვა, რომელიც წარმოთქმული იქნა სწორეთ ერთი თვის წინეთ, ტუმის გახსნისას, როგორც პასუხი მთავრობის დეკლარაციაზე. ჩხეიძის სიტყვა, რომელიც იმპერიალისტური ბურჟუაზიის სულისკვეთებას ფარდას ხდის და იგი მზის სინათლეზე გამოაქვს, როგორც მოსალოდნელი იყო, ლახვარივით

მოხვდა გულში ლიბერალურ ბურჟუაზიის წარმომადგენლებს, როგორც იმპერიალიზმის სულის ჩამდგმელებს. სოციალ-დემოკრატიის წარმომადგენლის გაბედულმა გამოსვლამ და მხილებამ აალაპარაკა მთელი იმპერიალისტური ბანაკი.. ბურჟუაზიულ-ლიბერალური პრესა ამ სახელოვანი გალაშქრების გაბათილებას ცდილობდა გურიანოვის და მანკოვის გამოსვლათა შემწეობით, რომლებმაც სოციალ-დემოკრატიის პოზიციას უღალატეს. მაგრამ ყველასათვის აშკარა იყო და არის, რომ ასეთ საშუალებებით შეუძლებელი იყო იმ პოზიციის შერყევა, რომელზედაც ეყრდნობა ამ შემთხვევაში საერთაშორისო სოციალ-დემოკრატია.

და აი, ბ-ნი მილიუკოვი ერთი თვის შემდეგ კვლავ უბრუნდება სოციალ დემოკრატ ჩხეიძის სიტყვას, რათა ერთხელ კიდევ სცადოს მისი გაბათილება იმპერიალიზმის სადღერგძლელოთ. მაგრამ, მეორე მხრით, დემოკრატიას არ შეუძლია ამ შემთხვევაში მადლი არ გადაუხადოს კადეტების ლიდერს იმ გულახდილობისათვის, რომელსაც იგი აქ იჩენს. ეს იმიტომ, რომ მილიუკოვის სიტყვა ფარდას ხდის არა მარტო კადეტების, არამედ მთელი ლიბერალური ბურჟუაზიის იმპერიალისტურ სულის-კვეთებას. იმპერიალისტური ბურჟუაზიის ერთად-ერთი მოწინააღმდეგე არის დღეს საერთაშორისო სოციალისტური პროლეტარიატი.

(გამოტოვებულია ცენზორის მიერ) -

პროლეტარიატის ასეთი პოზიცია, როგორც გარკვეული იყო ჩხეიძის სიტყვაში, სულ უფრო და უფრო მტკიცე ნიადაგს პოულობს განსაკუთრებით ავსტრიასა და გერმანიაში. მაგრამ ასეთი პოზიცია ფეხს იკიდებს აგრეთვე ინგლისელ პროლეტარიატში და რამდენიმეთ საფრანგეთის მუშათა კლასშიაც. რაც შეეხება იტალიის პროლეტარიატს, უნდა ვსთქვათ, რომ იქაური სოციალისტური პარტია გარდა რეფორმისტებისა, თავიდანვე ამავე პოზიციაზე იდგა. ის გარემოება, რომ ანტი-მილიტარისტული მიმართულება თანდათან იმარჯვებს ავსტრო-გერმანიის მუშათა კლასში, თითქო ხელსაყრელიც უნდა ყოფილიყო.

(გამოტოვებულია ცენზორის მიერ).

გუჩკოვ-მილიუკოვებისთვის, ვინაიდან ეს გაუადვილებდა ამ უკანასკლეთ თავიანთ იმპერიალისტური გეგმის განხორციელებას სავსებით. მაგრამ მილიუკოვმა კარგათ იცის, რომ დაბოლოს პროლეტარიატის ტაქტიკა საერთაშორისო ხასიათს ღებულობს.

(გამოტოვებულია ცენზორის მიერ).

იგი წარბეუხებლად გაიძახის, რომ დღევანდელი ომი გამოიწვია გერმან-

ჩიის ხალხმა და არა მთავრობამ, იმპერიალისტურმა ბურჟუაზიამ. და ამიტომ, მისი აზრით, ომში ყველგან ხალხი თავის სურვილით ჩაება და არ სურს ხელი აიღოს იარაღზე, სანამ მოწინააღმდეგე ხალხს არ მოსპობსო.

(გამოტოვებულია ცენზორის მიერ)

უნდა ვაღიაროთ, რომ მილიუკოვი როგორც იმპერიალისტური ბურჟუაზიის სულის ჩამდგმელი მართლად მსჯელობს, ვინაიდან საანექსიო პოლიტიკის საწარმოებლად რუსეთის რორბახებს სწორედ დღეს დაუდგათ მეტად სანეტარო დღე. დარდანელის სრუტის შემოერთება სტამბოლითურთ, შემოერთება მცირე-აზიის და სპარსეთის დიდი ნაწილის შესაძლებელია განხორციელდეს მხოლოდ დღეს, როცა რუსეთის იმპერიალისტების ძლიერი მეტოქეები, ე. ი. ინგლისის, საფრანგეთის, იაპონიის და იტალიის იმპერიალისტები რუსეთის იმპერიალისტებთან ერთად შეკავშირებული არიან გერმანელი იმპერიალისტების წინააღმდეგ სამოქმედოთ. ან დღეს, ან არასოდესო,— ასე აყენებენ დარდანელის შემოერთებით საკითხს რუსეთის რორბახები-მილიუკოვ-ბობრინსკები. „დღეს ჩვენ ვსწყვეტავთ ამ საკითხს, (ესე იგი საკითხს დარდანელის შესახებ),— გვეუბნება მილიუკოვი,— ისეთ ხელსაყრელ პირობებში, რომლებიც შეიძლება არასოდეს. არ განმეორდენ. უმთავრესი ამ პირობათაგანი არის ბერლინ-ბალდაის საფრთხე ჩვენ მოკავშირეებისათვისო“.

(გამოტოვებულია ცენზორის მიერ).

ყველა ამის შემდეგ ჩვენი იმპერიალისტები ბ-ნ მილიუკოვის პირით გაიძახიან: „ომი მართლა ახორციელებს უდიდეს ლოზუნგებს, უდიდეს პრინციპებს. და ნუ თუ, ბატონებო, ჩვენ ყოველივე ეს დავკარგეთო?“ ამაზე ჩვენ ის უნდა ვუპასუხოთ, რომ დაკარგვა შეიძლება იმის, რაც ადამიანს ოდესმე ჭიანჭია. და როდის იყო, რომ რუსეთის ლიბერალები დიადი; საკაცობრიო იდეებისთვის იბრძოდნენ? როდის იყო, რომ იმათ გაბედული ნაბიჯი გადაედგათ წინ ელემენტარულ უფლებების მოსაპოვებლათ. პირიქით, ისინი მუდამ ლალატობდნენ და ხელს უშლიდნენ იმათ, ვინც ამისთვის იბრძოდა და იბრძვის დღესაც. ყოველ შემთხვევაში დღეს ერთი რამ აშკარა უნდა იყოს, სახელდობრ ის, რომ ბ. ბ. კადეტები შინ საერთო საქმის მოლაღატენი გამოდგნენ, სამაგიეროთ თანამედროვე ომი გვიმტკიცებს, რომ იმპერიალისტური პოლიტიკის წარმოებაში ისინი თავის ადგილზე არიან, რომ მართალია, მათ გერმანელი იმპერიალისტების ძალა და განმავლობა არა აქვთ, მაგრამ იმპერიალისტური სულისკვეთება უკვე საკმარისად აქვთ განვითარებული. და აი, ჩვენ ვხე-

დავთ, რომ ომის გამოცხადებისთანვე იმპერიალიზმის გულისთვის კადეტებმა არსებითად ხელი აიღეს ყოველგვარ ოპოზიციაზე, განზე გადადვეს თავისი პარტიული პროგრამა, შეუთანხმდნენ მემარჯვენე პარტიებს და გვერდში ამოუდგნენ მაკლაკოვების და ბობრინსკების.

(გამოტოვებულია ცენზორის მიერ)-
ყოველივე, თუ რამ გააჩნდათ, დავიწყებულ იქნა იმპერიალიზმის სახელით; მაგრამ არასოდეს აჭამდის კადეტების იმპერიალისტური სულისკვეთება არ გამოაშკარავებულა ისეთი სიძლიერით, როგორც ეს გამოაშკარავდა პ. მილიუკოვის ზევით დასახელებულ სიტყვაში.

გაზ. „ახალი კვალი“, 28 მარტი, 1916 წ. № 16,

„მ. მონძის“ ფსევდონიმით.

ამხ. ზაქარია ჩოდრიშვილის ხსოვნას.

მეტად გულსაკლავი ამბავი გვამცნო „თანამედროვე აზრის“ ⁴⁸) სამ-გლოვიარო განცხადებამ. მეტად მარტივი და იმავე დროს მეტად გულისამღვრეველი ეს განცხადება. იგი გვეუბნება, რომ ამ თვის 4-ს ქალაქ ნიკოლაევის საკატორღო ციხის... (გამოტოვებულია ცენზორის მიერ)... საკანში მრავალტანჯული სული განუტევებია ზაქარია ჩოდრიშვილს.

(გამოტოვებულია ცენზორის მიერ).

განსვენებული ზაქარია ჩოდრიშვილი კავკასიის მუშათა წრეებში მეტად ცნობილი პიროვნებაა. იგი ეკუთვნოდა მოწინავე მუშების იმ მცირე რიცხოვან ჯგუფს, სულ რაღაც 4-5 პირისაგან შემდგარს, რომელმაც 1896-7 წლებში მკვიდრი საფუძველი ჩაუყარა ჩვენს მუშებში მარქსისტულ მოძრაობას. იგი შეიქმნა ამ მოძრაობის ერთი პიონერთაგანი. მე ახლა არ ვსწერ მის ბიოგრაფიას, არც მაქვს ახლა ამისთვის საჭირო მასალები. ჩემს მოკლე შენიშვნას ამ უამად მხოლოდ მოგონების ხასიათი აქვს. ზაქარია ჩოდრიშვილი ქიზიყელი გლეხის შვილი იყო, მაგრამ პატარაობიდანვე იგი ტფილისში მოხდა. ჯერ მუშაობდა ცნობილ არაქან ერთად წვირილ სახელოსნოში, ხოლო გასული საუკუნის მეოთხმოცდაათე წლებში ჩვენ მას ვხედავთ ტფილისის რკინის გზის სახელოსნოებში,

(გამოტოვებულია ცენზორის მიერ).

ზაქრო იმ თავითვე შეეჯახა მაშინდელი საზოგადოებრივი ცხოვრების დუხჭირ პირობებს, მაგრამ ამ შეტაკებიდან იგი როგორც ამაყი და მეტად მტკიცე ხასიათის მქონებელი ადამიანი გამარჯვებული გამოვიდა, იგი კარგათ გრძნობდა არსებულ უსამართლობას, კარგათ ხედავდა მუშა-ხალხის გასაკირს, მის დაბეჩაევებს და დამცირებას. მან მიზნათ დაი-სახა გამკლავებოდა ყველა ამას, შებრძოლებოდა უსამართლობას.

მაგრამ როგორ, რა საშუალებით. იგი კარგათ ხედავდა, რომ მის წინაშე იდგა ბნელი, დაქსაქსული და შეუფერებელი მასა. მეორე მხრით ის თავის თავშიაც ვერ გრძნობდა იმ ძალას, რომელსაც ეს მასა მოძრაობაში მოეყვანა და ერთი მიზნისაკენ მიემართა.

ამ დროს ჩნდება ჩვენში მარქსისტების პატარა ჯგუფი. ზაქროც აქეთკენ აპყრობს მთელ თავის ყურადღებას, და როგორც ვამბობდი ზევით, 1896-7 წლებში არსდება მუშათა პატარა ჯგუფი, რომელშიაც შედის იგიც, როგორც ერთი მოთავეთაგანი. ეს არის სათავე, აქედან იწყება მუშათა მოძრაობის ისტორია ჩვენში.

ჩვენთვის დღეს ძნელი წარმოსადგენია ის დაუშრეტელი ენერჯია, ის მუყაითობა, რომელიც გამოიჩინა ამ მცირერიცხოვანმა ჯგუფმა მარქსიზმის გავრცელებაში,... (გამოტოვებულია ცენზორის მიერ)... ესენი იყვენ ნამდვილი მოციქულები მოწამებრივი აღფრთოვანებით აღქურვილი. იმათთვის არ არსებობდა პირადი „მე“, არ არსებობდა პირადი ზედნიერება. თავისი „მე“ იმათ გაეერთიანებიათ მუშათა კლასთან. თავისი პირადი ბედნიერება შეეწირათ საერთო ბედნიერებისათვის.

ასეთმა თავგანწირულმა მუშაობამ ჩქარა გამოიღო ნაყოფი: არ გაუვლია 3-4 წელს, რომ გამტკრებული ოფიციალური საზოგადოების წინაშე უეცრად თავი წამოყო სრულიად ახალმა მოძრაობამ; რომლის ერთი ღირსეული ბელადთაგანი ამხ. ჩოდრიშვილი იყო. ამაყი, შეუღრეკელი, იგი ჩადგა პირველ რიგში. ეს იყო პირველი გამოსვლა და იგი საისტორიო შეიქნა:

(გამოტოვებულია ცენზორის მიერ). 1905 წელს იგი ისევ ტფილისში ბრუნდება.

(გამოტოვებულია ცენზორის მიერ).
ეს კლდესავით ადამიანი, თითქო წელში მოხრილიყო რამდენიმეთ, მაგრამ სულიერათ ტანჯვას მისთვის ვერა დაეკლო რა. მისი ნაზი და დაფიქრებული სახის გამომეტყველება, მისი ცეცხლის მფრქვევი შავი თვალები თითქო გვეუბნებოდენ, რომ ამ ადამიანში ჯერ კიდევ დიდი ენერჯია იწახებოდა.

და მართლაც, ზაქრო ისევ თავდავიწყებით მიეცა ჩვეულებრივ მუშაობას, რომელიც იმ ხანებში საჭირო შეიქნა. მეტად მძიმე და აუტანელ პირობებში სწარმოებდა ახლა ეს მუშაობა. ეს იყო არა მარტო მოძრაობის გარეგანი დამარცხების, არამედ მისი განცდის ხანა-ბევრი მუშა კი შეეწირა მან სამსხვერპლოდ. ბევრმა ვერ გაუძლო სუსხს და განზე გადავა. ბევრმა უღალატა თავის წმინდა დროშას. მეტად მწარე და საგრძნობელი უნდა ყოფილიყო ყოველივე ეს ისეთი მუშაკისათვის, რომელმაც განიცადა თითქმის მოწამებრივი აღფრთოვანება თავის ტოლ-ამხანაგებისა მოძრაობის პირველ საფეხურზე. მაგრამ მიუხედავად ყველა ამისა,

ზაქრო ჩოდრიშვილი ამ ჯოჯოხეთურ პირობებშიაც ისე ეწეოდა თავის საქმეს, როგორც ახალგაზრდობის დროს. იგი ერთხელაც არ შედრეკილა და არ მოუხრია ქედი. და შესაფერი „ჯილდოც“ დაიმსახურა.

(გამოტოვებულია ცენზორის მიერ).

მართალია, ზაქრო ჩოდრიშვილის სხეული მოკვდა და აღარ არის, მაგრამ.

(გამოტოვებულია ცენზორის მიერ)

მუშათა კლასი ვერ დაივიწყებს იმ ადამიანს, რომელიც სავსებით მას ეკუთვნოდა, რომელმაც მის კეთილდღეობას ანაცვალა მთელი თავისი სიცოცხლე.

მშვიდობით დაუვიწყარო ზაქრო! საუკუნოთ იქნება შენი ხსენება.

კახ. „ახალი კვალი“ 1916 წ. 25 აპრილი, № 20.
 (მ-ის ფსევდონიმით).

საერთო ინტერესები და შეთანხმება.

ეს ერთი ხანია ქართველმა ფედერალისტებმა კვლავ გაიხსენეს ძველი ზღაპარი საერთო ნიადაგის ძიების და შეთანხმებული მოქმედების შესახებ, არჩილ ჯორჯაძის მიერ ნაანდერძევი.

ვინც ჩვენ პრესას თვალ-ყურს ადევნებს, იგი ადვილად შეამჩნევდა, რომ ჩვენი გაზეთების ერთი ნაწილი—„სახალხო ფურცელი“, „მეგობარი“⁴⁹⁾ და „ზვირთი“⁵⁰⁾—ერთხმად გაიძახის, რომ თანამედროვე ომში გამოააშკარავა მარქსიზმის სრული გაკოტრება, მუშათა ინტერნაციონალის უნიადაგობა, კლასობრივი ბრძოლის (და განხეთქილების) ძალზე შესუსტება და სამაგიეროდ კლასთა შორის სოლიდარული მოქმედების გაძლიერება და ზრდაო. აქედან საერთაშორისო პროლეტარული სოციალიზმის დამარცხება და სამაგიეროდ ეროვნული სოციალიზმის სრული გამარჯვება. ასეთია ჩვენი ფედერალისტების მსჯელობა. იმათი წარმოდგენით მართალია, ერში არსებობს კლასებათ დაყოფა და კლასობრივი ბრძოლა, მაგრამ ყველა ამას მეორე და მესამე ხარისხოვანი მნიშვნელობა აქვს, თავი და თავი აქ საერთო ეროვნული ინტერესებია ანუ ის, რასაც ერის მთლიანობის დაცვა ეწოდება. თუ ასეთ მსჯელობას ვსცნობთ, მაშინ ისიც უნდა ვიცნოთ, რომ საერთო ინტერესების დასაცავათ უნდა იყოს ისეთი პარტია, რომელიც არც ერთ კერძო კლასის ინტერესებს არ უნდა ემსახურებოდეს, პირიქით, ერის საერთო ინტერესებს უნდა იცავდეს. ჯორჯაძეს⁵⁰⁾ მართლაც გამოაყვდა ასეთი დასკვნა და იგი კიდევაც შეუდგა ასეთი საერთო პარტიის პროგრამის გამომუშავებას. ეს იყო 1901 წელს, მხოლოდ დაახლოებით 10 წლის შემდეგ ბ-ნი ჯორჯაძე იძულებული შეიქნა განემარტებია შემდეგი: „ვიღებდი რა მხედველობაში პოლიტიკურად უნუგეშო მდგომარეობას, ძებნა და ვუწყე ხეობათა მოქმედების ნიადაგს, მაგრამ უნდა აღვიარო დღეს, რომ ჩემი ამგვარი მოწოდება სრულიად დასავსებით იყო დამარცხებული იმ ხანებში.“*) ეს მეტად გულ-

*) ახ. არჩილ ჯორჯაძის თხზულებები ტ. მე-4-ე, წინასიტყვაობა, გვერდი 1—2.

ახდილი და საგულისხმეო აღსარებაა. მაგრამ იგივე ავტორი ქვე-
ვით განაგრძობს ასე: „კონსტიტუციონური“ რეჟიმის დამყარებასთან
ხელმეორედ წარმოსდგება და იშვება საერთო მოქმედების ნიადაგის გა-
მონახვის საჭიროებაო“. რითი ფიქრობდა ჩატეხილი ხიდის გამართლებას
ბ-ნი ჯორჯაძე? „ახლაც ვაშობთ, სწერდა იგი ერთ თავის მერმინდელ
ნაწერში, რომ წმინდა კლასთა ბრძოლის პრინციპი იმიტომ არ გამოდგე-
ბა პრაქტიკულ მოქმედებისათვის, რომ ჩვენში ყველა წოდებანი და კლას-
ები ერთნაირათ არიან დაინტერესებულნი თვითმართველობის, ერობის,
ნაფიც მსაჯულთა ინსტიტუტის შემოღებით; ერთნაირათ არიან აგრეთ-
თვე დაინტერესებულნი, რომ ქართველი ერის ტერიტორია მასვე დარჩეს
და ქართული ენა არ გადაგვარდეს. ყველა ეს სწორედ ის ხილია, რომე-
ლიც ჩვენ წოდებათა და კლასთა შორის არის გაღებულიო“ *).

ამნაირათ, ავტორის მსჯელობით წმინდა კლასობრივი ბრძოლის
პრინციპი პრაქტიკული მოღვაწეობისათვის გამოუსადეგარი ყოფილა
და ეს იმიტომ, რომ ჩვენში თურმე ყველა წოდებანი და კლასები თითქო
ერთნაირად იყვნენ დაინტერესებულნი თვითმართველობის, ერობის,
ნაფიც მსაჯულთა ინსტიტუტის შემოღებით, ტერიტორიის და ქართული
ენის შენარჩუნებით. ამის თქმა მხოლოდ იმას ამტკიცებს, თუ როგორ
შორს იდგა ბ-ნი ჯორჯაძე ნამდვილ ცხოვრებასთან. თუ დასახელებულ
საკითხების გადაწყვეტის დროს ჩვენ უარვყოფთ კლასობრივი ბრძოლის
პრინციპს, მაშინ ჩვენ მივიღებთ ისეთ თვითმართველობას და ერობას,
რომლებიც სასარგებლო იქნება გაბატონებულ და მბრძანებელ კლასები-
სათვის და სრულებით გამოუსადეგარი და მავნებელი ერის უმრავლესო-
ბის ანუ დემოკრატიისათვის. ასევე ითქმის ტერიტორიის, ე. ი. მიწა-
წყლის შესახებაც.

დემოკრატიისათვის სულ ერთი არაა ვის ხელში იქნება მიწა-წყალი;
თვით მწარმოებელის, ე. ი. მწარმოებელი ხალხის, თუ იგი ისევე ქართველ
თავად-აზნაურობას ან ქართველ მრეწველ ვაქართა კლასს შერჩება
მწარმელთა საყვლეფათ.

ვინც ამბობს, რომ აგრარული საკითხის გადაწყვეტის დროს კლასო-
ბრივი ბრძოლის პრინციპით ხელმძღვანელობა არ გამოადგებაო. იგი
იცავს დიდი უმრავლესობის წინააღმდეგ ერთი მუქა მუქთახორათა ინტე-
რესებს.

*) იქვე გვ. 203.

რაც შეეხება ქართულ ენას, აქაც ერის უმრავლესობა, დემოკრატია, ერთი მხრით და მისი უმცირესობა ანუ გაბატონებული კლასები, მეორე მხრით, სულ სხვა და სხვანაირად არიან დაინტერესებული. მაშინ, როცა ერის დემოკრატიული ნაწილი მთელი თავის არსებით დაინტერესებულია ქართული ენის წარმატებაში და ქართული ლიტერატურის ზრდა-განვითარებაში, მაღალი წოდებანი და კლასები უამისოდაც იოლათ წავლენ. რასაც ჩვენ სინამდვილეში აშკარათ ვხედავთ. სადა აქვს გასავალი ქართულ წიგნებს, ვინ უფრო ეტანება ქართულ ჟურნალ-გაზეთებს, ვინ უფროა დაინტერესებული ქართული თეატრის აღორძინებაში, ქართულ ლექციებში? საქმარისია მხოლოდ დავსვათ ეს კითხვები, რომ შემდეგი პასუხი მივიღოთ: განსაკუთრებით ერის დემოკრატიული ნაწილი. მაგრამ ეს დემოკრატიული ნაწილი ხომ ერის დიდ უმრავლესობას შეადგენს. მაშასადამე, დემოკრატიის ინტერესების დაცვა ერის დიდ უმრავლესობის სამსახურია, ის არსებითად მთელი ერის ინტერესების დაცვას შეიცავს. მაგრამ ეს შეიძლება მხოლოდ მაშინ, როცა კლასობრივ ბრძოლას არ ვაფუჩიყებთ, არამედ მას ვალრმავებთ და ვაფართოვებთ. კლასობრივი ბრძოლის მიფუჩიყება და მიჩქმალვა, როგორც ამას ბ-ნი ჯორჯაძე გვიჩვენებს, საერთო ეროვნულ ინტერესების სამსახური კი არ იქნებოდა, არამედ ყველა ანტი-დემოკრატიული ჯგუფების ინტერესების სამსახური დემოკრატიის წინააღმდეგ. კლასობრივი ბრძოლის მიჩქმალვაში და დავიწყებაში, ერთი მხრით, და საერთო მოქმედების ნიადაგის ძიებაში და მოწინააღმდეგე პარტიების შეერთებაში, მეორე მხრით, დაინტერესებულია მხოლოდ თავად-აზნაურული ინტელიგენცია და ყველა ის ანტი-დემოკრატიული ჯგუფები, რომლებსაც ეს ინტელიგენცია თავს უყრის და რომელთა მებაირახტრეთ იგი გამოდის.

მეტად საინტერესო და საგულისხმეოა ის გარემოება, რომ წინადადებით კლასობრივი ბრძოლის მიფუჩიყების და მიჩქმალვის შესახებ, ერთი მხრით, და საერთო მოქმედებაზე მეორე მხრით ჩვენში გამოდიან ყოველთვის სწორეთ თავად-აზნაურული, ბურჟუაზიული ინტელიგენციის წარმომადგენლები, ე. ი. ისინი, ვინც თავის გარშემო შემოიკრიბა ყველა ანტი-დემოკრატიული ელემენტები და ვინც თავის თავს ფედერალისტს უწოდებენ. და ეს ასეც უნდა იყოს, ვინაიდან კლასობრივი ბრძოლის მიჩქმალვა სწორედ ანტი-დემოკრატიული ელემენტებისთვის არის ზელსაყრელი. ჩვენი პოზიცია კი გარკვეული და აშკარაა. ჩვენ კარგათ ვიცით, რომ კლასობრივი ბრძოლის მიფუჩიყება, კლასობრივ საზოგადო-

ებაში დემოკრატიის ინტერესების ღალატია; რაც შეეხება საერთო მოქმედების ნიადაგის ძიებას, ეს მარტოდენ ფუჭი ოცნებაა, რაშიაც ერთ დროს თვით ამ „ნიადაგის“ პირველი მოტრფიალე, ე. ი. ბ-ნი არჩილ ჯორჯაძეც კი დარწმუნდა.

მიუხედავად ამისა ფედერალისტები დღესაც გამომდგარან და გვეუბნებიან: ამ უამად საერთო განსაცდელი გვაღვას თავზე, ამიტომ დავივიწყოთ კლასობრივი ბრძოლა, ყველა ჯგუფები, ყველა კლასები შევერთდეთ და ერის საერთო ინტერესები დავიცვათო. და მაგალითისთვის მიგვითითებენ მეომარ ქვეყნებზე. იქ ყოველგან „სამღვთო ზავი ჩამოვარდა, შინაური განხეთქილება დროებით მოისპო“, „მუშათა მოძრაობა გაქრა“, ძალები გაერთიანდნო. („ჩვენი მეგობარი“ № 13. გრიგოლ გველესიანის 52) წერილი).

„დღეს ყველა ქვეყნის სოციალისტი, გაიძახის მეორე, აღიარებს, რომ ჯერ სამშობლო დავიცვათ და მერე კლასებზე ვიზრუნოთ... თუმცა ერი დაყოფილია კლასებათ, მაგრამ მაინც რჩება სოციალურ ორგანიზმათო“ (იხ. „ჩვენი მეგობარი“ № 10).

ყოველივე ეს ლათაიები და მარტო სიტყვებია. უკეთეს შემთხვევაში, ეს განყენებული მსჯელობაა. მართალია მხოლოდ ერთი რამ, სახელდობრ ის, რომ ომმა დროებით რამდენიმეთ შეაფერხა მუშათა მოძრაობა, რამდენიმეთ ხელი შეუწყო კლასობრივი ბრძოლის სიმწვავის შესუსტებას და ესეც მხოლოდ პირველ ხანებში. და აი დღეს, როცა მუშათა მოძრაობა თანდათან ისევ თავის კალაპოტში დგება, როცა კლასობრივი ბრძოლის სიმწვავე ყოველგან სულ უფრო და უფრო ძლიერდება იმავე ომის წყალობით, როცა ცხოვრების გაძვირება ვაჭარ-მრეწველთა კლასის ოინების წყალობით საშიშარ სახეს ღებულობს, ჩვენ ზღაპრებს გვიკითხავენ რალაც შინაურ ზავზე, კლასების გაერთიანებაზე. ეს უნდა იყოს ან სრული უვიცობის და გონებრივი სიკოტრის ნაყოფი, ან ნამდვილი იეზუიტობა და ფარისევლობა. ჩვენ კი გვგონია, რომ ეს უკანასკნელი უფრო მართალი უნდა იყოს.

და მერე იცით თუ რას გულისხმობენ ჩვენი „ეროვნული სოციალისტები“ შეთანხმებაში. იმას, რომ ჩვენ თავისი პროგრამა უკუ ვაგდოთ, კლასობრივი ბრძოლის პრინციპი უარყოთ და ფედერალისტების უპრინციპობა და აბღა-უბღა გავიზიაროთ. იმათ კარგათ უწყიან, რომ ჩვენ ამას ვერ ვიზამთ, ვინაიდან ეს ნამდვილი პოლიტიკური თვითმკვლელობა იქნებოდა. მიუხედავად ამისა ისინი მაინც განაგრძობენ ლაპარაკს საერთო ინ-

ტერესებზე და შეთანხმებაზე და იმავე დროს კი ყველგან, სადაც კი უმრავლესობას შეადგენენ, თავის ვიწრო ჯგუფურ ანუ პარტიულ პოლიტიკას აწარმოებენ. მაგალითისთვის საკმარისია დავასახელოთ აქ ის განგაში, რომელიც წერა-კითხვის მთავარმა გამგეობამ ასტეხა ნოე უორდანიას ბროშურის გამოცემის გამო. სხვა ფაქტებს ჩვენ აქ არ გამოუდგებით. ამას შემდეგ იმით კიდევ შეუძლიათ შეთანხმებაზე ლაპარაკი!

დასასრულ ფედერალისტებს უნდა მოეხსენოთ, აი რა: დროებით შეთანხმებას, პროგრესიულ და დემოკრატიულ პარტიასთან, განსაკუთრებულ პირობებში პრინციპიალურათ ჩვენ ვუარს არ ვყოფთ. ასეთი შეთანხმება შესაძლებელია ტაქტიკური მოსაზრებით, რომელიმე პოლიტიკური მოსაზრებით, რომელიმე პოლიტიკური გამოსვლის დროს განსაზღვრული მიზნის მისაღწევად, მაგრამ ეს არ ნიშნავს არც საკუთარი პროგრამის უკუ გდებას და არც კლასობრივი ბრძოლის მიჩქმალვას.

მეორე მხრით, ასეთი შეთანხმებაც შესაძლებელია მხოლოდ ისეთ პარტიასთან, რომელსაც გარკვეული სახე აქვს, რომლის სიტყვა და სახე ერთი-ერთმანეთს არ ეწინააღმდეგება. რას წარმოადგენს ამ მხრით ფედერალისტების პარტია? უწინარეს ყოვლისა ეს არის წაჯექ-უკუჯექობის პარტია, რომელიც ლაპარაკობს ერთსა და იმავე დროს აკეთებს სულ სხვას. ეს არის პარტია, რომელიც დღეს სიტყვით დემოკრატიას ესარჩლება და გულში შავრაზმელებს შეეკრა ზავით იმავე დემოკრატიის დასამარცხებლად. გუშინ სიტყვით ხალხის ინტერესებს იცავდა, ხოლო დღეს საქმით რეაქციონურ ერობას უჭერს მხარს. და ამას ჩადის იგი საქვეყნოდ აშკარად. ასეთ პარტიასთან დროებითი შეთანხმებაც კი შეუძლებელია.

(გაზ. „ახალი კვალი“ 1916 წ. 9 მაისი,
პნ 22, 1-8. მონიძე“-ს ფსევდონიმი)

ⅤⅡ

გაზეთი „თანამედროვე აზრი“

1916 და 1917 წ. წ.

ბ-ნ გ. მაიაშვილის „ახალი“ აღმოჩენა.

ქუთათურ გაზეთის „ჩვ. მეგობრის“ № 41-ში ბ-ნ გ. მაიაშვილის 53) ვრცელი წერილია მოთავსებული სათაურით: „ს ხ ვ ი ლ თ ა ვ ა დ-ა ზ ნ ა უ რ თ ა ი დ ე ო ლ ო გ ი ა“, რომელშიაც ავტორი ეხება თავ. ან. ერისთავის ახალ ბროშიურას რუსულ ენაზე. ამ ბროშიურის განხილვიდან ჩვენ ავტორს ის დასკვნა გამოყავს, რომ ხსენებული თავადი შავრაზმელი მემამულე ყოფილა, რომელიც ბეჯითად იცავს თავისი წოდების ინტერესებსო. ბ-ნ მაიაშვილს გონია, რომ მან ამერიკა აღმოაჩინა! ვისაც ჩვენი პრესისათვის თვალი უდევნებია ამ უკანასკნელი ათი წლის განმავლობაში იმას არ გამოეპარებოდა თავ. ერისთავის როლი სახელმწიფო საბჭოში; იმას კარგად ეცოდინება, თუ ვის, ან რას ესარჩლებოდა და ესარჩლება ქართველი თავად-აზნაურობის ეს ერთად ერთი წარმომადგენელი ხსენებულ დაწესებულებაში. ხსენებული თავადის ბროშიურაში ამ მხრივ ახალი და გასაკვირალი სრულებით არაფერია, მაგრამ თუ ხსენებული ბროშიურა არაფერს იძლევა გასაკვირალს, ეს არ შეიძლება ითქვას ბ-ნ მაიაშვილის წერილის შესახებ. ბ-ნი მაიაშვილი თავის წერილს ათავენს შემდეგი კატეგორიული განცხადებით: „ჩ ვ ე ნ ა რ ვ ე თ ა ნ ხ მ ე-ბ ი თ ა რ ც ე რ თ დ ე ბ უ ლ ე ბ ა ს მ ი ს ი (ე რ ი ს თ ა ვ ი ს) წ ი გ ნ ი-ს ა ს, ა რ ვ ი ზ ი ა რ ე ბ თ ა რ ც ე რ თ ს მ ი ს მ ო ს ა ზ რ ე ბ ა ს ო“ (ხაზი ჩვენია). სწორედ გასოცარი ამბავია! თავ. ან. ერისთავი უკიდურესი მემარჯვენეა, იგი წინააღმდეგია ყოველგვარი ცვლილების დღევანდელ დახვეწებულ წესწყობილებაში; ამასთანავე იგი სხილი თავად-აზნაურობის წარმომადგენელია და როგორც ასეთი, ერთგული დამცველი და მოსარჩლე სხილი თავად-აზნაურული მიწათ-მფლობელობისა. და აი, ის, ვისაც თავისი თავი დემოკრატათ მოაქვს და თითქოს სოციალისტობასაც კი ჩეხულობს, ის, ვინც თითქო მშრომელი ხალხის მოსარჩლედ გამოდის, გამოსულა და გვეფიცება, რომ ის შავრაზმელი მემამულის აზრს არ იზიარებს, რომ იგი უკიდურეს რეაქციონერს მხარს არ უჭერს! ეს ხომ პირდაპირ აბსურდია? რას იტყოდით, მაგ., რომ რომელიმე სოც.-დემოკრატმა

განაცხადოს: მე კაპიტალისტების ინტერესებს არ ვიცავ და არც იმათ იდეოლოგიას ვიზიარებო? ბ-ნ მაიაშვილის განცხადებასაც სწორედ ასეთი ხასიათი აქვს.

მაშ, რაშია საქმე? ბ-ნი მაიაშვილი არც თუ ისე გამოუცდელი პუბლიცისტი, რომ უმიზეზოთ ასეთი აბსურდი წარმოსთქვას. აქ მაგონდება ერთი ქართული ანდაზა: პირი რათ გეწვის, თუ პინპილი არ გიკამიაო. ჩვენ დავინახეთ, რომ ბ-ნი მაიაშვილი, რაც ძალი და ღონე აქვს, იმიჯნება თავ. ანდრია ერისთავისაგან, როგორც სხვილი თავად-აზნაურული მიწათმფლობელობის დამცველისაგან. იგი გვეფიცება, რომ მას არაფერი აქვს საერთო მიწათმფლობელთა კლასის ასეთ გამოსარჩლებასთან! აი სწორედ აქ მარხია ძალის თავი. თავ. ერისთავი თავის წიგნაკში იცავს, სხვათა შორის, ქართველ თავად-აზნაურთა სხვილ მიწათმფლობელობას. ჯერ ეს დავიმახსოვროთ კარგათ.

ბ-ნი გ. მაიაშვილი ვერ იტყვის უარს იმაზე, რომ იგი ეგრეთ წოდებულ სოც.-ფედერ. პარტიას ეკუთვნის. ვერც იმაზე იტყვის უარს, რომ ხსენებულ პარტიის წარმომადგენლათ ითვლება არ. ჯორჯაძე. ამასთანავე ბ-ნ მაიაშვილს ისიც უნდა ემახსოვრებოდეს, რომ სოც.-ფედერალისტებისათვის არა ერთხელ წაუყენებიათ მათ მოწინააღმდეგეთ, სხვათა შორის, ის ბრალდებაც, რომ ისინი (სოც.-ფედ.) თავად-აზნაურობას ესარჩლებიან და სხვილ თავად-აზნაურულ მიწათმფლობელობასაც კი იცავენო. მერე რა გვიპასუხეს ამაზე ფედერალისტებმა? კეშმარიტების აღსადგენათ და გამოსარკვევათ ჩვენ საჭიროთ ვთვლით მიეუთითოთ აქ ბ-ნ ჯორჯაძეს ერთ წერილზე, რომელსაც სათაურათ აქვს: „ვის უნდა დარჩეს ჩვენი მიწა?“*) მოვიყვანოთ აქ ზოგიერთი ადგილები ამ წერილიდან: „პრინციპიალურათ იმ აზრისა ვართ—ამბობს ავტორი,—რომ მიწა, ეს საწარმოვე იარაღი, მწარმოებლის, ე. ი. გლეხის ზელში უნდა გადავიდეს, მხოლოდ რადგან ეს პრაქტიკულად არ მოხერხდება ამჟამად, ამისათვის უნდა ვეცადოთ, რამდენათაც შეიძლება, გლეხ-კაცობას ვაყიდვიანოთ გასაყიდი მიწა და რასაც იგი ვერ შეისყიდის, უფულობის თუ სხვა მიზეზების გამო, ყოველი ღონის ძიება უნდა ვხმაროთ, რომ იგი (მიწა) ჩვენ თავად-აზნაურობას შეურჩინოთ“. ასეთი იყო ბ-ნ ჯორჯაძის „პრინციპი“ ერთი მხრით და „საქმე“ მეორე მხრით: ე. ი. მისი

*) არ. ჯორჯაძის ნაწერები, წიგნი მეოთხე, გვ. 47. ხაზს ავტორის სიტყვებს ყველგან ჩვენს ვუსვებთ.

პრინციპი განზე რჩებოდა და სინამდვილეში კი „ყოველი ღონის ძიების ხმარებას გვირჩევედა, რომ მიწა ჩვენს თავად-აზნაურობას შერჩესო“. ასეთ „სასარგებლო“ პრაქტიკას აი როგორ ამართლებდა ხსენებული ავტორი. თავად-აზნაურობის მიწათმფლობელობის დაცვის საჭიროება—გვეუბნება ის ამავე წერილში—გამომდინარეობს ჩვენი გლეხ-კაცობის ინტერესებიდან, რადგან ჩვენი აზნაურობის მამულ-დედული გლეხ-კაცობის და ქართველ მრეწველობის მემკვიდრეობაა და რადგან სხვის ხელში გადასვლით ამათ ეს მემკვიდრეობა სამუდამოთ დაეკარგებათ“. „ამგვართ, —დაასკენის ჩვენი ავტორი, —ვეუბასუხებთ იმათ, ვინც ფეოდალების მიღგომილობას გეწამებსო... ასე რომ ყველა ამ მოსაზრებიდან, ის, ვინც ფეოდალობას გვისაყვედურებს, დაინახავს, რომ ჩვენი სურვილი აზნაურთა მამულის დაცვისა ტაქტიკის და არა პრინციპის კითხვააო“... (გვ. 49—50).

ამ ამონაწერებიდან მკითხველი ადვილად დაინახავს, თუ რამდენათ მართალი ვიყავით და ვართ ჩვენ დღესაც, როცა სოც.-ფედერალისტებს ვუსაყვედურებთ, რომ ისინი თავად-აზნაურობას ესარჩლებიან და თავად-აზნაურულ მიწათმფლობელობასაც იცავენ. იმათი ბელადი ამ მფარველობას არ მალავდა და არც შეეძლო დაემალა. იგი მხოლოდ ძალდატანებით და სხვადასხვა მოსაზრებით ცდილობდა გაემართლებია ეს მფარველობა.

ამას შემდეგ რაღა ფასი უნდა ქონდეს ბ-ნ მათაშვილის განცხადებას, რომ იგი თავად ან. ერისთავის არც ერთ მოსაზრებას არ იზიარებს, თუ კი მას ს.-ფ. მოაქვს თავი? თუ ბ-ნი მათაშვილი არ იზიარებს თ-დ ერისთავის არც ერთ მოსაზრებას, სხვილი თავად-აზნაურული მიწათმფლობელობის შესახებ, თუ მას არ მიაჩნია საჭიროთ ამ მიწათმფლობელობის დაცვა, იმ შემთხვევაში ის არჩილ ჯორჯაძისაგანაც ისევე უნდა იმიჯნებოდეს, როგორც ის იმიჯნება თავ. ერისთავისაგან, თორემ ეს რასა გავს? ნებას ვაძლევ თავის თავს მიემართო სოც.ფედ. ბანაკს შემდეგი კითხვით: არის თუ არა სადმე თქვენ მიერ უარყოფილი ის, რაც არ. ჯორჯაძემ განაცხადა თავად-აზნაურობის მიწათმფლობელობის დაცვის შესახებ? ან შეიძლება თქვენ ფიქრობთ, რომ თავად-აზნაურობის სხვილი მიწათმფლობელობის დაცვა მშრომელი ხალხის სასარგებლოა მაშინ, როცა ამ მიწათმფლობელობას იცავს ტაქტიკური მოსაზრებით არ. ჯორჯაძე ან რომელიმე სხვა ფედერალისტი, და მავნებელი, როცა

ამასვე იცავს უკიდურესი რეაქციონერი ერისთავი? ეს მიუტოვებელი-
კოდვია. მე მესმის, რომ ბ-ნ მიააშვილს და მის თანამოაზრეებს როგორ-
ღაც ეჩითიერებათ უკიდურეს რეაქციონერთა კომპანიაში ყოფნა. კაცებს-
თავისი თავი დემოკრატიებით და სოციალისტებით მოაქვთ და ან. ერის-
თავთან ერთად ფეოდალურ მიწათმფლობელობას კი იცავენ. ბ-ნი მია-
აშვილიც საქვეყნოთ გაიძახის: არაფერი საერთო არა გვაქვს შავრაზმულ
თავად-აზნაურობასთანო; მაგრამ ამაზე ჩვენ დამშვიდებით შეგვიძლია-
ვეუპასუხოთ: ფიცი მწამს, მაგრამ ბოლო კი მაკვირვებს.

საერთოდ უნდა განვაცხადოთ, რომ კლასიური ინტერესების დაც-
ვა თავის თავად სრულებით სათაკილო არ არის, როცა მაგ., რომელიმე,
თავადი, გინდ კაპიტალისტი იცავს თავის კლასის, გინდ წოდების ინტერე-
სებს, ეს ადვილი გასაგებიცაა და აქ არც არაფერი სათაკილო რამ არ არის.
თვით დამცველისათვის. მაგრამ როცა ვინმე ეხვევა დემოკრატიის ან სო-
ციალისტის ტანსაცმელში და დემოკრატიის ან მშრომელი ხალხის სარ-
გებლობის სახელით იცავს სხვილ მიწათმფლობელობას ან კაპიტალიზმს,
ეს მართლაც რომ სათაკილო და დასაძრახისია. და აი ასეთ ულაშაზო
როლში გვევლინებიან ჩვენ ქართველი ფედერალისტები.

თუ რამდენათ ახლობელი ნათესაობა აქვთ ჩვენ სოც.-ფედერალის-
ტებს თ-დ ან. ერისთავის მსოფლ-მხედველობასთან, ამას სხვათა შორის ამ-
ტიციებს კიდევ შემდეგი ფაქტები. თ-დი ან. ერისთავი დიდათ უკმაყო-
ფილოა იმ გარემოებით, რომ ჩვენში გაუქმებულ იქნა დროებით ვალ-
დებულ გლეხთა ინსტიტუტი. არ გამოპარვია მას ისიც, რომ ეს გაუქმება
სოც.დემ. ფრაქციის ზეგავლენით მოხდა. ბ-ნ მიააშვილს, რამდენათაც
მისი წერილიდან შეგვიძლია დავასკვნათ, ეს უკანასკნელი გარემოება
არაფრათ მოსწონებია. და ეს ალბათ იმიტომ, რომ სახელმწიფო დუმაში-
სწორეთ სოც.-ფედერალისტების წარმომადგენელმა, თ-დმა გელოვანმა⁵⁴)
ყოველგვრი ღონე იხმარა, რომ დუმაში ხიზანთა მდგომარეობის გაუქ-
მების კანონ-პროექტის განხილვა არ მომხდარიყო ან გადაედვათ მაინც.
ჩვენ მკითხველებს კარგათ უნდა ახსოვდეს ხსენებული დეპუტატის კუ-
ლისების უკან მოქმედება, რომ დასახელებული კანონ-პროექტის გან-
ხილვა ჩაფუშულიყო. როგორც ხედავთ, ამ შემთხვევაშიაც სოც.ფედერ-
ალისტების დეპუტატი და თ-დი ან ერისთავი აზრთა სოლიდარობას
იჩენენ და ეს სრულებით შემთხვევითი ნათესაობა არ არის. ამას უფრო
ღრმა ორგანიული მიზეზები აქვს და აიხსნება ერთნაირი კლასიური
სულისკვეთებით.

ასეთია უტყუარი ფაქტები. და ყველა ამის შემდეგ ბ-ნ მაიაშვილს შეეწყვეს გამბედაობა საქვეყნოთ განაცხადოს, რომ ფედერალისტებს არაფერი საერთო არ აქვთ იმ დებულებებთან, რომელთაც იცავს უკიდურესი მემარჯვენე ერისთავიო. ამის შემდეგ მკითხველი ადვილად გაიგებს, თუ ბ-ნი მაიაშვილი რისთვის იმიჯნება ასე ბეჯითად ფეოდალური თავად-აზნაურობის წარმომადგენელისაგან. მაგრამ ეს ტყუილი მეცადინეობაა: ის, რაც ორგანიულად შეკავშირებულია, სიტყვების რახარხით არ გაითიშების.

მაგრამ ბ-ნი მაიაშვილი ისეთი „გაბედულიც“ არის, რომ უკიდურესი მემარჯვენე ერისთავი და „უკიდურესი მემარცხენე დასელები“, როგორც ის ამბობს, ერთმანეთს დაუკავშიროს და ერთ ხაზზე დააყენოს, მარტო იმიტომ, რომ ეს უკანასკნელნი დღევანდელ პირობებში არ სცნობენ შესაძლებლად პრაქტიკულად დასვან საკითხი საქართველოს ტერიტორიალურ ავტონომიის შესახებ. ჩვენ რომ გვიყვარდეს ყვირილი, ჩვენთვის რომ მხოლოდ სიტყვებს ჰქონდეს მნიშვნელობა, შესაძლებელია ჩვენ სიტყვა „ტერიტორიალურ ავტონომიისათვის“ დაგვეწყო ალერსი და თაყვანისცემა. მაგრამ ჩვენ გვინტერესებს საქმე, ჩვენ ვიბრძვით შინაარსისათვის და არა ფორმისთვის. ეს არის ყოველგან, ყოველ სახალხო საქმეში, ყოველ საზოგადოებრივ დაწესებულებაში. ჩვენი ფედერალისტები გამუდმებით გაიძახიან ავტონომიაზე, მაგრამ იმავე დროს ყოველ ფენის ნაბიჯზე დემოკრატიულ პრინციპებს დევნიან და ფეხქვეშ თელავენ. საკმარისია მოვიგონოთ, თუ როგორ ერეკებოდნენ ისინი ხალხს წერა-კითხვის გამაერცელებელ საზოგადოებიდან, და როგორ ერეკებიან ისინი დღესაც დემოკრატიულ ელემენტებს ყველა კულტურულ დაწესებულებებიდან, საცა კი ეს მათ ეხერხებათ. აბა ერთი დაგვისახელოს ბ-ნმა მაიაშვილმა და მისმა თანამოაზრეებმა, სად ან როდის იყო, რომ ფედერალისტები ნამდვილ დემოკრატიულ პრინციპებს ესარჩლებოდნენ. პირიქით, ჩვენ ვხედავთ, რომ ისინი ამ პრინციპებს მუდამ ლალატობენ.

ასეთია ფედერალისტთა საქმენი! ბ-ნი მაიაშვილი კი გამომდგარა და გაიძახის: „ფედერალისტები ამტკიცებენ: გარდაქმნა სოციალური ურთიერთობისა სასარგებლოა მთელი მშრომელი ხალხისა, განურჩევლად პროლეტარიატისა და გლეხობისა და შემოღება საქართველოში დემოკრატიულ პრინციპებზე აშენებული პოლიტიკური თვითმართველობისა“... ვის ატყუილებთ, ბატონებო?

გაბ. „თანამედროვე აზრი“ 29 აპრილი 1916 წ.

№ 94 „მ. მონიძის“ ფსევდონიმით.

ლადო დარჩიაშვილის ხსოვნას.

განსვენებული ლადო დარჩიაშვილის მოღვაწეობა ჩვენში შეიძლება გაიყოს ორ ხანათ, სახელდობრ: 1) საზღვარგარეთ წასვლამდის და 2) საზღვარგარეთიდან დაბრუნების შემდეგ. პირველ ხანაში ეს მოღვაწეობა მეტად ვიწრო ფარგლებში იყო მომწყვედელი, რაც ადვილი გასაგებია. ყველაზე უფრო დამახასიათებელი ამ ხანის მოღვაწეობისა არის ის, რომ ლადო იმ თავითვე შემოეკედლა მაშინდელ მარქსისტულ ჯგუფს, რომელიც — ის — იყო სწორედ იმ ხანებში წარმოიშვა ჩვენში. ამ ჯგუფის პირველი ოფიციალური გამოსვლა, როგორც ვიცით, შეიქნა ეგ. ნინოშვილის დასაფლავება. ამ დასაფლავებაზე ლადო დარჩიაშვილმა წარმოსთქვა მეტად შინაარსიანი სიტყვა, რომელმაც დიდი შთაბეჭდილება მოახდინა საზოგადოებაზე და რომელიც, გიორგი წერეთლის მოწმობით, არ იქნა დაბეჭდილი სიდიდის გამო. საზოგადოთ უნდა შევნიშნოთ, რომ იმ ხანებში ლადო ემზადებოდა პრაქტიკული მოღვაწეობისათვის და ამისთვის საუკეთესო საშუალებათ საზღვარგარეთ წასვლა მიაჩნდა. 1898 წ. მას შეუსრულდა ეს წადილი: იგი გაემგზავრა ევროპაში, სადაც დაყო 1905 წლის ნახევრამდე. ამნაირათ თავის პირველ მიზანს დიდი გაქირვების შემდეგ მან სძლია და სამშობლოში ცოდნით აღჭურვილი და სამწერლო ასპარეზზე მოღვაწეობისათვის მომზადებული დაბრუნდა. აქედან იწყება მეორე ხანა მისი მოღვაწეობისა.

სამწუხაროთ, ლ. დარჩიაშვილი საქართველოში დაბრუნების შემდეგ ევროპიულ ოპორტიუნისტ-სოციალისტების მსოფლმხედველობას იზიარებდა და თავის კალმით მათ აზრებს იცავდა. უმთავრესმა უთანხმოებამ ჩვენსა და ლადოს შორის ეროვნული საკითხის გარშემო იჩინა თავი. ამ ნიადაგზე ატეხილი კამათის შემდეგ იგი ჩვენს პრესას მოშორდა, მაგრამ მიუხედავად ამისა სხვა ბანაკში არ გადავიდა და ამჟობინა განმარტოებით ყოფნა. ეს გარემოება აშკარათ მოწმობს, რომ ლადო დარჩიაშვილი მრავალ ძაფებით იყო გადაბმული მუშა ხალხთან და დემოკრატიის ინტერესების დაცვა მისთვის ორგანიულ მოთხოვნისადაც შეადგენდა. ერთი სიტყ-

ვით, ზოგიერთ საკითხებში მან გამოიჩინა რყევა, მაგრამ მას პროლეტარიატისთვის არასოდეს არ უღალატნია. ლადო დარჩიაშვილის მთავარი შეცდომა მდგომარეობდა იმაში, რომ ეროვნულ საკითხის გადაჭრას კაპიტალისტურ ხანაში პირველ ადგილს უთმობდა. შემცდარი იყო იმაშიც, როცა ფიქრობდა, რომ ეროვნული საკითხის გადაჭრის ნიადაგზე თითქო შესაძლებელი ყოფილიყოს ცალკე განსაკუთრებული მიმდინარეობის შექმნა მარქსიზმში. და სწორეთ ასეთი იყო მისი ცდა „ალიონი“-ს გამოცემით.

ახლა არ არის დრო დაწვრილებით განვიხილოთ ყოველივე ეს, მაგრამ ეს განხილვა აუცილებელია, ვინაიდან იგი შეიცავს მეტად საყურადღებო ხანას მარქსიზმის ისტორიაში.

თავის თავად იგულისხმება, რომ ლადო დარჩიაშვილის დაკარგვა ჩვენი ლიტერატურისთვის ძლიერ საგრძნობელი დანაკლისია. ნიჭთან ერთად მას საკმარისი სწავლა-ცოდნა და მომზადება ჭონდა მიღებული და მას ჯერ კიდევ ბევრი რამის გაკეთება, ბევრი რამის თქმა შეეძლო. მეტად სამწუხაროა, რომ ლადო დარჩიაშვილი ისე ჩავიდა სამარეში, რომ ვერ მოასწრო თუ ვერ მოახერხა ყველა იმის თქმა, რასაც იგი ფიქრობდა ან რის თქმა მას უნდოდა. მაგრამ მიუხედავთ ამისა მან საკმარისად დიდი კვალი დატოვა ქართულ პუბლიცისტიკაში.

(გაზ. „თანამედროვე აზრი“ 1916 წ.

15 მაისი № 109).

რუსეთის გურუჟაზია და იმპერიალიზმი.

აპრილიდან ქ. მოსკოვში გამოდის ახალი ჟურნალი: „Проблемы Великой России“ („დიდი რუსეთის საკითხები“). პირველი ნომრის გადათვალისწინებამ ჩვენ დაგვარწმუნა იმაში, რომ ეს ახალი ღრვამოშვებითი გამოცემა შესანიშნავს მაინცა და მაინც არაფერს წარმოადგენს. აქ თავი მოუყრიათ განსაკუთრებით ზომიერი ლიბერალიზმის ანუ სხვილი ბურჟუაზიის მეტად უფერულ წარმომადგენლებს. მიუხედავად ამისა ამ ახალ გამოცემას აზის ნათლად გამოკვეთილი ბეჭედი, რომელიც მასში გატარებულია თავიდან ბოლომდე. ეს არის აშკარა იმპერიალისტური სულისკვეთება, რომლითაც იელინთება ამ ეპოქის რუსეთის ბურჟუაზიული წრეები. ეს სულისკვეთება მკიდროთ შეკავშირებულია თანამედროვე მომენტთან. იგი გამოხატავს დღევანდელი ომის საიდუმლოებას და ამ საიდუმლოებას ფარდას ხსნის. „დიდი რუსეთის საკითხები“ რუსეთში პირველი ორგანოა, რომელმაც გადაჭრით პირველად ააფრიალა თავდაუქერელი იმპერიალიზმის დროშა.

მართალია, იმპერიალისტურ სულისკვეთებას დიდი ხანია ასაზრდოებდნენ რუსეთში ისეთი ორგანოები, როგორც არიან მაგ. „ნოვ. ვრემია“, „რუსკ. მისლი“ (პეტრე სტრუვეს⁵⁵) რედაქტორობით) და აგრეთვე „ბირჟ. ვედ.“, „რეჩი“ და სხვ., მაგრამ ეს არ იყო წმინდა წყლის იმპერიალიზმი; იმპერიალიზმის ხმა ჯერ კიდევ სუსტი იყო, რაც მით უნდა აიხსნას, რომ თვით რუსეთის ბურჟუაზიაც ჯერ კიდევ საკმარისათ მომწიფებული არ იყო ამისათვის. მაგრამ მსოფლიო ომმა ასეთი მდგომარეობა თითქო ერთბაშად შესცვალა. მართლაც, ომის დროს და ომის მეოხებით ბურჟუაზია საოცრად გაძლიერდა, როგორც ქონებით, ისე გავლენითაც. ომმა განსაკუთრებით რუსეთის ბურჟუაზიის გაძლიერებას შეუწყო ხელი. ომის დროს წარმოიშვენ და გაამაგრდნ ბურჟუაზიის უძლიერესი ორგანიზაციები, როგორც ქალაქთა და ერობათა კავშირები, ერთი მხრით, და სამხედრო სამრეწველო კომიტეტები, მეორე მხრით.

(გამოტოვებულია ცენზორის მიერ).

აშკარა ფაქტია, რომ დღევანდელი ომის დროს საოცრათ გაძლიერდა რუსეთის ბურჟუაზიის იმპერიალისტური სულისკვეთება. რუსეთის იმპერიალისტები ძალზე ახმაურდენ, ქეზი მოიბეს და ახალი ტერიტორიების დასაპყრობათ დაირაზმენ. ჩვენ ვამბობთ, რომ სწორეთ ომის დროს რუსეთის იმპერიალიზმმა საკმარისათ დიდი ნაბიჯი გადადგა წინ. მართალია, ჯერ ჩვენ აქ ვერ ვამჩნევთ გერმანელ რორბახების გაბედულ მონაქნევს; მართალია, რუსეთის იმპერიალისტური ბურჟუაზიის სამოქმედო პროგრამა, მისი მომავალი გეგმა „დიდი რუსეთის“ შესაქმნელათ, ჯერ კიდევ არ არის საცესებით გარკვეული და ჩამოყალიბებული, როგორც, მაგ., გერმანიის ან ინგლისის იმპერიალისტების სამოქმედო პროგრამა: და ეს ასეც უნდა იყოს, ვინაიდან დასახელებულ ქვეყნების ბურჟუაზიასთან შედარებით რუსეთის ბურჟუაზია ჯერ კიდევ გაცილებით უფრო სუსტი და მოუმზადებელია.

და სწორედ ეს სისუსტე ატყვია ამ ახალ გამოცემას, რომლის სათაურში ჩვენ ზევით წოვიყვანეთ. რუსეთის იმპერიალისტური ბურჟუაზიის პროგრამას და გეგმას არკვევს ორი წერილი: ერთი სარედაქციო, მეორე პროფ. ს. კოტლიარევსკის მიერ ხელმოწერილი, რომელსაც სათაური აქვს „ძირითადი კითხვები რუსეთის საგარეო პოლიტიკისა“.. სარედაქციო წერილში ძლიერ მოკლეთ და სხარტულათ არის ნათქვამი ის, რაც უფრო დალაგებით და დაწვრილებით აღწესულია კოტლიარევსკის წერილში. პირველი წერილი ხაზს უსვამს უმთავრესად ორ გარემოებას. რუსეთის იმპერიალისტურ ბურჟუაზიას, რომელსაც სათავეში უდგანან ყველა ფერის და ჯიშის ლიბერალები, შინაური პოლიტიკა მეტ ბარჯათ მიაჩნია, იგი მეტად უკმაყოფილოა იმით, რომ მრავალ ათეულ წლების განმავლობაში რუსის ინტელიგენცია ყურადღებას აქცევდა რუსეთის საშინაო საქმეებს, სახელმწიფოს წესწყობილების ცვლილებების საკითხებს. იმპერიალისტური ბურჟუაზიის იდეოლოგიის აზრით, საშინაო პოლიტიკის ადგილი ახლა საგარეო პოლიტიკამ უნდა დაიჭიროს; ამასთანავე თვით ეს პოლიტიკა უნდა ემსახურებოდეს რუსეთის ინტერესებს, ე. ი. ინტერესებს რუსეთის იმპერიალისტური ბურჟუაზიისას. ეს ერთი. მეორე გარემოება, რომელსაც ჟურნალი ხაზს უსვამს, მდგომარეობს იმაში, რომ ის „მემკვიდრეობა“, რომელიც დაპყრობით იქნება მოპოებული ბრძოლის ასპარეზზე, ომის შემდეგ არ უნდა დაიკარგოს უვარგისი საგარეო პოლიტიკის მეოხებით. ერთი სიტყვით, ახალი ჟურნალის აზრით მომავალი „დიდი რუსეთი“ თხოულობს ტერიტორიის გაფარ-

თობას, ახალ ქვეყნების შემოერთებას, რაც დღევანდელ ომს უნდა მოყვეს შედეგათ. ასეთია მთავარი დებულება, რომელსაც ახალი იმპერიალისტური ორგანო აყენებს. მაგრამ რა ფარგლებში ანუ რა მასშტაბით უნდა განხორციელდეს ეს „გაფართობა“, რომელი ქვეყნები უნდა შემოუერთონ რუსეთი? ამ კითხვებზე ჟურნალი ვერ იძლევა ნათელ და გარკვეულ პასუხს. მართალია, რაც შეეხება დარდანელის სრუტეებს და სტამბოლს, იმათი შემოერთება აუცილებელია. წინა აზიაში ჟურნალი სცნობს რუსეთის საზღვრების ისე გასწორებას, რომ კავკასიას მომავალში საფრთხე აღარ უნდა მოელოდეს, და ამასთანავე რუსეთს უნდა შემოუერთდეს ოსმალეთის სომხეთი. შემდეგ „სპარსეთში უნდა გაგრძელდეს ის თანამშრომლობა რუსეთისა და ინგლისისა, რომელიც დამყარებული იყო 1907 წლ. ხელშეკრულებაზე“. სპარსეთი გაყოფილი უნდა იქნას ინგლისსა და რუსეთს შორის, ისე რომ მხოლოდ გარეგნობით უნდა დარჩეს სპარსეთის დამოუკიდებლობა, მაგრამ ამ დამოუკიდებლობამ რუსეთს ხელი არ უნდა შეუშალოს თავისს სამხედრო მიზნების განსახორციელებლად და რუსეთის კაპიტალისტური ბურჟუაზიის ინტერესების დასაცავად. დასასრულ, შორეულ აღმოსავლეთში ჟურნალი ცოტათ თუ ბევრათ განსაზღვრულათ მონგოლიის შესახებ ლაპარაკობს და ჯერჯერობით მხოლოდ მის შემოერთების საკითხს აყენებს. ეს არის და ეს. რუსეთის იმპერიალისტების ორგანო თითქმის სრულებით ვერ არკვევს საკითხს ბალკანეთის შესახებ; იგი ვერ იძლევა ვერავითარ გეგმას ავსტრო-ჰუნგრეთის მომავალ ბედზე (გამოოტოვებულია ცენზორის მიერ)

პოლონეთის საკითხში დასახელებული ჟურნალი ტრიალებს (გამოოტოვებულია ცენზორის მიერ)

ცნობილ „მოწოდებხს“ გარშემო, რომლითაც მთავარ სარდალმა ომის დაწყებისას მიმართა პოლონელ ერს.

საერთოდ მთელი ეს იმპერიალისტური გეგმა, როგორც ვამბობდით, ბუნდოვანი და გაურკვეველია, რაც მოწმობს იმას, რომ ახალ ჟურნალს თვითონაც არ აქვს ამაზე ნათელი წარმოდგენა, რომ ჟურნალის მესვეურებს ჯერ კიდევ ვერ გამოუმუშავებიათ ერთი მთლიანი და გარკვეული პროგრამა. მეორე მხრით, მეტი არ იქნება გავიხსენოთ აქ ის იმპერიალისტური გეგმა, რომელიც ამ ერთი წლის წინეთ გამოაქვეყნა კადეტების ლიდერმა მილუტოვიმ და რომელსაც იგი დღესაც იცავს.

კრებულში „რ ა ს უ ნ დ ა მ ო ე ლ ო დ ე ს რ უ ს ე თ ი ო მ ი ს ა გ ა ნ“ ბ-ნი მილიუკოვი გადაჭრით და კატეგორიულათ მოითხოვს შემდეგ-

გი ტერიტორიების შემოერთებას: 1) აღმოსავლეთ პრუსიის ნაწილის ქ. კენიგსბერგითურთ ერთნახევარი მილიონი მცხოვრებლებით; 2) ავსტრია-ჰუნგრეთიდან მთელი გალიციის ეგრეთ წოდებული „უგორნაია რუსისა“ (Угорная Русь); 3) ოსმალეთიდან დარდანელის სრუტეებს სტამბოლითურთ და სრუტეების ორივე მხრით მდებარე ახლო-მახლო განაპირა ადგილებით; ამაში შედიოდა ქ. ადრიანოპოლიც, რომელიც ახლა ბულგარიას აქვს დათმობილი და მას უჭირავს; გარდა ამისა, მილიუკოვის აზრით, რუსეთმა ოსმალეთიდან უნდა შემოიერთოს ზივისსა და ბაიაზეთის შუა მდებარე ტერიტორია და ოსმალეთის სომხეთი. ჩვენ არ ვეხებით აქ ბ-ნ მილიუკოვის განზრახვებს სპარსეთის და შორეული აღმოსავლეთის შესახებ. აქედანაც მკითხველი ადვილად დაინახავს, რომ ის გეგმა, რომელსაც კადეტი მილიუკოვი იძლევა, თითქმის არსებითად განსხვავდება იმ გეგმისაგან, რომელიც ჩვენ ზევით მოვიყვანეთ და რომელიც ეკუთვნის რუსეთის ბურჟუაზიის ახალ ორგანოს. თავის თავად იგულისხმება, რომ კადეტთა ლიდერის იმპერიალისტური სულისკვეთება არა თუ უფრო გარკვეული და აშკარაა, არამედ ის ბევრათ უფრო შორს მიდის, ვინემ „დიდი რუსეთის საკითხების“ შესვეურთა იმპერიალისტური მადა.

ყოველივე ეს მოწმობს იმას, რომ რუსეთის იმპერიალისტების ბანაკში ჯერ კიდევ დიდი არევე-დარევეა და ერთი მთლიანი გეგმის გამომუშავება ჯერ კიდევ ვერ მოუხერხებიათ. მაგრამ სრული იმედი უნდა ვიქონიოთ, რომ ამ მხრით დიდხანს ლოდინი არ მოგვიხდება.

ამნაირათ, რუსეთის იმპერიალისტური ბურჟუაზია ირაზმება; იგი მთელ თავის ძალებს თავს უყრის თავისი პოზიციების გასამაგრებლად, როგორც საშინაო, ისე განსაკუთრებით საგარეო ბაზარზე. ომი მისთვის ორგვარი იარაღია: ერთი მხრით იგი გასაოცარი სისწრაფით მდიდრდება ნივთიერათ, მეორე მხრით იგი უზომო ძალას და გამავლობას იძენს როგორც შინ, ისე განსაკუთრებით საგარეო პოლიტიკის სფეროში. თანამედროვე ომის უკანასკნელი და ერთად ერთი მიზანი დაპყრობაა. მარტო თავდაცვის ან მოგერებითი ომის წარმოება ამ ხანათ სინამდვილეში შეუძლებელია. ომის გათავების შემდეგ არც ერთი მოწინააღმდეგე მხარე არ დასთანხმდება ომის წინ არსებულ მდგომარეობის დატოვებაზე. ჩვენ ამის შესახებ არავითარ ილიუზიებს ადგილი არ უნდა მივსცეთ. ომი გამოწვეულია კაპიტალისტურ ბურჟუაზიის მიერ, (გამოტოვებულა ცენზორის მიერ). . . მისი ლოზუნგია „ომი ბოლომდის“, ე. ი. მოწინააღმდეგე მხარის სრული დამარცხება. ასეთ ლოზუნგს აყენებს პირისპირ ორთავე მოწინააღმდეგე ბანაკის იმპერიალისტური ბურჟუაზია.

(გაზ. „თანამედროვე აზრი“ 1916 წ. 24 მაისი № 114 მ. მონიძის ფსევდონიმით).

სასოფლო სამეურნეო აღწერის გამო.

როგორც ვიცით, ამ ეპოქაში ჩვენში სასოფლო-სამეურნეო აღწერა ხდება. აღწერა ეხება სამ მთავარ საგანს, სახელდობრ: 1) მ ც ხ ო ვ რ ე ბ ე ს, 2) შ ი ნ ა უ რ ს ა ქ ო ნ ე ლ ს ანუ პირუტყვს და 3) დ ა თ ე ს ი ლ მ ი წ ე ბ ს. განსაკუთრებული ყურადღება აქვს მიპყრობილი შინაურ საქონელს და დათესილ მიწებს. ეს აღწერა გამოწვეულია იმ არაჩვეულებრივი და განსაკუთრებული პირობებით, რომლებშიც დღეს იმყოფება მთელი ევროპა და კერძოდ რუსეთის სახელმწიფო. ეს გარემოება, რა თქმა უნდა, დღევანდელ აღწერას უკარგავს მრავალ დადებით მხარეს. საქმე იმაშია, რომ დღევანდელი აღწერა, ჩატარებული არა ჩვეულებრივ და არანორმალურ პირობებში, შეუძლებელია დაედვას საფუძვლად მომავალ აღწერას. ომმა ძალზე შეამცირა მუშა ხელი ყოველგან და განსაკუთრებით სოფლად: ამიტომ აუცილებლად უნდა შემცირებულიყო დათესილი ადგილების რაოდენობაც. ომი ამავე დროს ნთქავს დიდძალ შინაურ საქონელს: ცხენს, ხარ-კამეჩს, ცხვრებს, ღორებს და სხვ. და უკვე ჩანთქა კიდევ. აქედან თავის თავად იგულისხმება, რომ შინაური პირუტყვის რაოდენობა ამ ეპოქაში დღიურ საგრძნობლათ უნდა იყოს ჩვენში შემცირებული.

გარდა ამისა, ჩვენში არაა არავითარი საზოგადოებრივი დაწესებულება, რომელიც დროგამოშვებით ახდენდეს რაიმე სტატისტიკურ აღწერას; ამიტომ ამისათვის აქ არ არის ნიადაგი მომზადებული: არაა არც მცოდნე სტატისტიკოსთა კადრი და არც ხალხია ასეთ აღწერასთან შეჩვეული. ყოველივე ეს არა თუ უკარგავს მნიშვნელობას წრევანდელ აღწერას, არამედ, რაც უფრო უარესია, აფერხებს მის სისრულეში მოყვანას. უნდა გამოვტყდეთ, რომ რუსეთში, განსაკუთრებით საერობო გუბერნიებში სტატისტიკურ აღწერათა საქმე ბევრათ უფრო მკვიდრ საფუძველზეა დამყარებული; და იქაური ინტელიგენტური ძალებიც ბევრათ უფრო გულმოდგინეთ ეკიდებიან ამ საქმეს. ეს დღევანდელი აღწერის მოხდენა საერობო გუბერნიებში საერობო დაწესებულებებს აქვთ და-

კისრებულნი სავსებით; იმათ დასახმარებლად მოწოდებულია ყველა ადგილობრივი სტატისტიკური ძალები: სამეცნიერო და პრაქტიკული, საერობო და საქალაქო (იხ. მუხ. 8 სრულიად რუსეთის სამეურნეო აღწერის ინსტრუქციისა). ერთი სიტყვით, რუსეთის შიდა გუბერნიებში საშვალეება ჭონდათ დღევანდელი აღწერის გარშემო თავი მოეყარა საზოგადოების პროგრესულ და საუკეთესო ძალებს. ჩვენში კი საქმე სხვანაირად დატრიალდა. ერობის უქონლობამ, სამეცნიერო და კერძოთ სტატისტიკურ ძალთა სისუსტემ გამოიწვია ის, რომ სამეურნეო აღწერას სათავეში მოექცენ ბიუროკრატიულ დაწესებულებათა წარმომადგენლები, სხვადასხვარანგის მოხელეები, რომლებიც ადგილობრივ პირობებს ნაკლებათ იცნობენ, ასე რომ ადგილობრივი ინტელიგენტური ძალები ნებისით თუ უნებლიეთ უმეტეს შემთხვევაში ისეთ დიდმნიშვნელოვან საქმეს, როგორც სამეურნეო აღწერაა, სრულებით გულგრილად შეხედენ; ისინი თითქმის არც იღებენ მასში მონაწილეობას. ეს, რა თქმა უნდა, ამტკიცებს ჩვენს უკულტურობას და ჩამორჩენას. ათასჯერ და ათიათასჯერ თქმულა და კიდევ გავიმეორებთ, რომ ჩვენ უფრო ლაპარაკი გვიყვარს, ვინემ საქმის კეთება.

ზევით აღვნიშნეთ, რომ დღევანდელი სამეურნეო აღწერა, მრავალ დადებით მხარეს მოკლებულია, განსაკუთრებით ჩვენში; მაგრამ ეს იმას არ ნიშნავს, რომ მას სრულებით არავითარი მნიშვნელობა არ დაუტრიალდა. არავისთვის საიდუმლოება არ უნდა იყოს ის გარემოება, რომ ჩვენ საზოგადოთ არ მოგვეპოვება ჩვენი ეკონომიური ცხოვრების შესახებ არავითარი ცოტათ თუ ბევრათ სწორი და ნამდვილი სტატისტიკური ცნობები. და ეს ასეც უნდა იყოს, ვინაიდან ჩვენში თითქმის არასოდეს არ მომხდარა რაიმე სტატისტიკური აღწერა ცოტათ თუ ბევრათ ფართო ხასიათის. დაწინაურებულ და კულტურულ ქვეყნებში კი ყველაფერი სტატისტიკაზეა დამყარებული. მართალია, დღევანდელ სამეურნეო აღწერას დასახული აქვს განსაზღვრული მიზანი, მაგრამ, მიუხედავათ ამისა, ამ აღწერასაც შეუძლია მოგვეცეს მთავარი საინტერესო და სასარგებლო ცნობები სოციალური ეკონომიური და ეროვნული საკითხების შესახებ. ასე, მაგ., დღევანდელი აღწერის საშუალებით ჩვენ შეძლება გვეჩვენება გავიგოთ, სხვათა შორის, ოჯახთა რაოდენობა და რა და რა ტიპის (კაპიტალისტური თუ საგლეხო) ოჯახებია დღეს ჩვენში სოფლად, სოფლის მცხოვრებთა რაოდენობა, მომუშავეთა რიცხვი; მცხოვრებთა დაყოფა ეროვნულად და ომის გამო გადმოხვეწილთა რაოდენობა. გარდა ამისა, აღწერამ უნდა გამოარკვიოს ში-

ნაური პირუტყვის და დათესილი მიწების რაოდენობა დაწვრილებით თითოეულ ოჯახზე ცალ-ცალკე. როგორც ხედავთ, ყველა ეს საკითხები მეტად საყურადღებო და მნიშვნელოვანია.

მაგრამ სავალალო და სამწუხარო ის არის, რომ დღევანდელი აღწერა ჩვენთვის ყოველად უსარგებლო გახდება და იგი ჩვენში თითქმის არავითარ კვალს არ დატოვებს. საქმე ის არის, ყველა შეკრებილი მასალა დაუყონებლივ უნდა გაიგზავნოს პეტროგრადს და იქ უნდა იქნას დამუშავებული; და ვინ იცის, ველირსებით კი ოდესმე ამ მასალის გამოქვეყნებას? და კიდევ რომ ველირსოთ ოდესმე, საექვოა გამოაქვეყნონ ის, რაც ჩვენ გვინტერესებს, ყოველ შემთხვევაში, იმის თქმა კი წინდაწინ შეიძლება, რომ ეს იმ დროს მოხდება, როცა ეს მასალა პრაქტიკულ მნიშვნელობას სავსებით დაკარგავს და მას მხოლოდ ისტორიული მნიშვნელობაღა შერჩება.

ამას წინათ გაზ. „სახ. ფურცელი“⁵⁶) (№ 608) და „საქართველო“⁵⁷) (№ 14) შეეხებნ დღევანდელ სამეურნეო აღწერას და აღნიშნეს ის, რომ ეს აღწერა არ არის სრული, რომ იგი მრავალ ეკონომიურ ხასიათის საკითხებს უყურადღებოთ ტოვებს. თავის თავად ეს შენიშვნა მართალია, მაგრამ ხსენებულ გამოცემით გამოეპარათ უმთავრესი მხარე, სახელდობრ ის, რომელიც ჩვენ ზევით აღვნიშნეთ, ე. ი. ის, რომ ის, რისიც მოცემა დღევანდელ აღწერას შეუძლია, ჩვენთვის უკვალით ჩავიცდის. არის კი ერთი საშუალება, რომ ეს სამწუხარო შედეგი თავიდან ავიცილინოთ. ინსტრუქციის მე-12 მუხლის შენიშვნის ძალით აღწერის მასალა შეიძლება გამოყენებულ იქნას ადგილობრივ დაწესებულებების მიერ, რისთვისაც ადგილობრივ დაწესებულებათ უფლება ეძლევათ გადმოიღონ ასლი (კოპია) აღწერის ბლანკებიდან. ახლა იზადება საკითხი: არის თუ არა ჩვენში ისეთი დაწესებულება, რომელმაც ასეთი რთული საქმე იკისროს? ჩვენი აზრით არის. ჩვენ ვამბობთ კ უ ლ ტ უ რ უ ლ ს ა ზ ო გ ა დ ო გ ბ ა თ ა კ ა ვ შ ი რ ზ ე, რომელიც ამას წინათ დაარსდა. მხოლოდ დასახელებულ კავშირს შეუძლია და ვალდებულიცაა მოკიდოს ხელი ამ საქმეს. უნდა შევნიშნო, რომ დაყოვნება აღარ შეიძლება, თითქმის დაგვიანებულიც არის, მაგრამ თუ საქმეს ფიცხლავ მოკიდებენ ხელს, ჯერ კიდევ დრო არის, სანამ აღწერა ჯერ კიდევ არ დათავებულა.

რა თქმა უნდა, ჩვენ ვამბობთ მხოლოდ ტფილისის და ქუთაისის გუბერნიების მასალის გადაწერაზე.

აქ მართო ლაპარაკი არ ვარგა. საჭიროა საქმე და არა სიტყვები, მერე კი თითებზე კბენა არაფერს გვიშველის. თუ საქმე გვიყვარს და გვინტერესებს, ეს აქ შეიძლება გამოაშკარავდეს.

ქალაქის თვითმართველობა და მცხოვრებნი.

ამ უკანასკნელ ორი წლის განმავლობაში ცხოვრების პირობები ქალაქში⁸) საოცრათ გამოიცვალა. პირველ შეხედვით, თითქო ყოველივე მიმდინარეობს ისე, როგორც უწინ, მაგრამ ცოტათი რომ დააკვირდეთ ქალაქის ცხოვრებას, მყისვე შეამჩნევთ, რომ საზოგადოებრივი ცხოვრების მიმდინარეობა ჩვეულებრივი კალაპოტიდან ამოსულა და აქეთ-იქით ეხეთქება, რომ ახალი გზა ანუ ახალი კალაპოტი გამოძებნოს.

მიუხედავად იმისა, რომ თფილისი კაი ხანია შეიქნა ახალი ცხოვრების სარბიელათ, აქ პატრიარქალურ იდილიურ განწყობილებათა გავლენა ამ უკანასკნელ დრომდე საკმარისათ საგრძნობელი იყო. სულ მცირე ხნის განმავლობაში ეს ძირიანათ შეიცვალა. პატრიარქალურ იდილიურ ურთიერთობათა ნაშთი ან სულ გაქრა, ან ჭრება. სადღაა წინანდელი სიიადე, წინანდელი სიუხვე და ხალვათობა? სანოვაგე მამასისხლათ შეიქნა, ხალხის ტევა აღარსად არის, საერთოთ ცხოვრება გაშმაგებულ ჭიდილათ გადაიქცა, რომლიდანაც მხოლოდ თითო-ოროლა გამოდის გამარჯვებული, ათასები და ათი-ათასები კი შეუბრალებლათ ისრისებიან. ასეთია ბედი ყველა თანამედროვე ქალაქისა, სადაც კი კაპიტალისტური განვითარება უმაღლეს სფერუს აღწევს. როგორც ზევით ვამბობდით, თფილისი კაი ხანია შემდგარი იყო კაპიტალიზმის გზაზე, მაგრამ სხვადასხვა მიზეზების გამო, კაპიტალისტური განვითარება აქ შედარებით საკმარისათ ნელი ნაბიჯით წიდიოდა წინ. ომმა მოახდინა ამ მხრით დიდი ცვლილება. უპირველეს ყოვლისა თფილისი შეიქნა უმთავრესი ცენტრი თითქმის ყველა იმ დაწესებულებათა, რომელთაც ომთან კავშირი აქვთ. აქ იყო დენა და შეჯგუფება აუჯრებელმა ხალხმა და ყველა ამის გამო ფულის ტრიალი და დაგროვებამ პირდაპირ ზღაპრული ხასიათი მიიღო. და აი ჩვენ ვხედებით იმის მოწამე, რომ ქალაქი თითქო უეცრათ გამოიცვალა და განვითარებული კაპიტალიზმის შედეგებმა საგრძნობლად იჩინეს თავი. ერთი მთავარი შედეგთაგანი ის არის, რომ ქალაქში ცხოვრება გაჭირდა, გაჭირდა, რა თქმა უნდა, ხალხის მშრომელი ნაწილისთვის, ე. ი. იმათთვის, ვინც ბაზარზე ყი-

ღის მხოლოდ თავის საკუთარ სამუშაო ძალას, და ყველა სხვა პირველი მოთხოვნების საგნები იძულებულია იყიდოს, რომ იარსებოს: გაჭირდა აგრეთვე ყველა წვრილ და რამდენიმეთ საშუალო მოხელეთათვის, ვისთვისაც ჯამაგირები ან არ მოუმატებიათ ან თუ მოუმატეს, სულ უმნიშვნელო რამ. მაგრამ მდგომარეობა კიდევ უფრო რთულდება არა მარტომით, რომ პირველ მოთხოვნების საქონელი ზღაპრულად გაძვირდა, არამედ თვით საქონლის ნაკლებობით და ზოგიერთ შემთხვევაში საქონელი სრულებით აღარ მოიპოვება ბაზარზე. ასევე მწვავეთ დგას ბინების საკითხიც. ასევეა სასწავლებლებშიაც: რამდენი ბავშვისთვის დახშულია სასწავლებლის კარი, რამდენი მშობელი უიმედოთ ბრუნდება იქიდან ატირებული. ქალაქის გამრავლებულ მცხოვრებთ ველარ აკმაყოფილებს ვერც დღევანდელი ტრამვაი, ვერც წყალსადენი, ვერც რკინის გზები. ყველგან სივიწროვე, ყველგან საქონლის და ადგილის ნაკლებობა. რა თქმაუნდა, ამ საერთო კრიზისის ხანაში უწინარეს ყოვლისა იჩაგრება მცხოვრებთა ღარიბი ნაწილი, ვინაიდან მდიდარი ყოველთვის იშოვის რაიმე გამოსავალს. ყველა ამას ერთვის ათასგვარი გადამდებ ავადმყოფობათა გაშლიერება ქალაქში. ჯერ კიდევ შემოდგომა დგას, მაგრამ აღარც ზამთარია შორს. პურის, ბინის და შეშის საკითხი კიდევ უფრო გამწვავდება და ყველა ეს საკითხები კიდევ უფრო უნდა აფიქრებდნენ ქალაქის მცხოვრებლებს.

ასეთია მოკლეთ ჩვენი ქალაქის სურათი, ახლა ვიკითხოთ, თუ რას აკეთებს ამ შემთხვევაში ქალაქის თვითმართველობა, რა ზომებს ხმარობს იგი, რომ ცოტათი არის რამდენიმეთ მაინც შეუმსუბუქოს მცხოვრებთ კრიტიკული მდგომარეობა? საარჩევნო კანონმა ქალაქი ისეთ ელემენტებს ჩაუგდო ხელში, რომლებიც, როცა სახლს ცეცხლი გაუჩნდება, მარტომაზე ფიქრობენ, რომ როგორმე თვითონ მოითბონ ხელი. ამ გაჭირვების და საერთო კრიზისის ხანაში, როცა საზოგადოებრივი ცხოვრების პირობები ქალაქში მეტისმეტათ გართულდა და საქმიანობას თხოულობენ იმათგან, ვინც თვითმართველობას უდგას სათავეში, ჩვენი ქალაქის მესვეურები ან პირად საქმეს ემსახურებიან, ან პილატეს როლს ასრულებენ. ასე, მაგ., როცა იმათ შიბაჯენენ მუხლს და დაეკითხებიან: თქვენ რას აკეთებთო? ისინი სრულიად დამშვიდებული აცხადებენ: ჩვენ მზათა ვართ ყველაფერი მოვაწესრიგოთ, მაგრამ უძლური ვართ, ვინაიდან ეს ჩვენზე არ არის დამოკიდებულიო. მცხოვრებთა გულუბრყვილო ნაწილი უჯერის, მით უფრო, რომ ზოგიერთ შემთხვევაში დღევანდელ განსაკუთრებულ ხა-

ნაში მართლაც ყველაფერი ქალაქის თვითმართველობაზე როდია დამოკიდებულია. მაგრამ ყოველივე ექვს გარეშეა, რომ თვითმართველობას მაინც ბევრი რამის გაკეთება შეუძლია ღლევეანდელი გაჭირვების შესამსუბუქებლათ. ხალხის უზრუნველყოფა პირველ მოთხოვნილების საგნებით, ეს უდიდესი და აუცილებელი საქმეა, რომელიც ქალაქის მუნიციპალიტეტმა უნდა იკისროს. ეს ასეც ხდება ყოველგან, არა თუ საზღვარ-გარეთ, არამედ თვით რუსეთის ზოგიერთ ქალაქებშიაც. ჩვენი ქალაქის თვითმართველობის მოთავეებმაც დაიწყეს ამის თაობაზე ლაპარაკი, მრავალი სიტყვები დახარჯეს, ბოლოს სათავეში ამ პირველ მნიშვნელოვან საქმეს მოექცა სრულებით უვარგისი პიროვნება, რომლის მოღვაწეობა ამ სარბიელზე სისხლის სამართლის უფლების თვალთახედვის წერტილიდან უფროა საინტერესო. ქალაქის სასურსათო დუქნები უფრო სიტყვის დამამშვენებელი მასალაა, ვინემ ნამდვილი საქმე. ნამდვილათ კი მთელი სასურსათო საქმე თვით იმათი წყალობით სავსებით სპეკულიანტების ხელშია. თფილისის ქალაქის თვითმართველობამ არა თუ ვერ შესძლო, არც კი მოინდომა, რომ მცხოვრებთა აღწერა მოეხდინა, მცხოვრებთა რიცხვის და ბინების საკითხის გამოსარკვევათ ქალაქში. თითქმის ყველა ცოტათ თუ ბევრათ მოზრდილ ქალაქებში, როგორც ქ. ქ. კიევში, სარატოვში, როსტოვში, ოდესაში, პეტროგრადს და მოსკოვს რომ თავი დაეანებოთ, ამ უკანასკნელ ორი წლის განმავლობაში, ქალაქის მუნიციპალიტეტებმა მოახდინეს ხალხის აღწერა. რაც საფუძვლად დაედვა ყველა იმ ღონისძიებათ, რომლებსაც ისინი საქიროთ სთვლიან ხალხის უზრუნველსაყოფათ ღლევეანდელი კრიზისის დროს. ჩვენი ქალაქის მეთაურებმა ვერ მოიფიქრეს ეს. მაშინ, როცა ხალხის შეჯგუფებამ და მკიდროობამ, მცხოვრებთა რაოდენობის ზრდამ უკანასკნელ წლების განმავლობაში განსაკუთრებით, სწორეთ ყველაზე უფრო თფილისში იჩინა თავი. ერთი სიტყვით, სინამდელიე გვეუბნება, რომ ქალაქის არსებულ თვითმართველობაზე იმედების დამყარება სრულებით ამაოა. ამაოა აგრეთვე რაიმე მოთხოვნილების წაყენება იმათთვის, ვინც იქ დღეს მეთაურობენ; და ეს იმიტომ, რომ ისინი არ გრძნობენ და არც არიან პასუხისმგებელნი თვით ხალხის წინაშე. ისინი უწყევნ ანგარიშს მხოლოდ მცხოვრებლების ერთ მუქა ნაწილს, სისხლის მწოვარ სპეკულიანტებიდან შემდგარს. ამიტომ რამდენიც არ უნდა ვიფიქროთ და ვიმსჯელოთ, ბოლოს მაინც ერთ დასკვნამდე უნდა მივიდეთ: მცხოვრებლებმა თვითონ უნდა უშველონ თავიანთ თავს, თვითონ უნდა გამონახონ ისეთი საშუალებანი, რომ შესძლონ გაჭირვებას და მოსალოდნელ განსაც-

დელს თავი დაახწიონ. მაგრამ ამისთვის საჭიროა რაიმე ორგანიზაცია. ერთნაირი ორგანიზაცია, ერთნაირი შეკავშირება ახლაც არსებობს კოოპერატივების სახით, მაგრამ ეს არ არის საკმარისი და მაზე დიდი იმედების დამყარება არ შეიძლება. კოოპერატივების გვერდით უნდა დაარსდეს სარაიონო, საუბნო კომიტეტები, რომლებშიაც თვით მცხოვრებლებმა უნდა მიიღონ მონაწილეობა. რაიონულ კომიტეტებმა უნდა შექმნან ერთი ცენტრალური კომიტეტი, რომელიც უნდა აერთებდეს და ხელმძღვანელობას უწევდეს რაიონულ კომიტეტებს. ასეთი ორგანიზაცია თითონ გამოძებნის ზომებს და თითონ ეცდება იმათ განხორციელებას ცხოვრებაში. არაჩვეულებრივი ხანა და განსაკუთრებული პირობები თხოულობენ ხალხის თვითმოქმედებას, სხვისი აპეკუნობის თავიდან მოშორებას და თავის საქმის თავისი საკუთარი ძალებით გაძლოლას. ასეთი კომიტეტების წარმოშობა და არსებობა სრულებით ახალი რამ არის: თითქმის დღევანდელ ომის დროსაც რუსეთის ქალაქებშიაც სცადეს ამგვარი ორგანიზაციების შემოღება, რამაც ყოველგან დიდი ნაყოფი გამოიღო, მაგ., ბაქოში. სამწუხაროთ მათი არსებობა ხანგრძლივი არ იყო. მაგრამ ეს კიდევ იმას არ ამტკიცებს, რომ ასეთი ცდა კიდევ და კიდევ არ იქნას განმეორებული, ვინაიდან სხვა გზა არ არის.

(გაზ. „თანამედროვე აზრი“ 1916 წ. 21 სექტემბერი
- № 209. „მ. მონიძის“ ფსევდონიმით).

სამეურნეო აღწერა.

(საერთო დახასიათება)

I.

როგორც ჩვენმა მკითხველებმა უკვე იციან, სამეურნეო აღწერა ჩვენ-
შიაც დამთავრდა. ახლა წამოყენებულია კითხვა თვით შეგროვილი მასა-
ლების დამუშავების შესახებ. მაგრამ თავდაპირველად საინტერესოა ვი-
ცოდეთ, თუ საერთოდ რა ღირებულებას წარმოადგენს ეს მასალა, ე. ი. საინტერესოა ვიცოდეთ, თუ რა ცნობებს იძლევა იგი ან თუ რამდენათ მარ-
თალია და სარწმუნოა თვით ეს ცნობები. როგორც ერთი იმათგანი, ვინც
ახლო დაპირდაპირი მონაწილეობა მიიღო სამეურნეო აღწერის მოხდენაში,
ამ სტრუქტურების დამწერი, ვალდებულათ რაცხს თავს თავისი აზრი და შე-
ხედულება გამოთქვას ამ საკითხის შესახებ.

ჩვენ ვიცით, რომ სრულიად რუსეთის სამეურნეო აღწერა დიდი ხა-
ნია საოცნებო საგანს შეადგენდა რუსეთის საერობო სტატისტიკოსებისა და
საერობო მოღვაწეობისათვის. ეს ოცნება ახლა სინამდვილეთ იქცა. მარ-
თალია, ზოგიერთი ერობანი ახდენდენ სამეურნეო აღწერას, მაგრამ ეს
ხდებოდა მხოლოდ ალაგ-ალაგ და მეტად ვიწრო ფარგლებში. ამიტომ
აშკარაა, რომ სრულიად რუსეთის სამეურნეო აღწერის მოხდენას აქვს,
როგორც უდიდესი თეორეტიული, ისე უდიდესი პრაქტიკული მნიშვნე-
ლობა. რამდენიმეთ ამცირებს ამ მნიშვნელობას მხოლოდ ორი გარემოება.
ერთი ის, რომ დღევანდელი სამეურნეო აღწერა რუსეთში გამოიწვია იმ
განსაკუთრებულმა მდგომარეობამ, რომელიც შექმნა ომმა, ვინაიდან ასეთი
არაჩვეულებრივ დროს შეგროვილი მასალა ჩვეულებრივი ანუ ნორმალუ-
რი მდგომარეობის დასახასიათებლათ სავსებით ვერ გამოდგება. მეორე ის,
რომ მთელი რუსეთის იმპერიის სამეურნეო აღწერას საფუძვლად დაედვა
ერთგვარი პროგრამა, შეფარდებული განსაკუთრებით რუსეთის შიდა გუ-
ბერნიების მეურნეობასთან. მართალია, ყოველივე ფართო სტატისტიკური
გამოკვლევა უნდა ხდებოდეს ერთნაირი გეგმით და ერთგვარი პროგრამით,

მაგრამ არ უნდა დავივიწყოთ, რომ რუსეთის იმპერიას უჭირავს უდიდესი ტერიტორია, რომლის სხვადასხვა ნაწილები არა თუ დაშორებულია ერთი მეორესთან დიდი მანძილით, არამედ ჰავის და ტოპოგრაფიული პირობების მხრით დიდად განსხვავდებიან ერთი მეორისაგან. ეს გარემოება, რა თქმა უნდა, იწვევს თავის თავად სამეურნეო კულტურის განსხვავებასაც, და ამიტომ ერთნაირი პროგრამა სრულიად რუსეთის აღწერისათვის ზოგიერთ შემთხვევაში უხერხული გამოდგა. ყოველ შემთხვევაში ეს უნდა ითქვას ამიერ-კავკასიის შესახებ, რომლის მეურნეობა, როგორც ვიცით, დიდად განსხვავდება რუსეთის შიდა გუბერნიების მეურნეობისაგან. უმეტეს ნაწილათ აქ გვხვდება ისეთი მცენარეების კულტურა, რომლებიც რუსეთში სრულებით არ მოინახება და რომლებიც პროგრამაში შეუტანელი დარჩა. მართალია, ცენტრალურმა ბიურომ, რომელიც ხელმძღვანელობას უწევდა ჩვენში აღწერას, დაუკავშირა, ანუ უფრო მართალი რომ ვთქვათ, შეეცადა დაეკავშირებია შიდა გუბერნიების მიხედვით გამომუშავებული პროგრამა ადგილობრივ პირობებისათვის, და უნდა ითქვას, რომ ზოგიერთ შემთხვევაში ეს შესაძლებელი შეიქნა, მაგრამ დასახელებული უხერხულობა სავსებით მაინც ვერ იქნა თავიდან აცილებული. გარდა ამისა, დიდ ნაკლათ უნდა ჩაითვალოს ის გარემოებაც, რომ ამიერ-კავკასიაში აღწერის დროს ერთიანობა ვერ იქნა განხორციელებული. ზოგ ადგილას, მაგ. ქუთაისის გუბერნიაში, ვენახები აღნუსხულ იქნენ, დანარჩენ ადგილას კი არა. თუ მივიღებთ მხედველობაში იმ გარემოებას, რომ ამიერ-კავკასიის ზოგიერთ გუბერნიებში მევენახეობა მთავარ როლს თამაშობს სოფლის მეურნეობაში, ჩვენ ადვილათ დავინახავთ, თუ დღევანდელი სამეურნეო აღწერისთვის რა დიდ ნაკლულევანებას შეადგენს ვენახების აღნუსხველობა.

მაგრამ მიუხედავად ყველა იმ უარყოფით მხარეებისა, რომლებიც ჩვენ მოვიხსენიეთ, სამეურნეო აღწერას იმ სახითაც, რა სახითაც იგი ცხოვრებაში გატარდა, მაინც დიდი მნიშვნელობა აქვს. უწინარეს ყოვლისა მისი მნიშვნელობა იმით არის დიდი, რომ იგი გაფართოვებულ ფარგლებში მოხდა, ვინაიდან რამდენათ გამოასაკვლევ საგნების დიდ რაოდენობას შეიცავენ სტატისტიკური ცნობები, იმდენათ ეს ცნობები უფრო მეტად უახლოვდებიან სინამდვილეს. გარდა ამისა, 1916 წლის სრულიად რუსეთის სამეურნეო აღწერის იდეა უფრო ბიუროკრატიულ კანცელარიაში იშვა, მაგრამ შეიძლება ითქვას, რომ როგორც მისი გეგმის და პროგრამის გამომუშავება, ისე ამ პროგრამის სისრულეში მოყვანა მოხდა. საზოგადოებრივ

დაწესებულებათა და სამეცნიერო სტატისტიკურ ძალების ახლო მონაწილეობით *).

სამეურნეო აღწერის პროგრამის გამომუშავების დროს მიღებულ იქნენ მხედველობაში ყველა ის წესები და დასკვნები, რომლებიც დღემდე გამოიმუშავა რუსეთის საერობო სტატისტიკამ. მასალის დამუშავებაც საესებით ენდობა იმავე საზოგადოებრივ დაწესებულებათა ანუ, უკეთ რომ უთქვამთ, საერობო სტატისტიკის საუკეთესო ძალებს. ამ ჟამად შეგროვილი მასალების გამომუშავების გეგმას და პროგრამას იკვლევენ სტატისტიკების კრებებზე და არა ბიუროკრატიულ კანცელარიებში, როგორც ეს წინათ ხდებოდა. ამიტომ დანამდილებით შეიძლება ითქვას, რომ სამეურნეო აღწერის მასალების დამუშავება მოხდება ისე, როგორც ამას მოითხოვს სტატისტიკური მეცნიერება და საზოგადოებრივი ინტერესები. ჩვენ იმას არ ვამბობთ, რომ ეს დამუშავება უნაკლებო იქნება; ჩვენ ვამბობთ მხოლოდ იმას, რომ ეს დამუშავება, რუსეთში მიანიც, მინდობილი აქვს საუკეთესო მეცნიერულ ძალებს, რომლებიც დღეს იქ არსებობენ.

ახლა ჩვენ უნდა დაუბრუნდეთ თვით აღწერილ მასალებს.

II.

რომ სამეურნეო აღწერის მასალებზე წარმოდგენა ვიქონიოთ, ამისათვის საჭიროა გავეცნოთ თვით აღწერის პროგრამას ცოტა უფრო დაწვრილებით. პროგრამის მიხედვით აღწერამ უნდა გამოარკვიოს სამი მთავარი საგანი: 1) სოფლის მცხოვრებთა რაოდენობა, 2) შინაური ოთხფეხი საქონელი და 3) ნათესი, ე. ი. დათესილ მიწების რაოდენობა 1916 წელს. აღწერა ეხება ყველა ოჯახს ანუ ყველა ცალკე სამეურნეო ერთეულს, რომელიც სოფლად არსებობს და თავისი საკუთარი მეურნეობა აქვს, სულ ერთია რა ზომისაც არ უნდა იყოს ეს უკანასკნელი. ყველა ოჯახები იყოფა ორ მთავარ კატეგორიად. პირველ კატეგორიაში შედიან საგლეხო ტიპის ოჯახები, მეორეში კერძო მფლობელთა ანუ კაპიტალისტური სამეურნეო ოჯახები. თითოეული კატეგორიის ოჯახების ასაწერათ გამომუშავებულ იქნა სხვადასხვანაირი ფურცელი ანუ ბლანკი. აშკარაა, რომ ასეთ დაყოფას საფუძვლად დაედვა არა წოდებრიობა, არამედ ოჯახის სამეურნეო წარმოების ხასიათი, ე. ი. თუ რომელ კატეგორიაში მოხდება ოჯახი ეს

*) აქ უნდა შევნიშნოთ, რაუბ ამ შემთხვევაში ჩვენ მხოლოდ თვით რუსეთი გვაქვს მხედველობაში და არა მისი განაიირა ქვეყნები.

დამოკიდებულია იმაზე, თუ რა ხასიათისაა თვით ოჯახი: წარმოადგენს იგი ისეთ სამეურნეო ერთეულს, რომელიც აკმაყოფილებს უმთავრესად თავის საკუთარ მოთხოვნილებებს, თუ ისეთს, რომელიც უმთავრესად ბაზრისთვის ამზადებს ნაწარმოებს.

კერძოდ, რაც შეეხება მცხოვრებთ, აღწერა არკვევს როგორც საერთო რაოდენობას, ისე მამაკაცთა და დედაკაცთა რიცხვს თითოეულ ოჯახში და ამასთანავე მომუშავეთა რაოდენობასაც თითოეული სქესისთვის ცალ-ცალკე. გარდა ამისა საგლებო ოჯახების 5 პროცენტისთვის მცხოვრებლები უფრო დაწვრილებით იქნენ აღწერილი, ე. ი. წლოვანების აღნუსხვით, და აგრეთვე იმის ჩვენებით, თუ რამდენი მამაკაცი იქნა ასეთი ოჯახებიდან გაწვეული ჯარში ომის გამოცხადების შემდეგ. შინაურ ოთხფეხ ცხოველებში განსაკუთრებული ყურადღება დაეთმო, რა თქმა უნდა, ცხენებს, შემდეგ ხარ-კამეჩებს, ძროხებს, ფურ-კამეჩებს, დეკეულებს და მოზერებს, ხბოებს, ღორებს, ცხვარს. თავდაპირველად განზრახული იყო შინაური ოთხფეხი საქონლის აღნუსხვა საგლებო ოჯახის ხუთი პროცენტისათვის და ყველა კაპიტალისტური ოჯახებისათვის როგორც 1916 წ., ისე გასული 1915 წელსაც, რაც მნიშვნელობას მოკლებული არ იყო; მაგრამ შემდეგი განკარგულებით საქონელი ჩვენში 1915 წლისთვის არ იქნა აღწერილი.

აღწერა განსაკუთრებულ ყურადღებას აქცევდა დათესილ მიწების რაოდენობის გამორკვევას 1916 წლისათვის. ასეთი მიწები ინუსხებოდა თითოეული მცენარისათვის ცალ-ცალკე იმის ჩვენებით, სკუთარ თუ ნაჭირავებ მიწაზე იყო დათესილი ესა თუ ის პურის მცენარე; გარდა ამისა, ამიერ-კავკასიაში, როგორც საკუთარი, ისე საღალო მიწები დაყოფილ იქნენ კიდევ სარწყავ და ურწყავ მიწებათ. საგლებო ოჯახების 5 პროცენტისთვის და ყველა კაპიტალისტურ ოჯახებისთვის. აღწერა შეეხო აგრეთვე გასულ 1915 წლის დაუთესელ მიწებსაც. დასასრულ, სურათის სისრულისათვის უნდა აღვნიშნოთ, რომ საგლებო ოჯახების 2 პროცენტისთვის და ყველა კაპიტალისტურ ოჯახებისთვის აღწერის დროს აღნუსხვილ იქნა კიდევ სხვადასხვა სასურსათო საგნების (ხორბლის, ფეტვის, ღვინის და სხვ.) რაოდენობა (მარგი).

III

ზევით ნათქვამიდან მკითხველი დაინახავს, თუ რა გვარ ცნობებს შეიცავს სამეურნეო აღწერის დროს შეგროვილი მასალა. აქედან ჩანს, რომ ამ მასალის მიხედვით შეუძლებელია მიწათმფლობელობის საკითხის გამოკვევა; აღწერას არც დაუყენებია ეს საკითხი პირდაპირ. რა თქმა უნდა, აღწერის მასალების მიხედვით შეიძლება საგლეხო მიწათ-მფლობელობის გამოკვევა, მაგრამ ისიც დაახლოებით. გარდა ამისა, სამეურნეო აღწერა სრულებით არ ეხება არც მიწების ფასს და არც ღალის სიდიდეს. ეს ნაკლი უმთავრესად იმას უნდა მიეწეროს, რომ რუსეთის შიდა გუბერნიებისათვის როგორც მიწათმფლობელობა, ისე მიწის ფასები და ღალა საკმარისათ გამოკვეული და ცნობილია. ამიტომ ყველა ეს ნაკლებევაგებანი განსაკუთრებით ამიერ-კავკასიისათვის არის საგრძნობი, ვინაიდან ამ საკითხების შესახებ ჩვენ არა გვაქვს ცოტათ თუ ბევრათ გარკვეული და სწორი ცნობები.

ყოველ შემთხვევაში სამეურნეო აღწერა იძლევა მეტად საინტერესო და საყურადღებო მასალას, როგორც მთელი რუსეთის, ისე კერძოდ ჩვენი ქვეყნის სამეურნეო წარმოების გასარკვევად და გასაშუქებლად. მაგრამ ახლა იბადება მეორე საკითხი: რამდენათ სარწმუნო და მართალია შეგროვილი მასალა, ე. ი. რამდენათ უახლოვდება იგი სინამდვილეს? ამ კითხვებზე რომ შესაფერი პასუხი გავცეთ, საჭიროა უწინარეს ყოვლისა აღვნიშნოთ, რომ მასიური სტატისტიკური გამოკვლევების მეოხებით ფაქტიური უსწორ-მასწორობა შესამჩნევად იშლება; მით უფრო უნდა ითქვას ეს ახლანდელი სამეურნეო აღწერის შესახებ, რომელიც ასეთ გაფართოებულ ფარგლებში მოხდა. მაგრამ სიმართლის აღსადგენად ჩვენ საჭიროდ მიგვაჩნია აღვნიშნოთ, რომ სოფლის მცხოვრებნი კულტურული ჩამორჩენის და გაუხანტლებლობის გამო ხშირად ტყუილ ცნობებს იძლეოდნენ თავისი მეურნეობის შესახებ, ე. ი. მრავალ შემთხვევაში ფაქტიურ მდგომარეობას მაღავედნენ, რამდენათაც ეს მათ უხერხდებოდათ. მიზანი ასეთი ტყუილი ცნობის მოწოდებისა მცხოვრებთა მხრით ადვილი გასაგებია. ამ ფრიად სამწუხარო მოვლენას ებრძოდნენ აღმწერელ-რეგისტრატორები. მაგრამ უმრავლეს შემთხვევაში თვით ეს რეგისტრატორები დავალებულ საქმეში მეტად მოუშხადებელი იყვნენ და თავისი მოვალეობის მნიშვნელობა იშვიათად თუ ეისმეს სავსებით ესმოდა. თავის თავად იგულისხმება, რომ ამწერლებშიაც იყვნენ თითო ოროლა პირნი, რომლებმაც სავსებით შეიგ-

ნეს აღწერის აზრი და მნიშვნელობა და თავის მოვალეობას-სინდისიერათ შეასრულეს. სამწუხაროთ, ასეთების რიცხვი მცირე იყო.

მეორე მხრით საჭიროა აღვნიშნოთ ის, რომ მცხოვრებლები ყველა კითხვებზე როდი იძლეოდნენ ტყუილ ცნობებს, მით უფრო, რომ ზოგიერთ შემთხვევაში სინამდვილის გამოაშკარებება მათთვის უფრო სასარგებლო იყო, ვინემ საზიანო. ასეთი იყო, მაგ., საკითხი მცხოვრებთა რაოდენობის შესახებ. მხოლოდ უნებლიეთ შეცდომით თუ მისცემდა ვინმე ტყუილ ცნობებს მცხოვრებთა რაოდენობაზე, თორემ მოფიქრებით და განზრახ არა შემთხვევაში. ამიტომ ცნობები სოფლის მცხოვრებთა რაოდენობის შესახებ უთუოდ სარწმუნოდ უნდა ჩაითვალოს, და ისინი სავსებით მისაღებია. ეს არ შეიძლება ითქვას დათესილ მიწების და კიდევ უფრო შინაურ ოთხფეხ ცხოველების შესახებ. ამ უკანასკნელ დარგში მცხოვრებლები უმეტეს ნაწილათ არ იძლეოდნენ სწორ ცნობებს, ერთი სიტყვით, აქ ისინი ტყუილ ცნობებს გვაწვდიდნენ. მაგრამ ტყუილსაც თავის საზღვარი აქვს. არის სხვადასხვა საშუალება ტყუილ ცნობების გამოსააშკარავებლათ იქ, სადაც ისინი ამ საზღვარს სცდებიან. ავიღოთ მაგ., ნათესის და შინაური საქონლის რაოდენობა. უმეტეს ნაწილათ ამ ორ საგანს შორის მჭიდრო დამოკიდებულება არსებობს, ზოგიერთ გამონაკლისს გარდა უმეტეს ნაწილათ, თუ სოფლის ოჯახს მრავალი ხარ-კამეჩი ყავს, მას ნათესიც ბევრი ექნება და პირიქით და აი ის, ვინც ცნობებს იძლეოდა, ორივე საკითხში ერთნაირათ ვეთ მოიტყუილებდა, და ერთობ ხშირი იყო ამის გამო თავის წინააღმდეგობა, და ასეთ შემთხვევაში კი სინამდვილის გაგება ადვილდებოდა.

მაგრამ ყველაფერს რომ თავი დავანებოთ, ისეთი ტყუილი ცნობების მოწოდება, რომლებიც სინამდვილეს სრულიად ეწინააღმდეგებოდნენ, ყოველად წარმოუდგენელია. ასე, მაგ., ორი უღელი ხარის მაგიერ ამბობდნენ ერთ უღელს ან უღელ ნახევარს, მაგრამ ორი უღელი ხარ-კამეჩის ილაჯის ცალი უღელი ხარი ეჩვენებიათ ან სრულებით არა, — ეს შეუძლებელია. ასევე ითქმის ნათესის შესახებაც. ამნაირათ, შეიძლება ითქვას, რომ ამ ორ დასახელებულ საგანშიაც მცხოვრებლების ჩვენება ასე თუ ისე სინამდვილეს უახლოვდება. კითხვა იმაში მდგომარეობს, თუ რამდენათ, ახლოა ეს ცნობები სინამდვილესთან. ჩვენ შეგვიძლია ვთქვათ, რომ პირუტყვის და ნათესის შესახებ ხალხი ზოგიერთ შემთხვევაში სანახევროდ ამბობდა მართალს ე. ი. ორი დღიური ნათესის ან ორი უღელი ხარ-კამეჩის მაგიერ აჩვენებდნენ ერთ დღიურს, ან ერთ უღელ ხარ-კამეჩს. ჩვენის აზრით

ასეთ შემხვევათა რიცხვი უფრო ნაკლები იყო. უმეტეს ნაწილად სინამდვილეს ამცირებდენ ან ერთი მეოთხედით, ან ერთი მესამედით. მაგრამ არ უნდა დავივიწყოთ, რომ მცხოვრებთა ერთი ნაწილი, თუმც ძალიან მცირე შედარებით, როგორც ნათესების, ისე საქონლის შესახებაც ნამდვილ და სწორ ცნობებს იძლეოდენ. ყველა ზევით ნათქვამიდან ჩვენ შეგვიძლიან შემდეგი დასკვნა გამოვიყვანოთ სამეურნეო მასალების აღწერის შესახებ:

1) ცნობები მცხოვრებთა რაოდენობის შესახებ სწორეა და თუ უხვევს სინამდვილეს ყოველ შემთხვევაში არა უმეტეს 1—2 პროც., 2) ცნობები ნათესის და შინაური ოთხ-ფეხი საქონლის შესახებ შემცირებულია, სინამდვილესთან შედარებით დაახლოვებით არა უმეტეს 20—25 პროც.

ჩვენ მხედველობაში გვაქვს ამ შემთხვევაში რომელიმე მთელი რაიონის, მაზრის ან გუბერნიის მთელი ჯამი და არა კერძო შემთხვევები.

ასეთ შესწორების შემდეგ, შეიძლება ითქვას, რომ სამეურნეო აღწერა მეტად ძვირფას მასალას იძლევა ჩვენი სოფლის მეურნეობის შესახებ. ამ მასალების დამუშავების და აგრეთვე ზოგიერთ ცნობების შესახებ ჩვენ შემდეგ წერილში გვექნება ლაპარაკი.

გახ. „თანამედროვე აზრი“ 1916 წ.

27 სექტემბერი № 214.

სამეურნეო აღწერის მასალების დაგეგმვის გეგმა.

წინა წერილში ჩვენ შევეხეთ სამეურნეო აღწერის მასალების ღირებულებას და მნიშვნელობას და იმ დასკვნამდე მივედით, რომ ჩვენი სოფლის დღევანდელი ეკონომიური ვითარების გამოსარკვევად და შესასწავლათ ეს მასალები საკმარისათ ძვირფას ცნობებს იძლევიან. მაგრამ თავის თავათ იგულისხმება, რომ, როგორც თეორეტიული, ისე პრაქტიკული მნიშვნელობა ამ ცნობებისა სავესებით დამოკიდებულია თვით მასალების დროიანათ დამუშავებაზე. დაუმუშავებელი სტატისტიკური მასალა, როგორი ღირსებისაც არ უნდა იყოს იგი, წარმოადგენს მხოლოდ კერძო ფაქტების გროვას, სადაც ყველაფერია, მაგრამ არაფერი ჩანს. დამუშავებამ უნდა აახსნას ეს დაქსაქსული ფაქტები ერთ რგოლზე, აღმოაჩინოს მათში მკიდრო შინაგანი კავშირი, შეუფარდოს მსგავს, ანალოგიურ ფაქტებს და ნათლათ და მკაფიოთ წარმოგვიდგინოს თვალწინ ყველა ის სოციალურ-ეკონომიური მოვლენები, რომლებსაც დღეს ადგილი აქვს სოფლათ. აქედან ჩვენ დაეინახავთ, თუ სად, როგორ ან რით ცხოვრობს ჩვენში სოფლის ხალხი, განსაკუთრებით გლეხ-კაცობა, სად, რომელ კუთხეში ან მაზრაში მეურნეობის რომელი დარგია უფრო გავრცელებული, სად საკუთარ მიწაზე აწარმოებს გლეხობა მეურნეობას და სად საიჯარო მიწაზე და სხვ. და სხვ. შეგროვილი მასალა გვიხატავს მხოლოდ დღევანდელ მდგომარეობას, სტატიკას; რომ ამგვარივე აღწერა მომხდარიყო წინეთაც ან ორი-სამი წლის უკან მაინც, მაშინ ჩვენ გავიგებდით იმ ცვლილებასაც, რომელიც დღეს სოფლად ხდება, მაგრამ ეს არ არის, დღევანდელი აღწერის მასალები გამოდგება მხოლოდ დღევანდელი მდგომარეობის დასაფასებლათ. ამიტომ თავის-თავათ იგულისხმება, რომ სამეურნეო აღწერის მასალების დამუშავება რაც შეიძლება დაჩქარებით უნდა მოხდეს. თუ ეს დამუშავება დაგვიანდა, იმ შემთხვევაში ის მასალები დაკარგავენ ჭკველივე პრაქტიკულ მნიშვნელობას და იმათ მხოლოდ ისტორიული მნიშვნელობა-ლა თუ შერჩება.

სამწუხაროთ, ამ მხრივ ვერაფერს სანუგეშოს ვხედავთ ჯერ ჯერობით. რუსეთში, რა თქმა უნდა, უკეთ არის საქმე. ჯერ ერთი ის, რომ იქ სათავეში უდგანან საერობო თვითმართველობანი: მეორე კი როგორც აღწერას, ისე დამუშავებას ხელმძღვანელობენ გამოცდილი სტატისტიკოსები. სულ სხვა პირობებია ჩვენში. ჯერ ერთი ის, რომ აქამდის არაინციის, საღ მოხდება ამიერკავკასიის მასალების დამუშავება: ადგილობრივ თუ პეტერბურგში? მართალია, ადგილობრივმა მთავრობამ უკვე აღძრა შუამდგომლობა იმის შესახებ, რომ ადგილობრივთა იქნას დამუშავებული აღწერის მასალები, მაგრამ ჯერ ამის შესახებ არაფერი ისმის. მაგრამ რომც დააკმაყოფილონ ეს შუამდგომლობა, ამით საკითხი მაინც არ გადაწყდება, ვინაიდან ძნელია იმის თქმა, აღმოჩნდება თუ არა ადგილობრივ იმდენი ძალა, რომელიც ამ მასალების დამუშავებას შესძლებს. თვით იმ თათბირის დიდი უმრავლესობა, რომელზედაც გადაწყდა შუამდგომლობის აღძრა შეგროვილი მასალების ადგილობრივ დასამუშავებლათ, მოხელეებისაგან შესდგებოდა, რომლებიც ძლიერ შორს დგანან სტატისტიკისაგან. მეორე მხრით, ჩვენ ვიცით, რომ ამას წინათ თფილისის თავად-აზნაურობის დეპუტატთა საკრებულომ თითქო გადასწყვიტა სამეურნეო აღწერის მასალების დამუშავება თფილისის გუბერნიაში. ჩვენ არ ვიცით, თუ რათ დასჭირდა თფილისის თავად-აზნაურობას ხსენებული მასალა ან მისი დამუშავება. ყოველ შემთხვევაში ეს საკუთარი მისი საქმეა, და ჩვენ სრულებით არ გვინტერესებს. მაგრამ ჩვენ მაინც უნდა ვთქვათ, რომ თავად-აზნაურობა ამ შემთხვევაში ისეთ საქმეს კიდებს ხელს, რომლისთვისაც იგი ყველაზე ნაკლებათ გამოდგება. აქ საჭიროა მეცნიერულათ მომზადებულნი სტატისტიკური ძალები, აღჭურვილნი ფართო გამოცდილებით საზოგადოებრივ ასპარეზზე. ასეთ ძალებს კი თავად-აზნაურობა თავის გარშემო ვერ შემოიკრებს, და ამიტომ თფილისის თავად-აზნაურობის განზრახვა სამეურნეო აღწერის მასალების დამუშავების შესახებ კიდევ რომ განხორციელდეს, შესაფერ ნაყოფს ვერ მოიტანს.

ამნაირათ, მდგომარეობა ასეთია: საქმის ინტერესი თხოულობს, რომ აღწერის მასალების დამუშავება რაც შეიძლება დაჩქარდეს და იგი ადგილობრივ მოხდეს. მაგრამ ამას წინ ელობება რამდენიმე გარემოება. აღწერის ცენტრალური ბიურო კავკასიაში, რომელიც ამ საქმეს სათავეში უდგას და განაგებს, განმარტოებულია, მას არა აქვს თითქმის არავითარი დამოკიდებულება ადგილობრივ საზოგადოებრივ ძალებთან და იმავე დროს

არც საკუთარი ძალა აქვს, რათა ზევიდან ნაკარნახევი საქმე სასურველათ დააბოლოვოს. წავიდა ის დრო, როცა ასეთი საქმე დახშულ კანცელარიებში სრულდებოდა. ცენტრალური ბიუროც უნდა დარწმუნებული იყოს იმაში, რომ საზოგადოებრივ ძალთა დაუხმარებლათ სამეურნეო აღწერის საქმის სასურველათ დაბოლოება არა თუ გაძნელებდა, არამედ პირდაპირ შეუძლებელიც შეიქნება.

ჩვენ ალბათ შეგვეკითხებიან: მაშ როგორ და რა საშუალებით უნდა მოხდეს ხსენებული სტატისტიკური მასალების დამუშავება ადგილობრივ, თუ ამ საქმისათვის არც ცენტრალური ბიურო გამოდგება და არც თავად-აზნაურობა? ვის უნდა დაეკისროს ეს საქმე და სად უნდა ვეძიოთ გამოსავალი? ჩვენი აზრით აქ არის მხოლოდ ერთათ-ერთი გამოსავალი, და ჩვენ დარწმუნებული ვართ იმაში, რომ ბოლოს ეს მაინც ასე მოხდება. სამეურნეო აღწერის მასალების დამუშავება დარჩება ისევ იმავე დაწესებულების ხელში, რომელიც ჩვენში თვით ამ აღწერას ხელმძღვანელობდა, ე. ი. ეს საქმე მიენდობა ისევ ცენტრალურ ბიუროს. თუ ეს ასე მოხდა, იმ შემთხვევაში ხსენებულმა ბიურომ უთუოთ ორი პირობა უნდა შეასრულოს. ერთი ის, რომ სამეურნეო აღწერის მასალების დამუშავება უნდა მოხდეს იმ სისტემით და იმ პირობით, რომელიც მიღებულია ამავე მასალების დასამუშავებლად საერობო გუბერნიებში. მეორე, ბიურომ ყოველგვარი ზომა უნდა იხმაროს, რომ შესძლოს ადგილობრივ სტატისტიკური ძალების გამონახვა და თავის მოყრა. ამისათვის მან უნდა მოიწვიოს სტატისტიკური თათბირი, შემდგარი ადგილობრივ საზოგადო მოღვაწეთა და სტატისტიკოსებისაგან, რომელზედაც სხვათა შორის უნდა გაირჩეს ის საკითხიც, თუ რა და რა ცვლილება უნდა იქნას შეტანილი ადგილობრივ პირობების მიხედვით იმ პროგრამაში, რომელიც საფუძვლად დაედება ადგილობრივ მასალების დამუშავებას.

მხოლოდ ამ გზით შეიძლება, რომ დასახელებულმა ბიურომ თავიდან აცილნოს შეცდომები და უარყოს ბიუროკრატიულათ საქმის მოგვარება, რაც ამ შემთხვევაში მაინც დასაშვებია არ არის. და ეს მით უფრო, რომ ჩვენ თვალწინ გვიდგას საერობო რუსეთის მაგალითი, სადაც როგორც აღწერა, ისე აღწერის მასალების დამუშავება ხდება საზოგადოებრივი ძალების შემწეობით.

აი ერთათ ერთი გზა, რომელიც ჩვენ მიგვაჩნია ამ შემთხვევაში ყველაზე უფრო შესაფერისათ დღევანდელ ჩვენ პირობებში. შეიძლება სხვა უფრო სწორი გზა არსებობდეს. საჭიროა გვიჩვენონ ისიც. მხოლოდ ერ-

თ. რამ უნდა აღვნიშნოთ აქ. სტატისტიკა საზოგადოებრივი მეცნიერების ერთი დარგია, რომელიც თანდათან წინ მიდის და ვითარდება. ჩვენი სურვილია. მხოლოდ ის, რომ სამეურნეო აღწერის მასალების დამუშავება ჩვენში მოხდეს თანახმად იმ მეცნიერული მეთოდებისა, რომელიც დღეს დამყარებულია სტატისტიკაში საერთოთ და სამეურნეო სტატისტიკაში კერძოთ.

აჭამდის ჩვენ არა გვაქვს სტატისტიკა ამ სიტყვის ნამდვილი მნიშვნელობით. არსებობს სხვადასხვა გვარი სტატისტიკური ცნობები, რომლებსაც ვინ იცის, რა გზით კრებს ადმინისტრაცია. ამიტომაც არის, რომ ამ ცნობებს, ვისაც როგორ უნდა, ასხვაფერებენ და სცვლიან. ამიტომ ამ ცნობებს არავინ აფასებს და მათ არც ანგარიშს უწევენ. და ეს იმიტომ, რომ ცნობებს თითქმის არავითარი მტკიცე საფუძველი არა აქვს. პირველი სამეურნეო აღწერით, რომელიც წელს მოხდა, იყრება ნამდვილი საფუძველი მეცნიერული სტატისტიკისთვის ჩვენში. ეს აღწერა ჩვენ მოგვცემს ისეთ ცნობებს, რომლებსაც ყველამ უნდა გაუწიოს ანგარიში. ამით აიხსნება ის, თუ რათ ვთხოულობთ ჩვენ ამ მასალების დამუშავებაში ასეთ დიდ სიფრთხილეს, ან რისთვის ვაქცევთ მას ასეთ დიდ ყურადღებას.

გაზ. „თანამედროვე აზრი“ 1916 წ.

28 სექტემბერი № 215.

ზოგიერთი ახალი სტატისტიკური ცნობები თუილისის გუბერნიის შესახებ.

1916 წლის სასოფლო-სამეურნეო აღწერის ზოგიერთი უფრო საერთო ხასიათის ცნობების ჯამები თუილისის გუბერნიისათვის უკვე მზათაა. ეს ცნობები შეიცავენ: სოფლის მცხოვრებთა, შინაური ოთხფეხი საქონელის და დათესილ მიწების რაოდენობას საერთოთ 1916 წლის ზაფხულზე. ჩვენ ხელთ გვაქვს ასეთი ცნობები გორის, სიღნაღის და თელავის მაზრების შესახებ. მართალია, დასახელებული ცნობები სრული არაა. ჩვენ უკვე ვიცით, რომ აღწერა სრულებით არ შეხებია ქალაქებს. გარდა ამისა, ის ცნობები, რომლებიც ჩვენ ხელში გვაქვს, არ ეხებიან მცხოვრებთა დაყოფას ეროვნებათა მიხედვით,—ჩვენ გვაქვს მხოლოდ საერთო რაოდენობა.

დასასრულ, ჩვენი ცნობები შეიცავენ მხოლოდ საგლეხო ტიპის ოჯახებს; მაგრამ უნდა მივიღოთ მხედველობაში, რომ კაპიტალისტურ მეურნეობათა რიცხვი ჩვენში შედარებით ძლიერ მცირეა; ამიტომ საერთო სურათზე ეს დანაკლისი დიდ გავლენას ვერ იქონიებს. ყოველ შემთხვევაში, ცნობები, რომლებიც ჩვენ განკარგულებაშია, საკმარისათ საინტერესო სურათს გვიხატავენ, ამიტომ ჩვენ გადავწყვიტეთ გაგვეზიარებინა ისინი ჩვენი მკითხველებისათვის. ჩვენ ვყოფთ ამ წერილს სამ თავათ. პირველი თავი ეხება მცხოვრებთ, მეორე შინაური ოთხფეხ საქონელს და მესამე დათესილ მიწების რაოდენობას დასახელებულ სამ მაზრაში.

I. მცხოვრებნი.

1916 წლის სასოფლო-სამეურნეო აღწერით საგლეხო ტიპის *) ოჯახთა რაოდენობა უდრიდა:

მაზრებში:

გორის — 32,712.

სიღნაღის—21,974.

თელავის—11,933.

სულ—66,619.

*) თუ რა იგულისხმება საგლეხო ტიპის ოჯახში, ანა შესახებ ჩვენ საუბარი გვქონდა წინა წერილში, იხ. „თანამედროვე აზრი“ № 211.

ამ რიგად გორის მაზრა საგლეხო ტიპის ოჯახთა რაოდენობით თითქმის სამჯერ მეტია, ვინემ თელავის და ერთი მესამედით მეტი, ვინემ სილნალის.

ამავე მაზრებში მცხოვრებთა რაოდენობას გვიხატავს შემდეგი ცხრილი:

მაზრები	მამაკაცები	დედაკაცები	ს უ ლ
გორის	96,750	103,331	200,081
სილნალის	57,028	56,649	113,777
თელავის	30,235	30,697	60,932
ს უ ლ	184,013	190,777	374,790

მკითხველმა უნდა იქონიოს მხედველობაში, რომ აქ არ შედის ქალაქების მცხოვრებთა რაოდენობა (სილნალის, გორის და თელავის) და აგრეთვე კაპიტალისტურ ოჯახთა მცხოვრებნი. აქედან თითოულ ოჯახზე საშუალოთ მოდის:

გორის მაზრაში	6,1 სული
სილნალის	5,2
თელავის „	5,1 „
სამივე მაზრაში	5,6 „

ამნაირათ თუ ჩვენ ვხედავთ, რომ დასახელებულ სამი მაზრიდან საშუალო ოჯახის შემადგენლობა ყველაზე უფრო დიდია გორის მაზრაში, ანუ ქართლში; კახეთში (სილნ. და თელ. მაზრაში) საშუალო ოჯახი თითქმის ერთი სულით ნაკლებია. კერძოთ, გორის მაზრაში ჩვენ ვნახეთ ოჯახები, რომლებშიაც ირიცხებოდა 30 წევრზე მეტი, ე. ი. პირდაპირ პატრიარქალური ოჯახები.

რა თქმა უნდა, ზევით მოყვანილი ცნობები მცხოვრებთა რაოდენობის შესახებ, აღებულნი თავის თავად, ბევრს არაფერს გვეუბნება. საჭიროა იმათ დაუპირდაპიროთ წინა წლების ცნობები. ამიტომ ჩვენ უპირველეს ყოვლისა მიემართავთ 1897 წლის საყოველთაო აღწერის ცნობებს. თუ გამოვაკლებთ ქალაქების მცხოვრებთა რიცხვს, დასახელებულ მაზრაში 1897 წლის დასაწყისში ირიცხებოდა:

მაზრები:	მამაკაცები	დედაკაცები	ს უ ლ
გორის	97.730	83.469	181.199
სილნალის	49.467	41.632	91.099
თელავის	28.393	24.946	53.339
ს უ ლ	175.590	150.047	325.637

1916. და 1897 წლების ცნობების შედარება *) გვეუბნება აი რას: თითქმის ოცი წლის განმავლობაში ქართლ-კახეთის სამ უმთავრეს მაზრაში მცხოვრებთა საერთო რაოდენობა 325.637 სულიდან ასულა 374.790-მდე, ე. ი. მოუმატნია 49.153 ანუ 15 პროც. ამნაირათ ორთაშუა რიცხვით წლიური მატება უდრის დაახლოებით 2.587 სულს (49.153:19) ანუ 0,8 პროც. თავის თავად იგულისხმება, რომ ეს საკმარისათ სუსტი ზრდაა. ეჭვი არ უნდა ვიქონიოთ იმაში, რომ ამ ზრდის დასუსტებაში დიდი როლი უნდა ეთამაშნა დღევანდელ ომს. მართლაც, თუ ავიღებთ მამაკაცების და დედაკაცები რაოდენობას ცალ-ცალკე და ამნაირათ შევადარებთ 1916 და 1897 წლის ცნობებს, მაშინ ჩვენ დავინახავთ, რომ ამ ხნის განმავლობაში მამაკაცების რაოდენობას მოუმატია მხოლოდ 8.423 ანუ გაზრდილა 4,8 პროც., მაშინ როცა დედაკაცების რიცხვს მოუმატნია 40.730, ანუ 27,2 პრ., ე. ი. დაახლოებით 5 ნახ.-ჯერ უფრო მეტი, ვინემ მამაკაცების რიცხვი. ერთი სიტყვით, აქედან ჩვენ აშკარათ ვხედავთ, რომ დასახელებულ მაზრებში მამაკაცების რაოდენობის ზრდა დიდათ შეფერხებულა. ამასვე ამტკიცებენ აღმინისტრაციის ცნობები 1914 წლისათვის. თანახმად ამ ცნობებისა 1914 წლის პირველ იანვარს ირიცხებოდა:

მაზრები	მამაკაცები	დედაკაცები	სულ
გორის	110279	99780	210059
სიღნაღის	64743	58924	123666
თელავის	39563	35266	74829
ს უ ლ	214584	193970	408554

თუ ამ ცნობებს შევადარებთ 1916 წლის ცნობებს, გამოვა შემდეგი: 1) მცხოვრებთა საერთო რიცხვს სამ დასახელებულ მაზრაში 17 წლის განმავლობაში (1897—1914) მოუმატნია 82.917 ანუ 25,5 პროც., კერძოთ ცალ-ცალკე სქესებისთვის ეს მომატება გამოიხატება: მამაკაცებისთვის 38.994 ანუ 22,2 პროც., დედაკაცებისათვის 43.923-ით, ანუ 29,3 პროც.. მაშასადამე, ამ ხნის განმავლობაში, ე. ი. 1897—1914 წლებში მამაკაცებს საკმარისათ ძლიერ უმატნია, თუმც დედაკაცების რიცხვთან შედარებით მაინც უფრო ნაკლებათ. ორთა შუა რიცხვით წლიური ზრდა მცხოვრებთა საერთო რიცხვისა უდრის 4877 ანუ 1,5 პროც. 2) ავიღოთ

*) მკითხველმა არ უნდა დაივიწყოს ის გარემოება, რომ 1916 წლის ცნობები რამდენიმე შემცირებულია იმის გამო, რომ აქ არ შედის კაპიტალისტურ ოჯახთა მცხოვრებნი; მაგრამ ვინაიდან ამ უკანასკნელთა რაოდენობა შედარებით მცირეა, საერთო სურათი სინამდვილეს არ ეწინააღმდეგება.

ახლა 1916 და 1914 წლების ცნობები და შევადაროთ ერთმანეთს. ამ შედარებიდან ჩვენ დავინახავთ, რომ ორი წლის განმავლობაში დასახელებულ მაზრებში სოფლის მცხოვრებთა რაოდენობას საკმარისათ საგრძნობლათ დაუკლია, სახელდობრ, საერთო რიცხვს მოუკლია 33.764 ანუ 8,3 პროც., კერძოთ მამაკაცების რიცხვს დაუკლია 30. 571 ანუ 14,3 პროც., დედაკაცებისას კი მხოლოდ 3,193 ანუ 1,7 პროც.-აქ გაუგებარია განსაკუთრებით ის გარემოება, თუ რამ გამოიწვია დედაკაცების რაოდენობის დაკლება, თუმცა ეს დაკლება შედარებით სრულებით მცირე რამეს შეადგენს. ჩვენთვის ადვილათ წარმოსადგენია და სრულებით ბუნებრივათა ცუნდა მივიღოთ მამაკაცების რაოდენობის შემცირება ამ საშინელი ომიანობის დროს. ამ მხრით ადმინისტრაციის მიერ შეკრებილი ცნობები უთუოდ უახლოვდებიან სინამდვილეს, მაგრამ აშკარაა, რომ ისინი სწორი არაა. მაგრამ როგორც არ უნდა იყოს, ამ შემთხვევაშიაც გამოსკვივა ნამდვილი ტენდენცია. საქმე იმაშია, რომ ომის გამო მცხოვრებთა რაოდენობამ შესამჩნევად დაიკლო, და ეს დაკლება სავესებით მამაკაცებს დააწვა. მაგრამ ჩვენ უნდ ვიცოდეთ, რომ კპიტალისტურ ხანაში ერთობ შეუჩერებლათ ხდება სოფლის მცხოვრებთა შედარებითი შემცირება, რაც გამოწვეულია ქალაქების და საერთოთ სააღებ-მიცემო და სამრეწველო ცენტრების სწრაფი ზრდით. და ცნობილია, რომ სოფლიდან უმეტეს ნაწილათ მამაკაცები მიდიან.

ამნაირათ, ზევით მოყვანილ სტატისტიკური ცნობებიდან ჩვენ ვხედავთ, რომ თფილისის გუბერნიის სამ დასახელებულ მაზრაში ამ უკანასკნელ 20 წლის განმავლობაში სოფლის მცხოვრებთა რიცხვი მეტათ ნელი ტემპით გაზრდილა; ამავე დროს თუ ჩვენ დაუჯერებთ ადმინისტრაციის ცნობებს. 1914 წლისთვის, ამ ორი უკანასკნელი წლის განმავლობაში ეს რიცხვი საგრძნობლათ შემცირებულა. საყურადღებოა ის გარემოება, რომ შემცირება უმთავრესად მამაკაცებს ეხება.

ავილოთ ახლა ეს მაზრები ცალ-ცალკე და შევადაროთ 1897 და 1916 წლის ცნობები. აქედან ჩვენ დავინახავთ, რომ მცხოვრებთა საერთო რაოდენობას მოუმატნია.

გორის მაზრაში	18.882	ანუ	10,5 პროც.
სიღნაღის	22.678		24,9
თელავის	7.593		14,2

მაშასადამე, როგორც აბსოლიუტურათ, ისე შედარებითაც უფრო ძლიერ მოუმატნია მცხოვრებთა რაოდენობას სიღნაღის მაზრაში, შემდეგ თელავისაში; უკანასკნელი ადგილი უჭირავს ამ მხრით გორის მაზრას.

რამდენიმეთ საინტერესოა 1916 წლის და 1914 წლის ადმინისტრაციის ცნობების შედარება, რომლის თანახმად მცხოვრებთა რაოდენობას მოუმატნია:

გორის მაზრაში	28.860	ანუ 15,9	პროც.
სიღნაღის	32.567		35,8
თელავის	21.490		40,3

ამ შემთხვევაში პირველობა ეკუთვნის უკვე თელავის მაზრას, თუ ზრდის პროც. ავიღებთ; მეორე ადგილი უჭირავს სიღნაღის მაზრას, თუმც აბსოლიუტურ რაოდენობას თუ ავიღებთ, იგი პირველ ადგილზე უნდა დაეყენოთ. მაგრამ საგულისხმიეროა ის გარემოება, რომ გორის მაზრას ამ შემთხვევაშიაც უკანასკნელი ადგილი უჭირავს. საერთოთ კი ორივე წყაროს ცნობები თითქმის ერთ და იმავე ტენდენციას გვიხატავენ. ახლა ჩვენთვის საჭიროა გამოვარკვიოთ მატება თუ დაკლება მცხოვრებთა რაოდენობისა თითოეულ დასახელებულ მაზრაში სქესების მიხედვით. რომ საკითხი არ გართულდეს, ავიღოთ ეს დაკლება თუ მომატება მხოლოდ პროცენტებზე. აქ ჩვენ ერთმანეთს უპირდაპირებთ 1897 და 1916 წლების ცნობებს. ამისათვის ჩვენ მოგვყავს შემდეგი ცხრილი, რომელიც გვაჩვენებს მამაკაცების და დედაკაცების რიცხვის მატებას თუ დაკლებას თითოეულ მაზრაში:

მამაკაცობა	დედაკაცობა
მატ. (+) თუ	მატ. (+) თუ
დაკლება (—)	დაკლება (—)
პროც.	პროც.
გორის — 1,0	+ 23,8
სიღნაღის + 15,3	+ 36,3
თელავის 6,5	23,1

ამნაირათ, სამივე მაზრაში დედაკაცების რიცხვი გაცილებით უფრო იზრდება, ვინემ მამაკაცების; მაგრამ უფრო შესამჩნევია ეს ზრდა სიღნაღის მაზრაში. დანარჩენ ორ მაზრაში დედაკაცების რიცხვს თითქმის ერთნაირი ზემოთ უმატნია. რაც შეეხება მამაკაცების რიცხვის ზრდას შედარებით ეს უფრო თვალსაჩინოა იმავე სიღნაღის მაზრაში, შემდეგ თელავისაში, ხოლო გორის მაზრაში მას თითქო კიდევაც უკლია, არა თუ უმატნია.

ყოველივე ეს, როგორც ზევითაც ვამბობდით, მჭიდროთ შეკავშირებულია საერთოთ იმ სოციალ-ეკონომიურ მოვლენასთან, რასაც სოფლის

დაცალიერება ეწოდება და რაც იწვევს თანამედროვე ქალაქების ზრდას და კერძოთ დღევანდელ ომთან. საინტერესოა აქ განსაკუთრებით ის გარემოება, რომ, როგორც ზევით მოყვანილი სტატისტიკური ცნობები გვიმტკიცებენ, დედაკაცების რიცხვი ქართლ-კახეთის სოფლებში ამ ეამათ შედარებით იზრდება. ეს მოვლენა აიხსნება არა მარტო მამაკაცების ომში გაძლიერებული გაწვევით, არამედ იმითაც, რომ ქართლ-კახეთის სოფლებში დედაკაცები ჯერ კიდევ მაგრათ არიან მიჯაჭვული სახლის კერასთან, რომ ისინი ჯერ კიდევ ვერ გამოთხოვებულან ცხოვრების ძველ წესებს და ზნე-ჩვეულებათ, რომ საერთო კულტურული დონე ჯერ აქ კიდევ დაბლა დგას. ეტყობა, ქართლ-კახეთის დედაკაცებს ჯერ კიდევ ვერ დაუხვევიათ თავი ძველებურ, პატრიარქალურ კარჩაკეტილობისათვის.

ენახოთ ახლა, თუ რა მდგომარეობაა ამ მხრით რუსეთის ცენტრალურ გუბერნიებში. 1914 და 1916 წ.წ. ცნობების შედარება გვეუბნება, რომ 45 გუბერნიაში სოფლის მცხოვრებთა რიცხვი 93,2 მილიონიდან 1914 წ. ჩამოსულა 73,6 მილიონამდე 1916 წელს, ე. ი. ორ ნახევარ წლის განმავლობაში დაუკლია 12,6 მილ., ანუ 21 პროცენტი. სამწუხაროთ, იმ წყაროში *), რომლიდანაც ჩვენ ეს ცნობები ამოვიღეთ, მამაკაცების და დედაკაცების რიცხვი ცალ-ცალკე არ არის ნაჩვენები. მაგრამ მეორე მხრით იქ ნაჩვენებია, რომ დასახელებულ გუბერნიებში მამაკაცების რიცხვს დაუკლია 28,7 პროცენტი და დედაკაცებისას კი 14 პროცენტი, ესე იგი, ორჯერ ნაკლებ, ვინემ მამაკაცებს. საინტერესოა ის, რომ რუსეთის ცენტრალურ გუბერნიებში სოფლიდან ქალაქისაკენ დენა დამახასიათებელი მოვლენაა არა მარტო მამაკაცებისათვის, არამედ დედაკაცებისათვისაც. და თუ ორი უქნასკნელი წლის განმავლობაში დედაკაცების რიცხვს დაუკლია იქ მხოლოდ 14 პროცენტს და მამაკაცებისას კი 28,7 პროცენტს, ეს ასეც უნდა ყოფილიყო, ვინაიდან ომში მხოლოდ მამაკაცებს იწვევენ. ყოველ შემთხვევაში ერთი გუბერნიის 3 მაზრის ცნობების მიხედვით საზოგადო დასკვნების გამოყვანა შეიძლება ნაადრევიცა, მაგრამ იმის თქმა კი დანამდვილებით შეიძლება, რომ რუსეთის სოფლის დედაკაცები ბევრათ უფრო უძრავია და ბევრათ უფრო განიცდის პატრიარქალურ ურთიერთობის ტრადიციების ზეგავლენას. სტატისტიკაც სწორეთ ამას ამტკიცებს.

ახლა გადავიდეთ სქესების ურთიერთ დამოკიდებულებაზე რაოდენობის მხრით. რას გვეუბნებიათ ამის შესახებ სტატისტიკური ცნობები?

*) ნაზ. „რუს. ვედ.“, 1916 წ. სექტემბერი. იბ. ოვანოვისის წერილები საპურნო აღწერის შესახებ.

უკვე ზევით მოყვანილ ცნობებიდან მკითხველი მიხვდებოდა, რომ ამ უკანასკნელ დროს თფილისის გუბერნიის სამ მაზრაში (გორის, სიღნაღის და თელავის) დედაკაცების რიცხვი საკმარისათ სჭარბობს მამაკაცების რიცხვს. ასე, მაგ., სამეურნეო აღწერის ცნობებით 1916 წელს გორის, სიღნაღის და თელავის მაზრებში თითოეულ 1000 მამაკაცზე მოდიოდა 1037 დედაკაცი. სულ სხვა მდგომარეობა იყო ამ ოციოდე წლის წინანდ, სახელდობ 1897 წ. საყოველთაო აღწერით დასახელებულ მაზრებში თითოეულ 1000 მამაკაცზე მოდიოდა მხოლოდ 854 დედაკაცი, ე. ი. 183 დედაკაცი თ ნაკლები, ვინემ დღეს. ამრიგათ, სქესის ურთიერთი დამოკიდებულება რაოდენობის მხრით ქართლ-კახეთის სოფლებში ამ ჟამათ უახლოვდება იმ ურთიერთობას, რომელიც არსებობდა დასავლეთ ევროპის ქვეყნებში დაახლოვებით ამ 15—20 წლის წინათ, სადაც საერთოთ ყოველ 1000 მამაკაცზე მოდიოდა საშუალო რიცხვით 1024 დედაკაცი. თავისთავათ იგულისხმება, რომ ასეთი დამოკიდებულება ევროპაში ამ ჟამათ აღარ არსებობს, ვინაიდან ომის გამო რაოდენობითი დამოკიდებულება მამაკაცებსა და დედაკაცებს შორის დღეს იქ კიდევ უფრო დარღვეულია დედაკაცების კიდევ უფრო მეტი სიჭარბით. თავისთავად იგულისხმება აგრეთვე ისიც, რომ დედაკაცების სიჭარბე ამ ჟამათ ქართლ-კახეთის სოფლებში ნორმალურ, ჩვეულებრივ მოვლენათ არ უნდა ჩაითვალოს. როგორც ზევითაც ვამბობდით, ეს მოვლენა გამოწვეულია არა მარტო ომით, არამედ იმიტაც, რომ სოფლიდან ქალაქში დენა გაცილებით უფრო მამაკაცებს ითრევეს, ვინემ დედაკაცებს.

კიდევ უფრო ნათლათ მამაკაცების და დედაკაცების ურთიერთ დამოკიდებულებას რაოდენობის მხრით ქართლ-კახეთის სამ მაზრაში გვიხატავს შემდეგი ცხრილი, სადაც შედარებულია 1897 და 1916 წლების ცნობები; სქესების რაოდენობა აბსოლიუტურ ციფრების მაგიერ. ნაჩვენებია პროცენტები.

მაზრები:	1916 წ.			1897 წ. !		
	მამაკ.	დედაკ.	სულ	მამაკ.	დედაკ.	სულ
გორის	48,2	51,6	100	54,0	46,0	100
სიღნაღის	50,1	49,9	100	54,3	45,7	100
თელავის	49,6	50,4	100	53,2	46,2	100
სამივე მაზრა.	49,1	50,9	100	54,0	46,0	100

ზევით მოყვანილ ცნობებიდან ჩვენ ვხედავთ შემდეგს: სამ დასახელებულ მაზრაში 1916 წ. მამაკაცები შეადგენდენ 49,1 პროც. მცხოვრებთა

საერთო რიცხვისას, დედაკაცები კი 50,9 პროცენტს. ამნაირათ, დედაკაცების რიცხვი აღემატებოდა მამაკაცების რიცხვს მხოლოდ 0,9 პროცენტსულ სხვა მდგომარეობა იყო ამ 20 წლის წინათ: მაშინ, პირიქით, მამაკაცების რაოდენობა შეადგენდა 54 პროცენტს, დედაკაცების კი მხოლოდ 46 პროც. თუ რამ გამოიწვია ასეთი ძირითადი ცვლილება, ამის შესახებ ჩვენ უკვე ვილაპარაკეთ ზევით. ყოველ ექვს გარეშეა, რომ ამ ცვლილებაში ომმა ითამაშა და თამაშობს უძლიერესი ფაქტორის როლს; მაგრამ ეს არ არის გამოწვეული მარტო ომით. ამ მხრით საკმარისათ საგულისხმეოა 1914 წლის ცნობები, ესე იგი იმ დროს, როცა ომი ჯერ კიდევ გამოცხადებული არ იყო. 1913 წლის ბოლოს, თანახმათ ადმინისტრაციის მიერ წეკრებილი ცნობებისა მამაკაცების და დედაკაცების რაოდენობითი ურთიერთობა გამოიხატებოდა პროცენტებათ:

მაზრები:	მამაკაცები	დედაკაცები	ს უ ლ
გორის	52,5	47,5	100
სიღნაღის	52,3	47,7	100
თელავის	52,9	47,1	100
სამივე მაზრაში	52,5	47,5	100

მაშასადამე, ჯერ კიდევ ომამდე შემცირებულა დასახელებულ მაზრებში შედარებით მამაკაცების რიცხვი, ე. ი. 54 პროც, 1897 წელს იგი დასულა 52,5 პროც., 1914 წელს, ე. ი. 17-წლის განმავლობაში მოუკლია სულ 1,5 პროც., მაშინ, როცა შემდეგი ორი წლის განმავლობაში (1914-1916) მოუკლია უკვე 3,4 პროც., დასასრულ, 1916 წლის აღწერა იძლევა აკრეთვე ცნობებს მომუშავე მამაკაცების და დედაკაცების შესახებ სოფლათ 1916 წლის ზაფხულისთვის. აქ მხედველობაში უნდა მივიღოთ ის გარემოება, რომ მომუშავეთ ითვლებოდა ყველა ის, ვისაც შრომა შეეძლო მიუხედავათ ასაკისა, დაწყებული 10—12 წლიდან და გათავებული 60-70 წლით.

ასეთ მომუშავეთა საერთო რიცხვი სამ დასახელებულ მაზრაში შეადგენდა 168,977, ანუ მცხოვრებთა საერთო რაოდენობის 45,1 პრ., აქედან მომუშავე მამაკაცთა რაოდენობა უდრიდა 84,669, რაც შეადგენს მამაკაცების საერთო რიცხვის 46 პროც., მომუშავე დედაკაცების საერთო რიცხვი შეადგენდა 84,308 ანუ დედაკაცების საერთო რიცხვის 44,2 პროც. ამნაირათ, თითოეულ 100 მომუშავე მამაკაცზე მოდიოდა ორთა შუა რიცხვით 99,6 დედაკაცი. საინტერესოა ამ ცნობებს დაუპირდაპიროთ ანალოგიური ცნობები რუსეთის სოფლების შესახებ. მცხოვრებთა მომუშავე

ნაწილის შესახებ. ცნობები გამოქვეყნებულია მხოლოდ რვა გუბერნიის შესახებ, რომლებშიაც სამეურნეო აღწერის დროს აღნუსხულ იქნა 2,3 მ. მუშა-მამაკაცი და 3,9 მილ. მუშა დედაკაცი. აქედან თითოეული 100 მუშაზე მამაკაცზე მოდის 170 მუშა დედაკაცი. რუსეთის ზოგიერთ ცენტრალურ გუბერნიებში მომუშავე დედაკაცების რიცხვი კიდევ უფრო მეტია; ასე, მაგ., იაროსლავის გუბერნიაში თითოეულ 100 მუშა მამაკაცზე მოდის 222. საყურადღებოა ის ფაქტიც, რომ ჯერ კიდევ ომიანობამდის ვიატის და სიმბირსკის გუბერნიებში, ე. ი. 1910-1912 წლებში, თითოეულ 100 მუშა მამაკაცზე ითვლებოდა 112 მუშა დედაკაცი; 1916 წლის აღწერით კი მიდიოდა 163. ამნაირად ჩვენ ვხედავთ, რომ თანახმად ზევით მოყვანილ ცნობებისა ომმა ძალზე შეამცირა რუსეთის სოფლებში მუშა-მამაკაცების რაოდენობა. მეორე მხრით, ჩვენში კი, როგორც დავინახავთ, დღესაც ორთავე სქესის მომუშავეთა რიცხვი თითქმის თანატოლია და რამდენათაც არის ჯერ კიდევ თითქო მამაკაცების რიცხვი ჭარბობს. უკუველია, რომ ეს უკანასკნელი გარემოება გამოწვეულია არა დედაკაცების ნაკლებობით ჩვენში, არამედ უფრო იმ კარჩაკეტილებით და პატრიარქალურ ტრადიციების ზეგავლენით, რომლებიც ჩვენ ზევით მოვიხსენიეთ. საინტერესოა აქვე გავარკვიოთ, თუ თითოეულ მაზრაში ცალ-ცალკე რა დამოკიდებულება არსებობს მომუშავე მამაკაცებსა და დედაკაცებს შორის, ერთი მხრით, და იმათ საერთო რიცხვთან, მეორე მხრით. ეს წარმოდგენილია შემდეგ ცხრილში.

მ ა ზ რ ე ბ ი.	მუშა მამაკაცი		მუშა დედაკაცი		თითოეული 100 მუშა მამ. მოდის მუშა დედაკ.
	რაოდენობა	პრ. მამაკ. საერ. რიც.	რაოდენობა	პრ. დედაკ. საერ. რიც.	
გორის . . .	43009	44,5	44878	42,2	103,0
სიღნაღის . . .	26656	46,8	24362	42,9	91,4
თელავის . . .	15004	49,6	15568	51,0	104,0
ს უ ლ . . .	84669	46,0	84308	44,2	99,6

ეს ცხრილი სხვათა შორის გვეუბნება, რომ მომუშავეთა პროც., მცხოვრებთა საერთო რიცხვთან უფრო მაღლა დგას შედარებით სხვა მაზრებთან თელავის მაზრაში და ყველაზე უფრო დაბლა გორის მაზრაში. შემთხვევითია ეს მოვლენა, თუ ხანგრძლივი, მუდმივი, ამის შესახებ ჩვენ ვერაფერს ვიტყვი, ვინაიდან სათანადო ცნობები ჩვენ არა გვაქვს.

II. შინაური ოთხფეხა საქონელი.

თუ მცხოვრებთა შესახებ ჩვენ კიდეც მოგვეპოვება ცოტათ თუ ბევრათ სარწმუნო სტატისტიკური ცნობები, შინაური ოთხფეხი საქონლის შესახებ ეს უკვე არ ითქმის: მცხოვრებთა რაოდენობის შესახებ ჩვენ ვეყრდნობით ისეთ სარწმუნო წყაროზე, როგორიც არის 1897 წლის საყოველთაო აღწერა, მაშინ როცა არც შინაური პირუტყვის შესახებ, არც სხვა ეკონომიურ ფაქტორებზე, ჩვენ დღემდის ამის მსგავსი სრულიად არაფერი არ მოგვეპოვება. როგორც ვიცით, 1916 წლის სამეურნეო აღწერის ერთ უმთავრეს მიზანს შეადგენდა სოფლის მეურნეობის ამ დარგის საფუძვლიანი გამოკვლევა. ერთ წინა წერილში ჩვენ უკვე გვქონდა ნათქვამი, თუ რამდენათ მისაღები და სარწმუნოა შვეგროვილი მასალა. ჩვენ ვამბობდით, რომ სრულ სინამდვილეს იგი არ შეიცავს; მაგრამ მიუხედავათ ამისა, ეს მასალა რამდენიმეთ მაინც ხდის ფარდას ჩვენი სოფლის სინამდვილეს, და თუ მისი ცნობები სავსებით სწორი არაა, დაახლოვებით ისინი მაინც სწორ სურათს იძლევიან.

ამ საერთო შენიშვნის შემდეგ ჩვენ გადავდივართ თვით საგანზე. ჩვენ ქვემოლ მოგვყავს სამეურნეო აღწერის ზოგიერთი საერთო ცნობები შინაური საქონლის შესახებ თფილისის გუბერნიის სამ მაზრაში.

თავდაპირველათ ჩვენ უფრო მოხერხებულათ მიგვაჩნია შინაური ოთხფეხი საქონელი ხუთ უმთავრეს კატეგორიათ გავყოთ, სახელდობრ: 1) ცხენები; 2) ხარები, ძროხები, ხარ-კამეჩები, ფურკამეჩები, მოზვრები დეკეულეებითურთ; 3) ცხვრები და თხები; 4) ღორები და 5) ვირები. ამ დაყოფის მიხედვით საერთო რიცხვი შინაური ოთხფეხი საქონლისა 1916 წლის ზაფხულში უდრიდა:

	ცხენები.		ხარები, ძროხები, კამეჩები		ცხვრები და თხები.		ღორები.		ვირები.		ს	უ	რ
	რიცხვი	საერთო რიცხ. %	რიცხვი	საერთო რიცხ. %	რიცხვი	საერთო რიცხ. %	რიცხვი	საერთო რიცხ. %	რიცხვი	საერთო რიცხ. %			
გორის . .	3879	1,7	113,687	50,3	81,377	36,0	27,125	12,0	54	0,0	226,122		
სიღნაღის .	6750	4,6	42,199	29,5	83,055	58,0	7,176	5,2	3767	2,0	142,947		
თელავის .	2075	3,2	27,104	41,9	26,146	40,4	9,295	14,4	86	0,1	64,766		
ს უ რ .	12,104	2,9	183,050	42,2	190,578	43,9	43,596	10,1	3907	0,9	433,835		

ამ ცხრილიდან ჩვენ ვხედავთ, რომ შინაური პირუტყვის საერთო რაოდენობა სამ დასახელებულ მაზრაში 1916 წლის ივლისის თვეში უდრია 433,835. ეს რიცხვი ასე იყო განაწილებული მაზრებათ:

გორის	226,122	ანუ	საერ.	რიცხვ.	52,1	პროც.
სიღნაღის	142,947	"	"	"	33,0	"
თელავის	64,766	"	"	"	14,9	"
ს უ ლ	433,835	"	"	"	100,00	"

მაშასადამე, საერთოთ გორის მაზრაში ირიცხებოდა უფრო მეტი შინაური საქონელი, ვინემ ორ დანარჩენ მაზრაში ერთათ.

თუ ახლა ჩვენ ყურადღებას მივაქცევთ შინაური საქონლის რაოდენობას საერთოთ სამივე მაზრაში, ჩვენ დავინახავთ, რომ რაოდენობის მხრით პირველი ადგილი უჭირავს ცხვრებს და თხეებს, რომელთა რიცხვი უდრის 190,578 ანუ 43,9 პროცენტს. ამათ მოსდევს სხვილი რქიანი საქონელი (ხარები, ძროხები, კამეჩები და სხ.). სულ სამივე მაზრაში 183,050 ანუ 42,2 პროც. ერთათ ეს ორი კატეგორია შეადგენს 373,628 სულს ანუ საერთო რაოდენობის 86,1 პროცენტს. მესამე ადგილი უჭირავთ ღორებს, სამივე მაზრაში იმათი რაოდენობა უდრის 43,596, რაც შეადგენს 10,1 პროცენტს. მეოთხე ადგილი ეკუთვნის ცხენებს, რომელთა რაოდენობა აღწერით უდრის 12,704 ანუ 2,9 პროც. რაც შეეხება ვირებს, იმათი რაოდენობა სულ უმნიშვნელოა, სახელდობრ 3,907 ანუ საერთო რიცხვის, 0,9 პროც. საზოგადოთ უნდა შევნიშნოთ, რომ ცხენებით ჩვენი ქვეყანა შედარებით ძლიერ ღარიბია, ვინაიდან მეურნეობაში ცხენების მაგიერობას ჩვენში ხარები და კამეჩები ასრულებენ, მაგრამ ცხენების და ვირების დღევანდელი სიცოტავე უმეტეს ნაწილათ რეკვიზიციით არის გამოწვეული.

თავის თავათ იგულისხმება, რომ ყველა მაზრებში სხვადასხვა გვარი საქონელი ერთნაირათ არ არის გავრცელებული. ასე მაგ., თუ ავიღებთ გორის მაზრას, პირველი ადგილი უჭირავს იქ სხვილ-რქიან საქონელს, რომლის რიცხვი აღწერით აღწევს 113,687 სულამდის, რაც შეადგენს ყველა საქონლის 50,3 პროც. ამ მაზრაში. მეორე ადგილი გორის მაზრაში ეკუთვნის ცხვრებს, რომელთა რიცხვი უდრია აღწერის დროს დაახლოებით 81,377 ანუ საერთო რიცხვის 36 პროც. უნდა შევნიშნოთ, რომ მეცხვარეობა ამ მაზრაში განსაკუთრებით გავრცელებულია მთა ადგილებში, სადაც უმეტეს ნაწილათ ოსები ცხოვრობენ; ქართლის შუაგულ

ადგილებში კი, სადაც უმეტეს ნაწილათ ქართველები ცხოვრობენ, თითქმის ყოველგან გაცილებით მეტი წილი სხვილ-რქიანი საქონელია. ლორების რიცხვი აღწერით შეადგენდა 27,125, რაც შეადგენს 12 პროც. ცხენების რიცხვი უდრიდა სულ მხოლოდ 3879, რაც შეადგენს 17 პროც. ყველა საქონლის რაოდენობისას ამ მაზრაში. დასასრულ, გორის მაზრაში აღნუსხულ იქნა აღწერით მხოლოდ 54 ვირი. ქართლში ვირები საზოგადოთ ნაკლებათ მოიპოვება, მაგრამ ზევით მოყვანილი რიცხვი მეტათ მცირეა, რაც აიხსნება რეკვიზიციით.

გადავიდეთ ახლა სიღნაღის მაზრაზე. აქ პირველი ადგილი უჭირავს უკვე მეცხვარეობას; ცხვრების რიცხვი აქ თითქმის ორჯერ მეტია. ვინემ სხვილი რქიანი საქონლისა. პირველების რიცხვი უდრის 83,055, რაც შეადგენს 58 პროც. ყველა საქონლის საერთო რიცხვისა; სხვილი საქონლის რაოდენობა უდრიდა 42,199 ანუ 29,5 პროც. მესამე ადგილი აქაც ლორებს უჭირავს, თუმცა მელორეობა სიღნაღის მაზრაში შედარებით უფრო ნაკლებათაა გავრცელებული, ვინემ ის დანარჩენ მაზრაში: ლორების რაოდენობა აღწერით უდრიდა 7,176, რაც შეადგენს 5,2 პროც. სამაგიეროთ სიღნაღის მაზრა თელავის და გორის მაზრებთან შედარებით გაცილებით უფრო მდიდარია ცხენებით. აღწერით ცხენების რიცხვი იყო აქ 6,750, რაც შეადგენს ყველა საქონლის რიცხვის 4,6 პროც. გარდა ამისა სიღნაღის მაზრა ცნობილია აგრეთვე ვირების რაოდენობით. აღწერით აქ აღნუსხულ იქნა 3,767 ვირი, ანუ 2,6 პროც. საქონლის საერთო რიცხვის.

რაც შეეხება თელავის მაზრას, სხვილი და წვრილი საქონლის რიცხვი აქ თითქმის ერთნარია: პირველი რიცხვი უდრის დაახლოვებით 27,164, რაც შეადგენს 41,9 პროც., ცხვრების და თხების კი 26,146 ანუ 40,4 პროც. ყველა საქონლის საერთო რიცხვისა. ლორებს აქაც მესამე ადგილი უჭირავს: აღწერით იმათი რიცხვი უდრის 9,295, რაც შეადგენს 14,4 პროც. მაშასადამე, შედარებით ლორების რიცხვი თელავის მაზრაში უფრო მეტია, ვინემ დანარჩენ ორ მაზრაში. რაც შეეხება ცხენებს, აღწერის დროს აღნუსხვილ იქნა სულ 2,075 ცხენი, რაც შეადგენს 3,2 პროც. საქონლის საერთო რიცხვისა ამ მაზრაში. დასასრულ თელავის მაზრაში აღწერილ იქნა სულ 86 ვირი ანუ 0,1 პროც. ყველა საქონლის რაოდენობისა. ვნახოთ ახლა, თუ რა და რა საქონელი რამდენი მოდის თითოეულ ოჯახზე როგორც საერთოთ სამივე მაზრაში, ისე ცალ-ცალკე თითოეულ მაზრაში. ეს ნაჩვენებია შემდეგ ცხრილში:

მაზრები	თითოეულ ოჯახზე მოდის					თით. სულზე მოდის ყოვ. საქონელზე
	ცხენები და ვირები	სხვილი რქ. საქონელი	წვრილი რქ. საქონელი	ლორები	ყოველგვარი საქონელი	
გორის	0,1	8,5	2,5	0,8	6,9	1,1
სიღნაღის	0,5	1,9	3,8	0,3	6,5	1,3
თელავის	0,2	2,8	2,2	0,8	5,5	1,1
სამივე მაზრ.	0,2	2,8	2,9	0,6	6,5	1,2

ამნაირათ თუ ჩვენ ავიღებთ შინაური საქ. განაწილებას საერთო, ოჯახთა რაოდენობის კვალობაზე, დავინახავთ, რომ ყველაზე მეტი საქონელი მოდის გორის მაზრაში და ყველაზე ნაკლები თელავისაში; მაგრამ თუ ამავე რიცხვს ავიღებთ მცხოვრებთა რაოდენობის კვალობაზე, მაშინ გამოვა, რომ ყველაზე მეტი საქონელი მოდის თითოეულ სულ მცხოვრებზე სიღნაღის მაზრაში, ანუ 1,3 საქონელი, მაშინ როცა გორის და თელავის მაზრებში თითოეულ სულზე მოდის ერთნაირი რიცხვი, სახელდობ 1,1 საქონელი. საერთოთ კი თითოეულ სულზე სამივე მაზრაში მოდის დაახლოვებით 1,2 საქონელი.

ზევით მოყვანილი ცხრილიდან ჩვენ ვხედავთ, რომ სამ მაზრაში საერთოთ თითოეულ ოჯახზე მოდის:

ცხენი 0,2.

სხვ.რქ.საქ. 2,8.

წვრილი რქ. საქ. 2,9.

ლორი 0,6.

სულ 6,5.

სოფლის მეურნეობაში დიდი მნიშვნელობა აქვს სხვილი რქიანი საქონლის დანაწილებას ერთი მხრით ხარებათ და კამეჩებათ, მეორე მხრით ძროხებათ და ფურ-კამეჩებათ მოზერებათ (ზაქებით) და დეკეულებითურთ. თუ ამნაირათ დავანაწილებთ სხვილ რქიან საქონელს სამ დასახელებულ მაზრაში, ჩვენ მივიღებთ შემდეგ ცხრილს:

მ ა ზ რ ე ბ ი	ხარები, ძროხები, მოზერები, დეკეულეები.		კამეჩები ფურ-კამეჩები, ზაქ. და ბზოები.		ს უ ლ
	რიცხვი	პროც. საერთო რიც.	რიცხვი	პროც. საერთო რიც.	
გორის	102,542	90,20	11,145	9,80	113,637
სიღნაღის	31,493	74,63	10,706	25,37	42,199
თელავის	13,278	48,88	13,896	51,12	27,164
ს უ ლ	147,313	80,48	35,737	19,52	183,050

აქედან ჩვენ ვხედავთ, რომ საერთოთ სამივე მაზრაში ხარების, ძროხების და მოზერ-დეკეულეების საერთო რიცხვი უდრის დაახლოვებით 147,313, რაც შეადგენს 80,48 პროც. სხვილი რქიანი საქონლის საერთო რიცხვისა; კამეჩების, ფურ-კამეჩების და ზაქ-დეკეულეების რიცხვი კი უდრის მხოლოდ 35.737, რაც შეადგენს 19,52 პროც. რა თქმა უნდა. ცალ-ცალკე მაზრებში სხვილი რქიანი საქონლის ამ ორ კატეგორიას შორის ერთნაირი ურთიერთობა არაა დაცული. ასე, ზაქ-კამეჩები საზოგადოთ სჭარბობენ როგორც აბსოლიუტურათ, ისე შედარებითაც თელავის მაზრაში; ყველაზე უფრო ნაკლებია ისინი აბსოლიუტურათ სიღნაღის მაზრაში, შედარებით კი გორისაში. ავიღოთ ახლა, ერთი მხრით, ხარების და ხარ-კამეჩების რაოდენობა და, მეორე მხრით, რაოდენობა ძროხებისა და ფურ-კამეჩებისა, იმის ჩვენებით, თუ თითოეულ ამ კატეგორიათაგანი რამდენი მოდის როგორც თითოეულ მაზრაში, ისე სამივე მაზრაშივე საერთოთ. ამას გვიჩვენებს შემდეგი ცხრილი:

მ ა ზ რ ე ბ ი	ხარები და კამეჩები		ძროხები და ფურ-კამეჩები	
	რიცხვი	თით. ოჯახზე მოდის	რიცხვი	თით. ოჯახზე მოდის
გორის	48,190	1,5	30,389	0,9
სიღნაღის	20,665	0,9	11,122	0,5
თელავის	11,843	1,0	8,602	0,8
ს უ ლ	80,698	1,2	50,313	0,8

ამნაირათ, როგორც ზევით მოყვანილი ცხრილი გვიჩვენებს, საერთო სამივე მაზრაში თითოეულ ოჯახზე ორთა შუა რიცხვით მოდის 1,2 ხარი და ხარ-კამეჩი და 0,8 ძროხა და ფურ-კამეჩი. თუ ამ მაზრებს ავიღებთ ცალ-ცალკე, ჩვენ დაინახავთ, რომ დასახელებულ კატეგორიების საქონლის საშუალო რიცხვი თითოეულ ოჯახზე ყველაზე უფრო დიდია გორის მაზრაში და ყველაზე უფრო ნაკლები სიღნაღისაში. რა თქმა უნდა, საშუალო რიცხვი ჩვენ არ გვაძლევს იმ სურათს, თუ ესა თუ ის საგანი როგორაა სინამდვილეში დანაწილებული, ვინაიდან არიან ისეთი ოჯახები, რომელთაც სრულებით არ გააჩნიათ შინაური ოთხფეხი საქონელი, და, პირიქით, არიან ისეთებიც, რომელთაც ათობით და ასობით მოეპოვებათ ასეთი საქონელი. მაგრამ მიუხედავად ამისა, ორთა შუა რიცხვს მაინც აქვს ერთგვარი მნიშვნელობა.

სოფლის მეურნეობისათვის დიდი მნიშვნელობა აქვს, რა თქმა უნდა, იმ გარემოებას, თუ ხნოვანობის მხრით შინაური საქონელი როგორ არის დაყოფილი. ამიტომ სამეურნეო სტატისტიკა ამ საკითხის გამოკვლევას საკმარისათ დიდ ყურადღებას აქცევს. 1916 წლის სამეურნეო აღწერაც ამ მიზანს ისახავდა. ხნოვანების მხრით განსაკუთრებულ ყურადღებას აქცევენ ცხენებს და სხვილ რქიან საქონელს. თანახმათ გამოქვეყნებულ ცნობებისა ცენტრალური რუსეთის 45 გუბერნიაში ცხენები წლოვანების მიხედვით ასე იყო დაყოფილი:

4 წლის და ზევით	16,131	ათასი ანუ საერთო რიცხვი	72,8	პროც.
1—4 წლამდის	3,824	" "	17,2	"
კვიცები (1 წლის)	2,203	" "	10,0	"
	22,158	" "	100,0	"

თფილისის გუბერნიის სამ დასახელებულ მაზრაში წლოვანების მიხედვით ცხენები ასე იყო დაყოფილი.

4 წლის და ზევით	1657	ათასი ანუ საერთო რიცხვი	71,7	პროც.
1—4 წლამდის	1657	" "	17,0	"
კვიცები (1 წლის)	1944	" "	15,3	"
ს უ ლ .	12,704	" "	100,00	"

საგულისხმოა, რომ როგორც ჩვენში, ისე ცენტრალური რუსეთის გუბერნიებში ცხენების დაყოფა წლოვანების კვალობაზე თითქმის ერთი და იგივეა მხოლოდ იმ განსხვავებით, რომ ქართლ-კახეთში კვიცების რი-

ცხვი შედარებით სჭარბობს 1-4 წლის ცხენებს, რუსეთში კი, პირიქით, 1-4 წლის ცხენები სჭარბობენ კვიცებს (1 წლის).

გადავიდეთ ახლა სხვილ რქიან საქონელზე. 1916 წლის სამეურნეო აღწერით ცენტრალური რუსეთის 45 გუბერნიაში ირიცხებოდა:

ძროხები	16,666	ანუ	საერ.	რიცხ.	45,8	პროც.
ხარები	2,547	"	"	"	7,0	"
მოზერები და დეკეულეები (1—2 წლ.)	7,021	"	"	"	19,3	"
ბზოები (1 წლისა)	10,163	"	"	"	27,9	"
ს უ ლ . . .	36,397	"	"	"	100,00	"

დავუპირდაპიროთ ამას ანალოგიური ცნობები თფილისის გუბერნიის სამი დასახელებული მაზრის შესახებ. გორის, სიღნაღის და თელავის მაზრებში 1916 წლის აღწერით ირიცხებოდა:

ძროხები და ფურ კამეჩები	50,313	ანუ	საერთო	რიცხ.	27,5	პროც.
ხარები და კამეჩები*)	84,907	"	"	"	46,3	"
მოზერები და დეკეულეები (1—2 წლისა)	16,602	"	"	"	9,1	"
ბზოები (ერთი წლისა)	31,228	"	"	"	17,1	"
ს უ ლ . . .	183,050	"	"	"	100,00	"

ზევით მოყვანილი ცნობები გვეუბნებიან, რომ მსხვილი რქიანი საქონლის შესახებ რუსეთის ცენტრალურ გუბერნიებსა და ჩვენ სოფლებს შორის საკმარისათ დიდი და არსებითი განსხვავებაა. უწინარეს ყოვლისა ეს განსხვავება მომდინარეობს იქიდან, რომ ჩვენში სოფლის მეურნეობაში ცოცხალი ინვენტარის მხრივ უმთავრეს ფაქტორებს ხარ-კამეჩები შეადგენენ, მაშინ როცა რუსეთში ასეთ როლს ცხენები თამაშობენ. ამით აიხსნება ის გარემოება, რომ რუსეთში ხარების რიცხვი შეადგენს მხოლოდ 7 პროცენტს ყველა სხვილი რქიანი საქონლის საერთო რიცხვისას, მაშინ როცა ჩვენში ხარების და ხარკამეჩების რიცხვი შეადგენს უკვე 46,3 პროცენტს სხვილი რქიანი საქონლის საერთო რიცხვისას. ეს ერთი. მეორე განსხვავება მდგომარეობს იმაში, რომ რუსეთში ამ უკანასკნელი აღწერით მოზრდილი საქონლის რაოდენობა შეადგენს 52,8 პროცენტს, მაშინ როცა ჩვენში ეს კატეგორია შეადგენს უკვე 73,8 პროცენტს. მეორე მხრით, ორი წლის ქვედაელი საქონელი რუსეთში შეადგენს 47,2 პროც., ჩვენში კი

*) აქვე შეტანილია ბუღებიც.

მხოლოდ 26,2 პროც., რა თქმა უნდა, ამ განსხვავებას უთუოდ დიდი გავლენა უნდა დაუტყოს ჩვენი სოფლის მეურნეობაზე. და ამასთანავე ისიც აშკარაა, რომ ამ მოვლენას შემთხვევითი ხასიათი არ აქვს. აქ არ შეიძლება არ აღვნიშნოთ შემდეგი ფაქტი. 1916 წლის აღწერამ გამოააშკარავა, რომ რუსეთის ცენტრალურ გუბერნიებში შინაური პირუტყვის რაოდენობას 1912 წელთან შედარებით საგრძნობლად უმატნია, და რაც კიდევ უფრო საგულისხმოა, მთელი ეს მატება უმთავრესათ ახალგაზრდა საქონლის რიცხვის ზრდითაა გამოწვეული. ავილოთ ჯერ მარტო ცხენები. ცენტრალური რუსეთის 45 გუბერნიაში ითვლებოდა ცხენები ათასობით*)

	1912 წ.	1916 წ.	1912 წ. ც. მიგ. 100
4 წ. და ზევით .	15,185	16,131	106
1—4 წლამდე	3,305	3,824	116
კვიცები .	1,126	2,203	196
	19,616	22,157	113

მაშასადამე, 1912 წელთან შედარებით 1916 წელს, მიუხედავად რამდენიმეჯერ მომხდარ მობილიზაციისა, ცხენების რაოდენობას რუსეთის ცენტრალურ გუბერნიებში მოუმატნია 13 პროც., განსაკუთრებით გაზრდილა კვიცების რიცხვი, თითქმის ერთი ორათ გაზრდილა. ანალოგიური ცნობები სხვები და წვრილი რქიანი საქონლის შესახებ ყველა 45 გუბერნიების შესახებ ჯერ არ არის გამოქვეყნებული. ასეთი ცნობები არსებობს მხოლოდ სამი გუბერნიის—პოლტავის, სიმბირსკის და ვიატკის შესახებ, და ეს ცნობები გვეუბნება, რომ ამ სამ გუბერნიაში ხარების რიცხვს 1916 წ. წინა წლებთან შედარებით დაუკლია 27 პროც., ძროხებისას 0,3 პრ., დეკეულობისას 8 პროც., მაგრამ ხზოების რიცხვს მოუმატნია 39 პროც., და ამიტომ სხვები რქიანი საქონლის რაოდენობას მოუმატნია საერთოდ 8,5 პროც. ნოვგოროდის გუბერნიაში მოზრდილი სხვები რქიანი საქონლის რაოდენობა შემცირდა 9,7 პროც., ახალი საქონლის რაოდენობას კი მოუმატნია 54 პროც., უფის გუბერნიაში ამ უკანასკნელ კატეგორიას მოუმატნია 40—50 პროც.

ამნაირათ რუსეთის ცენტრალურ გუბერნიებში ამ ომიანობის ხანაში ემჩნევა შინაური საქონლის რაოდენობის ზრდა, მაგრამ განსაკუთრებით იზრდება ახალი საქონლის რაოდენობა. რუსეთის ეკონომისტები და სტა-

*) იხ. გაზ. „Русск. Водом.“ 17 სექტემბრის ნომერი.

ტისტიკოსები ამ მოვლენას ხსნიან იმით, რომ ომიანობის მეოხებით ხალხს საშუალება მიეცა ახალი ზარდოს, და არ გაიცალოს ხელიდან, ვინაიდან მას ახლა საკვები მასალის შექმნა გაუადვილდაო. თუ რამდენათ მართალია ეს ახსნა, ამის გამოძიებას ჩვენ აქ ვერ შეუდგებით. ჩვენთვის ბევრათ უფრო საინტერესოა ვიცოდეთ, თუ რა ხდება ამ მხრით ჩვენში, ე. ი. მატულობს თუ კლებულობს ჩვენში შინაური პირუტყვის რაოდენობა საერთოდ და თუ კერძოდ რა გავლენა იქონია ამაზე დღევანდელმა ომმა. სამწუხაროთ ყველა ამ კითხვების გამოსარკვევათ ჩვენ თითქმის არავითარი სტატისტიკური მასალა არ მოგვეპოვება. მხოლოდ ცხენების შესახებ გვაქვს ჩვენ საკმარისათ სწორი ცნობები; ეს ცნობები ამოღებულია ცხენების სამხედრო აღწერიდან და ეკუთვნის 1912 წელს *). შემდეგი ცხრილი გვიჩვენებს საკმარისათ დაწერილებით ცხენების რაოდენობას გლეხების საზოგადოებებში თფილისის გუბერნიის სამ დასახლებულ მაზრაში.

მაზრები	5 წლის და ზევით		4 წლის		1-3 წლამდის		კვიცები		შ/ს
	რიცხვი	% სავრ. რიცხვ.	რიცხვი	% სავრ. რიცხვ.	რიცხვი	% სავრ. რიცხვ.	რიცხვი	% სავრ. რიცხვ.	
გორის .	3,742	74,5	206	4,1	530	10,6	542	10,8	5,022
საღნაღის .	6,825	68,1	296	3,0	1,758	17,6	1,130	11,3	10,011
თელავის . .	1,391	73,3	39	2,1	268	14,1	200	10,1	1,898
ს უ ლ . .	11,958	70,8	545	3,0	2,556	15,1	1,872	11,1	16,931

თუ ამ ცნობებს შევადარებთ 1916 წლის აღწერის ცნობებს, რომელიც ჩვენ ზევით გვექონდა მოყვანილი, უწინარეს ყოვლისა გამოვა, რომ დაახლოებით ოთხი წლის განმავლობაში (1912-1916) ცხენების რიცხვს დასახლებულ მაზრებში მოუკლია 4.227 ანუ თითქმის 25 პროც., ე. ი. 16931-დან 1912 წელს იგი ჩამოსულა 12.704-დე 1916 წელს. თუ ახლა ჩვენ ყურადღებას მივაპყრობთ ცხენების სხვადასხვა კატეგორიის ხნოვანებას; მაშინ ჩვენ დავინახავთ, რომ ოთხი წლის განმავლობაში შემდეგი ცვლილებანი მომხდარა:

*) Военно-Конская перепись 1912 г. изд. Центр. статист. Ко-та СПб. 1914 г.

4 წლის და ამაზე უფრო ცხენებს დაუკლია 3,400 ანუ 27,2 პროც. 1-3 წლის 899 ანუ 35,2 პროც. კვიცებს (1 წლ.)—მოუმატნიათ 72 ანუ 3,9 პროც. აქედან ჩვენ ვხედავთ, რომ გორის, სიღნაღის და თელავის მაზრებში ყველა კატეგორიის ცხენების რიცხვს, გარდა კვიცებისა, უკანასკნელი ოთხი წლის განმავლობაში საგრძნობლათ დაუკლია; იმავე დროს კვიცების რიცხვი გაზრდილა თუმც მეტათ მცირე პროცენტით, ასე რომ ამ ზრდას თითქმის არავითარი გავლენა არ მოუხდენია საერთო ცხენების რაოდენობის შემცირებაზე ამ ხნის განმავლობაში. მაგრამ ყოველ შემთხვევაში კვიცების რაოდენობის ზრდა, თუმცა ძლიერ მცირე პროცენტითაც, მაინც დამახასიათებელი მოვლენაა ამ რაოდენობის დროს: ჩვენ უკვე ვიცით, რომ ცენტრალური რუსეთის გუბერნიებში სწორეთ ამ უკანასკნელი ორი წლის განმავლობაში საგრძნობლათ გაიზარდა კვიცების რაოდენობა იმ ზომამდე, რომ უფრო ხშირი ცხენების დაკლება არა თუ შეავსო, არამედ საერთო ცხენების რაოდენობამაც კი საგრძნობლად იმატა. ჩვენში კი ე. ი. ქართლ-კახეთის სამ უდიდეს მაზრაში ცხენების საერთო რიცხვმა საგრძნობლათ იკლო. გარდა ამისა, 1912 და 1916 წლების ცნობების შედარება თფილისის გუბერნიის სამ მაზრაში გვეუბნება, რომ ცხენების რაოდენობითი შემადგენლობაში ხნოვანების მხრით უკანასკნელი ოთხი წლის განმავლობაში დიდი ცვლილება არ მომხდარა, რაც უფრო ნათლათ შემდეგი დაპირდაპირებიდან ჩანს:

	1912 წ.	1916 წ.
4 წლის და მეტი ხნის ცხენების რაოდენობა პროც.	73,8	71,7
1—4 წლამდის	15,1	13,0
კვიცები (1 წლ.)	11,1	15,3
	ს უ ლ . 100,00	100,00

ეს უკანასკნელი გარემოება, ე. ი. ის, რომ ცხენების რაოდენობითი შემადგენლობა ხნოვანების მხრით ამ ორი აღწერის დროს თითქმის ერთნაირია, ან თუ ამ მხრით განსხვავება ძლიერ უმნიშვნელო, —ვიმეორებთ, ეს გარემოება იმას ამტკიცებს, რომ როგორც 1912, ისე 1916 წლის აღწერა სინამდვილეს დიდათ უახლოვდება; ეს რომ ასე არ იყოს, ამ შემთხვევაში დიდი განსხვავება უნდა აღმოჩენილიყო.

თუ ცხენების შესახებ ჩვენ კიდევ მოგვეპოვება შესაძარებელი ცნობები წინა წლებისთვის, დანარჩენი შინაური ოთხფეხი საქონლის შესახებ ასეთი ცნობები ჩვენ თითქმის სრულებით არ გავაჩნია. მართალია, აღმი-

ინსტრაცია თითქო ყოველ წელს აგროვებს ცნობებს პირუტყვის შესახებაც, მაგრამ თავისთავად იგულისხმება, რომ ჩვენ ამ ცნობებს ვერ დავეყრდნობით. ამიტომ 1916 წლის ცნობების შედარება წინა წლების ცნობებთან შეუძლებელი ხდება. მხოლოდ გასული საუკუნის მეოთხმოცე წლებში მოხდა ცოტათ თუ ბევრათ საფუძვლიანი გამოკვლევა შინაური საქონლის შესახებ. ამ გამოკვლევით*) მთელ თფილისის გუბერნიაში მეოთხმოცე წლების დასაწყისში ირიცხებოდა დაახლოვებით:

1) სხვილ რქიანი საქონელი 500,000 ანუ საერთო რიცხვის 20.1 პროც.; 2) ცხვრები და თხები 1,209,000 ანუ საერთო რიცხვის 76,7 პრ. 3) ცხენები 80,000 ანუ საერთო რიცხვის 3,2 პროც. სულ 2,489,000 ანუ საერთო რიცხვის 100,00 პროც.

უნდა შევნიშნოთ, რომ აქ საინტერესოა იმდენათ არა აბსოლიუტური, არამედ შედარებითი რიცხვები ურთიერთ დამოკიდებულება ამ სამ კატეგორიის საქონელს შორის. ამ მხრით მეტათ საინტერესოა ის ფაქტი, რომ ცხენების შედარებითი რაოდენობა მთელ თფილისის გუბერნიაში ამ 30-35 წლის წინათ თითქმის ისეთივე იყო (3,2 პროც.), როგორც დღეს დავადგინეთ ჩვენ ამავე გუბერნიის სამი მაზრისთვის (ე. ი. 2,9 პროც.) გარდა ამისა, როგორც მაშინ, ისე დღესაც ამავე გუბერნიაში სქარბობს წერილი რქიანი საქონლი, და თუმცა ეს სიჭარბე ამ 35 წლის წინეთ ბევრათ უფრო საგრძნობი იყო, ვინემ დღეს, ეს აიხსნება იმით, რომ 1916 წლისთვის ჩვენ აღებული გვაქვს ისეთი მაზრები, სადაც შედარებით მეტხვარეობას უფრო ნაკლები მნიშვნელობა აქვს, ვინემ დანარჩენ მაზრებში. როგორც არიან, მაგ., თიანეთის, დუშეთის და თუ გინდ ბორჩალოს მაზრები, მაშინ როცა წინანდელი ცნობები ეხებიან მთელ თფილისის გუბერნიას.

არა ნაკლებ საინტერესოა აგრეთვე იმავე ძველი წლების ცნობები იმის შესახებ, თუ იმ ხანებში რამდენი და რა და რა გვარი საქონელი ყავდათ სახელმწიფო გლეხებს იმავე თფილისის გუბერნიაში. თანახმათ ამ ცნობებისა*) სახელმწიფო გლეხებს თფილისის გუბერნიაში ყავდათ:

1) სხვილი რქიანი საქონელი 319,863 ანუ საერ. რიცხ. 20,6 პროც.. 2) წერილი 1,116, 246 ანუ საერ. რიცხ. 71,7 პრ., 3) ცხენები, ვირები 51,665 ანუ საერ. რიცხ. 3,30/0, 4) ღორები 69,068 ანუ საერ. რიცხ. 4,4¹¹/₁₀ სულ 1,556,842 ანუ საერ. რიცხ. 100,00:

*) იხ. Матер. для устройства казен. летн. и экм. пастбищ для изучения скотоводства на Кавказе. т. II. ч. 2. Тифлис, 1890 г.

**) იქავე, გვ. 6.

როგორც მკითხველი შეამჩნევდა, აქაც იგივე ურთიერთი დამოკიდებულებაა, როგორც ზევით მოყვანილ ციფრებს შორის, იმ განსხვავებით, რომ აქ მომატებულია ღორებიც. სხვა მხრივ 1916 წლის მიერ განხილულ ცნობების და ამ ცნობების შედარება ყოველად შეუძლებელია. მაგრამ სამაგიეროდ ჩვენ შეგვიძლია მოვიყვანოთ აქ ცნობები იმის შესახებ, თუ სახელმწიფო გლეხების თითოეულ ოჯახზე და თითოეულ სულზე რამდენი საქონელი მოდიოდა მეოთხმოცე წლების დასაწყისში და ამას დაუპირდაპირათ ის, თუ თფილისის გუბერნიის სამ მაზრაში საერთოთ რამდენი საქონელი მოდის იმავე ერთეულებზე 1916 წლის სამეურნეო აღწერის ცნობებით. ყოველგვარი საქონელი მოდიოდა:

	1880-85 წლ.	1916 წლ.
თითოეულ ოჯახზე	32,5	6,5
თითოეულ სულზე	5,1	1,2

მართალია აქ ერთი მხრით აღებულია მთელი თფილისის გუბერნიის სახაზინო გლეხ-კაცობა და მეორე მხრით ამავე გუბერნიის სამი მაზრის ყველა სოფლის მცხოვრებნი, მაგრამ მიუხედავად ამისა, ეს დაპირდაპირება მაინც მეტათ საინტერესო უნდა იყოს. ასეა თუ ისე, აქედან ერთად ერთი დასკვნის გამოყვანა შეიძლება, სახელდობ: შინაური საქონლის ორთა შუა რიცხვი, რომელიც თითოეულ ოჯახზე თუ თითოეულ სულზე მოდის ამ ხნის განმავლობაში საგრძნობლათ უნდა იყოს შემცირებული.

ერთი სიტყვით, ჩვენ აღმოვაჩინეთ ისეთი ნიშნები, რომლებიც გვითითებენ იმაზე, რომ ამ უკანასკნელ დროს შინაური საქონლის რაოდენობა ჩვენში საგრძნობლათ შემცირებულია. ამაში დავგარწმუნა ჩვენ სტატისტიკური ცნობების შედარებამ. ამასვე გვიჩვენებს ზოგიერთი არა პირდაპირი ნიშნები რქიანი საქონლის შესახებაც. რა თქმა უნდა, მარტო ომით ეს მოვლენა არ აიხსნება. ვინ არ იცის, რომ ქართლ-კახეთში ხშირათ საქონელი იხოცება სხვადასხვა ავადმყოფობის გამო, როგორც ეს ხდება მაგ., ქართლში. ეს კი შეკავშირებულია სიბნელესთან, დაქვეითებასთან, ყოველგვარი დახმარების უქონლობასთან. ყველა ამის მიზეზი კი თვითმართველობის უქონლობაა.

მეტათ საგულისხმეოა და ჩამაფიქრებელია ამ მხრით ის ფაქტი, რომ რუსეთის ცენტრალურ გუბერნიებში ამ საშინელი ომიანობის დროს, მიუხედავად რამდენიმეჯერ განმეორებულ რეკვიზიციისა, შინაური საქონლის საერთო რიცხვი შესამჩნევად გაიზარდა. ჩვენში კი სულ წინააღმდეგ მოვლენას ვხედავთ.

III. ნ ა თ ე ხ ი მ ი წ გ ბ ი.

ერთ უმთავრეს ფაქტორს სოფლის მეურნეობაში დათესილ მიწების რაოდენობა შეადგენს. ცნობილია, რომ ჩვენი სამეურნეო სტატისტიკა ამ მხრით წინეთაც ყველაზე უფრო კოჟლობდა და დღესაც კოჟლობს. თუ რამდენ მიწაზე თესია ბამბა და თამბაქო, ან რამდენზეა გაშენებული ვენახი ან ჩაი,—ეს რამდენიმეთ გამოკვეყულია; მაგრამ რაც შეეხება იძას, თუ რამდენ მიწაზე ითესება ჩვენში საზოგადოთ ხორბლეულობა, ე. ი. პური, ქერი, სიმინდი, ჭვავი, შვრია, ფეტვი და სხვა,—ეს ჩვენთვის თითქმის სრულებით უცნობია. მართალია, ყოვლის შემძლე ადმინისტრაცია ამ შემთხვევაშიაც გვაწვდის ჩვენ სტატისტიკურ ციფრებს, მაგრამ ეს ციფრები არავითარი ნდობის ღირსი არაა, ვინაიდან ისინი დამყარებულია არა მეცნიერულ-სტატისტიკურ გამოკვლევაზე, არამედ, პოლიციის დაბალი მოხელეების ჩვენებებზე. ასეთ სტატისტიკურ გამოკვლევას კი ჩვენში უკანასკნელ დრომდე ადგილი არ ჰქონებია.

ასეთი გამოკვლევა ჩვენში, როგორც ვიცით, პირველად მხოლოდ წელს მოხდა. სამეურნეო აღწერის ერთ მთავარ საგანს დათესილ მიწების რაოდენობის გამოკვლევა შეადგენდა. ამ აღწერის საშუალებით ჩვენ შეგვიძლია დაახლოვებით მაინც შევიტყოთ, თუ სად რამდენი მიწა იყო დათესილი და თუ რა ეთესა ამ მიწებზე 1916 წლის ზაფხულში. ამნაირად ჩვენ დღეს საშუალება გვეძლევა გავიგოთ დათესილი მიწების რაოდენობა ჩვენში დაახლოვებით ამ ჟამად. მაგრამ, ვინაიდან წინა წლების ცნობები ამ საგნის შესახებ ჩვენ არ მოგვეპოვება, ამიტომ ჩვენ არ შეგვიძლია ვიცოდეთ, თუ ჩვენი მეურნეობა რა მდგომარეობას განიცდის ამ მხრით, ე. ი. ჩვენ არ ვიცით, მატულობს თუ კლებულობს ჩვენში სხვადასხვა ხორბლეულობით დათესილი მიწების რაოდენობა. ვიცით მხოლოდ ის, რომ რაც დრო მიდის, თანდათან მატულობს ჩვენში რუსეთიდან შემოტანილ პურის რაოდენობა *). მეორე მხრით, შეუძლებელია, რომ ორი წლის განმავლობაში შეუწყვეტელი ომის გამო არ შემცირებულიყო ჩვენში დათესილ მიწების რაოდენობა. ასე, მაგ., უკანასკნელ ორი წლის განმავლობაში (1914—1916) ცენტრალურ რუსეთის 40 გუბერნიაში დათესილ მიწების რაოდენობა 59,059 ათასიდან ჩამოვიდა 55,109 ათასამდე, ე. ი. დაიკლო 3,950 ათასი, ანუ 6,7 პროც., როგორც ზევეითაც ვამბობდით, სამწუხაროთ, ჩვენ ხელთ არა გვაქვს შედარებითი ცნობები არც 1914 და არც

*) ამ საგანს ჩვენ განვიხილავთ ცალკე წერილში.

1915 წლებისათვის, ამიტომ შეუძლებელია იმის თქმა, თუ რამდენად შეზღუდულია უკანასკნელ წლებში დათესილ მიწების რაოდენობა. მაგრამ ამ მხრით რუსეთის ცენტრალურ გუბერნიებთან შედარებით ჩვენ კიდევ უარეს მდგომარეობაშია ვართ. ჩვენ უკვე ვიცით, რომ რუსეთის ცენტრალურ გუბერნიების შესახებ სამეურნეო აღწერის საერთო ჯამები უკვე კაი ხანია რაც გამოქვეყნებულია, და სასურსათო საკითხის მოწესრიგებაში, ავად არის თუ კარგათ, ამ ცნობებს ერთნაირ ანგარიშს რამდენიმედ მიიხედუვენ. ამიერ-კავკასიის გუბერნიების შესახებ აღწერის საერთო ჯამები გერ არ გამოუქვეყნებიათ და არც არავინ უწყის, როდის იქნება ისინი გამოქვეყნებული.

ჩვენ წინეთაც ვამბობდით, და ახლაც უნდა გავიმეოროთ, რომ ცნობები სამი მაზრის შესახებ არ კმარა საერთო სურათის დასახატავათ, მაგრამ, მიუხედავად ამისა, ამ ცნობებს მაინც აქვს ერთნაირი მნიშვნელობა. ამიტომ სანამ ამიერ-კავკასიის ყველა გუბერნიების შესახებ ცნობების გამოქვეყნებას ველირსებოდეთ, მანამ ჩვენ უმჯობესათ ვთვლით გავეცნოთ იმას, რაცა გვაქვს.

1916 წლის სამეურნეო აღწერით ყველა დათესილი მიწების რაოდენობა წრეულს ზაფხულზე უდრიდა:

გორის მაზრაში	43.516	დესეტინა *)
სიღნაღის	29.654	
თელავის	12.830	„
სამივე მაზრაში	86.000	დესეტინას.

ამნაირათ, თფილისის გუბერნიის სამ დასახელებულ მაზრაში სხვადასხვა სამეურნეო კულტურას ეჭირა დაახლოვებით სულ 86.000 დესეტინა მიწა. აქედან მარტო გორის მაზრაში იყო ნახევარზე ცოტა მეტი ანუ 50,3 პროც., რაც აიხსნება უმთავრესათ ორი მიზეზით: ერთი ის, რომ თავისთავად გორის მაზრას სხვა მაზრებთან შედარებით უჭირავს საკმარისათ დიდი ტერიტორია; მეორეც ის, რომ სარჩოს უმთავრესი წყარო ამ მაზრაში, გარდა ბორჯომის ხეობისა და იმ მთიან ადგილების, სადაც უმთავრესათ ოსები ცხოვრობენ, ხენა-თესვაა. მეორე ადგილი უჭირავს სიღნაღის მაზრას, რომელზედაც მოდის საერთო რაოდენობის 34,48 პროც., უკანასკნელი ადგილი უჭირავს თელავის მაზრას, რომელზედაც მოდის დათესილ მიწების

*) აქ მიღებულია სახაზინო დესეტინა, რომელიც უდრის 2,400 ოთხ-კუთხ სავენს.

საერთო რაოდენობის 14,92 პროც. დათესილ მიწების ასეთი სიცოტავე ამ უკანასკნელ ორ მაზრაში აიხსნება უმთავრესათ ამ მაზრების ტერიტორიის სიმცირით და არა იმით, თითქო ხენა-თესვას აქ ასე მცირე მნიშვნელობა ჰქონდეს. ამას ამტკიცებენ სხვათა შორის შემდეგი ცნობები:

თანახმად 1916 წლის სამეურნეო აღწერის ცნობებისა მოდიოდა:

	თითველ ოჯახზე	თითველ ოჯახზე
გორის მაზრაში .	1,38 ღესეტ.	0,21 ღესეტ.
სიღნაღის მაზრაში .	1,35 " "	0,26 " "
თელავის მაზრაში .	1,08 " "	1,21 " "
სამივე მაზრაში	1,29 ღესეტ.	0,23 ღესეტ.

აქედან ჩვენ ვხედავთ, რომ როგორც თითველ ოჯახზე, ისე თითველ სულზე შედარებით ყველაზე მეტი დათესილი მიწა მოდის სიღნაღის მაზრაში, შემდეგ გორისაში, თუ მხედველობაში მივიღებთ მხოლოდ იმ რაოდენობას, რომელიც მოდის თითველ ოჯახზე, ვინაიდან თითველ სულზე როგორც გორის, ისე თელავის მაზრაში ერთი და იგივე რაოდენობა ხვდება.

ზევით ჩვენ მოვიყვანეთ დათესილი მიწების საერთო რაოდენობა; ახლა საინტერესოა ვიცოდეთ, რას თესავენ არ რა უფრო მოყავთ ამ 3 მაზრაში, როგორც ცალ-ცალკე, ისე საერთოთ. თამბაქოს და ბოსტნეულობას რომ თავი დავანებოთ, დასახელებულ მაზრებში ჩვენ გვხვდება დაახლოვებით 15—16 სამეურნეო კულტურა; სახელობ ჩვენ აქ ვხედავთ შემოდგომის და გაზაფხულის პურს, ქერს, სიმინდს, ქვავს, ფეტვს, შვრიას, უგრეხელს, ოსპს, ქართოფილს, მზისუმზირას, მუხუდოს, სელს, კანაფს და სხვ. მაგრამ ამათში ყველაზე უფრო დიდი მნიშვნელობა აქვს მხოლოდ ხუთ მცენარეს, სახელობ: შემოდგომის და გაზაფხულის პურს, სიმინდს, ქერს და რამდენიმეთ ფეტვსაც. თითველი ამათგანის როლი და მნიშვნელობა სჩანს შემდეგი ცხრილიდან, რომელიც გვიჩვენებს, თუ რამდენი მიწა ეკი-რა თითველს იმათგანს სამივე მაზრაში.

შემოდგომის პურს .	40.315	ღეს.	ანუ	საერ.	ჩიცხ.	46,90	%.
სიმინდს .	19.233	"	"	"	"	22,60	"
ქერს	12.024	"	"	"	"	14,09	"
გაზაფხულის პურს	9.631	"	"	"	"	11,20	"
ფეტვს	2.205	"	"	"	"	2,60	"
ს უ ლ .	83.408	"	"	"	"	97,30	"

მაშასადამე, პირველი ადგილი ჩამოთვლილ მცენარეებში უჭირავს შემოდგომის პურს, რომლითაც სამეურნეო აღწერის ცნობებით დათესილი იყო დაახლოებით 40.315 დესეტინა მიწა, რაც შეადგენს სამ დასახელებულ მაზრებში დათესილ მიწების 46,9 პროც.; მეორე ადგილზე ჩვენ ვხედავთ სიმინდს, რომელსაც სამივე მაზრაში ეჭირა დაახლოებით 19,233 დესეტინა მიწა ანუ ყველა დაუთესელ მიწების 22,6 პროც.; ამას მოსდევს ქერი, რომელსაც აღწერით ეჭირა დაახლოებით 12,024 დესეტინა ანუ 14,0 პროც.; მეოთხე ადგილი ეჭირა გაზაფხულის პურს, რომლითაც დათესილი იყო სულ 9,631 დესეტინა მიწა ანუ საერთო რიცხვის 11,2 პროც.; დასასრულ, უკანასკნელი ეჭირა ფეტვს, რომლის ქვეშ ირიცხებოდა დაახლოებით 2205 დესეტინა მიწა ანუ 2,6 პროც.; ამნაირათ, დათესილ მიწების საერთო რაოდენობის 97,6 პროც. მაშასადამე, ყველა დანარჩენ კულტურაზე მოდის სულ 2.529 დესეტინა ანუ 2,7 პროც. ამათში შედარებით ყველაზე მეტი მნიშვნელობა აქვს, რა თქმა უნდა, თამბაქოს, რომელსაც აღწერით ეჭირა სულ 685 დეს., რაც შეადგენს ყველა დათესილ მიწების 0,3 პროც.; მას მოსდევს ჭვავი—499 დესეტ. ანუ 0,58 პროც.; შემდეგ მზისუმზირა—313 დეს., ანუ 0,34 პროც., შვრია—278 დეს., ანუ 0,32 პროც., რაც შეეხება დანარჩენ მცენარეებს, როგორც, მაგ.: მუხუდოს, სელს, კანაფს და სხვ., იმათი მნიშვნელობა ჩამოთვლილ მაზრების სოფლის მეურნეობაში იმდენათ მცირეა, რომ ჩვენ შეგვიძლია ისინი სრულებით უყურადღებოთ დავტოვოთ. გარდა ჩამოთვლილ მცენარეებისა სამ დასახელებულ მაზრაში საკმარისათ დიდი მნიშვნელობა აქვს აგრეთვე ლობიოს, რომელსაც უმეტეს ნაწილათ თესვის დროს სიმინდს აყოლებენ, ასე რომ საკუთრივ ლობიოს ძლიერ იშვიათათ თესვენ; ამიტომ იმის გამოანგარიშება, თუ რამდენი მიწა ეჭირა ლობიოს, შესაძლებელი შეიქნება მხოლოდ მაშინ, როცა მთელი შეგროვილი მასალა სავსებით დამუშავდება.

ახლა ჩვენ უნდა განვიხილოთ, თუ თითოეული ზევით ჩამოთვლილ ხუთ მცენარეთაგანი რა როლს თამაშობს თითოეულ მაზრაში. ამას გვიჩვენებს შემდეგი ცხრილი:

დათესილ მიწების რაოდენობა ნაჩვენებია დესეტინებით.

მაზრ.	შემოდ. პური; ¹ სიმინდი		ქ ე რ ი		გაზ. პური		ფ ე ტ ვ ი		ს უ ლ			
	რაოდენ. დესეტინ.	პროც. რიცხვ.	რაოდენ. დესეტინ.	პროც. რიცხვ.	რაოდენ. დესეტინ.	პროც. რიცხვ.	რაოდენ. დესეტინ.	პროც. რიცხვ.	რაოდენ. დესეტინ.	პროც. რიცხვ.		
გორის	20,346	46,9	12,063	27,7	8,760	20,1	1,717	4,0	0,0	42,894	98,6	
სიღნაღის	13,143	44,3	4,217	14,2	2,305	8,0	6,514	22,0	1,660	5,6	27,844	94,1
თელავის	6,921	53,3	2,948	21,1	959	7,7	1,400	10,9	542	4,2	12,670	98,2
სულ	40,315	46,9	19,233	22,6	12,024	14,0	9,631	11,2	2,205	2,6	83,408	97,3

ზევით მოყვანილი ცხრილი საკმარისათ საინტერესო სურათს გვიჩატავს. იქიდან ჩვენ ვხედავთ, რომ შემოდგომის პურს სამივე მაზრაში პირველი ადგილი უჭირავს, მაგრამ შედარებით უფრო დიდია მისი პროც. თელავის მაზრაში და ყველაზე უფრო ნაკლები სიღნაღისაში, შემდეგ გორის და თელავის მაზრებში მეორე ადგილი სიმინდს უჭირავს, სიღნაღისაში კი მეორე ადგილი გაზაფხულის პურს უჭირავს, სიმინდი კი ამ უკანასკნელ მაზრაში მესამე ადგილზე დგას. ამასთანავე უნდა აღვნიშნოთ, რომ როგორც ზევით მოყვანილი ცხრილი გვეუბნება, სიმინდის თესვა ამ სამ დასახელებულ მაზრებიდან ყველაზე უფრო გავრცელებულია გორის მაზრაში და ყველაზე უფრო ნაკლებათ თესავენ მას სიღნაღისაში. რაც შეეხება ქერს, ამ სამ მაზრებიდან მის მოყვანას უფრო მისდევენ გორის მაზრაში, სადაც ამ მცენარეს მესამე ადგილი უჭირავს; სიღნაღის და თელავის მაზრებში, ქერი მეოთხე ადგილზე დგას. ზოგიერთი გაზაფხულის პური შედარებით უფრო გავრცელებულია სიღნაღის და თელავის მაზრებში, გორისაში კი ბევრათ უფრო ნაკლებ თესავენ მას. დასასრულ, ფეტვის მოყვანა შედარებით უფრო გავრცელებულია სიღნაღის მაზრაში და რამდენიმეთ თელავისაშიაც, ხოლო რაც შეეხება გორის მაზრას, ეს მცენარე აქ მეტათ იშვიათათ გვხვდება.

საერთოთ შემოდგომის და გაზაფხულის პურის, სიმინდის, ქერის და ფეტვის როლი გამოიხატება:

გორის მაზრაში	—98,6 პროც.
თელავის	—98,2
სიღნაღის „	—94,1 „
<hr/>	
სამივეში	—97,

ამნაირათ დასახელებულ მცენარეთ თითქმის თანასწორი მნიშვნელობა აქვს გორისა და თელავის მაზრებში (პირველში ცოტა უფრო მეტი); სიღნაღის მაზრაში ამ მცენარეთა როლი რამდენიმეთ უფრო ნაკლებია, რაც რამდენიმეთ აიხსნება მით, რომ დათესილ მიწების საერთო რაოდენობაში აქ შეტანილია აგრეთვე ის მიწებიც, რომლებზედაც დათესილია თამბაქო და რომელთა რაოდენობა აღწერით უდრის დაახლოევებით 668 დესეტინას ანუ 2,3 პროც. ყველა დათესილ მიწების რაოდენობისას ამ მაზრაში.

ასეთია საერთო სურათი, რომელსაც იძლევა პირველი სამეურნეო აღწერა ჩვენში დათესილ მიწების რაოდენობის შესახებ საგლეხო ტიპის

ოჯახებში თფილისის გუბერნიის გორის, სიღნაღის და თელავის მაზრებში. მართალია, ეს სურათი სრული არაა, მას აკლია უწინარეს ყოვლისა ცნობები იმ დათესილ მიწების შესახებ, რომელიც კაპიტალისტურ მეურნეთ ეკუთვნის, მაგრამ, ვინაირ იცის, რომ ასეთ მეურნეთა რიცხვი ჩვენში საკმარისად მცირეა. იმათი მნიშვნელობა გადა ამისა უფრო მცირეა ხორბლეულობის კულტურაში *). მართალია ჩვენ ხელთ არა გვაქვს ამ ქამად შედარებითი ცნობები არც თფილისის გუბერნიის დანარჩენ მაზრების და არც ამიერ-კავკასიის სხვა გუბერნიების შესახებ, მაგრამ თუ ამავე დროს მივიღებთ მხედველობაში კიდევ იმ გარემოებას, რომ საზოგადოთ სოფლის მეურნეობას ჩვენში ჯერ კიდევ პრიმიტიული ხასიათი აქვს, რომ იმ ადგილებში. სადაც რწყვა არ ხერხდება და ეს შეუძლებელია, გვალვის გამო მთელი მოსავალი თითქმის სრულებით ნადგურდება, როგორც ეს მოხდა, მაგ., წელს ქართლში, ხორბლეულობის მოსავლის მხრით ჩვენი ქვეყანა მეტათ უნუგეშო სურათს წარმოადგენს.

ამ უნუგეშო მდგომარეობას ასაბუთებს აგრეთვე ის გარემოებაც, რომ მაშინ, როცა სამეურნეო აღწერამ ცენტრალურ რუსეთის გუბერნიებში ჯერ კიდევ 1916 წლის ზაფხულში სოფლის მეურნეთ ქონდათ დიდი ძალი ხორბლეულობა, თითქმის ერთ მილიარდამდე ფუთი **) ჩვენში სოფლის მეურნეთ იმავე ხანებში, უმეტეს ნაწილათ სრულებით არ მოეპოვებოდათ შენახული ხორბლეულობა, ან თუ მოეპოვებოდათ, სრულებით უმნიშვნელო რამ. ამიტომ თუ სასურსათო კრიზისი ამ ქამად ასეთ საშიშარ სახეს ღებულობს ცენტრალურ რუსეთში, სადაც ჯერ კიდევ წინა წლების მოსავლიდან შენახულია დიდ-ძალი ხორბლეულობა და რასაც კიდევ მიემატა ამ წლის საკმარისათ კარგი მოსავალი, რამდენათ საშიშარი სახე უნდა მიიღოს ამ სასურსათო კრიზისმა ჩვენში, სადაც შენახული ხორბლეულობის რაოდენობა წინა წლების მოსავლიდან სრულებით უმნიშვნელო რამ იყო და ამავე დროს წლებანდელი მოსავალიც გამუდმებული გვალვის გამო ძალზე შემცირდა.

თავის თავად იგულისხმება, რომ ჩვენი წერილის საგანს სასურსათო კრიზისის გამოკვლევა სრულებით არ შეადგენს, მაგრამ სოფლის მეურნეობის მდგომარეობამ ჩვენში ჩვენ სრულებით ბუნებრივად მიგვიყვანა იმ საკითხზე. რომელიც დღეს ყველას წინ უდგას.

გახ. „თანამედროვე აზრი“ 1916 წ. 8, 9, 15 და 16 ოქტომბერი №№ 223, 224, 229 და 230.

*) თელავის მაზრაში მაგ., სამეურნეო აღწერით კაპიტალისტ-მეურნეთ დათესილი ქონდათ მხოლოდ დაახლოებით 378 დესეტინამდე, რაც შეადგენს, მაშასადამე, ყველა დათესილ მიწების 2,7 პროც. ეს პროცენტი რომ მივიღოთ ყველა კაპიტალისტ-მეურნეთათვის სამივე მაზრაში დათესილ მიწების საერთო რაოდენობად ამავე მაზრებში მაინც არ გადაცილდება 90.000 დესეტინას.

**) მარტო პოლტავის გუბერნიისი ეს მარაგი აღემატებოდა 18 მილიონ ფუთს.

ვის ხელში ვიმყოფებით.

თანხმად თვ. ქალაქის გამგეობის განცხადებისა, დღეიდან ძალაში შედის „ახალი ხუთ-კაპიკიანი სამგზავრო ტარიფი“ თვ. ტრამვაიზე. დღეს ვინ არ იცის, რომ ეს ვითომდა „ხუთ-კაპ. ტარიფი“ აშკარა თავზარდაცემა და გაცარცვია ქალაქის მცხოვრებლების საერთოთ, და მისი დემოკრატიული, უღარიბესი ნაწილის კერძოთ იმათ მიერ, ვისაც დღევანდელმა კანონმა სწორედ ამ მცხოვრებლების ინტერესებისათვის მზრუნველობა არგუნა. „ხუთ-კაპიკიანი ტარიფი“ ეს მხოლოდ ნიღაბის ჩამოფარებაა, ეს ერთნაირი ხერხია, თუმც მეტად ტლანქი, ხალხის დასაბრმავებლად გამოგონილი იმათ მიერ, ვინც დღეს ქალაქის პატრონებათ ითვლებიან.

რას ჩადის ნამდვილად ქალაქის საბჭო და მისი სულისკვეთების, მის ძახევთა გამომხატველი ორგანო—ქალაქის გამგეობა? რას მოასწავებს „ახალი ხუთ-კაპიკიანი“ ტარიფი? პირველად, ეს ნიშნავს 3 კაპ. ბილეთების გაუქმებას. მეორეთ, ეს ნიშნავს 5 კაპ. ბილეთის მაგიერ 10 კაპიკიან ბილეთის დაწესებას. მესამედ, ეს მოასწავებს წინანდელი შაურიანი ბილეთის ნაცვლად სამ შაურიანი ბილეთის შემოღებას. მაშასადამე, ქალაქის მაშინაცვლები ერთბაშათ სწევენ ტრამვაის ფასს 100—200 პროც.—ით და ამას უწოდებენ ისინი ხუთ-კაპიკიან ტარიფს!

თფილისის პლუტოკრატამ და მისმა ერთგულმა დარაჯებმა, ხატი-სოც-ჟურულის-არღუთინსკის-ჯაბარ-ათაბეგოვის მეთაურობით შესძლო ეს უდიდესი მუნიციპალური დაწესებულება თავის ინტერესებისათვის გამოეყენებია.

(გამოტოვებულია ცენზორის მიერ)

იმათ იმდენი ცოდნა შესწევთ, რომ ტრამვაის საშუალებით ხალხს ადვილად ააცალონ უკანასკნელი გროში, და აი, ისინიც თითოეულ ფეხის გადადგმაზე აწესებენ 3 კაპ. მაგიერ 5 კაპ., 5 კაპიკიანის მაგიერ 10—15 კაპ.

(გამოტოვებულია ცენზორის მიერ).

ჯასაკვირალია ერთი რამ. მთელ რუსეთში თავის ყოყობით და ლიბერალობით არც ერთი ქალაქის საბჭო არ არის ისე ცნობილი, როგორც

თფილისის ქალაქის საბჭო. იმავე დროს კი, თითქმის არც ერთი შავრაზ-მული საბჭო არ ჩადის იმას, რასაც ჩადის თფილისის ლიბერალური საბჭო. უნდა ითქვას, რომ უკანასკნელ დრომდის თფილისის ქალაქის გამგეობაც როგორღაც ერიდებოდა აშკარა ანტი-დემოკრატიულ ნაბიჯებს, მაგრამ ამ უკანასკნელ დროს წეს სულ უფრო და უფრო მოუერიდებლად ხდება. უკანასკნელი მისი ნაბიჯი—„ახალი სამგზავრო ტარიფი“—ეს პირდაპირი დაცინვა და ხალხის აბუჩად აღებაა. თუ ტრამვაი დეფიციტს იძლევა, შეიძლება ფასის მომატება ამის კვალობაზე, შესაძლებელი იყო ამ შემთხვევაში ეს ფასი გაედიდებიათ 25—50 პროც. მაგრამ ტრამვაი რომ დღემდის არსებულ ტარიფით დეფიციტს არ იძლევა, არამედ იძლეოდა მოგებას, ეს აშკარაა. ასეთ პირობებში ამ ტარიფის გადიდება 200 პროც. ეს რაღაც წარმოუდგენელია. რამდენი პროცენტი უნდა მოიგოს ამ შემთხვევაში ტრამვაიმ? ეს პირდაპირ უმაგალითოა. ამას ვერ ჩაიდენს კერძო მოვახშეც, და თუ ჩააღინა, მის ალაგმევას შეეცდებიან საზოგადოებრივი ორგანიზაციები. ამბობენ, ტრამვაის შემოსავალმა და მოგებამ უნდა დაფაროს ქალაქის სხვა ხარჯები, ქალაქის დეფიციტი, რაც გამოწვეულია ქალაქის გამგეობის დაუდევრობით თუ ბოროტ-მოქმედებით, ქალაქის უვარგისი და დასაგმობი ფინანსური პოლიტიკით. დღევანდელი საბჭო გაურბის ისეთი წყაროების გამოხსნას, რომლებიც უფრო მდიდრების ჯიბეებს შეეხება, და ეს ადვილი გასაგებია, ვინაიდან იგი მდიდრების წარმომადგენელია და იმათ ინტერესებს იცავს. ტრამვაი კი უმეტეს ნაწილად ქალაქის ღარიბ მცხოვრებლების ჯიბეებს ეხება. და აი, საბჭომაც მოუერიდებლად, უიხტიბროთ გაადიდა სამგზავრო ტარიფი. ტრამვაიზე. ეს უდრის პირდაპირ დანაშაულს.

რომ თფილისის ქალაქის საბჭო ერთხელაც არის დაფიქრებულ იყო ქალაქის მცხოვრებლების უმრავლესობის ინტერესებზე, ის ასე ვერ მოიქცეოდა. მაგრამ მან ქალაქის მცხოვრებლების დიდი უმრავლესობის ინტერესები ანაცვალა ერთი მუქა პლუტოკრატების ინტერესებს. ამით მან სამუდამოთ აიხნადა პირბადე: დღეს ის დგას ჩვენს წინაშე მთელი თავისი შავრაზმული სიგრძე-სიგანით.

აქედან გამომდინარეობს შემდეგი დასკვნა. შეურიგებელი ბრძოლა პლუტოკრატული საბჭოს წინააღმდეგ. სანამ ასეთი საბჭო უდგას სათავეში ქალაქს, ჩვენ მისგან სახეიროს არაფერს მოველით. მაგრამ ასეთი საბჭო იქნება მანამ, სანამ დღევანდელი კანონი არ შეიცვლება.
(გამოტოვებულია ცენზორის მიერ).

„ახალი ტარიფის“ გამოცხადება თხოულობს ენერგიულ ზომებს. საბჭო იძულებული უნდა გახდეს ის გააუქმოს და ძველ ტარიფს დაუბრუნდეს. ეს შეიძლება ფართო აგიტაციის საშუალებით (გამოტოვებულია) პრესაში, (გამოტოვებულია) დღევანდელი საბჭოს აღვირ ახსნილობას და თვითნებობას საზღვარი უნდა დაედვას, იგი ალაგმულ უნდა იქნას. იმას უნდა წაერთვას ხალხის თვალში ყოველგვარი ნდობა; ეს შესაძლებელია კრიტიკის საშუალებით.

ასე იქნება თუ ისე, ერთი კი მაინც აშკარაა: საზოგადოება ასე ადვილად ვერ შეურიგდება ქალაქის დღევანდელი პატრონების მიერ მის ასე აბურად ალებას.

(გაზ. „თანამედროვე აზრი“ 1916 წ. 18 დეკემბერი
პბ 233 „მ. მონიძის“ ფსევდონიმით).

სოფელი 1916 წელს.

დღევანდელი სოფელი მეტათ რთული მოვლენაა. იქ ერთი მეორეზე გადახლართულია ათასნაირი ერთი მეორეს საწინააღმდეგო სოციალურ-ეკონომიური ურთიერთობანი. იქ სწარმოებს ბრძოლა სხვადასხვა სოციალურ ჯგუფებს შორის. ომი, რა თქმა უნდა, ერთდამთავრებულ კიდევაც ამწვავებს და კიდევაც აწვავს ამ ბრძოლას. ის საოცარი სისწრაფით აჩქარებს იმ დიფერენციაციას, რომელიც სწარმოებს თანამედროვე საზოგადოებრივ და ეკონომიურ ცხოვრებაში, როგორც სოფლად, ისე ქალაქად. ე. ი. ომი აჩქარებს კაპიტალიზმის ზრდა-განვითარების პროცესს, (აქ ცენზურის მიერ გამოტოვებულია რამდენიმე სტრიქონი). ამ წერილში მკითხველის ყურადღება უნდა შევაჩიროთ ჩვენ განსაკუთრებით სოფელზე.

რას განიცდიდა ჩვენი სოფელი განვლილ 1916 წელს? ამაზე პასუხის მიცემა არც ისე ადვილია. ჩვენ არ მოგვეპოვება იმოდენი მასალაც კი, რომ იმ მოვლენათა მკრთალი სურათი დავუხატოთ მკითხველებს, რომლებიც ამ უამად სოფლად ხდება. განსაკუთრებით ღარიბი ვართ ჩვენ მასალით ამიერ-კავკასიის სოფლის შესახებ. მაგრამ ჩვენ უნდა ვიცოდეთ, რომ მცირე გამოჩაყლის გარდა, ჩვენებურ სოფლებშიაც იგივე ხდება, რაც რუსის სოფლებში, რომლის ცხოვრება უფრო კარგათაა შესწავლილი. ასე რომ, ჩვენ შეგვიძლია ანალოგიური დასკვნები გავაკეთოთ ჩვენი სოფლის შესახებაც. გარდა ამისა, ზოგიერთი კანტი-კუნტი ცნობები ამიერ-კავკასიის სოფელზედაც მოგვეპოვება. ამ ნაირად ჩვენ ვეცდებით ცოტათ თუ ბევრად დაახლოვებით წარმოვადგინოთ ვიქონიოთ იმაზე, რასაც დღეს ჩვენი სოფელი განიცდის.

I.

ყველაზე უფრო საყურადღებო მოვლენა თანამედროვე სოფლის ცხოვრებაში, ეს არის სოფლის დაცალიერება მუშა მამაკაცებისაგან, გაჭირვებული ომის მიერ. დაცალიერება უფრო საგრძნობელი შეიქმნა გასულ

წელს. თავის თავად იგულისხმება, რომ ეს დაცალიერება იმოქმედებდა სოფლის წარმოების შემცირებაზე. მართალია, ამის დასამტკიცებელი სტატისტიკური ციფრები ჩვენ არ გავაჩნია, ვინაიდან ასეთები არ არსებობენ. მაგრამ ზევით ნათქვამი უტყუარი ფაქტია. მამაკაცების ნაკლებობამ სოფელში ბუნებრივად გამოიწვია დედა-კაცების შორის ასპარეზის გაფართოება ერთი მხრით და თვით იმათი შრომის გაძლიერება მეორე მხრით, ამ გარემოებას აქვს თავისთავად როგორც უარყოფითი, ისე დადებითი მნიშვნელობა, მისი უარყოფითი მნიშვნელობა მდგომარეობს უმთავრესად დედა-კაცების შორის ექსპლოატაციის გაძლიერებაში, მაგრამ რაც უნდა იყოს, შრომის ასპარეზის გაფართოვებას დედა-კაცებისათვის მეტად დიდი მნიშვნელობა აქვს; ის ძალაუნებურად ახდენს თანამედროვე სოციალურ ურთიერთობაში მთელ რევოლიუციას, ის საფუძვლად დაედება დედა-კაცების დამოკიდებულებას და ბოლოს მოუღებს მის დამონებას მამაკაცის წინაშე. კაპიტალისტურმა წარმოებამ დედა-კაცი უკვე დიდი ხანია რაც გამოიყვანა შრომის ასპარეზზე, მხოლოდ სოფლად ამ პროცესმა მეტათ გვიან იჩინა თავი და ის ნელი ნაბიჯით ვითარდებოდა. ომმა კი მეტისმეტად დააჩქარა ეს პროცესი.

სოფლის დაცალიერებას მქიდრო კავშირი აქვს სასოფლო მეურნეობის და სოფლის მრეწველობის შემცირებასთან. განსაკუთრებით ეს უნდა ითქვას ხორბლეულობის და შინაური პირუტყვის მოშენების შესახებ. მართალია, რუსეთის ცენტრალურ გუბერნიების შესახებ 1916 წ. მოხდენილმა სამეურნეო აღწერამ თითქო დაგვიმტკიცა, რომ ომის დროს იმატა როგორც დათესილ მიწების, ისე შინაური საქონლის რამოდენობაზე, მაგრამ აქ მისაღებია მხედველობაში უმთავრესათ ის გარემოება, რომ 1916 წლის მოზავალი უმეტეს ნაწილათ 1915 წლისაგან უარჩენილი მემკვიდრეობაა. და მას შემდეგ კი ზედიზედ მომხდარმა მობილიზაციამ მუშა მამაკაცებს რიცხვი სოფლად მეტად საგრძნობლად შემცირდა. მეორე მხრით 1916 წ. აღწერის ცნობები საეცებით სწორი არ უნდა იყვეს, ჩვენი აზრით, ან წინა წლების ცნობებია ძალზე შემცირებული, ან კიდევ 1916 წლის ცნობები გადიდებული. ყოველ შემთხვევაში სყურადღებოა ის გარემოება, რომ მკოლნე პირების აზრით, თუ განსაკუთრებული ზომები არ იქნა მიღებული, 1917 წ. რუსეთს მოელის საშინელი სამეურნეო კრიზისი, რომლის მსგავსი ჯერ არავის ახსოვს. თუ ასეა საქმე რუსეთის შესახებ, რაღა უნდა ითქვას ამ-კავკასიაზე საერთოთ და ქუთ. გუბერნიაზე კერძოთ, რომლის მცხოვრებთა დიდი ნაწილი რუსეთიდან მოტანილი პუით

იკვებება! სმწუხაროთ, ჩვენში არ არის ისეთი საზოგადოებრივი დაწესებულება ანუ ორგანიზაცია, რომელიც ამ გარემოებას სერიოზულ ანგარიშს უწევდეს. ამავე დროს მეტათ დამაფიქრებელია, სხვათა შორის, „თან. აზრის“ ერთი გურული კორესპონდენტის წინადადება, რომ საჭიროა პროპაგანდა იმის შესახებ, რომ მომავალ წელს მეტი დაითესოს სიმინდიო (№ 282). მართლაც, როცა ფუთი პურის ქეილი სოფლად აიწეეს 7—8 მანეთამდე და ფუთი სიმინდი 3—4 მანეთამდე, და ხშირათ ამ ფასებშიაც გასაყიდს ვედარ შოულობენ, ამას არ შეუძლია შიში არ გამოიწვიოს.

რადგანაც სიტყვამ მოიტანა, აქ ჩვენ უნდა შევეხოთ ერთ მეტად საჭირობოროტო საკითხს, რომელმაც თავი იჩინა როგორც ჩვენში, ისე რუსეთშიაც.

ჩვენ ზევით აღვნიშნეთ გაკვირით ის ფაქტი, რომ ამ ჟამად ძნელი საშოვნელია საყიდლათ როგორც პურის ფქვილი, ისე სიმინდი, და ეს შეიძლება ითქვას თითქმის ერთნაირად როგორც რუსეთზე, ისე ჩვენ მხარეზედაც. მერე რით უნდა აიხსნას ეს მოვლენა? ყოველ შემთხვევაში არა ხორბლეულობის უქონლობით. მცოდნე პირებრს გამოანგარიშებით, რომელიც დამყარებულია სერიოზულ სტატ. გამოკვლევაზე, რუსეთში მოიპოვება ამ ჟამად 5 მილიარდ ფუთამდე ხორბალრ. სხვათა შორის, იმერეთშიაც წელს კარგი მოსავლის გამო მცხოვრებთა ერთ ნაწილს საკმარისად კაი ძალი სიმინდი მოეპოვება გასაყიდი. და მიუხედავათ ამისა, პურის და სიმინდის ყიდვა მაინც გაძნელებულია ე. ი. მიწოდება მეტათ ნაკლებია, მოთხოვა კი გადიდებულია. ერთი სიტყვით, გამყიდველს არ გამოაქვს თავის საჭონელი ბაზარზე, ვინაიდან ამ ჟამად არსებული მაზანდა ხორბლეულობაზე მას არ აკმაყოფილებს. ეს გარემოება სხვათა შორის იმას ნიშნავს, რომ ხორბლეულობის გამყიდველს დღეს ჯიბე ცალიერი არ აქვს, იგი უფრო კარგ მაზანდას მოელის და თავის საჭონელს ინახავს, რომ კიდევ უფრო ხელსაყრელ ფასებში გაასალოს ის. წინეთ, ომამდის, ეს ასე არ იყო. უკვე შემოდგომაზე, როცა კი წლის მოსავალი შეიკრიბებოდა, მოსავლის დიდი ნაწილი ბაზარზე გამოქონდათ გასასყიდათ, ვინაიდან გამყიდველი, უმეტეს ნაწილად გლეხკაცობა, საჭიროებდა ფულს სხვადასხვა გადასახადების გასასტუმრებლათ, თუ თავის საკუთარ მოთხოვნილებათა დასაკმაყოფილებლად. ასეთი მდგომარეობა დღეს ძირიანათ შეიცვალა. ფული გამრავლდა არა მარტო ქალაქად, არამედ სოფლადაც, ბაზარზე გაჩნდა დიდძალი ფული, რაც წინეთ წარმოუდგენელი იყო. ფულის გამრავლება არ გამოუწვევია საჭონლის გამრავლებას; პირიქით ფული მრავლდება იმდე-

ნათ, რამდენად კლებულობს საქონლის რაოდენობა. ე. ი. ომის მეოხებით ფული იაფდება, საქონელი კი ძვირდება. და აი, ამ ნიადაგზე ჩნდება ღრმა კონფლიქტი მყიდველთა და გამყიდველთ, მომხმარებელთა და მიმწოდებელთა შორის.

პური ისეთი საგანია, ურომლისოდ ადამიანს არსებობა არ შეუძლია. ამიტომ როგორც მართებლობა, ისე საზოგადოება დაინტერესებულია იმაში, რომ ხალხის გამოკვება პურით უზრუნველჰყონ; უამისოთ ყველაფერს დაირღვევა და აიწეწ-დაიწეწება. აშკარაა, მთავრობამ ან რომელიმე საზოგადოებრივმა ორგანიზაციამ უნდა იკისროს ხალხის პურით გამოკვებით უზრუნველყოფა. გერმანიაში ეს საქმე ომის პირველ ხანებში მოაგვარა მთავრობამ, და ამას მოყვა ის შედეგი, რომ მიუხედავად პურის ნაკლებობისა იქ ეს საგანი ომის დროს ან სრულებით არ გაძვირებულა, ან გაძვირდა სულ მცირე პროცენტით. რუსეთში კი, ამ პურის ქვეყანაში, მოხდა სულ წინააღმდეგი. დამტკიცებულია, რომ ომის პირველ წელიწადს პურის ფასი გაიზარდა რუსეთში უფრო მეტი სიჩქარით, ვინემ სხვა წარმოების ფასები. ასე, მაგ., 1913—1914 წელთან შედარებით 24 უსაქიროეს საგნების ფასებმა 1915 წლის აპრილის თვეში მოიმატეს საერთოდ 35 პროც., მაშინ როცა ხორბლეულობის ფასმა მოიმატა უკვე 65 პროც. *) მართალია შემდეგში სხვა წარმოების ფასების ზრდამ ბევრად გაასწრო პურის ფასის ზრდას; ეს აიხსნება მით, რომ პური ეკუთვნის იმ საგნების რიცხვს, რომელთა ფასები სასტიკად დანიხრულია როგორც მთავრობის, ისე სხვადასხვა საზოგადოებრივი დაწესებულებების მიერ. აქ სულ უმნიშვნელო ფასის მომატება იწვევს დიდ ბრძოლას. აქ ადგილი ნებას არ გვაძლევს შევჩერდეთ ამ საკითხზე. ვიტყვი მხოლოდ, რომ პურის გამყიდველთა გაუმადლარი ძალის შეზღუდვაში უწინარეს ყოვლისა დაინტერესებული შეიქნა თვით ხაზინა, რომელმაც უნდა იზრუნოს უთვალავი ჯარის გამოსაკვებათ, და აი ჩვენ ვხედავთ, რომ მთავრობა სოფლის მეურნათათვის, რომლებიც პურს ყიდნიან, აწესებს ფასებს, რომლის ზევით იმათ პურის გაყიდვა ეკრძალებათ. ეს იყო საკითხის ერთი მხარე: მართლაც თუ გამომცხვარ პურზე არსებობს ნიხრი, შესაფერი ნიხრი უნდა დაედვას თვით პურის ფქვილს და ხორბალს. მაგრამ ლოდიკა თხოულობდა, რომ პურთან ერთად დანიხრულიყო აგრეთვე სხვა პირველი მოთხოვნის საგნებიც.

მაგრამ ეს არ მოხდა. პურის გამყიდველებმა თავი შეურაცყოფილათ იგრძნეს მაშინ, როცა იმათ აეკრძალათ დადგენილ ფასზე ზევით პურის

*) იხ. „Эконом. Обзор.“ за 1915 г. № 1 გვ. 143.

გაყიდვა, სხვებს თავისუფლად შეუძლიათ თავიანთ საქონელზე ფასი აწიონ და სწევენ კიდევაც. აი ერთი მთავარი მიზეზთაგანი იმისა, რომ სოფლის მეურნეები პურს არ აჩენენ. იმათ არ აკმაყოფილებს დღევანდელი მაზანდა პურზე, ვინაიდან ხედავენ, რომ დანარჩენ საგნებზე, რომლებსაც ისინი ელოდებიან იმ დროს, როცა პურზე მაზანდა კიდევ უფრო მაღლა აიწევს, და თავისი თვალსაზრისით ისინი სავსებით მართალი არიან. კერძოდ მწარმოებლებს ჩვენ ვერ მოვთხოვეთ, რომ იმათ თავისი პირადი ინტერესები დათმონ და საზოგადოების ინტერესები დაიცვან. დამნაშავე აქ თვით საზოგადოებაა, რომელმაც ვერ შესძლო იმ საკითხების მოწესრიგება, რომლებიც დღევანდელმა სიძვირემ წარმოშვა.

მაგრამ აქ არის კიდევ სხვა გარემოება. პურის გამყიდველი როგორც რუსეთში, ისე ჩვენში უმთავრესათ გლეხკაცობაა. თუ ეს უკანასკნელი დღეს თავს იჭერს ამ გაყიდვისაგან, ჩანს, რომ მას საქმე კარგათ აქვს; რომ მას ფული დღეს არ ესაჭიროება; ერთი სიტყვით, აქედან ჩვენ ვხედავთ, რომ გლეხობის ის ნაწილი, რომელიც პურს ყიდის, დღეს საკმარისათ მოლონიერებულია, მაგრამ პურს ყიდის გლეხ-კაცობის მხოლოდ ერთი ნაწილი და არა ყველა. რა მდგომარეობას განიცდის გლეხობის ის ნაწილი, რომელიც უმეტეს ნაწლად პურს ყიდულობს თავის გამოსაკვებათ? მაგრამ ამ საკითხთან მჭიდროთ შეკავშირებულია მეორე უფრო საზოგადო საკითხი; სახელდობრ: რა გავლენა იქონია ომმა საერთოთ სოფელზე: მდიდრდება თუ ღარიბდება დღევანდელი სოფელი? თავის-თავად იგულისხმება, რომ ამ სახით საკითხის დაყენება შეუსაბამოცაა და უხერხულიც.

ყოველ შემთხვევაში აქ სოფელზე, როგორც ერთ მთელზე ლაპარაკი არ შეიძლება. ჩვენ უკვე დავინახეთ, რომ ომის მეოხებით სოფლის მცხოვრებთა ერთი ნაწილი გამდიდრდა, ე. ი. ისინი, ვინც პურს ყიდის. გამდიდრდენ უთუოდ აგრეთვე სოფლის ვაჭრებიც, მაგრამ სოფლის მასსა კიდევ უფრო ღარიბდება. მართალია, შეიძლება დღეს ამ მასსაც მოეპოვებოდნენ შედარებით საკმარისათ ბევრი ფული, მაგრამ ნუ დაივიწყებთ, რომ ფული ახლა ძალზე გაიაფდა, პირველი საჭიროების საგნები კი ერთი ხუთთა და ერთი ითად გაძვირდა. წინეთ თუ ხუთი მანეთი სოფლისათვის დიდი თანხა იყო, ეხლა ამის ადგილას ოცდა ხუთი მანეთიც კი ვერაფერს აკეთებს. ეხლა მდიდარი ის არის, ვისაც ხელში საქონელი აქვს, ან ის, ვინც იძენს დიდძალ უძრავ ქონებას. სოფლის ლატაკი ნაწილი, რომელსაც დღეს წინანდელი 5 მანეთის ალაგას, ვთქვათ, 25 მანეთი აქვს და რომელიც იძულებულია ყველა სახმარი საქონელი ბაზარზე იყიდოს, კიდევ უფრო ღარიბ-

დება და დაბლა ეცემა. ეს ნაწილი სოფლის მცხოვრებლების იძულებულია გამოიტანოს ბაზარზე გასასყიდად გარდა თავისი საკუთარი სამუშაო ძალი-სა უკანასკნელი შინაური ოთხ-ფეხი საქონელი, უკანასკნელი ნაჭერი მი-წა, რომ თავი დაიპუროს. ყველა ამას იძენს, რა თქმა უნდა, სოფლისაცვე შეძლებული ნაწილი, სოფლის ბურჟუაზია.

ამნაირად, ომი საოცარი სისწრაფით აღრმავებს იმ ორმოს, რომელიც გათხრილია სოფლის ბურჟუაზიასა და სოფლის ლატაკთა შორის.

II.

ომმა გაარღმავა ის წინააღმდეგობა, რომელიც არსებობს ქალაქსა და სოფელს შორის. ცნობილია, რომ პირველად ქალაქმა ასწია ფასები ინდუსტრიის საგანზე. თავის თავად იგულისხმება, რომ ომის დაწყების პირველ ხანებში სიძვირე ხელოვნურათ იყო გამოწვეული ქალაქის ვაჭრების მიერ. საქონლის ის ნაკლებობა ანუ საქონლის „შიმშილი“, რომელსაც დღეს ჩვენ განვიცდით, იმ დროს სრულებით არ არსებობდა. დღევანდელი სიძვირე მეტათ რთული მოვლენაა: ის შედეგია სხვადასხვა მიზეზების. ასეა თუ ისე, სოფელი იძულებული იყო ინდუსტრიის საგნების გაძვირებაზე თავისი ნაწარმოების გაძვირებით ეპასუხნა. და აი, ჩვენ ვხედავთ, რომ ეს ერთი ხანია ქალაქი და სოფელი ერთი მეორეს ეჯიბრებიან სხვადასხვა საქონლის გაძვირებაში. ჩვენ მოვიყვანთ აქ რამდენიმე სტატისტიკურ ცნობას ზოგიერთ უსაქიროეს საგნების ფასების შესახებ ამ უკანასკნელ სამი ოთხი წლის განმავლობაში *). ჩვენ გამოვიღვართ 1913 წლის ფასებიდან, და ამიერ-კავკასიის გუბერნიებიდან და ოლქებიდან ვიღებთ მხოლოდ თფილისის და ქუთაისის გუბერნიებს, ყარსის და ბათუმს ოლქებს.

თფილისის გუბერნია.

	ფ ა ს ე ბ ი.		
	1913 **)	1915 **)	1916 ***)
პურის ხორბ. ფ.	1—16	2—30	4—00
პურის ფქვ.	—	2—60	4—50
ქერი	—81	1—35	2—40

*) ყველა აქ მოყვანილი ცნობები ამოღებულია კავკასიის სამხედრო საზოგადოებასთან არსებულ სტატისტიკურ ბიუროს გამოცემიდან.

**) შემოდგომაზე.

***) ნოემბრის თვეში.

სიმინდი	ფ.	—79	1—25	2—40
კარტოფილი		—66	1—10	2—00
ლობიო		1—60	2—00	4—48
ხარი		56—40	97—00	204—40
კამეჩი		81—00	118—00	278—00
ცხენი		59—40	133—00	223—00
მეწე. ფროხა		43—50	68—00	120—00
ცხვარი		5—70	8—30	16—40
ერბო	ფ.	18—71	28—00	57—30
კარაქი		17—47	23—40	50—60
ყველი *)		5—69	9—20	20—80
კვერცხი **)		—19	—23	—41
ქათამი		—53	—85	2—65
ხორცი	ფ.	4—71	5—90	11—70

ქუთაისის გუბერნია.

პური ხორბალი	ფ.	1—65	2—60	4—10
პურის ფქვილი		—	2—75	5—00
ქერი		1—14	1—80	2—80
სიმინდი		—87	1—30	3—00
კარტოფილი		—87	1—75	2—70
ლობიო		1—59	1—90	3—60
ხარი		68—80	85—00	174—00
კამეჩი		105—10	118—00	261—00
ცხენი		96—20	137—00	227—00
მეწველი ძროხა		50—80	70—00	115—00
ცხვარი		5—20	7—20	12—90
ერბო	ფ.	18—20	26—50	57—50
კარაქი		19—27	28—70	58—70
ყველი		7—67	11—50	20—80
კვერცხი		—19	—23	—42
ქათამი		—64	1—12	1—86
ხორცი	ფ.	4—98	6—75	13—80

*) ძროხის ყველი.

**) ათი კვერცხი.

ყარსის ოლქი.

პურის ფქვილი	ფ.	—	2--60	6--15
ქერი	"	—99	2--00	2--80
სიმინდი		1--20	1--70	—
კარტოფილი	"	—67	1--70	3--30
ლობიო	"	2--05	—	—
ხარი		41--50	132--00	330--00
კამეჩი		52--00	167--00	417--00
ცხენი		42--40	165--00	300--00
მეწველი ძროხა		25--60	69--00	190--00
ცხვარი		5--50	12--20	31--00
ერბო	ფ.	18--36	35--00	63--70
კარაქი	"	16--30	29--20	60--20
ყველი		3--47	11--70	28--70
კვერცი		—17	—39	—50
ჭთამი		—34	1--05	1--91
ხორცი	ფ.	4--30	6--15	13--85

ბათუმის ოლქი.

პური - ხორბალი	ფ.	2--00	2--55	—
პურის ფქვილი		—	2--90	5--75
ქერი		1--02	1--90	2--50
სიმინდი		1--08	1--10	1--70
კარტოფილი		—92	1--60	4--55
ლობიო		1--58	1--85	4--90
ხარი		61--80	94--00	200--00
კამეჩი		64--30	109--00	267--00
ცხენი		86--20	110--00	187--00
მეწველი ძროხა		51--00	77--00	110--00
ცხვარი		8--00	7--50	19--50
ერბო	ფ.	15--93	28--50	50--00
კარაქი		19--62	34--50	68--50
ყველი		6--77	—	30--60 *)

*) ცხერის ყველი.

კვერცი	—23	—40	—64
ქათამი	—63	1—23	2—75
ხორცი	ფ. 5—50	7—95	15—00

შეიძლება მკითხველს თავი მოვაბეზრეთ ამდენი ციფრების მოყვანით, მაგრამ ეს აუცილებელია, თუ ჩვენ გვინდა ცოტათ თუ ბევრად დაახლოვებითი წარმოდგენა ვიქონიოთ ზოგიერთ უსაქიროეს საგნების ფასების შესახებ თანამედროვე სოფელში. ზევით მოყვანილი ფასები წარმოადგენენ საშუალო ფასებს დასახელებულ გუბერნიებში თუ ოლქებში. თავისთავად იგულისხმება, რომ სინამდვილეში ასეთი ფასები უფრო იშვიათად გვხვდება; უფრო ხშირია ამ საშუალო ნორმიდან გადახრა ან ზევით, ან დაბლა. ყოველ შემთხვევაში, საშუალო ფასები მაინც დამახასიათებლად უნდა ჩაითვალოს.

ავილოთ ჯერ ქუთაისის და თფილისის გუბერნიები. საინტერესოა, რომ 1913 წელს ქუთაისის გუბერნიაში ჩამოთვლილი საგნები უფრო ძვირათ ფასობდნენ, ვინემ თფილისის გუბერნიაში. დაეყოთ ეს საგნები ორ ჯგუფათ: პირველ ჯგუფში მოვაქციოთ შემდეგი 6 საგანი: ხარი, კამეჩი, ცხენი, ძროხა, ცხვარი და ქათამი, მეორეში დანარჩენი საგნები. ამასთანავე ავილოთ ფასების საერთო ჯამი ჯგუფებათ. მაშინ ჩვენ მივიღებთ: 1913 წ. ჯგუფის საერთო ფასები (index) უდრიდნენ:

ქუთაისის გუბ.	326—74
თფილისის	256—53

ე. ი. ქუთაისის გუბერნიაში პირველ ჯგუფის საგნების ფასები საერთოთ აღემატებოდნენ იმავე საგნების ფასებს თფილისის გუბერნიაში 70 მ. 21 კაპ., ანუ 27,5 პროც., მეორე ჯგუფის საგნების ფასების საერთო ჯამი ქუთაისის გუბერნიაში აღემატებოდა იმავე საგნების საერთო ჯამს თფილისის გუბერნიაში მხოლოდ 4 მან. 64 კაპ. (56 მ. 48 კ.—51 მ. 79 კ.), ანუ 8,9 პროც. უკანასკნელ 1916 წელს ჩვენ ვამჩნევთ უკვე ცვლილებას, პირველი ჯგუფის 6 საგნების ფასების საერთო ჯამი უდრის:

თფილისის გუბ.	844 მ. 05 კ.
ქუთაისის.	791 მ. 76 კ.

ე. ი. ეს ჯამი თფილისის გუბერნიაში აღემატება 52 მან. 29 კ., ანუ 6,6 პროც. თუმცა ეს არ არის დიდი განსხვავება, მაგრამ ის მაინც საყურადღებოა. რაც შეეხება მეორე ჯგუფის საგნებს, აქ იგივე დამოკიდებუ-

ლება არსებობს, რაც 1913 წელს იყო. ამ ჯგუფის საგნების ფასების საერთო ჯამი ქუთაისის გუბერნიაში აღმეტება იმავე საგნების ფასების საერთო ჯამს თფილისის გუბერნიაში 10 მ. 38 კ., ანუ 6,3 პროც. (171 მ. 42 კ.—160 მ. 59 კ.). თუ ახლა ჩვენ შევადარებთ ფასებით 1913 და 1916 წელს თფილისის და ქუთაისის გუბერნიებში, ჩვენ მივიღებთ: ფასებში იმატეს 1916 წელს 1913 წელთან შედარებით პროცენტები:

	I ჯგუფი	II ჯგუფი
ქუთაისის გუბ.	142,3	133,0
თფილისის „	229,0	210,1

აქედან ჩვენ ვხედავთ, რომ ზევით დასახელებული საგნების ფასების საერთო ჯამი თფილისის გუბერნიაში გაზრდილა ბევრათ უფრო მეტი პროცენტები, ვინემ ქუთაისის გუბერნიაში.

განვიხილოთ ახლა ამ მხრით ყარსის და ბათომის ოლქები. ჩვენ ვიცით, რომ ეს ოლქები ძლიერ ახლოა ომის პირთან, და პირველ ხანებში თვით ომის ველსაც კი წარმოადგენდნენ. 1913 და 1916 წლების შედარება გვეუბნება, რომ ზევით ჩამოთვლილ საგნების ფასების საერთო ჯამი გაზრდილა:

	I ჯგუფი	II ჯგუფი
ყარსის გუბ.	659,0	290,6 %
ბათომის „	186,9	238,9 %

ამნაირათ ჩვენ ვხედავთ, რომ ყარსის ოლქში სიძვირეს განსაკუთრებითი სახე მიუღია; ასე, პირველი ჯგუფის საგნებს, ე. ი. შინაურ ოთხფეხ საქონლის ფასი აქ გაზრდილა 659 პროც., ანუ გადიდებულა თითქმის 3 ჯერ; იმავე დროს მეორე ჯგუფის საგნების ფასს მოუმატნია 290,6 პროც., ანუ გაზრდილა თითქმის ოთხჯერ; რაც შეეხება ბათომის ოლქს ყარსის ოლქთან შედარებით აქ სიძვირეს ბევრათ უფრო ნაკლებათ უჩენია თავი. იმავე დროს დამახასიათებელია ის გარემოება, რომ შინაური პირუტყვის ფასი აქ შედარებით უფრო ნაკლებათ აწეულა მაღლა არა მარტო ყარსის ოლქთან შედარებით, არამედ თფილისის გუბერნიასთან შედარებითაც.

ზევით მოყვანილი ცნობები, რა თქმა უნდა, სავსებით ვერ ახასიათებს ჩვენი სოფლის დღევანდელ მდგომარეობას. სოფლის ცხოვრების ზოგ მხარეებს ჩვენ კიდევ შემდეგში დავუბრუნდებით.

(გაზ. „თანამედროვე აზრი“ № 1 და 2—1917 წ.

1 და 2 იანვარი „მ. შონიძე“-ს ფსევდონიმით)

VIII

დაბრუნების

ღამათება I.

წერილი ჩენი ცხოვრების შესახებ ⁵⁹

ჩენი საზოგადოების უფერულობა და გონებრივი და ზნეობრივი დაწვრილმანება დიდი ხანია, რაც ფრიად საგრძნობელი იყო ჩენი ერის საზოგადოებრივ და მოქალაქეობრივ ცხოვრებაში. უნდა ვაღვიაროთ, რომ ეს ჩენი საზოგადოების უფერულობა და მისი გონებრივი და ზნეობრივი დაწვრილმანება ჩენს მწერლობაში და ცხოვრებაში სრულებით ზელ შეუხსებელი და შეუსწავლელია. რომ ჩვენ არ ვიცით ცოტაოდნათ არც წარსული ჩენი საზოგადოებისა, რომელიც დღევანდელი ცხოვრების საფუძველია და არც ახლანდელი მისი მდგომარეობა, რაც მერმისის ბაზისად უნდა ჩაითვალოს.

ამნაირათ, მწერლობის მხრივ ჩვენ სრულებით მოკლებული ვართ ეოველგვარ საშვალებასა და ღონისძიებას ჩენი საზოგადოების შესასწავლად, ურომლისოდაც ჩენი ერი და ჩენი საზოგადოება ვერ შესძლებს ვერც ერთს ყველაზე უმარტივეს ეროვნულ დანიშნულებასაც. ერთი სიტყვით, ვერც ძველი და ვერც ახალი ჩენი ისტორიული თუ პუბლიცისტური მწერლობა ვერაფერს სამსახურს უწევს თავის ერს მისი სოციალური მდგომარეობის გასაუმჯობესებლად. სხვა მიზეზებზე რომ ბევრი არ გავჩერდეთ, მარტო ერთად ერთი ეს უკანასკნელი მიზეზი—ჩენი ახლანდელი მწერლობის უვარგისობა, ნამდვილი მოწმეა იმ არა სასიქადულო მოვლენისა, რომ ჩენი განათლებული, ანუ მოწინავე საზოგადოება, რომელსაც ინტელიგენციას უწოდებენ, მეტის-მეტ უფერულობას და დაწვრილმანებას წარმოგვიდგენს.

ამ ბოლო დროს გაზ. „ივერიაში“, ერთად ერთ ჩენს სალიტერატურო ორგანოში, თქვენ აქა-იქ უსათუოდ შეამჩნევთ, რომ ბევრნი ჩენს დროს „გათახსირებულს“ უწოდებენ. ჩვენ არ ვიცით დასაბუთებით, თუ როგორ ჰქონდათ „ივერიის“ თანამშრომლებს წარმოდგენილი ეს ახლანდელი „გათახსირებული“ ეპოქა, მხოლოდ ის კია ჰუმანიტება, რომ ყველანი რაღაცნაირი გონებითი და ზნეობითი სიღატაკის არსებობას გრძნობენ თავის გარშემო. თუ რაში გამოიხატება ეს სიღატაკე და თუ რანაირია მისი ნაყოფი, ამაზე (ყოტა ჰვემით იქნება საუბარი, ახლა კი მივმართოთ

იმას, თუ რამ გამოიწვია ეს დამტუპველი მოვლენა, რომელზედაც ზემოდ გვქონდა ლაპარაკი? — ამასთანავე მკითხველს წინდაწინვე უნდა განვუცხადოთ, რომ დაწერილებით ამის გამოკვლევას ჩვენ ახლა ვერ ვკისრულობთ, ჩვენ გვსურს მხოლოდ უფრო საზოგადო მიზეზები დავასახელოთ.

მოვლენა, რომელზედაც ჩვენ ახლა ვლაპარაკობთ, ე. ი. გონებითი და ზნეობითი გათახსირება კერძო მოვლენა არ გეგონოთ; ეს მოვლენა არის ჩვენი საზოგადოების ნამდვილი სენი, რომელიც გარს ახვევია ჩვენს სოციალურს ცხოვრებას და, მაშასადამე, აჩარებს და ხელს უშლის ჩვენი საზოგადოების ყოველნაირ განვითარებასა და წინსვლას.

ამნაირათ ამ მოვლენას, როგორც საზოგადო სოციალურ მოვლენას, თავისი მიზეზები აქვს, როგორც ჩვენი ქვეყნის ბუნებრივ პირობებში, ისევე ჩვენი ერის ისტორიულ ცხოვრებაშიც. ახლანდელი მეცნიერების შეხედულებით ბუნებრივ ანუ ფიზიკურ პირობებს დიდი მნიშვნელობა ჰქონდა ადამიანთა ცხოვრებაში, მაგრამ ეს მხოლოდ ადამიანთა საზოგადოების დაარსებამდე ანუ, როგორც უწოდებენ, ისტორიული ცხოვრების დაწყებამდის, მას მერე კი თანდათან კლებულობს იმათი გავლენა ადამიანთა საზოგადოებაზე კულტურული ფორმების გავრცელებით.

რაც შეეხება იმ კითხვას, თუ თავდაპირველად ჩვენი ქვეყნის ფიზიკური პირობები როგორ უწყობდნენ ხელს კულტურულ განვითარებას, ამის შესახებ ის უნდა ვსთქვათ, რომ ჩვენი მხარე თავისი ზომიერი ტემპერატურით, რადგანაც ზაფხულობით მოკლებულია ეკვატორიალური ქვეყნების ცხელს პაპანაქებასა და ზამთრობით კი ჩრდილოეთ ქვეყნების უზომო სიცივესა და ყინვებს, ერთობ მოხერხებულ პირობებს წარმოგვიდგენს კულტურულ განვითარებისათვის. თუმცა ლა ეს ასე უნდა ყოფილიყო, მაგრამ კულტურამ ჩვენს ქვეყანაში, იმის მიუხედავად, რომ მისი დასაწყისი ქრისტეს დაბადების წინა დროებში უნდა ვეძიოთ, ვერ იმძლავრა და ვერ შიალწია იმ ხარისხამდე, რომელზედაც ჩვენ ვხედავთ მას სხვა ქვეყნებში. ამის მიზეზი პირდაპირ ისტორიულ განვითარებაში უნდა ვეძიოთ.

გეოგრაფიულ მდებარეობამ გახადა ახლანდელი საქართველოს (დარამოდენიმედ სომხეთისაც) ნაწილები ძველს დროში არენად არა მარტო დაპყრობისათვის, არამედ საბრძოლველ ასპარეზადაც: ჯერ კიდევ ისტორიის წყვედიადში ჩვენ ვხედავთ, რომ ახლანდელ დასავლეთ საქართველოს ნაწილებში გაშენებულია ეგვიპტელების ახალშენები (კოლონიები); ეგვიპტელების მერე ჩნდებიან ბერძნები, რომლებიც ალექსანდრე

მაკედონელის 60) დროს სრულიად იპყრობს საქართველოს. მის შემდეგ, ქრისტეს დაბადების ახლოს, სპარსელები ავრცელებენ თავიანთ გავლენას ძველს საქართველოზე; ქრისტეს დაბადების შემდეგ ამ მოვლენას ემატება კიდევ ქრისტიანული საბერძნეთის, ანუ ბიზანტიის გავლენა, რომელმაც გასტანა მე-XVII საუკ. ბოლომდე მეტ-ნაკლებობით და შეცვლით. სპარსეთის გავლენა კი შეჩერდა არაბების მიერ დაპყრობით და მხოლოდ მე-XIII საუკუნიდან ხელახლა ანახლებს ის თავის მოქმედებას საქართველოზე. მე-XVII საუკ. თვალსაჩინოდ იწყება რუსეთის გავლენა, რომელიც მე-XVIII საუკ. უფრო ძლიერდება და რომელსაც მე-XIX საუკუნის დასაწყისიდან საქართველოს ფორმალურად შეერთებით რუსეთთან ეძღვევა უფრო მკვიდრი საფუძველი. ეს უკანასკნელი გავლენა დღემდის სულ უფრო და უფრო აფართოვებს თავის ასპარეზს საქართველოში. — ჩვენ აქ ვასახელებთ სხვა ერთა და ქვეყნებთა უფრო გამოჩენილ გავლენებს საქართველოზე, რომლებმაც თვალსაჩინო კვალი დასტოვეს ჩვენ ერის ცხოვრებაში და კულტურაში და სრულიადაც არ ვცნებთ სხვა უფრო მცირე გავლენათ, რომლებიც მრავალი იყო.

ეს უბრალო აღნუსხვა ამ მოვლენათა ეერაფერ სასიამოვნო სურათს წარმოადგენს: ამ აღნუსხვიდან ჩვენთვის ცხადია ის გარემოება, რომ ჩვენ ქვეყანაში არ ერთს უცხო კულტურული ერის გავლენას თავდაპირველიდანვე არ შეეძლო ღრმა კვალი დაეტოვებია ჩვენს ერში. ეს აშკარაა იმ გარემოებიდან, რომ ჯერ კიდევ ერთს გავლენას არ გაეერცვლებინა თავის შემოქმედებითი ძალა, ამ დროს იწყებოდა გარედან მეორე გავლენა, რის შედეგი იყო ამ ორ კულტურულ გავლენათა და ძალთა ერთმანეთთა შეტაკებ-შეჯახება. ამნაირად ერთს და იმავე დროსვე ერთი ან ორი გავლენა ებრძოდა ერთმანეთს, რომ მოეპოვებიათ უფრო მეტი სარბიელი ბრძოლის არენაზე. ჩენი ერის ისტორია რომ ჯეროვნად შესწავლილი და გამოკვლეული იყოს, დარწმუნებით შეგვიძლია ვაღვიაროთ, რომ ის უმეტესად ამ უცხო ერთა და მათ ძალთა შეტაკებ-შეჯახების სურათს წარმოგვიდგენდა. აქ იბადება კითხვა: თუ ჩენი ქვეყანა საბრძოლველ ველად იყო გადაქცეული სხვადასხვა ერთა ერთმანეთ შორის, მაშ რაღაში მდგომარეობდა თვით ჩენი ერის როლი მის საკმარისად ხანგრძლივ ისტორიულ მდგრაობაში? — თუ ჩენი ისტორია, ერთის მხრივ, სხვა ერთა საქართველოზე გავლენისათვის ერთმანეთ შორის შეჯახებ-შეტაკებას წარმოგვიდგენს, მეორეს მხრით, ისიც ჭეშმარიტი ფაქტია და ყველასათვის აშკარაა, რომ ჩენი ძველი წინაპარნი მუდამ შეიარაღებულნი უკანასკნელ სისხლის

წვეთამდის გამსჭვალულნი იყვნენ თავის ძვირფასი სამშობლოს დაცვის აზრით და თითქმის ოცდა ერთი საუკუნის განმავლობაში (302 ქრ. შობ-დის 1801 ქრ. აქემ) მართლად ემსახურებოდნენ ამ კეთილშობილურ დანიშნულებას.

ჩვენ ზემოთ დავადგინეთ ის ფაქტი, რომ სხვადასხვა მიზეზების გამო არც ერთს სხვა ერის კულტურულ გაიოგნას ძველს საქართველოზე არ შეეძლო საგრძნობლად ემოქმედნა ქართველი ერის ყოფა-ცხოვრებაზე და კულტურაზე. ჩვენი შეხედულება, რასაკვირველია, იმას არ ნიშნავს, რომ მართლაც არავითარი კვალი გარეშე გავლენათა არ დატყობოდეს ჩვენს კულტურულს ცხოვრებას. ამის მტკიცება აშკარა ტყუილის აღვია-რება და ნამდვილი ფაქტების წინააღმდეგობა იქნებოდა; ჩვენს ცხოვრებაში ჩვენს დრომდის დაცული არიან ამნაირი ზნე და ჩვეულებანი, რომლებიც მოგვავაგონებენ არა კლასიკური საბერძნეთის, სპარსეთის და ქრისტიანული საბერძნეთის ზნე-ჩვეულებათ, მოგვავაგონებენ რამოდენიმედ ისტორიულ წყვედიადით გარემოცულს ეგვიპტელების გავლენასაც. მაგრამ ჩვენ უნდა ვიცოდეთ, რომ ეს საერთო ზნე-ჩვეულებანი იმას კიდევ ვერ ამტკიცებენ და ასაბუთებენ, რომ რომელიმე უცხო ტომის გავლენას სრული და ფართო ზედ-მოქმედება ჰქონდეს ჩვენს კულტურაზე. რომელიმე ხალხს თავის კულტურით შეუძლია გავლენა-იქონიოს სხვა ხალხზე მხოლოდ მაშინ, თუ ამ სამს უმთავრეს მოთხოვნილებას რამდენიმედ მაინც აკმაყოფილებს: ა) ეს ხალხი უნდა იდგეს გაცილებით მაღლა თავის კულტურული და საზოგადოებრივი ფორმებით იმ ხალხზე, რომელზედაც თავის გავლენას იჩენს; ბ) მას უნდა ჰქონდეს სწორი და ნამდვილი საშუალება, რომელიც აადვილებდეს და ხელს უწყობდეს მის გავლენას სხვა ხალხზე; გ) გავლენა ერთი ხალხისა მეორეზე კულტურის მხრით უსათუოდ თხოულობს. რომ იმ ერისათვის, რომელიც გავლენის ქვეშ იმყოფება, აუცილებელ საპირობებს შეადგენდეს გონიერი შემუშავება და ამასთანავე თანდათან შეთვისება იმ ახალი კულტურული ფორმებისა, რომლებიც მას პირველად შეაქვს თავის კულტურულ ცხოვრებაში; ამიტომ ამ უკანასკნელისთვის საპირობა თავისუფალი დრო და ცოტათ თუ ბევრად მოსვენებული ცხოვრება. ეს უკანასკნელი მოთხოვნილება ყველაზე უმთავრესია.

ახლა გავსინჯოთ მოკლედ, თუ რამდენად აკმაყოფილებდენ ამ უმთავრეს მოთხოვნილებათ ის ხალხი, რომელთა გავლენის ქვეშ იყო ჩვენი საქართველო ისტორიულ წარსულში?

უნდა ვიგულისხმოთ, რომ ეგვიპტელები როცა თავისი ახალშენები გაავრცელეს დასავლეთ საქართველოში, მიღწეულნი იყვნენ იმ უმაღლეს კულტურულ ხარისხამდის, რომელზედაც შეჩერდა მათი წინმსვლელიობა. სეზოტრისის დროს (მე-XIV ს. ქრისტეს წინეთ), რომელსაც მიეწერება ეგვიპტელების შემოსვლა საქართველოში, უკვე ჰყვოდნენ: იეროგრაფული მწერლობა, ხუროთ-მოძღვრება, ვარსკვლავთ-მრიცხველობა, ალებ-მიცემობა, ზღვით მოგზაურობა, და სხვ., მაგრამ არც ერთ ამ სფეროში ეგვიპტელებს არ დაუტოვებიათ არავითარი კვალი ჩვენს ცხოვრებაში. მართა რამოდენიმე რელიგიურ ჩვეულებათ შეეძლოთ, რომ გავრცელებულიყვნენ მაშინდელ ნიადაგზედ. ეს გარემოება, მართლაც რომ ამნაირად უნდა მომხდარიყო: ჩვენ უნდა მივიღოთ მხედველობაში, ერთის მხრით, ის გარემოება, რომ მაშინ ჩვენი წინაპარნი შეადგენდნენ ჯერ კიდევ ახალგაზრდა საზოგადოებას, რომელიც სრულიად შეუჩვეველი იყო რაიმე ნაირ გონებით მოსაზრებას, რის შედეგიც იყო ეგვიპტის კულტურა; მეორეს მხრით, ჩვენ უნდა გვახსოვდეს, რომ არც თვით ეგვიპტელები ცდილობდნენ, რომ რაიმე ახალი შემოეტანათ ჩვენს მაშინდელს ცხოვრებაში. მიწის მუშაობა და ვენახის გაშენება, რაი არ არის, რომ ეგვიპტელების შემოსვლამდისაც ყოფილა ჩვენში გავრცელებული.

თუ ეგვიპტის გავლენამ თითქმის შეუქმნევლათ ჩაიარა ჩვენს ძველს კულტურულ ცხოვრებაში და ვერაფერი არსებითი კვალი დასტოვა მასში, სამაგიეროდ, მეორე ქვეყანაზე—სპარსეთზე—ეს არ ითქმის. სპარსეთისათვის საქართველოზე გავლენა შეუდარებლად მოხერხებულბი იყო, ვინემ ეგვიპტისათვის, ორნაირად: ა) სპარსეთი ძლიერ დაახლოვებული იყო საქართველოზე და მთელი ძველი და საშველო ისტორია მეზობლურ ურთიერთშორისი განწყობილებას წარმოადგენს, რაც ძლიერ საჭირო იყო გავლენისათვის; ბ) სპარსეთის გავლენა საქართველოზე მართა ერთ რომელიმე ეპოქით სრულებით არ ისაზღვრება, როგორც ეგვიპტისა, არამედ ის გრძელდება უუძველესი დროიდან ვიდრე მე-XVII საუკ. გასვლამდე.

ამნაირად სპარსეთს ორი სწორი საშველება ჰქონდა, რომ ჯერონად ემოქმენდა საქართველოზე და ამასთანავე სპარსეთის მხრით ხანდახან უფრო მეტი სურვილი და მეცადინეობა იყო ქართველების გასპარსელებისათვის; ეგვიპტე კი ყველა ამ საშველებათ მოკლებული იყო. მაგრამ ვერაფერი დიდი შედეგი-მოყვა ამ გარემოებასაც, ე. ი. სპარსეთის გავლენას. — შესამჩნევი კვალი, რომელიც დააჩინა სპარსეთის კულტუ-

რამ ჩვენ ცხოვრებას, ეხება პირველად და ყველაზე უფრო სარწმუნოებას. ზორასტრუშის ანუ ზოროასტრის სარწმუნოება, რომელიც გავრცელებული იყო მთელს მაშინდელს აღმოსავლეთში, რამდენიმედ დამკვიდრდა ძვილს საქართველოშიაც, რომლის მკვიდრთ ჯერ კიდევ არ ჰქონდათ განსაზღვრული რელიგიური რწმენა. მაგრამ, თუ რამდენად ჰქონდა მოკიდებული ფეხი ზოროასტრის სარწმუნოებას ივერიელების რელიგიურ წარმოდგენებში, ამას აშკარად ამტკიცებს ის ფაქტი, რომ მისი შემორღების ხუთ-ექვსი საუკუნის შემდეგ თავისუფლად მკვიდრდება სულ ახალი და დაშორებული ქვეყნიდან შემოტანილი სარწმუნოება—ქრისტიანობა; თავისუფლად მეთქი, ვამბობ იმიტომ, რომ ქრისტიანობის გავრცელებას საქართველოში არ მოუთხოვია ადამიანის მსხვერპლი და სასტიკი დევნა, როგორც ეს მოხდა სხვა ქვეყნებში და გინდ თვით სპარსეთშიაც, რომელშიაც ვერაოდეს ვერ მოიკიდა ფეხი ქრისტიანობამ. მაშასადამე, ეს ფაქტი მხოლოდ იმას ამტკიცებს, რომ ზოროასტრის სარწმუნოებას არ ჰქონდა ხალხში მოკიდებული ანუ გაშვებული ღრმა ფესვები.

მაგრამ ამას გარდა სხვა მხრითაც მოქმედებდა სპარსეთი საქართველოზე. უპირველესი ალაგი ამ შემთხვევაში უკირავს პოეზიას, რომელიც სპარსეთში იწყება მხოლოდ ფირდუსიდან (მე-X საუკ.), რომელმაც თავის „შახ-ნამე“-თი შექმნა ერთი საუკეთესო მსოფლიო პოემა. „შახ-ნამეს“ შემდეგ სპარსულ პოეზიას იმის ბადალი აღარაფერი აღარ უნახავს თავის ნაწარმოებთა შორის: ეს იყო პირველი და უკანასკნელი ნაბიჯი ამისა. მას მერე იწყება მთელი რიგი ზღაპრულ მოთხრობათა, რომლებიც საკმარისად მოკლებულნი არიან ყოველნაირ ხელოვნურ თვისებათ და მხოლოდ ხალხის ყოფაცხოვრების შესასწავლ მასალად გამოდგებიან კრიტიკული განხილვის შემდეგ.

როგორც უნდა იყოს, მაგრამ ის კი აშკარაა, რომ საერო მწერლობას საქართველოში დაედვა საფუძველი სპარსეთის და უმეტესად არაბეთის საერო მწერლობის გავლენით. შესანიშნავი ამ მოვლენაში ჩვენთვის ის არის, რომ საერო პოეზიის აყვავება თითქმის ერთ და იმავე დროს ხდება სპარსეთის, არაბეთის და ქართულს მწერლობაშიაც. ეს ხანა არის მე-X საუკ. დაწყებული, ვინემ მე-XII საუკუნის გასვლამდე. მაგრამ ქართულ მწერლობაში საერო მიმართულების დაწყებას ჩვენ უფრო მივაწერთ არაბეთის მწერლობას, ვინემ სპარსეთისას, რადგანაც ეს პოეზიის აყვავების ეპოქა პირდაპირ არაბთა მფლობელობის შემდეგი ხანა იყო.

არაბეთის თუ სპარსეთის მწერლობამ დაბადა საერო მიმართულება ჩვენს მწერლობაში? ეს კითხვა ჩვენ კიდევ ჯერ-ჯერობით დაუსაბუთებლად მიგვაჩნია, რადგანაც ამის სარწმუნო წყაროები ჩვენ კიდევ არ გვაქვს. მაგრამ ის კია სარწმუნო, რომ თუ რაიმე მნიშვნელობას ვსცნობთ სპარსეთის მხრივ ჩვენ წარსულ ცხოვრებაში, ეს მხოლოდ ამ მხრივ. ჩვენთვის ცხადი უნდა იყოს, რომ ჩვენი საერო მწერლობის ძვირფასი ნაშთი მე-XII საუკ. შ. რუსთველის „ვეფხვის-ტყაოსანი“, რომლის ბადალი ხელოვნების მხრივ არ შეუქნია არც ძველს და არც ახალს მწერლობას, შექმნილია როგორც არაბეთის, ისე სპარსეთის მწერლობის გავლენით *). აი ერთად ერთი მხარე, რომელიც ჩვენ სიხარულით უნდა ავლნიშნოთ მთელს ჩვენს წარსულ ცხოვრებაში. მაგრამ ამასთანავე იგიც უნდა გვახსოვდეს, რომ საერო მწერლობამ თვით სპარსეთში, აგრეთვე ჩვენშიაც, სანამ უკანასკნელი იმყოფებოდა პირველის გავლენის ქვეშ ვრცელი და სასარგებლო ასპარეზი ვერ მოიპოვა; როგორც სპარსეთში, ისე ჩვენშიაც საერო მწერლობა ვერ განვითარდა: ის გადაიქცა მარტო ზღაპრად და იგავ-არაკად.

რაც შეეხება სახელმწიფო წესწყობილებათ, საზოგადოებრივ ფორმებს და საურთიერთო განწყობილებათ, სწავლა-განათლებას, მეურნეობას ან აღებ-მიცემობის საქმეს და სხვა ფრიად საჭირო და გამოსადეგ კულტურულ ფორმებს, რომლებიც მოწინავე ერში მუდამ ახალს ელემენტებს ეძებენ და ვითარდებიან, ჩვენ უნდა ვაღვიაროთ, რომ ამათ კვალს ჩვენ ტყუილად მოვიძებნით ჩვენს წარსულ ცხოვრებაში, ე. ი. ამ მხრივ არც ერთი ახალი ელემენტი არ შემოუტანიათ სპარსელებს ჩვენს კულტურაში, და რადგანაც ეს მხარეები უმთავრეს ძალას წარმოადგენდნენ ყველა კულტურაში, ამიტომ ჩვენ შეგვეძლო გვეთქვა: „ვერაფერი დიდი შედეგი მოყვა სპარსეთის გავლენას“. (ზოგიერთი სპარსული ზნე-ჩვეულებათა გავრცელება ქართლ-კახეთის ყოფა-ცხოვრებაში ამ ელემენტების გარეშე სდგას, და ამიტომ არ ვაძლევთ იმათ ამ შემთხვევაში რაიმე მნიშვნელობას).

რა იყო ამის მიზეზი? ამის მიზეზი იყო თვით სპარსეთის კულტურა და მისი მძიმე უძრავი ხასიათი, რომელსაც სპარსეთი დღემდისაც არ მოსცილებია; სახელმწიფო და საზოგადოებრივ ფორმებს, სწავლა-განათლე-

*); ბერის გონია, რომ აშნაირი გავლენა ავცირობს რუსთაველის „ვეფხვის-ტყაოსანს“, მაგრამ ეს მტკნარ უფიქრობას ამტკიცებს და ჩეტს არაფერს, რადგანაც დანტკაცებულა, რომ არც ერთი ლიტერატურული კმნილება არ შექმნილა იქ, რომ რაიმე ნაირი გავლენის ქვეშ არ ყოფილიყოს მისი შემქმნელი. ეს რომ ასე არ ყოფილიყო, ჩვენ შეგვეძლო ყოფიანაირი კულტურის და განათლების მნიშვნელობა სრულებით უარ-გვეყო.

ბას და მეურნეობას. სპარსეთში არავითარი ცვლილება არ გამოუცდიათ თავის თავზე. აქედან ცხადია, რომ ამ მხრივ ქერაფერს შემოიტანდა სპარსეთი ჩვენს ცხოვრებაში.

თუ ამ შეხედულებით გავსინჯავთ საბერძნეთის გავლენას საქართველოზე, დავრწმუნდებით, რომ ამ გავლენასაც არ შეეძლო ახალი კულტურული განმაცხოველებელი ელემენტები შემოეტანა ქართველი ერის გონებითი საუნჯეში და კულტურაში. პირველად ჩვენ განვმარტოთ, თუ რომელ საბერძნეთს ჰქონდა დაკავშირებითი განწყობილება ივერიასთან. რადგანაც ძველი კლასიკური საბერძნეთი სრულებით არაფერში არ წააგავს ქრისტიანულ საბერძნეთს და განსხვავდება ერთი მეორისაგან, როგორც დღე ღამისაგან. ჰკუა-გონების ინტენსიური წრთენა და ვარჯიშობა მკაცრი შოაზრების განვითარება, პოეტურ ნიჭთა სიფართოვე და სიმშვენიერის იდეალები, — აი რით საზრდობდნენ და ვითარდებოდნენ კლასიკურ საბერძნეთში; ამის შედეგი იყო ფილოსოფიის განვითარება უმაღლეს ხარისხამდე და შემუშავება ისტორიისა, მათემატიკისა, მკერმეტყველობისა; პოეზიამ მოიპოვა მსოფლიო მნიშვნელობა ჰომეროსის, ესხილის და სხვა ნაწარმოებით. არისტოტელის და მისი შეგირდების მეოხებით დაედვა შეურყეველი საფუძველი ეხლანდელ მეცნიერებას. ბევრი სხვა მხარეებიც დაიბადნენ და განვითარდნენ კლასიკურ საბერძნეთში, რომლებსაც ჩვენ ეხლა ვერ შევხვებით.

ეხლა შევხვებით, თუ რას წარმოადგენს ქრისტიანული საბერძნეთი, ანუ, ე. წ., ბიზანტია? კლასიკური საბერძნეთის სწავლა-განათლებამ და კულტურამ სხვადასხვა ისტორიულ მოვლენათა გამო ჯერ კიდევ ქრისტეს წინეთ დიწყო დაცემა და დარღვევა. მაგრამ ეს დაცემა კლასიკური განათლებისა დაჩქარდა, როცა ქრისტიანულ სამღვდლოებამ დაიწყო სასტიკი დევნა კლასიკურ განათლების აღმოსაფხვრელად, როცა ამ სამღვდლოებამ მოულო ბოლო მსოფლიო ჰკუა-გონების საუნჯეს ალექსანდრიის წიგნთსაცავს, როცა მან ჩაიგდო თავის ხელში საერო ხელმწიფობა და ხმარობდა იმას საშვალებათ, რომ მოესპო უკანასკნელი სახელი კლასიკური განათლებისა, მაგ. უკანასკნელს კლასიკურ სკოლის დახურვით თედეოსი დიდის მიერ, რათა ყველა ამ ბოროტმოქმედებით მიეწიათ „ზეციურ მიზნებსა“. საუბედუროთ ქრისტიანულ სამღვდლოებამ ხანგრძლივის და სასტიკი ბრძოლის შემდრე ყოველგვარ თავისუფალ აზროვნობასთან, თანდათან მიაღწია თავის დანიშნულებას თვით საბერძნეთის

აოხრებით, თათრების მიერ დაპყრობით და ბოლოს მოღებით. აი ნამდვილი ნაყოფი ბიზანტიის სამღვდელთაგან.

ამნაირია საზღვარი კლასიკურ და ქრისტე. საბერძნეთის შორის, რომელსაც ჩვენ ვეცადეთ მოკლედ შევხებოდით. ეხლა კი შეგვიძლია განვმარტოთ, თუ რომელ საბერძნეთს ჰქონდა უფრო მკვიდრი კავშირი, რაც აუცილებელი საჭირო იყო გავლენისათვის. არც ერთი ისტორიული ფაქტი არ მოწმობს იმის დასამტკიცებლად, რომ ძველს ივერიას ანუ კოლხიდას რაიმე მკვიდრი განძეულობა ჰქონოდა კლასიკურ საბერძნეთთან იმ დროს, როცა იქ ჰყვავოდა სწავლა-განათლება. თუმცა ალექსანდრე მაკედონელის დროს საქართველო მთლად დაპყრობილი იქნა აზონის მიერ, რომელიც ალექსანდრემ გამოგზავნა კავკასიისაკენ, რადგანაც თითონ უფრო მძლავრი სახელმწიფოსაკენ მიეჩქარებოდა, მაგრამ ამ დაპყრობას კულტურის და სწავლა-განათლების მხრივ არავითარი მნიშვნელობა არ აღმოუჩენია. ეს ასეც უნდა მომხდარიყო, რადგანაც, ერთის მხრით, ეს დაპყრობა და მფლობელობა დიდხანს არ გაგრძელებულა და, მეორეს მხრით, იმას ჰქონდა მხოლოდ მონური ხასიათი. თვით ალ. მაკედონელი რომ შემოსულიყო ჩვენს ქვეყანაში, შეიძლება მაშინ რაიმე ნაყოფი კულტურის ან სწავლა-განათლების მხრივ ჰქონოდა ამ დაპყრობას. ფარნავაზის გამეფებით (302 წ.) ეს მფლობელობაც შესწყდა და, მაშასადამე, განწყობილზეც საბერძნეთთან. ახალი ერთმანეთ შორის განწყობილება და მისვლამოსვლა საბერძნეთს და ჩვენს ქვეყანას შორის მყარდებოდა მხოლოდ ქრისტიანული დროიდან. ქრისტიანობის გავრცელება საქართველოში თხოულობდა, რომ ჩვენი ერი რამდენიმედ დაკავშირებოდა საბერძნეთს. რომელშიაც კონსტანტინე დიდის დროს ქრისტიანული სარწმუნოება აღვიარებულ იქნა უმთავრეს სარწმუნოებათ. მეორე საუკუნედან დაწყებული მკვიდრდება საქართველოში წმ. ნინოს ქადაგებით ქრისტეს აღსარება, თუმცა საფუძველი ანდრია მოციქულისაგან იწყება. ქრისტეს აღსარების მქადაგებელნი და გამავრცელებელნი მუდმივ აღტურვილნი იყვნენ ყოველგან მარტო ერთი დედა-აზრით: ქრისტეს აღსარების გავრცელებით. უპირველესი საშვალეა იყო ხალხის მონათვლა, რომელიც ყოველთვის გარეგნულათ ხდებოდა ხოლმე, როცა ამნაირად მოქცეული იყო ხალხი. მაშინ ახალი სარწმუნოების მქადაგებელნი აგებდნენ საღვთისმსახურო სახლებს, ეკლესიებს, სთარგმნიდნენ რამოდენიმე საღმრთო წიგნებს, ჰქადაგობდნენ აქაურ ცხოვრების ამაოებაზე და ზეციურ ცხოვრების სიმშვენიერებზე, მათი წარმოდგენით ერთად ერთი ადამიანის მიზანზე, რომელსაც

იგი უნდა ცდილობდეს მიაღწიოს ყველანაირი ქვა-გონების განვითარების თავილობით.

ამნაირია საზოგადო ხსიათი ქრისტიანობის გავრცელებისა წარსულში. ვრცელი და ისტორიული გამოკვლევა ქრისტიანული საბერძნეთის გავლენისა ჩვენს ერზე, ჩვენის აზრით, ამაზე მეტს ვერაფერს ვერ წარმოგვიდგენდა. თუ მივიღებთ სახეში ერთის მხრით იმ გარემოებას, რომ ქრისტიანული საბერძნეთი მრავალ საუკუნეთა განმავლობაში თანდათან ირღვეოდა და ეცემოდა და მეორეს მხრით, იმ ცნობილ ფაქტს, რომ ქრისტიანული მკადაგებელნი აღკუთრვილი იყვნენ მხოლოდ ერთი დედა-აზრით, რომელიც მარტო ხალხის მონათვლით იფარგლებოდა, ჩვენ a priori-ულადაც დავრწმუნდებით ამ შეხედულების ქეშმარიტებაში. მთელი თვრამეტი საუკუნის სივრცეზე ჩვენ ვხედავთ რაღაც ერთგვარ უფერულობას საბერძნეთის მხრივ, რომელიც არაოდეს არ შერჩეულა რაიმე ახალი ცვლილებით თვით წმინდა რელიგიურ სფეროშიაც. სექტიურ მიმართულებამ, რომელიც პირდაპირი შედეგი იყო ქრისტიანობის ცრუ განვითარებისა, თითქმის ყველა საქრისტიანო ქვეყნებში დაუწყნარებელი ალიაქოთი ასტეხა; მაგრამ ჩვენს ქვეყანაში კი ამის შესახებ არავითარი ბაიბური არ იხმოდა. არც ერთ რელიგიურ კითხვას, რომელიც ათასწიარად აღელვებდა სხვა ქვეყნებს, ჩვენში არავითარი მსჯელობა არ გამოუწვევია. ყველა ესენი კულტურულად ჩატარდა ჩვენს ცხოვრებაში. რა იყო ამის მიზეზი ჩვენ ქვემოთ დავინახავთ. აქ მხოლოდ ბიზანტიის შესახებ იმას შევნიშნავთ, რომ რაც რელიგიურ სფეროს არ ეხება, იმის კვალს ამაოდ მოვძებნით ჩვენს წარსულ ცხოვრებაში. ამიტომაცაა, რომ ქრისტიანული საბერძნეთის გავლენა საქართველოზე ბევრათ დაბლად სდგას სპარსეთისაზე.

კლასიური საბერძნეთის განვითარებამ უკანასკნელ ეპოქაში, როცა იმან მიაღწია უმაღლეს თავის განვითარებას, მიიღო მსოფლიო ხსიათი. ამისათვის, თუ თვით საბერძნეთში დაიწყო ამ განათლებამ დაცემა და მოეკლე დროის განმავლობაში სრულებით მოისპო სხვადასხვა რთული ისტორიულ პირობებთა გამო, შეუძლებელი იყო, რომ შთელს კაცობრიობის ცხოვრებაში ღრმა კვალი არ დაეტოვებია ამ კლასიურ ცივილიზაციას. პირველად რომაელებს, როგორც საბერძნეთის დამპყრობელთ უნდა ეგრძნოთ თავის თავზე უმაღლესი ძალა კლასიკური ცივილიზაციისა და შეეძინათ უმთავრესი მიმართულება მისი შესანიშნავ ნაწარმოებთა დაცვით, რომ გარდაეკათ შთამავლობისათვის ძალა და ღირსება კლასიკური სწავ-

ლა-განათლებისა. რამდენად შეასრულეს რომაელებმა ეს მსოფლიო ღვაწლი, ამის გასინჯვაში ჩვენ ახლა ვერ შევდივართ. ჩვენ გვსურს მკითხველის ყურადღება მივაქციოთ მხოლოდ იმ მოვლენას, რომ უმთავრესი განძი კლასიკური ცივილიზაციის ნაწარმოებთა დაკულ იქნა არა რომში, არამედ—მეორე ალაგას—არაბეთში. თუ რანაირად მოხდა ეს შესანიშნავი გარემოება, ჩვენ ვერც ამ საკითხის სრულ გარჩევაში შევალთ; შევნიშნავთ მხოლოდ, რომ კლასიკურ სწავლა-განათლებით განვითარებულმა ბერძნებმა და ებრაელებმა ამჯობინეს კლასიკური სწავლა-განათლების გადატანა არაბეთში, სადაც ბინადრობდნენ მშვიდობიანი და აღებ-მიცემობის მოყვარე ხალხი—არაბნი. მრავალ საუკუნეთა განმავლობაში თითქმის ქვეყნის უცნობლად არსებობდა ეს სწავლა-განათლება არაბეთის განათლებულ წარმომადგენლებში, რომლებიც ცდილობდნენ ბერძენთა დაფუძნებულის მეურნეობის შემუშავებას და განვითარებას.

ჩვენი წელთ აღრიცხვის მე-VII საუკ. თითქმის პოტენციალურად ინახებოდა ეს კლასიკური ცივილიზაცია. ამ საუკუნეში კი მსგავსად ნიაღვრისა, ისტორიულ მსვლელობაში მოხდა ერთი ფრიალ შესანიშნავი შემთხვევა: არაბთა მოძრაობა. არაბნი, აღქურვილნი მაჰმადის სარწმუნოების ფანატიზმით, გამოდიან აზიის საზღვრებიდან და იპყრობენ სხვადასხვა ქვეყნებს, ბოლოს შემოდიან სამხრეთ ევროპაში და იქ ავრცელებენ თავის გავლენას. მაჰმადის მეომრებთან ერთად შეძლება მიეცათ, რომ შემოსულიყვნენ ისპანიაში, საფრანგეთში და იტალიაშიც, ნასწავლ არაბებსა და ებრაელებს, რომლებმაც ჰპოვეს ამ ქვეყანაში უფრო მოხერხებული ნიადაგი მეცნიერებისათვის, თუმცაღა ამასთანავე სასტიკი დევნაც უნდა გამოეცადნათ თავის თავზე უზრდელ რომის სამღვდლოებისაგან, მაგრამ მაინც ბევრათ წარუმართეს ეგრედ წოდებულ კლასიკური სწავლა-განათლების და იდეალების განახლებას ანუ ახლადშობას (Renaissance). ჩვენ ამდენი იმიტომ გავჩერდით არაბებზე, რომ დაგვენახებია, თუ როგორი იყო მათი გავლენა იმათ მოძრაობის დროს ევროპის სეგ-ბელზე. ამას საჭიროდ ვრაცხთ იმისათვის, რომ არაბების მოძრაობა იმავე დროს ჩვენს ქვეყანაზეც იყო გავრცელებული, უკანასკნელის დაპყრობით.

ახლა გავსინჯოთ რამდენიმედ მაინც, თუ რაში გამოიხატება არაბთა გავლენა საქართველოს ცხოვრებაზე, თუმცაღა ამის შესახებ ცნობები ძლიერ მცირე და საექვონიც არიან.

როცა სპარსეთის გავლენაზე ვლაპარაკობდით, ჩვენ განვმარტეთ ის ფაქტი, რომ ქართული საერო პოეზია შედგეგი იყო სპარსეთის და უმეტე-

სად არაბეთის საერო პოეზიისა. დაბეჯითებითი ცოდნა და განხილვამ გარემოებისა ჩვენ ესცანით ჯერ-ჯერობით. შეუძლებლად, როგორც აგრეთვე სხვა მრავალი ფრიად საჭირო მხარეები ჩვენი, ყოფა-ცხოვრებისა. სარწმუნო წყაროების უქონლობის გამო. მხოლოდ ის ცხადია, რომ თუ რაიმე მნიშვნელობა ჰქონდა არაბების გავლენას ჩვენს კულტურულ ცხოვრებაზე, — ეს მარტო საერო პოეზიის მხრივ. არაბთა შემოსევის და მფლობელობის გამო ქართველებს მიეცათ საშუალება არაბეთი საერო პოეზიის ნაწარმოებთა შესწავლისა, რომელმაც თავის ნაყოფი გამოიჩინა ჩვენს საერო მწერლობაშიც, და თვით ჩვენი საერო მწერლობა შედგება არაბეთ-სპარსეთის გავლენისა. მაგრამ რაც შეეხება ნამდვილ კლასიკურ განათლებას, ფილოსოფიას და მეცნიერებას, რომლის პიონერებათ ევროპაში შეიქმნენ განათლებული არაბნი, ჩვენ ამის კვალს ვერ ვპოვებთ ჩვენს წარსულში. არ ვიცით, შეიძლება თვით არაბებმა ვერ ჰპოვეს ჩვენს მამინდელს ცხოვრებაში ნიადაგი ამ საქმისათვის და ამიტომაც აღარ ცდილობდნენ იმის დასამკვიდრებლად, რასაც მოწმობს საეკვო. ცნობა იმის შესახებ, რომ ტფილისში არსებობდა არაბთა მიერ დაარსებული ასტრონომიული ობსერვატორია, რომელსაც უმნიშვნელოდ ჩაუვლია ჩვენს ცხოვრებაში. ისიც წარმოსადგენია, რომ არაბებმა უმთავრესი გონებრივი ძალა ევროპისაკენ მიაქციეს და სხვა ქვეყნებში მხოლოდ მფლობელობით კმაყოფილდებოდნენ. მივიჩნდვით ეს საკითხი გამოსარკვევად ჩვენს ნასწავლ მკვლევართათვის. ჩვენი ვალი მოითხოვდა ახლა, რომ ამნაირადვე მოკლე განხილვა გვეძღვნა რუსეთის გავლენისათვის, რომელსაც რამოდენიმედ განსხვავებული ხასიათი აქვს ნაჩვენებ გავლენათა შორის და ძლიერ საინტერესოც არის, რადგანაც ის თანამედროვე ცხოვრებასთან არის დაკავშირებული და თითქმის შეუღლებული, მაგრამ რადგანაც ამნაირი განხილვა ძლიერ შორს წაგვიყვანდა და ამასთანავე რადგანაც ჩვენს საკითხსაც ვერაფერს დიდ ნათელს მოფენდა, ამიტომ ჩვენ ვტოვებთ ახლა იმას და გადავდივართ პირდაპირ იმ კითხვაზე, რომელიც შეეხება მესამე მოთხოვნილებას.

ჩვენ უკვე ზემოთ შევნიშნეთ, რომ, თუ რომ რომელიმე ხალხს შეაქვს თავის საზოგადოებრივ და კულტურულ ფორმებში რაიმე ახალი ელემენტები, რომლებსაც ის იღებს სხვა ერის კულტურიდან, იმან უსათუოდ ჯერ უნდა რამდენიმედ მაინც შეიმუშაოს ეს ახალი კულტურული ელემენტები და ისე შეითვისოს. ეს შეადგენს კულტურული გავლენის მესამე მოთხოვნილებას. ვინიცობა, თუ ხალხი არ ცდილობს, რომ ამნაირად მოი-

ქცეს, თუ იგი თვითულ ახლად შემოტანილ ელემენტს კრიტიკულად არ არჩევს და ისე არ ითვისებს, არა თუ საექვოა ღირსება ამნაირად გავრცელებული კულტურული ფორმებისა, არამედ თვით გავრცელებაც შეუძლებლად მიგვაჩნია. კულტურა და სწავლა-განათლება იმნაირ ჰირველხარისხოვანი ძალაა ხალხის ცხოვრებაში, რომელიც მიუცილებლად თხოულობს მთელი ნაციონალური ქუა-გონების ვარჯიშობას და მუშაობას. ისტორია გვარწმუნებს ჩვენ, რომ როცა რომელიმე ხალხს აძალებდნენ სახელმწიფო მოღვაწენი ან რეფორმატორები ახალი კულტურული ფორმების შემოღებას, ამნაირი მოქმედება რეფორმატორთა მარტო რეაქციას ჰბადებდა იმ ხალხში და მხოლოდ დროთა განმავლობაში, როცა ეს კულტურული ფორმები აწონილ-დაწონილი იქნებოდნენ ხალხის მიერ. მხოლოდ მაშინ ითვისებდა იმათ. მაგრამ ამისათვის საჭიროა მშვიდობიანი და თავისუფალი დრო, რომელიც ხალხს აძლევს საშუალებას ამ კულტურულ ელემენტების შემუშავების შესწავლისას და შეთვისებისას.

ესლა შევხედოთ, თუ რა დროით ჰპატრონობდა ქართველი ერი წარსულში, რომ აღესრულებინა ეს უმაღლესი ნაციონალური დანიშნულება. ჩვენ უკვე ვიცით, თუ რანაირი იყო საქართველოს გეოგრაფიული მდებარეობა; რამდენიმედ ვიცით აგრეთვე ისიც, თუ რად მოხდა ის, რომ მრავალნი ძველი ხალხნი ელტვოდნენ ჩვენს სამშობლოს. ამ გარემოების მიზეზი იყო, რასაკვირველია, უმთავრესად მდებარეობა და სიმდიდრე ჩვენი ქვეყნისა; დიდი მნიშვნელობა ჰქონდა აგრეთვე თვით ბუნების სიმშვენიერეს, რაც იშვიათი მოვლენაა მთელ ქვეყნიერებაზე. ასე იყო, თუ ისე, მაგრამ ამ გარემოებას ერთობ ცუდი შედეგი მოყვა თვით ჩვენი ერისათვის. მე ვამბობ იმ ცნობილ მოვლენაზე, რომ ჩვენი ქვეყანა და მისი მკვიდრნი, მუდამ შეიარაღებულნი უნდა ყოფილიყვნენ და საზღვარზე უნდა მდგარიყვნენ, რომ დაეცვათ თავიანთი პოლიტიკური დამოუკიდებლობა და ნაციონალური ხასიათი. ჩვენ არ შეგვიძლია ისეთი ეპოქის დასახელება, როცა ჩვენი ქვეყანა მოსვენებული ყოფილიყოს მტრებისაგან და მისი მკვიდრნი მშვიდობიანად მეცადინებოდნენ გონებითი შრომით და შინაური საქმეების გასაუმჯობესებლად, რაც სოციალური კეთილდღეობის საფუძველია. რასაკვირველია, გარეშე მტრებისაგან შეწუხებული იყვნენ ყველა ძველი სახელმწიფონი, მაგრამ ძველი საქართველო სულ სხვა ნაირი იყო. ჩვენ ამ შემთხვევაში უნდა მივიღოთ სახეში ორი უმთავრესი გარემოება, თუმცაღა ისინი უფრო მეტი იყო: 1) საქართველოს მკვიდრნი რიცხვით ყოველთვის შეუღარებლად ნაკლებნი იყვნენ,

ვინემ გარეგანი მტრები, რომელნიც რიცხვით შეუდარებლად მეტი იყვნენ: ამისათვის თითქმის მთელი საქართველო მეომრებად უნდა გადაქცეულიყო, რომ რაიმე წინააღმდეგობა გაეწია მტრებისათვის. 2) ის გარემოებაც მისაღებია სახეში, რომ ქართველებს ერთ და იმავე დროს აწუხებდნენ სხვადასხვა ერნი. აქედან ცხადია, რომ ჩვენს წინაპრებს დაეცვათ თავიანთი ეროვნება; უსათუოდ მუდამ შეიარაღებულნი უნდა მდგარიყვნენ საზღვრებზე. თუ ამ გზას არ გაყვებოდენ, მაშინ უსათუოდ ქართველების სხვა ერში გადაშენება უნდა მომხდარიყო. ქართველებმა თავის დევიზათ დაიხვეს თავის ვინაობის დაცვა და ამიტომაც იძულებული შეიქნენ, რომ მუდამ მეომარ ხალხათ გამხდარიყვნენ. ამ არასასიკაძულო მოვლენას, ე. ი. გარეგანი მტრებისაგან მოუსვენრობას, დაერთო კიდევ ის საზარელი გარემოება, რომ თვით საქართველოს სხვადასხვა მკვიდრთა შორის ჩამოვარდა განხეთქილება; რომელიც სულ უფრო და უფრო იზრდებოდა და ბოლოს იქამდე მიაღწია, რომ ერთმანეთის დაჩაგვრაში ქართველები გარეშე მტრებს აჭარბებდნენ ზევრად. ამ უკანასკნელმა მოვლენამ დიდ უბედურებაში ჩააგდო ჩვენი სამშობლო რაც მე-XVIII საუკ. ბოლოს გამოაშკარავდა. მაგრამ ჩვენთვის საინტერესოა ამ შემთხვევაში ის გარემოება, რომ ეს გარეგანი მოუსვენრობა და შინაური უთანხმოება და განხეთქილება სრულებით არ აძლევდნენ საქართველოს ერს თავისუფალ დროს, რაც მიუცილებელ საჭიროებას შეადგენს ყოველნიერი გონებითი და ნივთიერი წარმატებისათვის, რაც საჭიროა კულტურულ ფორმების შემუშავებისათვის. თუ ამ გარემოებას დავუმატებთ აგრეთვე იმასაც, რომ ის ხალხნი, რომლებსაც ისტორიული გავლენა ჰქონდათ საქართველოზე, ძლიერ დაბლა იდგნენ სწავლა-განათლების და კულტურის მხრით და თითქმის სრულიად გაუნათლებელნი იყვნენ, ჩვენ რამდენიმედ მანც მივხედებით, რომ ჩვენმა კულტურამ და სწავლა-განათლებამ ძველს ღრაში ვერ წაიწია წინ. ეს იყო ნამდვილი შედეგი იმ ისტორიულ გარემოებათა, რომლებშიაც საქართველო იყო ჩავარდნილი სხვადასხვა მიზეზების გამო.

მაგრამ დაბოლოს მაშინდელ მმართველობასაც მოსწყინდა ამნაირი ვითარება და არა თუ მარტო მმართველობამ იგრძნო ამ მუდამ მოუსვენარი მდგომარეობის უვარგისობა, თვით ხალხსაც მობეზრდა მუდამ შეიარაღებულათ ყოფნა და თუ კიდევ უკანასკნელ დრომდის იღებდა შონაწილეობას ერეკლე მეორის ომებში, ეს მხოლოდ იმას ნიშნავდა, რომ ძველი ტრადიციები მამულის სიყვარულისადმი კიდევ ინსტიქტიურად ცნობ:

რობდნენ მის ძეალსა და რბილში. ეს საყოველთაო მობეზრება კი იმის ნაშთილი ნიშანი იყო, რომ ხალხი უძღურდებოდა, რომ დაუწყნარებელმა ცალ-მხრივ მოქმედებამ მოშალა ხალხის ძალა, რადგანაც ხალხის შინაური კათილდღეობის საქმე ომების მსხვერპლად იყო გამხდარი. მოქმედება მხოლოდ მაშინ მოიტანს სარგებლობას, როცა ის სხვა უფრო სარგებლიანი მოქმედების ძალას არ ჩაგრავს. მართლა რისთვის აუძღურებს ომიანობა ხალხს? ნუ თუ ეს გარემოება არ ეწინააღმდეგება იმ ცნობილ ფაქტს, რომ ყოველნაირ ფიზიკურ მოქმედებას და გონებითი ვარჯიშობას განმავითარებელი მნიშვნელობა აქვს? და ნუ თუ ომიანობა იგივე მოქმედება არ არის?—ომიანობა რომ მოქმედება არის, ეს ყველასათვის ცხადია, მაგრამ ამასთანავე ისიც აშკარაა, რომ ომიანობას არც კერძო ადამიანისათვის და არც ადამიანთა საზოგადოებისათვის არავითარი განმავითარებელი მნიშვნელობა არ აქვს და არც ექნება არასოდეს, და აი რათა: ყოველივე გონიერი მოქმედება და ვარჯიშობა, გონებრივი იქნება თუ ფიზიკური. იმაში მდგომარეობს, რომ არავითარი სასარგებლო ძალა არ დაჩაგროს და არ დააუძღუროს, და ამასთანავე ცალმხრივ მოქმედებათ არ გადაიქცეს მაშინ, როცა ომიანობა ყველა ხალხის ძალას თავის მსხვერპლად ხდის: გონებითი, ზნეობითი და ნივთიერი ხალხის ძალანი ომიანობისაგან უნდა შთაითქმნენ ყოველთვის. თუ ეს საზოგადო კანონია, მისი გამოჩენა ჩვენს ერის ცხოვრებაში უფრო საგრძნობელი უნდა ყოფილიყო, რადგანაც იგი ომიანობის უკიდურეს განვითარებას წარმოგვიდგენდა.

საქართველოს რუსეთთან შეერთების ისტორიამ და მის მერმინდელ ჩვენ საზოგადოებრივ და მოქალაქობრივ ცხოვრების მიმდინარეობამ თვალსაჩინოდ დაგვანახვა ის ფაქტი, რომ ჩვენი ერი სხვადასხვა უხეირო გარემოებათა გამო ძლიერ შესუსტებული და დაუძღურებული შეიქმნა. ეს აშკარა იყო მით უფრო, რომ ხალხი, რომელიც ორი ათასი წლის განმავლობაში მოუსვენრად იბრძოდა და მოქმედებდა, უცებ სწყვეტს ყოველნაირ მოქმედებას; ხალხი, რომელიც უწინ მარტო ბრძოლაში ხედავდა ერთად ერთ სიამოვნებას, უცებ ამავე სიამოვნებას ჰპოვებს მხოლოდ უმოქმედებაში. მართლაც რომ გასაკვირი მოვლენაა! მაგრამ ეს მხოლოდ პირველის შეხედვით უნდა ვაღვიაროთ, რომ ზოგს მართლაც არა სჯეროდა ეს მოვლენა, და გულწრფელად გაიძახოდნენ აჭა-იქ, რომ ქართველს დასძინებია, მაგრამ ახლოა ის დრო, როცა ხელ-ახლად გაიღვიძებსო. ადრე თუ გვიან გაიღვიძებს ახლა ქართველი ერი, თუ შეიძლება სულაც არ გაიღვიძებს, ეს სულ სხვა გარემოებათაგან არის ახლა დამოკიდებული, მაგრამ ის

კი ცხადია, რომ მას დაეძინა. განა ძილი დაღალვის და დაქანცვის შედეგი არ არის? ჩვენმა პოეტებმა ეს ფაქტი მართლად აღნიშნეს, მაგრამ იმათ ვერ უჩვენეს მისი ნამდვილი მიზეზი.

ამნაირი იყო ჩვენი ერის სულიერი მდგომარეობა, როცა მან მე-XIX საუკუნეში გადმოდგა ფეხი. ამიტომ გასაკვირალი არ არის თვით მე-XIX საუკ. დასაწყისშივე ხალხს თითქმის სრული აპატიუფური მიმართულება დაატყდა. მარტო ომიანობის დაჩვეულმა და ომიანობაში აღზრდილმა ჩვენმა ერმა, როცა ამ ომიანობათა გარეგანი ჯაჭვი შეწყდა, უეცრად დაინახა თავის თავი სრულიად უცნობ მდგომარეობაში: სრულიად უცნობი მშვიდობიანი განვითარებისა, რაც პირდაპირი შედეგები იყო წინანდელ ისტორიულ გარემოებათა, იმან არ იცოდა, თუ როგორ ემოქმედნა ამ ახალს მდგომარეობაში. ეს რომ კერძო და არა საზოგადო მოვლენა ყოფილიყო, მაშინ შესაძლო იქნებოდა, რომ ის აპატია, რომელშიაც ჩავარდა ჩვენი ერი, საყოველთაო მოვლენად არ გადაიქცეოდა. მაგრამ საქმე ის არის, რომ საყოველთაო დაუძლურებას საყოველთაო აპატია მოყვა.

ჩვენი ამ წერილის მიზანი იყო გვეჩვენებინა უფრო ზოგადი მიზანი იმ არასასიქადულო მოვლენისა, რომელიც დღეს ჩვენს ცხოვრებას გარს ახვევია და მასში დატრიალებს, ე. ი. ჩვენი საზოგადოების უფერულობისა, მისი დაწვრილმანების და გათახსირებისა. ვგონებთ, რომ ესლა რამოდენამდე შეგვიძლია აღვნიშნოთ, რომ ამ სოციალური მოვლენის დასაწყისი უსათუოდ უნდა ვეძიოთ ჩვენი ერის აპატიურ მიმართულებაში, რომელიც იმას ძალა-უნებურად უნდა მიეღო. ექვი არ არის, რომ აწინდელს ჩვენს ძველს თუ ახალს თაობას, აღზრდილს ამ გარემოებაში, თუ მასზე სხვა უფრო განმაცხოვრებელ და განმაუმჯობესებელ გარემოებათა არ ექნებოდათ გავლენა, უმთავრესად იგივე მიმართულება უნდა მიეღოთ, როცა იმის წინა-მოდგილეს დაჰყოლოდა. მაშასადამე, წინა პირველი მიზეზი ჩვენი დღევანდელი საზოგადოების უზრუნველყოფისა სძევს იმ საყოველთაო სოციალურ მოვლენაში, რომელიც გამოწვეულ იქნა ეამთა ვითარების გამო. მაგრამ რაც აუცილებელია და საპატიო იყო ჩვენი საზოგადოებისათვის მე-XIX საუკ. დასაწყისში, ის არც აუცილებელი უნდა ყოფილიყო დღევანდელ საზოგადოებისათვის, და კიდევ უფრო, არც საპატიო. ჩვენ ღრმად გვრწამს, რომ ყოველივე სოციალური სენის თუ სრულიად აცდენა, მორჩენა მანც შესაძლებელია: ამაში მდგომარეობს უპირველესი და უდიდესი გარჩევა სოციალურ და ფიზიკურ მოვლენათა შორის. ამიტომაც ჩვენ შესაძლოთ მიგვაჩნია, რომ ჩვენი ესლანდელი თაობა

ასცილებოდა ამ მომაკვდინებულ უზრუნველყოფას და ნამდვილი სამსახური გაეწია საზოგადოებრივ და ეროვნულ განვითარებისათვის, მაგრამ ეს ასე არ მოხდა, და რასაკვირველია, ამასაც აქვს თავისი მიზეზი. ჩვენ ავსურს ჯერ-ჯერობით დაევისახელოთ ზოგიერთი მათგანი.

ევროპის სწავლა-განათლების გავრცელება არა თუ მარტო ევროპის სახელმწიფოებში, არამედ სხვა, ევროპაზე უფრო დაშორებულ ქვეყნებშიაც, შეადგენს მე-XIX საუკ. ერთს უმაღლეს ღირებულებათაგანს. რასაკვირველია, ევროპის სწავლა-განათლებას მე-XIX საუკუნემდეც აქონდა გავლენა სხვა ქვეყნებზე, მაგრამ ფართო გავრცელება ამ სწავლა-განათლებისა მხოლოდ თანამედროვე საუკუნეს დაეტყო ყველაზე უფრო. რაც შეეხება საქართველოს, თუ არ ვიქონიებთ სახეში იესუიტების მოღვაწეობას მე-XVII საუკუნიდან დაწყებულს, იმან მხოლოდ XIX საუკ. იგრძნო რამოდენიმედ თავის-თავზე ამ სწავლა-განათლების გავლენა. მაგრამ, საუბედუროთ, დასაწყისიდანვე შეუძლებელი იყო, რომ ევროპის სწავლა-განათლებას კეთილი ნაყოფი გამოეჩინა ჩვენს საზოგადოებრივ ცხოვრებაში. ამის მიზეზი იყო, ერთის მხრით, ჩენი საზოგადოებრივი მიდამო, რომელშიაც პირველად უნდა აღზრდილიყო ახალი თაობა და რომელიც გონებითი და ზნეობითი აპატიში იყო ჩაყარნილი, და მეორეს მხრით, ჩენი გაცნობა ევროპის სწავლა-განათლებასთან უნდა მომხდარიყო რუსეთის მეოხებით, რომელშიაც ჯერ კიდევ ვერ იყვნენ დამკვიდრებული უმაღლესი საფუძველნი ნამდვილის სწავლა-განათლებისა. აქედან წარმოსდგა ის საყოველთაოდ ცნობილი მოვლენა, რომ ჩენი უკანასკნელი თაობანი, აღზრდილნი ევროპის სწავლა-განათლებით, მოკლებულნი არიან იმ მეცნიერულს მიმართულებას, რომელიც ასულდგმულებს და აცხოველებს ყოველ ქვეყნარტად განათლებულს ადამიანს და რომელიც მოღვაწეობის ასპარეზზე იწვევს მას. ერთი ცუდი საქმე სჭირს სწავლა-განათლებას, თუ ასე შეიძლება გამოვხატოთ თავის აზრი: მე ვამბობ იმ გარემოებაზე, რომ ქვეყნარტ განათლებას ფეხდაფეხ მისდევს ეგრედ წოდებული ცრუ განათლება. ეს ორი მიმართულება სწავლა-განათლები-სა მუდამ არსებობდენ ქვეყნიერებაზე. ცუდი ამ შემთხვევაში ის არის, რომ ამ ორ მიმართულებათა შორის, პირველის უზენდევით, მარჯვე საზღვარს ვერ უჩვენებთ. მხოლოდ ნამდვილი და მკაცრი დაკვირვება და სხვადასხვა ადამიანის მოქმედებათა შესწავლა დაგარწმუნებს თქვენ, რომ ეს და ეს ადამიანი ქვეყნარტი მიმართულებისაა და ესა და ეს კი ცრუისა. უმთავრესი გარჩევა მათ შორის იმაში მდგომარეობს, რომ პირველს თავის

დროის კვლად შეუმუშავებია საზოგადოებრივი იდეალები და იმათ განხორციელებისათვის ზრუნავს და მეორეს კი თავის ცხოვრების მიზნათ მარტო ის გაუხდია, რომ საცაა ბევრი გამოსწიწკნოს, და მხოლოდ იმის კვლევას, რომ აღმოაჩინოს გაყვლეთ-გალღეტის ახალი საშუალებანი. რაც იმავე დროს არ უშლის მას საზოგადოებაში განათლებულთა რიცხვში იყოს. რასაკვირველია, ჩვენ უჩვენეთ მხოლოდ მეტად ზოგადი თვისება, როგორც ერთისა, ისე მეორესი, მაგრამ ვგონებთ, რომ ესეც საკმარისი იქნება, რომ კეშმარტი წარმოდგენა ვიქონიოთ როგორც პირველზე, ისე მეორეზედაც.

ეხლა გადავიდეთ თვით ჩვენი მოწინავე საზოგადოების მოქმედებაზე და მის სამსახურზე საზოგადოებრივ განვითარებისადმი და საზოგადოთ განვიხილოთ მისი მოღვაწეობა 1840-1850 წლებიდან, როგორც წარსულში, ისე აწმყოშიაც. რა შექმნა ან რა სამსახური გაუწია ჩვენმა მოაზრე საზოგადოებამ ჩვენი ერის სოციალურ განვითარებას? ამ წერილის შემდეგ პქკარებს ჩვენ ვუძღვნით ამ კითხვის განმარტებას.

იყო დრო, როცა დიდ ყაყანში და მსჯელობაში შედიოდნენ იმის შესახებ, თუ რომელი თაობა უფრო ემსახურებოდა უმაღლეს დანიშნულებას, ძველი ანუ უსაფუძლოდ წოდებული „თერგ-დაღეულები“ თუ დღევანდელი ახალი თაობა? დაწვრილებით ამ კითხვის გარჩევაში ჩვენ ვერ შევედით, რადგანაც ამნაირი გარჩევა ჩვენს დანიშნულებას არ შეადგენს. აქ უნდა შევნიშნოთ მხოლოდ, რომ ამნაირი საკითხის დასმა უადგილო და აჩქარებული უნდა ყოფილიყო, რადგანაც თვით ახალ თაობამ თითქმის სულ ვერაფერში იჩინა თავის თავი და ვერ დაიშახურა ის ღირსებაც. რომ ახალ თაობად აღიარებული ყოფილიყო ჩვენს მწერლობაში. ერთი სიტყვით, თუ მართლა დღევანდელ თაობაზეა ლაპარაკი, ეს მხოლოდ იმას უნდა ეხებოდეს, რომ ის, როგორც ახალი თაობა, შემტანელი ცხოვრებაში და მწერლობაში რაიმე ახალი მიმართულების ან ახალი იდეალებისა, რომ ის, როგორც თაობა ამ მნიშვნელობით არ არსებობს *). ჩვენში თუ მოქმედებს და სულდგმულობს რამოდენიმედ კიდევ—ეს ისევე 60-იან და სამოცდაათიან წლების თაობა. ახალმა თაობამ ვერც მის მოქმედებაში და ვერც იმის იდეალებში თუ კი მას ჰქონდა რაიმე იდეალები, არა თუ ვერა-

*) აქ ჩვენ არ გვაქვს სახეში ის მცირედი ნაწილი სოფლის ინტელიგენციისა, რომელსაც სოფლის მასწავლებლები შეადგენენ და რომელიც ამ შემთხვევაში დიდი ყურადღების ღირსია. რადგანაც ის თავის მიმართულებით, იმ განათლების შესაფერად, რომელიც მას მიუღია ბევრად მაღლა სდგას იმ ინტელიგენციაზე, რომელზედაც ეხლა საუბარი გვაქვს და რომელსაც უმაღლესი განათლება მიუღია.

ფერი ცვლილება ვერ შეიტანა, არამედ თვით ამ მოქმედებასაც ვერაფერი კვალი დააჩინა. აი რით აღნიშნა თავის არსებობა ახალმა თაობამ. ამისათვის ჩვენი მწერლობის ეპოქებად დაყოფა და იმათ წარმომადგენლად ქველ და ახალ თაობათა დასახელება, უსაფუძვლოთ მიგვაჩნია. შეიძლება პირდაპირი გაკიცხვა დღევანდელი ჩვენი მოწინავე საზოგადოებისა, რომლის უფერულობა და დაწვრილმანება ჩვეულებრივ მოვლენას შეადგენს ჩვენს საზოგადოებრივ ცხოვრებაში.

ჩვენ უკვე ვაღიარეთ, რომ ჩვენს მწერლობას ოცდაათის წლის განმავლობაში თითქმის არავითარი ცვლილება არ გამოუცდია, არავითარი ახალი მიმართულება არ დაბადებულა მასში, რომ მით მას დაეწყოს ახალი ეპოქა. ახლა თუ ფაქტიურ მხარეს მივაქცევთ ყურადღებას, მაშინ უფრო დავრწმუნდებით ამ შეხედულების სიმართლეში და ამასთანავე ქველი თაობის სასარგებლოდაც. ყველამ ვიცით, რომ ჩვენმა მწერლობამ იწყოს სულდგმულობა 60-ან წლებში. „ცისკარი“ (1857-1874), „საქართველოს მოამბე“ (1863 წ.) „დროება“ (1866-1884), „მნათობი“ (1869-1872 წ.), „სასოფლო გაზეთი“ (1868-1880 წ.) და „კრებული“ (1870-1873 წ.) იყვნენ ნამდვილი შვილნი სამოციან წლებისა და თავის შედარებით ფართო პროგრამით და დანიშნულებით მრავალ სასარგებლო და საკირო კითხვებს აღძრავდენ და არჩევდენ თავის დროის დაკვალიად; მით უფრო ითქმის ეს იმათ შესახებ, რომ მაშინ მწერლობის საქმე მხოლოდ იბადებოდა ჩვენში, და ცხადია, რომ ის ყველა ჩვენი ცხოვრების კითხვებს ვერ შემოეკლებოდა და ვერ აღნიშნავდა; მაგრამ ახლანდელი ჟურნალ-გაზეთობა რომ მიუყენოდ იმას; გვერდით, ჩვენ ცხადათ დავინახავთ, რომ სამოციან წლების ჟურნალ-გაზეთობა ბევრად მალლა იდგა აწინდელზე, როგორც თავის განზრახვით, ისე შინაარსითაც. აწინდელი ქართული ჟურნალ-გაზეთობა რას წარმოგვიდგენს ჩვენ? ნუ თუ ახალმა თაობამ ვერ აღზარდა ერთი პიროვნება, რომ მას მის თავზე ედგა ერთი დროგამომშვებითი ლიტერატურული ან სამეცნიერო გამოცემა? შეიძლება ფიქრობენ ჩვენი ახალი წარმომადგენლები, რომ ჩვენთვის ეს ჯერ უდროვო არისო, მაგრამ ეს ვერაფერი გამართლება არის თავისა, გარდა იმისა, რომ ეს გამართლება ახალი თაობის სისუსტეს და უღონობას ამტკიცებს. სამოციანი წლების თაობა იმით მაინც იდგა მალლა, რომ სცადა თავის თავი და აგრეთვე რამოდენიმედ საზოგადოებრივი ცხოვრება. რასაკვირველია, იმის შესამჩნევი ნაკლულევიანება იმაში მდგომარეობდა, რომ იმან თითქმის პირველს ბრძოლაში სცნო თავის თავი დამარცხებულად. ამით აიხსნება მოკლე არ-

სებობა: „საქართვე. მოამბისა“, „მნათობისა“ და „კრებულისა“. ეს ფაქტი აგრეთვე იმის მოწამეც არის, რომ მაშინდელი თაობაც ვერ იყო აღქურვილი საზოგადოებრივი იდეალებით, რომ იმის მოღვაწეობის ძალა ვერ იყო კიდევ გამჯდარი ძვალსა და რბილში. მაგრამ თუ მაშინდელი თაობის ძვალს და რბილში ვერ იყო გამჯდარი მოღვაწეობის ძალა, აწინდელ თაობის საზოგადოებრივ მოღვაწეობის ძალაზე კი სრულებით მეტია ლაპარაკი. გადავევლოთ ეხლა თვალი, რით ისახელა თავი კიდევ სამოციან წლების თაობამ.

შესანიშნავი ხელოვნური ანუ მხატვრობითი ნაწარმოებნი ჩვენი მწერლობისა უსათუოდ ეკუთვნის სამოციან წლების თაობასვე. „სურამის ციხე“ კონჭაძისა, „კაცია-ადამიანი“?! და „გლახის ნაამბობი“ ილ. ჭავჭავაძისა. რომლებიც ჩვენს მწერლობის შესანიშნავ განძს შეადგენენ; „სოლ. ის. მეჯღანუაშვილი“ არდაზიანისა, „დიდი მოურავი“ ან. ფურცელაძისა და სხვ. მრავალი ნაწარმოებნი, როგორც ნაჩვენებ მწერალთა, აგრეთვე სხვებისაც ამ თაობისაგანვე არიან შექმნილნი. აბა ეხლა ვიკითხოთ, თუ რას ეხედავთ ამ მხრივ ახალი-თაობის ნაწარმოებთა შორის. ჩვენ ამდენი ხანია თვალყურს ვადევნებთ ამ ახალ თაობის ნაწარმოებთ. მაგრამ იმათ შორის, საუბედუროთ, ვერ შეგვეძლო, რომ შეგვეჩინა რომელიმე მხატვრობითი ნაწარმოები და გვეთქვა, რომ აი სწორეთ ეს არის ნამდვილი ქმნილება, რომელსაც მით დაემსახურებია არა მარტო დღიური, არამედ უფრო მეტი ვნიშენებომა. ამათ მაგიერ ჩვენ ეხედავთ ეხლა რაღაც სუსტს მოთხრობის მსგავს ნაწერებს, რომლებიც არა თუ მოკლებული არიან ხელოვნურ და მხატვრობით თვისებათ, რაც უნიჭობის საბუთია, არამედ თვით ცხოვრების სინამდვილესთან ძლიერ დაშორებულნი არიან. ამ ნაირად აწინდელი ბელეტრისტული მწერლობა შესამჩნევად დაწვრილმანდა. ამასვე ეხედავთ ჩვენ პოეზიაშიც. მაგრამ ამაზე ჩვენ მეტს აღარ გავჩერდებით, რადგანაც ეს ნაკლი უფრო თვალსაჩინოა.

მაგრამ შეიძლება, თქვენ გგონიათ, რომ რაკი ამაში ვერ იჩინა თავი ახალმა თაობამ, უსათუოდ იმან თავის მიდრეკილება გამოიჩინა სხვა მხრივ, მაგალითად, პუბლიცისტიკაში, მეცნიერებაში, ისტორიაში და სხვ. მაგრამ ჩვენ უკვე ვიცით, რომ ჩვენი აწინდელი ჟურნალ-გაზეთობა მეტის-მეტად დაცემულია და, მაშასადამე, პუბლიცისტიკაც ამნაირსავე მდგომარეობაშია, რადგანაც ეს უკანასკნელი ჰყოცხლობს მხოლოდ პირველით. რაც შეეხება მეცნიერებას, ამის თვით ხსენებაც აღარ არსებობს თანამედროვე მწერლობაში, და არა თუ რაიმე მეცნიერული გამოცემის დაარ-

სება, არამედ თვით განზრახვაც ამის შესახებ არაეის დაბადებია თავში. სამოციან წლების ღირსებას ის გარემოებაც მოწმობს, რომ მოკლე დროს განმავლობაში მაინც არსებობდა ორი ჟურნალი მეცნიერულის პროგრამით: „საქართველოს მოამბე“ და „მნათობი“. პუბლიცისტურ ელემენტსაც საკმარისი ალაგი ეჭირა მაშინდელ მწერლობაში. არ შეგვიძლია ამ მოვლესენით ამ შემთხვევაში ბ. ან. ფურცელაძის მოღვაწეობა „ცისკარში“ და „მნათობში“, რომლებშიაც მრავალ კრიტიკულ-პუბლიცისტურ წერილები იბეჭდებოდნენ თანამედროვე ცხოვრების შესახებ. აწინდელი მწერლობა ამ ელემენტსაც მოკლებულია: ჩვენ ვკმარობდით მარტო პოლიტიკური ბიულეტენის მსგავს აღნუსხვით სხვადასხვა მოვლენათ; არც ერთი მოთხოვნილება ჩვენი ერისა, ვერც ერთი სოციალური მოვლენა მისი ცხოვრებისა ვერ პოულობს ვერაფრითარ თანაგრძნობას აწინდელ თაობაში, რომელსაც მართლაც რომ გათახსირებული ცხოვრება გარდაქმენა იდეალად და მას შეტრფის და ეალერსება. ჩვენს გათახსირებულს გმირებს შეუძლიათ თავის გასამართლებლად სთქვან, რომ თანამედროვე დროს არავითარი ახალი მოთხოვნილება არ დაუბადებია ჩვენს ერში და არავითარი სოციალური სენიც არ არსებობს, რომელიც წამალს თხოვლობდეს, რომ ყოველივე სწარმოებს კეთილად. მაგრამ ამნაირი ცილისწამება გამართლება არ არის. წარმოვიდგინოთ, თუნდ რომ მართლაც ახალი მოთხოვნილება არაფერი გაჩენილა ჩვენს ერში, რომ მას გათახსირებულის გმირის შეხედულებით არავითარი სოციალური სენიც არ აწესებს, რაც მარტო გათახსირებულთ შეუძლიათ, რომ წარმოიდგინონ, რომ განა ამ შემთხვევაშიც გასამართლებელი იქნება ჩვენი თანამედროვე თაობის საქციელი? თუ ჩვენი ერის ცხოვრებაში არავითარი ახალი მოთხოვნილება არ დაბადებულა ამდენი ხნის განმავლობაში, განა მარტო ეს მოვლენა, თუ კი ეს მართლა ასეა, ჩვენი ახალი თაობის უყურადღებობას და გულგრილობას არ ამტკიცებს? განა ეს იმის მოწმე არ არის, რომ ჩვენი აწინდელი თაობა თავის წმინდა მოვალეობას ფეხებით ვჯეკნის და სერის? — ყველგან და ყოველთვის ასე ყოფილა, რომ ხალხის მცირედი ნაწილი, რომელიც მის მოწინავე ნაწილს შეადგენს, ე. ი. ინტელიგენცია, რომელიც აგრეთვე ყოველთვის ახალი თაობისაგან შესდგება უმეტესად, აღვიძებდა ხალხის საზოგადოებრივ ცნობიერებას. მეცადინეობდა რომ დაეზადა ხალხში ახალი გონებით და ზნეობით მოთხოვნილებანი და მით ხელი შეეწყო საზოგადოებრივ განვითარებისათვის და დახმარებოდა პრო-

ჯრესის განხორციელებას თავის ერში. აი ამაში მდგომარეობს უმაღლესი დანიშნულება ერის იმ მცირედი ნაწილისა, რომელსაც ინტელიგენციალ ახადიან.

ებლა იკითხავთ, როგორ ასრულებს ამ უმაღლეს დანიშნულებას ჩვენი ქართველი ინტელიგენცია? სამოციან და სამოცდაათიან წლების ინტელიგენციას ჩვენ ეხლა აღარ ვეხებით: რაც იყო წავიდა, ის დრო ჩვენთვის დაუბრუნებელია; ჩვენი ინტერესი ეხლა მიქცეულია თანამედროვე თაობისაკენ, რომელსაც რამოდენიმედ უკვე ვიცნობთ. ვეცდებით ამ მხრივაც უფრო მართალი წარმოდგენა ვიქონიოთ იმაზე. საუბედუროთ, ჩვენ უნდა ვალიაოთ, რომ ჩვენი ერის წინაშე არავითარი სამსახური არ მიუძღვის ჩვენ აწინდელ თაობას, რომ ამ უკანასკნელს სრულიად დავიწყებია თავის წმინდა მრავალეობა-სამსახური ერისადმი და გულგრილად შესცქერის მის აეკარგიანობას. რომ ჩვენი აწინდელი ინტელიგენცია სრულებით არ ცდილობს რომ რაიმე უმაღლესი გონებითი და ზნეობითი მოთხოვნილება დაჰბადოს ჩვენს ერში, ეს, ჩვენ გვგონია, რომ ყველასათვის ცხადია. მაგრამ უბედურება ის არის, რომ არა თუ ახალ მოთხოვნილებათა დასაბადებლად არ ზრუნავს ჩვენი ინტელიგენცია, არამედ თვით ის მოთხოვნილებანი, რომლებიც ხალხში უკვე არსებობენ დავიწყებული და სრულს თვითნებობას მიცემულნი არიან. ავიღოთ, მაგალ., ის ყველასათვის თვალსაჩინო ეკონომიური ცვლილება, რომელიც გამოწვეული იქნა 1861 წ. 19 თებერვლის მანიფესტით და რომელმაც სხვადასხვა ურთიერთობითი განწყობილება დაჰბადა ორ უმთავრეს წოდებათა შორის. ამ ეკონომიური ცვლილებისაგან მრავალი მოთხოვნილებანი იქნენ გამოწვეულნი, როგორც თავდაზნაურობაში, ისე გლეხკაცობაშიაც, რომლებმაც მრავალ ეკონომიური განწყობილებანი დაჰბადეს და დღემდის ჩაგრავენ და აბრკოლებენ ჩვენი ერის წინმსვლელობას. და აბა ეხლა დამისახელოთ ერთი ვინმე, რომელსაც შეესწავლოს და გამოეკვლიოს ეს ეკონომიური უთანხმოება, რომელიც სულ უფრო და უფრო ახალ ფესვებს იდგამს. როგორც ეს საზოგადოებრივი მოვლენა, ისე სხვა მრავალი საჭირო მოთხოვნილებანი, რომლების ჩამოთვლას ჩვენ ახლა არ ვკისრულობთ, რჩებიან ისე შეუუმჩნევლად ვითომც არ არსებობდნენ სრულებით. მაგრამ მოვა დრო, როცა ამ უზრუნველობის მწარე შედეგნი და დაყოფანი თავისას იზამენ, როგორც მაგალითებრ ყაჩაღთა და ავაზაკთა ბრბონი ჩვენს დროში, მაგრამ მერე, თუ გინდ ძლიერ მოვინდომოთ, გვიანლა იქნება დახმარება. რა იყო ეხლა უკვე გამჭრალ ხალხთა გადაშენების და მოსპობის უმთავრესი მიზეზი;

თუ არა ისა, რომ შინაგან საქმეთა მიმდინარეობამ იმნაირი მიმართულება მიიღო, რომ ერთს არ ესმოდა, როგორ იჩაგრებოდა მეორე, ე. ი. ხალხი იელიტებოდა, იჩაგრებოდა და ამ უდიდეს უბედურებაზე კი არავინ ზრუნავდა და ფიქრობდა. რასაკვირველია, როცა ამნაირ მდგომარეობაშია ერი, მაშინ იმის აღმოსაფხვრელად საკმარისია გარეგანი მოულოდნელი და უბედური შემთხვევა, რომ მან უეცრად დალიოს თავისი დღენი.

ამნაირად ჩვენი ერის აწინდელი მდგომარეობა ჩვენთვის სრულიად უცნობი რამ არის. მაგრამ ეხლანდელი მდგომარეობის ცოდნა თუ ამნაირია, წარსულის რაღა იქნება?

ყველასათვის ქეშმარიტებას შეადგენს ის, თუ როგორ სასარგებლოა ერის ცხოვრებაში მისი წარსულის საფუძვლიანად ცოდნა, მიუფერებელი ცოდნა მისი ავკარგიანობისა წარსულ დროთა და ვითარებათა განმავლობაში. ჩვენი წარსულის ცოდნა შეცდომილებას წარმოგვიდგენს. შეცდომილებას მე იმიტომ ვამბობ, რომ ქართველებს საზოგადოთ ერთი სენი გვქირთ. ეს სენი იმაში მდგომარეობს, რომ მწერალს რაზედაც უნდა იმაზე შეუძლია ილაპარაკოს და ამასთანავე არავისი ყურადღება არ მიიქციოს თავისკენ; მაგრამ თუ იმან ჩვენს წარსულზე დაიწყო ბაასი, მაშინ ყველას ყურადღება მისკენ არის მიქცეული და ვაი მის დღეს და იღბალს, თუ მიუფერებლად დაიწყო მსჯელობა. იმან წინდაწინვე უნდა იცოდეს, რომ რაიმე საკითხების გამოაშქარავებისათვის წარსულ ცხოვრებაში საზოგადო სიძულვილს დაიმსახურებს, და ეს კიდევ არაფერი, თუ ამ სიძულვილს მეტი არაფერი მოყვა... არ ვიცი, ეს თუ სხვა გარემოებაა იმის მიზეზი, რომ ჩვენი წარსული ცხოვრების შესწავლის საქმემ ვერც იოტის ოდნადაც ვერ წაიწია წინ. ჩვენ ვწიშობთ, რა დაემართებოდა ჩვენ ისტორიის შესწავლას, თუ რომ ამ საუკუნის დასაწყისიდან უცხოელებს, უმეტესად ფრანგებს არ დაეწყოთ ჩვენი ისტორიის შესწავლა? და აბა გაშინჯეთ, თუ ვის უშრომია ჩვენი ისტორიის წყაროების შესასწავლად და მასში რაიმე ნათელის მოძვენისათვის: მ. ფ. ბროსე, ვ. ს. მარტენი, ფრ. ლერორმანი, უ. გატტერიასი, დიუბუა დ. მონპერი, თ. მომზენი, პ. კ. უსლარი, ფ. ბაიერნი, ი. შოპენი და მრავალნი სხვანი აი ვინ ურომობდნენ და იღვწოდნენ ჩვენი ისტორიისათვის. დაგვჩენია ერთად-ერთი დ. ბაქრაძე, რომლის უმთავრესი და უკანასკნელი ნაწარმოები „ისტორია საქართველოსი“ სულ მთლად აშენებულია ნაჩვენებ მკვლევართა ნაღვაწზე. ნუ დავივიწყებთ ამასთანავე, რომ განსვენებული ბაქრაძე იყო მხოლოდ არქეოლოგი და ამიტომაც ისტორიული ფაქტების ნათელის მოფენა არ შეეძლო, და თუ

საქართველოს ისტორიის წერა დაიწყო; ეს მხოლოდ იმიტომ, რომ ერთ-
 უბრალო სახელმძღვანელოსაც ვერ ჰხედავდა ჩვენში სამშობლოს ისტო-
 რიის შესასწავლად, ერთი სიტყვით, ის იძულებული შეიქნა, რომ არქეო-
 ლოგიიდან ისტორიკოსი გამხდარიყო. ამ ძალა-უნებრობის ბეჭედი ცხადად
 ატყვია მის უკეთეს თხზულებას „საქართველოს ისტორია“.

ამნაირად ჩვენ ვხედავთ, რომ ჩვენი წარსულის შესწავლის შესახე-
 ბაც თითქმის არაერთიანი ღვაწლი არ მიუძღვის ჩვენს ინტელიგენციას;
 იგივე ითქმის ეტნოგრაფიულ და გეოგრაფიულ ცნობებზედაც ჩვენ მზა-
 რეზე; რაზედაც ქართველ კკუას არა თუ არ უმუშავია, არამედ არც ფიქ-
 რად მოსვლია. ამ ცნობების მნიშვნელობის შესახებ, ვგონებ; აქ მეტი იჭ-
 ნებოდა საუბარი. რაც ქმნილა ყველა ამის შესახებ, ეს მარტო უცხოელთა
 მიერ; მაგრამ ამ უკანასკნელთა ნაშრომნი და ნაღვაწნი დაწერილნი არი-
 ან უცხო ენებზე და დაცულნი იმნაირ სპეციალურ გამოცემებში, რომ-
 ლებიც იშვიათად და ძნელი მოსაპოვებელია მსურველთათვის. ყრველ
 საქმეში გულგრილმა ჩვენმა საზოგადოებამ ამ საქმეშიაც თავისი თვისება
 გამოიჩინა, და ჩვენ ვხედავთ, რომ არც ერთი იმ ნაწარმოებთაგანი ქარ-
 თულს ენაზე არ არსებობს, მაშინ, როდესაც უწინ მოთხრობების და კომე-
 დიების თარგმნას საზღვარი არა აქვს.

ჩვენ მოვიხსენიეთ უცხოელთ ღვაწლზე ჩვენი წარსულის შესახებ,
 რომლებმაც მართლა დიდი ამაგი დასდევს ჩვენი ისტორიისათვის; მაგ-
 რამ ჩვენ უნდა ვიცოდეთ, რომ უცხოელებს აინტერესებდა არა თვით ის-
 ტორიული მსვლელობა ჩვენი წარსული ცხოვრებისა, არამედ იმათი ყუ-
 რადლება, როგორც სპეციალურ ნასწავლთა, იყო მიქცეულს სხვადასხვა
 კერძო მეცნიერებათაკენ, როგორც არიან, მაგალითებრ ლინგვისტიკა, არ-
 ქეოლოგია, მითოლოგია და მრავალნი სხვანი. (მარტო ბ. ბროსსეზე არ
 ითქმის სულ ეს ასე). აქედან ცხადია, რომ ჩვენი ისტორია, როგორც სრულ-
 ლი და დამთავრებული სურათი ჩვენი წარსული ცხოვრებისა, დღემდის ვერ
 არსებობს. პრაგმატიკული ისტორია თუ ჯერ კიდევ სრული და დამთავ-
 რებული არ არის, კულტურული ისტორიის კი ჯერ ხსენებაც არ არის *).
 მაგრამ კულტურულ ისტორიასთან რას მიხვალთ. აიღეთ ჩვენი ძველი
 მწერლობა, რომელიც ქებით თითქმის ცამდის არის აყვანილი. განა თქვენ
 შეგიძლიათ რაიმე წარმოდგენა იქონიოთ მასზე? განა თქვენ შეგიძლიათ
 რამოდენიმეთ მაინც გაიცნოთ იგი? ნამდვილი გამოცდილება გვეუბნება,

*) აწ უკვე განხილულს დ. ზ. ბაქრაძეს, როგორც სიანს მისი სიტყვებიდან (იხ. „ისტ-
 საქართვ.“ წინასიტყვაობა), განზრახვა ჰქონდა დაეწერა კულტურული ისტორიაც.

რომ ეს შეუძლებელია და აი რათა: მწერლობის გაცნობა ანუ შესწავლა იმაში კი არ მდგომარეობს, რომ ყველა მანუსკრიპტები, გუჯარები და სხვა ძველი ნაშთები გადაშინჯოთ. არა, ამისათვის საჭიროა მხოლოდ, რომ ბჭვენ იცოდეთ რომელიმე მწერლობის იდეათა განვითარება, რადგანაც ერთი ნასწავლის სიტყვებით, ლიტერატურის ისტორია წიგნების ისტორიაში კი არ მდგომარეობს, არამედ ლიტერატურის ისტორია წარმოგვიდგენს იდეათა ისტორიას. ამნაირად შედგენილ სახელმძღვანელოს ძველი მწერლობის შესასწავლად ჩვენ აბა. სად ვნახავთ და არა თუ ძველისას, არამედ ამ მე-XIX საუკუნის მწერლობის შესახებაც არავითარი წყარო არ მოგვეპოვება, რომ რამოდენიმედ მაინც ვიჭონიოთ რაიმე ნაირი წარმოდგენა ამ უკანასკნელი დროის ლიტერატურულ მსვლელობაზე და მის მიმართულებაზე არ არსებობენ აგრეთვე უბრალო ბიბლიოგრაფიული ცნობებიც, არც ძველს მწერლობაზე და არც ახალზე. რას მივაწეროთ ამის მიზეზი? მასალების უქონლობასო და უსრულობასო, გვიპასუხებენ ჩვენი ცაგარლები, თაყაიშვილები, ჟორდანიები და სხვ. მაგრამ როცა ჩვენი ცაგარლები, ჟორდანიები და სხვ. დიდის ამაყობით გაიძახიან, რომ ჩვენისთანა ძველი მწერლობა არც ერთს ერს არ ჰქონიაო, მაშასადამე, სჩანს, რომ წყაროები საკმარისად უნდა ჰქონდეთ, რომ ამნაირი დასკვნა გამოვიყვანოთ, წინააღმდეგ შემთხვევაში იმათი დასკვნაც ყალბი იქნებოდა. არა, თ. ჟორდანიას არ იყოს, სანტიმეტრით ზომვით ჩვენ საქმეს ვერ გავაკეთებთ და არც ცაგარელებისთანა მკვლევარნი არიან გამოსაყენებელი ჩვენი ისტორიაში ნათელის მოჭვენისათვის. ახლა კი ჩვენი წარსული ცხოვრება და მწერლობა რაღაც საიდუმლოებით არის გარემოცული და შეიძლება, რამოდენიმე ბედნიერთ ნება ჰქონდეთ, რომ იმის ცოდნით დასტკბენ, უბრალო ადამიანებისათვის კი დახშულია ამ საიდუმლოების კარი! მაგრამ ვაი იმისთანა ცოდნასაც, რომელიც საიდუმლოებას ვერ მოშორებია! ამისთანა ცოდნა მხოლოდ სრულს უცოდინარობას ამტკიცებს.

ამნაირია ჩვენი საზოგადოებრივი საქმეთა მიმდინარეობა! ამას წარმოგვიდგენს ჩვენი ეროვნული განვითარება! ჩვენ შეგვეძლო გვეჩვენებინა კიდევ სხვა მრავალი მოვლენანიც, რომლებიც ცხადათ ამტკიცებენ ჩვენი ინტელიგენციის სრულ უზრუნველყოფას და გაქვეავებულ გულგრილობას ამ წმინდა მოვალეობისადმი.

...ხელ ახლა უბრუნდებით იმ კითხვას, რომელიც ჩვენ დავსვით ამ წერილის თავში. რა არის მიზეზი ჩვენი ეხლანდელი თაობის უზრუნველო-

ბისა და გათახსირებისა? ჩვენ რამოდენიმედ ვცდილობდით გამოგვეკვია, რომ ისტორიულ ჩარხის ბრუნვამ მე-XIX ს. დასაწყისში ჩააგდო ჩვენი საზოგადოება საზარელ უმოქმედებაში, უზრუნველობაში; ეს იყო იმნაირი მდგომარეობა, რომელსაც სრული აპათიური ხასიათი ატყვედა, და რომელიც ამასთანავე დამოკიდებული იყო გარეგანი გარემოებათაგან. ამ მხრივ მაშინდელი საზოგადოება შთამომავლობის წინაშე არავითარ პასუხს არ აგებს. მაგრამ რა ეთქმის ეხლანდელს ჩვენს თაობას, თუ მასაც ეყოლება თავის შთამომავლობა? რაც გასამართლებელი იყო მე-XIX საუკ. პირველ ნახევარში, იმან დაჰკარგა თავის მნიშვნელობა ამავე საუკუნის დასასრულში. შეიძლება, ჩვენმა თაობის წარმომადგენელმა წამოსწიონ თავი და თავიანთ მოქმედების გასამართლებლად სხვა მიზეზებიც დაასახელონ. ჩვენ სიამოვნებით მოვისმენთ იმათ ლაღადებას თავის დაცვაზე: მაგრამ საუბედუროთ ამ „აბლაკატურ“ დაცვაში ჩვენ ვერაფერ საყურადღებოს ვერ ვიპოვივთ, გარდა „პრაქტიკული საუკუნის“ უშინაარსო მკერმეტყველებისა, რომელიც მხოლოდ იქ გამოდგება, სადაც მართალს ამტყუნებენ და მტყუნან კი ამართლებენ. მაგრამ შთამომავლობა თუ მოყვა ამ ჩვენს გათახსირებულს თაობას, ის, დარწმუნებული ვართ, ისე ჰკუაზე სუსტი აღარ იქნება, რომ ამნაირმა წმინდა „აბლაკატურმა“ მკერმეტყველობამ მოატყუილოს. არა, მომავალი შთამომავლობა უფრო სარწმუნო საბუთებს გამოძებნის და გამოაქვეყნებს აწინდელი ჩვენი თაობის გასაცეცხავად. იგი იტყვის, რომ მაშინდელი (ჩვენებურად აწინდელი) საზოგადოების უზრუნველობის და წმინდა მოვალეობის სრულიად დაივიწყების მიზეზი იყო იმ თაობისავე განათლება; რომელიც მოკლებული იყო კაცობრიობის უმაღლეს იდეალებსა. იგი სამართლიანად იტყვის, რომ მაშინდელმა თაობამ ზურგი შეაქცია საზოგადოებას და პიროვნების პირდაპირ დანიშნულებას; ნათელი, ჰეშმარიტება, სიმართლე, განათლება; კანონი, უფლება, თავისუფლება ფეხქვეშ ამოიღეა და უსირცხვილოდ და ამაყად დაიწყო იმათ წინააღმდეგ მოქმედება; ძველი მამა-პაპური ტრადიციები დაივიწყა და ახალი თანამედროვე ჰეშმარიტი იდეალები ვერ შეიძინა და ეერ შეითიესა; ამ ჰეშმარიტი იდეალების მაგიერ მაშინდელმა - ინტელიგენციამ“ თავის თავიანისაცემლად გაიხადა იმავე „პრაქტიკული უპოქის“ ცრუ იდეალები, რომლებიც პრაქტიკულ ცხოვრებაში ძლიერ გამოსადეგნი გამოდგნენ თანამედროვე „ბულანყისტებისათვის“ იმათ მიერ მოტყუებულ და გაყვლეფილ საზოგადოებაში. ამასთანავე მომავალი საზოგადოება შენიშნავს აწინდელ ჩვენს საზოგადოებაზე, რომ ამნაირი

მოვლენა მაშინ კერძო მოვლენას კი არ წარმოადგენდა, არამედ ის იყო საყოველთაო და გამჯდარი მთელი საზოგადოების ძეალსა და რბილში. ამისათვის მას ექნება სრული უფლება, რომ შემდეგი დასკვნა გამოიყვანოს ჩენი აწინდელი ცხოვრების ანალიზიდან: დარღვევა ძველი საზოგადოებრივი და კულტურული ფორმებისა და მათ მაგიერ ახლების განწყობილება, მოულოდნელი შერყევა და შეცვლა სხვადასხვა გონებითი და ზნეობითი რწმენათა და შეხედულებათა, რომლებიც დამყარებული იყვნენ ცხოვრების ხანგრძლივ ტრადიციულ მიმდინარეობაზე, და მათ მაგიერ რწმენათა და შეხედულებათა ანუ ახალ ქეშმარიტ იდეალთა სრული დაუმკვიდრებლობა,—ესე იგი სრული გონებრივი და ზნეობრივი ანარქია. უთაურობა, აი მოკლედ რომ ვსთქვათ, რას წარმოგვიდგენდა მაშინდელი საზოგადოება.

მაგრამ სულით თუ არა, ხორციით ჩვენ ახლა ამ გათახსირებულს საზოგადოებას ვეკუთვნით. ჩვენ დარწმუნებული ვართ აგრეთვე, რომ ყოველთვის და ყოველგან საზოგადოების ამნაირ გათახსირებას, დაწვრილმანებას, უზრუნველობას საზოგადოებრივ განვითარებისადმი და კეთილდღეობისადმი ე. ი. შინაურ საქმეთა მიმდინარეობის და განუწყობლობა გაფაციცებას მოყვებოდა იმნაირი შედეგი..., რომლის მარტო მოგონება ყოველ ქეშმარიტ ადამიანს ზარს დასცემს! ამისათვის, თუ კი ჩვენ რამოდენიმედ მაინც გესურს ამ საზარელი და საშიშარი შედეგის აცილება, ჩვენ მოვალეობას შეადგენს ამ ცრუ გზის და მიმართულების სრული უარყოფა და შეძლებისდაგვარად, ხელის შეწყობა და სამსახური საზოგადოებრივ და პიროვნულ განვითარებისადმი და კეთილდღეობისადმი. ნუ დავივიწყებთ აგრეთვე ერთი მეცნიერის სიტყვებს, რომელიც ამბობს, რომ „დამოუკიდებლობა ფეხ-და-ფეხ მისდევს განათლებას“.

ფ. მახარაძე.

ვარშავა,
31 დეკემბერი, 1891 წ.

დამატება II

აბრარული საკითხი. 61)

რა ნაირად მოხდება ჩამორთმეული მიწების გლეხებს შორის დაყოფა-დანაწილება? ესე იგი, მიწისმფლობელობის რა გვარი ფორმა უფრო მოსალოდნელია რომ შემოღებულ იქნას საზოგადოებრივი, ე. ი. თემური, მუნიციპალური, თუ მოსალოდნელია სრული ნაციონალიზაცია ანდა წვრილ მესაკუთრეთა შორის განაწილება ჩამორთმეულ მიწებისა?

აი ის მთავარი კითხვები, რომლებიც აინტერესებენ დღეს არა მარტო პოლიტიკურ მოღვაწეებს, არამედ ყველა ცოტათ თუ ბევრად შეგნებულ ნკითხველებს. ვერავინ ვერ უარყოფს, რომ ყველა ამ კითხვების გადაწყვეტის დროს საჭიროა რაც შეიძლება დაწვრილებით შესწავლა და გაცნობა დღევანდელი სინამდვილის, დაფასება და აწონ-დაწონვა ყველა კონკრეტულ პირობების, რომლებშიაც იმყოფება ჩვენი ეკონომიური და სოციალური ცხოვრება როგორც სოფელში; ისე ქალაქში. კერძოდ განსაკუთრებული ყურადღება უნდა მიექცეს, როგორც არსებულ მიწამფლობელობის ფორმას თუ მიწების ფაქტიურ განაწილებას საზოგადოების სხვადასხვა კლასებსა თუ წოდებათა შორის, ისე თვით სამეურნეო ტენენიკას, მიწის დამუშავების წესს, სისტემას, ერთი სიტყვით, ყველა იმ ფაქტორებს, რომლებიც ახასიათებენ დღევანდელ ჩვენ მეურნეობას. მხოლოდ ასეთ შესწავლას და ასეთ გაცნობას შეუძლიან გვიხსნას ჩვენ შეცდომებისაგან იმ მეტად სერიოზულ კითხვების გადაჭრის დროს, რომლებიც ჩვენ ზევით მოვიხსენიეთ. მეტია იმის განმეორება, რომ ყოველგვარ პრაქტიკულ ზომას უწინარეს ყოვლისა თვით ცხოვრებაში, თვით სინამდვილეში უნდა ჩქონდეს ნიადაგი მომზადებული. საკმარისი არ არის მარტო კარგი სურვილი და საუკეთესო ზომების გამოგონება. მხოლოდ ისეთი სურვილის განხორციელება შეიძლება, რომელსაც ობიექტიური პირობები ანუ სინამდვილე ხელს უწყობს.

ამ წიგნსაც სწორედ ამ სინამდვილის შესწავლა და გაცნობა აქვს მხედველობაში. აბრარული კითხვის შესახებ ბევრი რამ დაიწერა და ითქვა ამ უკანასკნელ ხანებში, მაგრამ მიუხედავად ამისა, აბრარული საკითხი

ჩვენში ჯერ კიდევ გაურკვეველია. აშკარაა, რომ აგრარული კითხვის გადაჭრისათვის მართო სხვა ქვეყნების აგრარული პირობების გაცნობა და შესწავლა და ამის მიხედვით გამომუშავებული ზომების აღიარება საკმარისი არ არის. რასაკვირველია, სხვა ქვეყნების შესწავლა და მეცნიერული მეთოდით შემუშავებულ თეორიით ხელმძღვანელობა ამ მხრით დიდ დახმარებას გაგვიწევს, მაგრამ უწინარეს ყოვლისა საჭიროა ადგილობრივ პირობების შესწავლა და გაცნობა. და აი, სწორედ ამაში კოკლობენ უმთავრესად ყველა ის წერილები თუ სტატიები, რომლებიც ჩვენში იბეჭდებიან აგრარული საკითხის შესახებ. მეორე მხრით, ისიც მართალია, რომ ამას თავის გასამართლებელი საბუთი აქვს. საქმე იმაში მდგომარეობს, რომ ჩვენი მეურნეობის გასაცნობად და შესასწავლად ან სრულებით არ მოიპოვება შესაფერი მასალა, ან თუ ასეთი მოიპოვება, იგი სულ დაძველებულია და ან კიდევ იგი მეტად საექვოა, რადგანაც სრულებით არა საიმედო წყაროებისაგან არის შეგროვილი, როგორც არის მაგ. ადმინისტრაცია, პოლიცია. როგორც კი მეურნეობის შესწავლას შეუდგები ჩვენში, მაშინვე წინ გადაგელობება მეტად დიდი დაბრკოლება: სტატისტიკური ცნობების თითქმის სრული უქონლობა. უამისოდ ხომ აქ ფეხს ვერ გადადგამ.

ათ წელიწადზე მეტია, რაც ჩვენ ამიერ-კავკასიის ეკონომიურ მდგომარეობის და კერძოდ მეურნეობის შესწავლა და გამოკვლევა დავიწყეთ. მაგრამ ერთი მხრით ზევით დასახელებულმა მდგომარეობამ, ე. ი. საჭირო მასალის უქონლობამ; და მეორე მხრით კარძო ხასიათის დაბრკოლებამაც, ამ მიზნის განხორციელებაში ხელი შეგვიშალეს. მაგრამ მიუხედავად ამისა, ჩვენ მაინც ვმუშაობდით ამ საქმისათვის. სხვათა შორის, ამ წიგნის უდიდესი ნაწილი (სახელდობრ, პირველი ნაწილი) თითქმის ამ სამი წლის წინეთ უკვე მომზადებული გვექონდა დასაბეჭდათ. სწორედ იმ დროს იფეთქა რევოლიუციამ და პირველ წყებაზე წამოყენებულ იქნა დღიური საჭირობოროტო კითხვები, რის გამო ამის გამოქვეყნება შეეაჩერეთ. ამნაირად ამ წიგნის უმთავრესი ნაწილი დაწერილია ჯერ კიდევ იმ დროს, როცა ჩვენში აგრარულ ნიადაგზე თითქმის არავითარი მოძრაობა არ იყო. აქა-იქ თუ გაიგონებდით რომელიმე კერძო მემამულის მიერ გლეხების შევიწროებაზე, ხიზნების ოჯახის ძალით გადასახლებაზე და ამ ნიადაგზე გამოწვეულ კერძო შურისძიებაზე, მაგ., რომელიმე მეტის-მეტ სასტიკი მემამულის მოკვლაზე, — ეს იყო და ეს, სხვანაირი მოძრაობა ჩვენში იმ დროს ჯერ კიდევ არსად იყო. მაგრამ საკმარისი იყო ცოტაოდენი ყურადღება და ჩაკვირება, რომ უფრო ღრმა და სერიოზული ნიშნები გამოაშკარავებუ-

ლიყენენ. კერძოთ ჩვენთვის ასეთ მოძრაობის აუცილებლობა, რამდენიმე წლის-წინეთ მის დაწყებამდე, სრულებით აშკარა იყო. ეს გასაკვირალი არ არის. ეს იყო პირდაპირი დასკვნა იმ ცნობების გაცნობისა და შესწავლისა, რომლებიც ამ წიგნის შედგენის დროს ჩვენ მასალად გამოვიყენეთ. ვიმეორებთ, ეს მასალა მცირე და ლარიბ ცნობებს იძლევა, მაგრამ მიუხედავად ამისა, იგი მაინც საინტერესოა დღესაც. ამიტომ მისი გამოქვეყნება ჩვენ საკიროდ მიგვაჩნია. მაგრამ მეორე მხრით, ამავე დროს ჩვენ არ შეგვეძლო უყურადღებოდ დაგვეტოვებია ის, რაც ამ უკანასკნელი ორი წლის განმავლობაში მოხდა. ერთი სიტყვით, საკირო იყო როგორც გლეხების მოძრაობის მოკლე განხილვა და მისი მთავარი მიმართულების გარკვევა. ერთი მხრით, ისე იმ სხვადასხვა პროექტის დაფასება, რომლების საშუალებით ფიქრობენ აგრარული კითხვის გადაჭრას. ეს შეადგენს ამ წიგნის მეორე ნაწილის შინაარსს. თავის თავად იგულისხმება, რომ იგი სრულებითა ახლად შედგენილია.

ნაწილი პირველი

თ ა ვ ი I.

იმ მწვავე კითხვათა შორის, რომელთა გადაწყვეტილება წამოაყენა დღევანდელმა ცხოვრებამ, აგრარული საკითხი, ე. ი. ყოველივე ის, რაც მიწის მფლობელობას და მიწის მუშებს ეხება, ერთი უმთავრესი საკითხთაგანია. არსად, საზოგადოებრივი ცხოვრების არც ერთ სფეროში წარსული ცხოვრების გავლენა ისე საგრძნობელი არ არის, როგორც მეურნეობაში. წარსულ ცხოვრების უმთავრეს ძალას მეურნეობა შეადგენდა, პირიქით, ალებ-მიცემობა და მრეწველობა ახალი საზოგადოებრივი ურთიერთობის საფუძველია, და ამიტომაც მეურნეობაში დღემდისაც კიდევ შენახულია ძველი ცხოვრების, ბატონ-ყმურ წესების ნაშთები. რაში გამოიხატებიან ეს ბატონ-ყმური ურთიერთობის ნაშთები? ერთ დროს თითქმის ყველას სჯეროდა, რომ ჩვენში ბატონ-ყმური წეს-წყობილება გაუქმებულ იქნა ეგრედ წოდებულ 1861 წლის საგლეხო რეფორმების მეოხებით. მაგრამ ეს სასტიკი შეცდომა იყო. საზოგადოთ უნდა ითქვას, რომ ყოველივე ზევითა და მოვლენილ რეფორმას, როგორც იყო 1861 წ. ცნობილი რეფორმაც, ხალხის ძირითად მოთხოვნების დაკმაყოფილება როდი აქვს მხედველობაში, არამედ მისი მთავარი მიზანი ხალხის მოძრაობის შეჩერებაა, მოწინააღმდეგე ბანაკში არეგ-დარევის გამოწვევაა, რათა ისევ გაბატონე-

ბულმა კლასებმა, და უწინარეს ყოვლისა, თვით მთავრობამ ძველებურად შეინარჩუნოს თავისი ძალა ხალხის გასატყაველად. და აი ჩვენ ვხედავთ. რომ მიუხედავად ბატონ-ყმურ ურთიერთობათა გაუქმებისა 1861 წელს-ძველი ფეოდალური წოდებები, როგორც მაგ., თავადი, აზნაური და გლეხი, ისევ დატოვეს. არსებული კანონი ბატონ-ყმურ წესწყობილების გავლენითაა შედგენილი და პირდაპირ მასთან უფრო შეთანხმებული, ვინემ ახალი ცხოვრების პირობებთან. თავად-აზნაურობას ყოველგვარ უპირატესობას ანიჭებს და იმავე დროს გლეხკაცობას, როგორც დაბალ და გადამხდელ წოდებას, ყოველგვარ უფლების და კანონის გარეშე აყენებს, რამდენათაც კი რაიმე უფლებაზე ან კანონზე შეიძლება ლაპარაკი თვით-მპყრობელ სახელმწიფოში. მაგრამ რადგანაც ასეთი განსხვავება წოდებათა შორის დღევანდელ ცხოვრებას სრულებით აღარ შეეფერება, ამიტომ ამ ნიაღვრეზე თავად-აზნაურობასა და გლეხობის შორის იმართება და თანდათან მწვედვება დიდი უთანხმოება. მაგრამ ეს კიდევ არაფერია. უფლებრივ. ანუ იურიდიულ ნიადაგზე აღმოცენებულ უთანხმოებას, ანტაგონიზმს, ზედერთვის ბევრად უფრო საგრძნობელი ანტაგონიზმი, რომელიც ეკონომიურ ნიადაგზე ვითარდება. საქმე იმაშია, რომ გლეხ-კაცობა ნივთიერად იმავე თავად-აზნაურობისაგან არის დამოკიდებული. მესამოცე წლების „დიდებულმა“ რეფორმამ არა თუ დაბალ, გადამხდელ წოდებათ გამოაცხადა, არამედ მიწა-ადგილის მხრით იგი თითქმის ცალიერზე დატოვდაწერილებით ამის შესახებ ჩვენ ქვევით გვეჩვენა ლაპარაკი. ჩვენ აქ მხოლოდ იმის თქმა გვინდა, თუ უმთავრესად რაში იხატება ბატონ-ყმობის გავლენა მეურნეობაზე. მეფის მთავრობის მიერ მინიჭებულმა რეფორმამ საქმე ისე მოაწყო, რომ გლეხები თავის სარჩენად და ოჯახის შესანახად იძულებული არიან უმთავრესად ისევ წინანდელ თავის მებატონეებს მიმართონ და იმათ მამულზე იმუშაონ. და რადგანაც იმავე დროს ეს მემამულეები უპირატესი უფლებებით არიან აღჭურვილი და ამასთანავე ისინი მთამომავლობის ასე სიმდიდრის წყალობით ხშირად მთავრობის მოხელეებათ, ჩინოვნიკებად არიან დაყენებული, და როგორც ასეთებს, იმათ ძალაც აქვთ ხელში თავის სურვილების განსახორციელებლათ, ამიტომ ეკონომიური დამოკიდებულება გლეხებსა და მემამულეებს შორის ისევ ძველ ბატონ-ყმურ დამოკიდებულების სახეს ღებულობს. ამ შემთხვევაში მიწის მუშის, ე. ი. გლეხის წინაშე უბრალო მემამულე კი არა დგას, რომელსაც იურიდიულად ისეთივე უფლება აქვს კანონის წინაშე, როგორც პირველს. ე. ი. გლეხს, არამედ მისი ყოფილი მებატონე, თუმცა რამდენიმედ შელა-

ხული, ე. ი. არა ისეთი უფლებებით აღჭურვილი მის წინააღმდეგ, როგორც ეს ბატონ-ყმობის დროს იყო, მაგრამ ყოველ შემთხვევაში ისეთი, რომელიც უფლებითაც და საზოგადოებრივი მდგომარეობითაც ბევრად მასზე მაღლა დგას და რომელიც იმავე დროს მთავრობის წარმომადგენელიც არის და თუ საჭიროება მოითხოვს, ძალის ხმარაც შეუძლია.

ამნაირად წმინდა ბურჟუაზიულ ურთიერთობის ადგილას, როგორც არსებითად უნდა ყოფილიყო დღევანდელი ურთიერთობა, ჩვენ ვხედავთ სოფელში ნახევრად ფეოდალურ, ნახევრად ბატონ-ყმურ პირობებს. საზოგადოთ უნდა ითქვას, რომ ყველა თვითმპყრობელი სახელმწიფო თავის თავად ბატონ-ყმურია, სადაც ბატონის როლს თამაშობს მეფე თავისი უთვალავი მოხელეებით და დანარჩენი მცხოვრებლები კი მეფის ყმებად, მის მონა-მორჩილებათ, ანუ ქვეშევრდომებად არიან გადაქცეული. ასეთ სახელმწიფოს წარმოადგენს რუსეთი *).

მეორე მხრით, ყოველ ექვს გარეშეა ის გარემოება, რომ მეურნეობაში, ფულის ანუ კაპიტალის სახით, სრულიად ახალმა მოვლენამ იჩინა თავი. ამ უკანასკნელმა მოვლენამ მთელ ადგილობრივ მეურნეობას უკვე თავისი დალი დაასვა. რა თქმა უნდა, ნახევრათ ბატონ-ყმური წესები, რომლებიც ჯერ კიდევ დაცულია სოფლის ეკონომიურ ცხოვრებაში და რომლებიც ახალ ურთიერთობის განვითარებას ეწინააღმდეგებიან, მეტად დიდ დაბრკოლებას უწევენ მეურნეობის კაპიტალისტურად განვითარებას. ამ ნიადაგზე მეურნეობაში ხდება დიდი შეჯახ-შემოჯახება, დიდი ბრძოლა. ყოველ ექვს გარეშეა, რომ გამარჯვებული დღეს დღეობით ამ ბრძოლიდან ის წეს-წყობილება გამოვა, რომლის საფუძველს თანამედროვე ეკონომიური ცხოვრება ამზადებს და არა ის, რომლის არსებობა ისტორიამ უკვე დიდი ხანია უარყო.

ამნაირად დღეს ჩვენში მეურნეობის სფეროში არსებობისათვის ერთი ეთორმანეთს ებრძვის ორი მოწინააღმდეგე ძალა: ერთს წარმოადგენს ბატონ-ყმურ ურთიერთობის ნაშთები და მეორეს—თანამედროვე ბურჟუაზიული ანუ კაპიტალისტური წესწყობილება. ეს გარემოება კიდევ უფრო ართულებს აგრარულ საკითხს, კიდევ უფრო ბურჟუსში ხვევს თანამედროვე მეურნეობის მრავალ მხარეებს. რა ხდება გლეხ-კაცობაში? შერჩა თუ არა მას წინანდელი ერთიანობის სახე, როცა გლეხ-კაცობა თითქმის სულ

*) ასე იყო ამ ორი სამი წლის წინათ მინც, როცა ეს წიგნი იწერებოდა. დღეს კი ეს რამდენიმეთ შეიცვალა და სრული იმედი გვაქვს, რომ ახლო მომავალში რუსეთის ხალხი სრულ პოლიტიკურ თავისუფლებას მოიპოვებს.

მცირე გამონაკლისს გარდა ერთი მისწრაფებით და სურვილით იყო გამს-
 კვეალული, როცა გლეხ-კაცობაში ინტერესთა წინააღმდეგობა ან სულ არ
 იყო, ან; თუ იყო, ძლიერ იშვიათ მოვლენას შეადგენდა? ან შეიძლება
 გლეხ-კაცობა, როგორც ერთიანი წოდება, შეუჭერებლად ირღვევა და იშ-
 ლება და მის ნანგრევებზე ჩვენ ერთი მხრით ვამჩნევთ გლეხობის შეძლე-
 ბულ ელემენტებს—სოფლის ბურჟუაზიას და მეორე მხრით სოფლის ლა-
 ტაკთ, ე. ი. პროლეტარებს და ნახევრად პროლეტარებს.

თანამედროვე გლეხის ცხოვრებას ბევრი უფრო თავის ოცნებაში
 იცნობს, ვინემ სინამდვილეში. და ოცნებაში ხომ მათ გლეხი სულ სხვანაი-
 რად ეჩვენება, ვინემ იგი სინამდვილეშია. ბევრი ფიქრობს, რომ გლეხი,
 ქალაქის მუშასთან შედარებით, ბევრათ უფრო კარგ ბედნიერ პირობებში
 იმყოფება; ზოგიერთების წარმოდგენით გლეხი უმეტეს ნაწილად ცხოვრობს
 სუფთა ჰაერზე, კარგათ სვამს და ჭამს, მუშაობს ზომიერად, მას არ აწუ-
 ხებს ფიქრი ხვალინდელ ლუკმისათვის, ე. ი. უმუშაოთ დაარჩენა, როგორც
 მუშას. გლეხი ცოლშვილიანდება თავის დროზე, ერთი სიტყვით, ბევრის
 აზრით, ქალაქის მუშასთან შედარებით არხეინად, მეფურად ცხოვრობს და
 იგი დიდხანს ძლებს. უეჭველად ასეთი გლეხები მართლაც მოიპოვებიან
 თანამედროვე სოფელში, მაგრამ საქმე იმაშია, რომ ისინი მეტად მცირე და
 უმნიშვნელო რიცხვს შეადგენენ იმათთან შედარებით, რომლებიც სულ
 სხვა პირობებში იმყოფებიან. გლეხობის დიდი უმრავლესობა დღეს წარ-
 მოუდგენელ ცუდ და აუტანელ პირობებში სცხოვრობს, იგი სანახევროთ,
 თუ სულ არა, მშვიერ-მწყურვალე და ტიტველია, მას უდროოთ სიცოცხლეს
 უსპობს უკიდურესი სიღატაკე და გონების სიბნელე; მას შიშისაგან თავიც
 კი ვერ აუწევია მალლა და „ღვთის“ და ბატონის მოგონებაზე კრთის და
 კანკალებს *).

მეორე მხრით, კაპიტალისტური წარმოების მოწინააღმდეგენი ქალა-
 ქის მუშებში ხედავენ მხოლოდ ერთ დიდ ბოროტებას; მათთვის ქალაქის
 მუშა-ხალხის ცხოვრება არა მარტო დაუსრულებელი ტანჯვა და წვა-
 ლებაა, არამედ იგი საზოგადოებისათვის მეტად საშიშარია. ამათთვის სრუ-
 ლებით გაუგებარია, რომ თანამედროვე ქალაქის მუშებში, პროლეტა-
 რიატში, საუკეთესო მომავლის, ახალი საზოგადოებრივი წესწყობილე-
 ბის—სოციალიზმის, საფუძველი იყრება. ისინი მხოლოდ ზედა მხარეს
 ხედევენ და ცხოვრების სიღრმეში ჩახედვა ვერ მოუხერხებიათ. ისინი ხელ-

*) აქ კიდევ უნდა შევნიშნათ, რომ გლეხის დაბეჩალება დღეს უკვე ისეთი აღარ არის,
 როგორც ეს ამ ორი სამი წლის წინად იყო.

ვენ შხოლოდ იმას, რომ ქალაქში მუშა ივიწყებს წინანდელი ცხოვრების ზნე-ჩვეულებას და ძველი იდილიური ცხოვრება ქრება; ამაში ისინი ოჯახის გახრწნას და გარყვნილებას ხედვენ, და მათი აზრით, თუ ეს ასე გაგრძელდა, ერს, ნაციას, განსაცდელი მოელის, იგი დაილუპება *). ამიტომ: როცა თანამედროვე მუშა-ხალხის, პროლეტარიატის იდეოლოგიები შეუბრალებელ ომს და სასტიკ ბრძოლას უცხადებდნენ ძველი წარმოების წესს ყოველ ფეხის ნაბიჯზე და იმავე დროს საჭიროდ აღიარებდნენ თანამედროვე კაპიტალისტური წესწყობილების დაუბრკოლებელ განვითარებას, როგორც მრეწველობა აღებ-მიცემლობაში; ისე მეურნეობაშიაც, ეს გარემოება ჩვენ მოწინააღმდეგეებს მომაკვდინებელ ცოდვით მიაჩნდათ, და ასე წარმოიდგინეთ, თავიანთ გაუგებრობას და გონებრივ სილატაკეს ჩვენ გვახვევდნენ თავზე. იმათი აზრით, ჩვენი, მარქსისტების მიზანს შეადგენს გლეხების გალატაკება, იმათი გაპროლეტარება ე. ი. უმიწა-წყლოთ დარჩენა და ფაბრიკა-ქარხნის დლიურ მუშებთან გახდენა 62).

*) მეტად საინტერესო გამოხატულებას ასეთი ბატონ-ყმური და თავად-ანანურული შეხედულებისას ჩვენ ვაპოულობთ ქართულ მწერლობაში ამ 30—40 წლის წინეთ. სხვათა შორის, მოგვყავს აქ ერთი მეტად საინტერესო ადგილი ერთი წერილიდან, რომელიც ამ 28 წლის წინეთ იყო დაბეჭდილი ჟურნალ „ივერიაში“. „ქვეყანა ვისია?“—კითხულობს ავტორი. „ყოველივე ჩემია ამბობს ოქრო; ყოველივე ჩემიაო—იძახის ხმალი. ყველაფერს ვიყიდო, — იყვების ოქრო-ყოველივეს ხელში ვიგდებო, იძახის ხმალი. მართლა ეგრეა? არა გვგონია, ჩვენი ფიქრით, თავმოწონებულს ოქროს, და გაზვიადებულს ხმალს, — ამ ორ პატროსან მეტოქეს დავიწყებიათ, რომ ქვეყანაზე მგაფთვარა არის ერთი კიდევ რაღაცა, რომელსაც თუ არა პირველი, უკანასკნელი ადგილი არ უქირავს ქვეყნის განაწილებაში... იმას რომ ერთ ბეწო ხანს ჩაეთვლიდომს, არ ვიცი ქვეყანას რა დაემართებოდა, თუნდა ოქროს მთები იდგას და ხმლების ტყეები. უმიხისთ ოქროს ქვეყანაზე მოედანი არ აქვს და არც თითონ. ხმალს დიდი და ხანგრძლივი ნაწილი. ის ერთი რაღაცა გ უ თ ა ნ ი ა . . . დიახ, ბატონებო, ქვეყანა იმისია, ვისაც ერთ ხელში ხმალი უქირავს და მეორეში გ უ თ ა ნ ი . . . ეს ერთი მუკა ხალხი რამ შეგვიანაზა? ხმალმა და გუთანმა. . . გუთანი, ქართველებო, გუთანი. და ხმალი იყოს ფარი მისი (ხალხს ჩვენ ვუსვებთ). . . (იხ. ჟურნ. „ივერია“, № 1881 წ. № 11. შინ. მიმობ., გვ. 150—152). როგორც ხედავთ, აქ ავტორი პირდაპირ საშუალო სასურწონებისაკენ, ე. ი. ბატონ-ყმობისაკენ გვიყვებს. გუთანი და ხმალიო. ესე იგი ყმები და მებატონეებიო. მაგრამ არ იფიქროთ, რომ აეთი შეხედულება მხოლოდ შემთხვევითი მოვლენა იყო ჩვენში. პირიქით, ასეთი შეხედულება დიჟხანს ბატონობდა ჩვენს მწერლობაში და იგი ერთი დამახასიათებელ მიმდინარეობას შეადგენდა სულ უკანასკნელ დროებზე. სანამ ხალხის ძლევა-მოსილმა მოძრაობამ იგი სრულიად არ დაარღვია.

დამატება III

პასუხად ბ-ნ კიტა აბაშიძეს. (63)

არიან ისეთი ადამიანები, რომლებსაც გამარჯობის თქმაზედაც კი ბრაზი მოსდით, თორემ თუ რამე წინააღმდეგობა შეგწამათ, ან მაიო აზრი არ მოიწონეთ, მაშინ ისინი არავეითარ საშუალებას, არავეითარ ღონეს არ დაზოგავენ, ოღონდ კი დაგამცირონ, მიწასთან გაგასწორონ და თუ შესაძლოა, სრულიად მოგსპონ. უმეტესობა კარგათ იცნობს ასეთ პირებს, რადანაც პრაქტიკულ ცხოვრებაში ისინი თითქმის ყოველთვის მაღალ საფეხურზე დგანან და თავიანთ ბრაზ-მორეულ ენერჯიათა დასაკმაყოფილებლად ყოველგვარი საშუალება ხელში აქვთ. ჩვენ არ გამოუდგებით ამ გვარ პირთა დაწვრილებით დახასიათებას. აქ ჩვენ მკითხველის ყურადღებას მივაქცევთ ერთ იმათ წარმომადგენელზე, მაგრამ ისეთ სფეროში კი, რომელშიაც მისი დასმა მატად გასაკვირი თუ არა, ყოველად უხერხული მაინც კია. ეს სფერა გახლავთ ლიტერატურა, ე. ი. სიტყვის და აზრის რესპუბლიკა. ადვილი გასაგებია, რომ ამა-სოფლის ძლიერთ, დაჩვეულთ პრაქტიკულ ცხოვრებაში ადამიანის პიროვნების შელახვას, მისი უფლების გათეღვას, მასზე ბრძანებლობას და ბატონობას, ესევე წესი ლიტერატურაშიაც სურს შემოიღოს; და როცა აქ ხედავს თავის სრულ უძლურებას და უაღაგობას, სიბრაზისაგან აღარ იცის რა ქნას. რომ შეეძლოს, ერთი ბრძანებით მოსპობდა ლიტერატურას, ე. ი. აზროვნების და სიტყვის თავისუფლებას და თავის ყურ-მოჭრილ ყმათ გახდიდა; მაგრამ თითონვე თვალდათვალ რწმუნდება, რომ ამ გზით აქ ფონს ვერ გავა. გამარჯვებულნი ყოველგან, აქ მარცხდებიან, ანუ ამარცხებენ თავის თავს თავიანთ უზომო ვნებათა დაკმაყოფილების წადილით: ამ მხრით ჯერ-ჯერობით ყველაზე უფრო თავი ისახელა ჩვენში ბ-ნმა კიტა აბაშიძემ.

ბ. კ. აბაშიძემ შემოაღო ქართული მწერლობის კარები, სრულიად დარწმუნებული იმაში, რომ, როგორც მთელი ქართული მწერლობა, ისე მისი წარმომადგენლები მის, ბ-ნ აბაშიძის, ყურ-მოჭრილ ყმებათ გახლებოდნენ, მის წინაშე მუხლს მოიდრეკდნ და გულზე ხელ-დაკრეფილები მოისმენდნ მის სწავლას. მაგრამ დახეთ გულის წუხილს! ბ. კ. აბაშიძე

ქართულ მწერლობაში ყურ-მოჭრილ ყმების მაგივრად მოწინააღმდეგეებს წაწყდა. და მერე იცით, როგორ მოწინააღმდეგეთ?—ისეთებს, რომლებიც უშიშრად და მოურიდებლად ამხელენ ლიტერატურულ შეცდომებს; ვისაც უნდა ეკუთვნოდეს ეს. ახლა არ იკითხავთ ვინ არიან ეს მოწინააღმდეგენი?—ვილაც სულ უბრალო მომაკვდავნი, რომლებიც არც გვარიშვილობით და არც ხარისხით შესანიშნავი არ არიან! გაგონილა? „ჩვენი ლიტერატურაო—ბრძანებს ბ.კ. აბაშიძე“—დუქან-ბაზრად შეიქნა. საცა ვინც გნებავს, შემობრძანდება (დახეთ გამბედაობას!), წამოწეება. (რა თავხედობაა! ალბად დავიწყებით, რომ იქ ბ. კ. აბაშიძე განისვენებს) სალიტერატურო სამეფო ტახტზეო“ და სხვ. მაგრამ ეს კიდევ არაფერი. საქმე ის არის, რომ ეს მოწინააღმდეგეები სრულიად უარს ყოფენ ბ. კ. აბაშიძის და მის მსგავსთა ლიტერატურულ ნამოქმედარს და მათ მიმართულებას, და აი სწორედ აქ არის ბ. კ. აბაშიძის გასაჭირის დღე, მისი განსაცდელი. დაინახა რა თავის მოწინააღმდეგეთა შეურყეველი და სასტიკი ლოლიკა და მათ მიერ მოყვანილ ფაქტების სინამდვილე, შეჩერდა და დაფიქრა: ხმა ამოვიღე და პასუხი გავეცი, ხომ უარეს დღეს დამაყენებენ, რადგანაც აშკარა კეშმარიტება და ცხადი სიმართლე, უნდა ძალაუვნებურად უარვყოვო და თუ სრულიად გაეჩუმდი, ეს კიდევ სულ უარესი იქნება, რადგანაც პასუხის გაუტყემლობა ჩემი უღონობის უტყუარი ნიშანი იქნებაო. ამიტომ მან აირჩია მესამე გზა. მაგრამ აქ უმჯობესი იქნება ვალაპარაკოთ თვით ბ. კ. აბაშიძე, თუმც მკითხველთან კი ბოდიშს ვითხოვ ამდენი ამოწერისათვის. „სრული სიმართლე უნდა მოგახსენოთ, ჩვენის საზოგადოებისა და მწერლობის დამცირებათ მიგვაჩნია ისეთი წერილების მსგავსი დასწერო რამე, რომელიც აგებულა ინტრიგაზე და ნაშობია ბინძური გრძნობისაგან. მაგრამ ეს კი მიუტყლებელია, ჩვენს საზოგადოებაში მინც აღვიარო შენის მღუმარების მიზეზი, თორემ ურიგო მწერლისაგან იმასაც უნდა მოელოდე, რომ შენს დუმილს თავისი ქირისა და ინტრიგის დამამტკიცებელ საბუთათ აღიარებს“... შემდეგ „რაც უნდა დასწერონ „კვალში“, ვერ გავცემო პასუხს იმიტომ, რომ საზოგადოებისა და ჩვენი ღირსების უპატიურობათ და დამცირებათ მიგვაჩნია ისეთ კაცებთან ლაპარაკი, რომელთა სულიერი მეზანობის შეზავებულა ღვარძლიანობითა და შურისაგან, რომელთა

ნალაპარაკევი ცალიერს ინტრიგასა, ჭორსა და ცილისწამებაზე არის დაფუძნებული“ („ივერია“, 1899 წ. № 62 *).

ამ სიტყვებს განმარტება აღარ უნდა. ისინი ცხადათ და ნათლად ხატავენ ბ. კ. აბაშიძის თავ-გადასავალს მის ლიტერატურულ მოწინააღმდეგეთა გამო, მთელ მის სულიერ ტანჯვას, გამოწვეულს იმის გამო, გასცეს თუ არ გასცეს პასუხი იმათ. მკითხველი აშკარად ხედავს, თუ რა საშუალების მეოხებით მოუწადინებია ბ. კ. აბაშიძეს თავისი უხერხული მდგომარეობისაგან თავის დაღწევა: გამოვლანძლავ, გავაქიაქებ და დავამცირებ ჩემს მოწინააღმდეგეთ უსაბუთოთ და დამიჯერებნო. მაგრამ ველარ მივართვით. ჩვენის აზრით, და, ვგონებთ, მკითხველიც დაგვეთანხმება ამაში, ასეთი ოინბაზობით ბ. კ. აბაშიძემ კიდევ უფრო გაიფუჭა საქმე. ნუ თუ ის ისე დაბრმავებულია და აქამდის ვერ მიმხვდარა, რომ ლიტერატურა მისი ბრძანების აღმასრულებელი არ არის, და აღარც ქართველი მკითხველია დღეს ცალიერი ქვევრი, რომელსაც რასაც ჩასძახებენ, იმასვე ამოგაძახებს?

მაგრამ ერთ პატარა გარემოებას შეუშფოთებია ბ. კ. აბაშიძე. ამას წინათ ბ. ანტ. ფურცელაძე სწერდა („ივერია“, № 85):... „მისტიციზმზე ერთხანად ასტყდა კამათი ჩვენს მწერლობაში კიტა აბაშიძისა და მახარაძის შორის, სადაც მახარაძე იდგა იმ მკვიდრ ნიადაგზე, რომლებზედაც ჰყრის დღევანდელი ვაცობრიობა თავისი მომავალი ცხოვრების შენობის საფუძველსო“. აი, ამ უბრალო სიტყვებს შეურყევია რამდენიმედ ბ. კ. აბაშიძის ილლიუზია და ამასთანავე ის კიდევაც გაჯავრებულა ბ. ანტ. ფურცელაძეზე: რატომ ის მიზეზები, რომელნიც მე დავასახელე შარშანდელ „ივერიაში“, შენ მხედველობაში არ მიიღეო, ე. ი. რატომ არ დამიჯერე, რომ მისი (მახარაძის) „ნალაპარაკევი ცალიერ ინტრიგასა, ჭორსა და ცილის წამებაზე არის დაფუძნებულიო“. „მე მახარაძესთან—აცხადებს ბ. აბაშიძე—არავითარი პოლემიკა არ მქონია ისე, როგორც „კვალის“ არც ერთ თანამშრომელთან და არც მექნებაო... პოლემიკა შესაძლოა მხოლოდ რიგიან მოწინააღმდეგესთან, მისი ფარ-ხმალი სიმართლისა და ქეშმარიტების მოყვარეობა უნდა იყოს და არა ჭორები და ინტრიგები, ე. ი. ბინძური ქაშუალებაო“ (ივერია № 95). ამის შესახებ ჩვენ ვიტყვი: სრულიად ამოთ იწუხებს თავს ბ. კ. აბაშიძე: დღეს ისეთი მკითხველი ჩვენში

*) ხაზს ყველგან ჩვენ ვუსვამთ.

აღარ მოიპოვება, რომელმაც ეს სრულიად დაუსაბუთებელი ფრაზები დაი-
ჯეროს. სიმართლის გასაგებობა მკითხველს ყოველგვარი საშუალება აქვს
ხელში და ბ-ნ აბაშიძესთან აღარ წაეა ამის შესატყობათ. როცა თვით
მკითხველი ამ საშუალებას მოძებნის, მაშინ იგი კიდევ უფრო ნათლად
დანიხვს, თუ ვინ სარგებლობს და ვინ რყვნის ჩვენს მწერლობას ქორე-
ბით, ინტრიგებით და ცილის-წამებით. შორს რათ წავიდეთ. იმავე წე-
რილში ბ. აბაშიძე ისეთ ცილს წამებს განსვენებულ გ. წერეთელს, რო-
მელიც თავისი უმსგავსობით და ურცხვობით აღემატება ყველა დანარჩენ
ქორებს და ცილის-წამებას, რომელნიც კი დღემდის კიტა აბაშიძეს შეუ-
თხზავს და ჩვენს მწერლობაში გაუფრცვლებია *): გ. წერეთელმა „ლე-
კეები“ უწოდა „კვალის“ თანამშრომელთო. რა უნდოდა ამით ეთქვა ბ.
აბაშიძეს? ადვილი მისახვედრია, რომ ასეთი ცილის-წამებით მას ერთი
მხრით უნდოდა „კვალის“ თანამშრომლების დამცილება საზოგადოების
თვალში: დახეთ, როგორ ჰყეფენ ეს „ლეკეებიო“, და მეორე მხრით უსია-
მოვნება დაებადებია იმავე პირებში გ. წერეთლის მიმართ. მაგრამ აქაც
სასტიკად უმტყუნა მას ოინბაზობამ. განა „კვალის“ თანამშრომლებმა და
მკითხველებმა არ იციან ვის სწყურია მათი არა თუ დამცილება, არამედ
სრულიად მოსპობა, ვინ იგონებს მათ შესახებ ყოველგვარ ქორებს და სხვა-
დასხვა ეპიტეტებს? ნუ თუ ამას კიდევ გამოცნობა უნდა? მაშ, აბაშიძენო,
განაგრძეთ თქვენი შრომა! პიროვნების გაქელვა და დამცილება, ქორიკა-
ნობა და ცილის-წამება, დასამცირებელ სახელწოდების თხზვა და სხვა
ამგვარები: ეს თქვენი ხელობაა! ჩვენ ამის არ გვეშინია „რათა მიენიჭება
თითოეულს საქმეთა მიერ თვისთა“.

მცირე შენიშვნა კიდევ. ბ. კ. აბაშიძე გვატყობინებს, რომ მას ერთი
ღიღი გასაჭირი კიდევ სხვა დასდგომია. თურმე ნუ იტყვით, ეს გასაჭირი
მისთვის მის „ლიტერატურულ მეგობრებს“**) მიუყენებიათ: ეს უკანას-
ქნელნი მისდგომიან ბ. აბაშიძეს და მოსვენებას არ აძლევენ, გინდ არ გინ-
და ნ. ჟორდანიას „პრესას“ შენ გაეცი პასუხიო. ბ. აბაშიძე ორ წყალში
ჩავარდნილა: გასცეს პასუხი; რა აქვს სათქმელი, არ გასცეს და დუმვილი

*) ბ. აბაშიძე ამბობს, რომ თუ საჭირო იქნება. ამ ცილისწამებას მოწმეებით დავაღტკი-
ცებო. აშკარაა, რომ ბ. აბაშიძეს სურს მთელი ჩვენი ლიტერატურა ქორების და ცილისწამე-
ბის ტერქულათ გახადოს. ამიტომ ფურჩვეთ ასეთი დამტკიცება მან ისევ თავისთვის შეინახოს
თავისი საპოლეაწყო ასპარეზზე გამოსაყენებლათ.

**) ბ. აბაშიძე ფრჩხილებში შენიშნავს, რომ „მცა მყავ მეგობრებო“ თუმც არა
რისანებო. ჩვენ არ ვიცით, რომ ამაზე მეტი სიმართლე სხვას წამოცდ-
ნოდეს ბ. აბაშიძეს.

კარგად იცის რისი ნიშანია. რა ქნას! თავი როგორ იხსნას ამ მოულოდნელ განსაცდელისაგან? მაგრამ ბ. კ. აბაშიძე რაღა ოინბაზი იქნებოდა თუ ამისთანა გასაჭირიდან თავს ვერ იხსნიდა? „იმავე მიზეზების გამო—უპასუხებთ ის თავის „ლიტერატურულ მეგობრებს“,—რომელიც 1899 წელს „ივერიის“ 62 ნომერში მქონდა დასახელებულიო“... მორჩა და გათავდა: რა კარგი ყოფილა ოინბაზობა! ხერხი სჯობია ღონესა, თუ კაცი მოიგონებსაო—სწორედ ამას ჰქვია. მაგრამ ეტყობა ბ. ახალმოსულს ძლიერ ესარჩლება ბ. კ. აბაშიძე. სხვათა შორის უკიუინებს რა „კვალის“ თანამშრომელთ ახალმოსულს რათ მოსთხოვეთ ნილაბის მოხდაო, შემდეგ ასე განაგრძობს: „ტალახში სიარულის დროს კალოშები გვეკირია და მაგათანა მოდავესთან ნილაბი ერთგვარი კალოშებია; როგორ ვერ წარმოგიდგენიათ, რომ ყველას არ სურს თავისი სახელი და გვარი (ალბად დიდებული ვინცეკი უნდა ბრძანდებოდეს ბ. ახალმოსული!) გააჩირქიანოს (საქმე ცუდაიყოფილა!) და მაგათ სახსენებლათ და სათრეველად გახადოსო“. სჩანს აქ ყველაფერი თავის რიგზე ვერ არის, სჩანს, ბ. ახალმოსულს რაღაც ძველი ცოდვები უნდა აწუხებდეს, როცა თავის ვინაობას ფარავს, თორემ სხვა მხრივ ეს ვერ აგვიხსნია, მით უმეტეს ასე ვფიქრობთ ბ. კიტა აბაშიძის სიტყვების შემდეგ. „На воре шапка горит“, ამბობს რუსული ანდაზა. ახლა ვიკითხოთ, რამდენ ხანს უნდა მალოს თავის ვინაობა ბ-ნმა ახალმოსულმა? ვთქვათ ჩვენ დაგვიფარა, ისტორიას რას უშვრება, იმას ხომ ველარგაეჭვება?

ფ. მახარაძე.

ქ. ოზურგეთი,
1896 წ. 8 მაისი.

შ ე ნ ი შ ვ ნ ა გ ი.

1) ვლ. ილინი. ვლ. ილინი ნ. ლენინის (ელადიმერ ილიას ძე ულიანოვის) ფსევდონიმი იყო.

2) ოგიუსტენ ტიერი. ოგიუსტენ ტიერი საფრანგეთის გამოჩენილი ისტორიკოსი იყო. ის დაიბადა 1795 წ. გარდაიცვალა 1856 წ.

3) გიზო. გიზო საფრანგეთის გამოჩენილი ისტორიკოსი და სახელმწიფო მოღვაწე იყო. ის დაიბადა 1787 წ. მამა მისი იყო გამოჩენილი ვეკილი, რომელიც მოკვდა ეშაფოტზე დიდი რევოლუციის დროს. სწავლის დამთავრების შემდეგ 1812 წ. ის დანიშნულ იქნა პარიზის უნივერსიტეტში ახალი ისტორიის პროფესორად. იმპერიის დაცემის შემდეგ მან მიიღო შინაგან საქმეთა სამინისტროს მთავარი მდივნის ადგილი. კუნძულ ელზიდან ნაპოლეონის დაბრუნების შემდეგ ის გაყვა ლიუდოვიკ მე-XVIII გენტში, სადაც რედაქტორობდა ჰურბონების ოფიციალურ გაზეთს. შემდეგ, როდესაც საფრანგეთში დაბრუნდა ჰურბონებთან ერთად, დანიშნულ იქნა სახელმწიფო საბჭოს წევრად. შემდეგ მან მიატოვა სახელმწიფო მოღვაწეობა და ხელი მოჰკიდა ლიტერატურულ მუშაობას. თავის ლექციებში ახალი ისტორიის შესახებ ის ცდილობდა გამოერკვია იმის მიზეზები, თუ რატომ ინგლისში წარმომადგენლობითი მართვა-გამგეობა ადრე დამკვიდრდა. 1822 წ. მთავრობამ აუკრძალა მას ასეთი ლექციების კითხვა. 1828 წლიდან ის ხელახლა უბრუნდება სახელმწიფო მოღვაწეობის ასპარეზს. შემდეგ, როდესაც დაეცა მონარქია საფრანგეთში 1848 წ., ის გაიქცა ინგლისში. საიდანაც დაბრუნდა მეორე წელშივე. გარდაიცვალა გიზო 1874 წლის 12 ოქტომბერს.

4) გერცენი. ა. ი. გერცენი გამოჩენილი რუსი პუბლიცისტი და რევოლუციონერი იყო. ის დაიბადა 1812 წელს. რევოლუციონერ მოღვაწეობას ხელი მიყო დიდი სოციალისტ-უტოპისტების გავლენის წყალობით. 1834 წ. ოგარიოვთან და სხვებთან ერთად გადასახლებულ იქნა. პერმში, ხოლო შემდეგ ვიატკაში. მოსკოვში დაბრუნების შემდეგ გერცენი „ზაპადნიკების“ (ე. ი. დასავლეთ ევროპის კულტურის ორიენტაციის მომხრეთა) ერთი ბელადთაგანი ხდება და აწარმოებს ბრძოლას სლავიანოფილების (ე. ი. სლავიანობის პატრიოტების წინააღმდეგ. მაგრამ მიუხედავად ამისა, სლავიანოფილობის წინააღმდეგ ასეთი ბრძოლისა, ის მაინც თვლიდა თვითონაც, რომ რუსეთში სოციალიზმი წარმოიშობა გლეხური თემიდან. ეს შეცდომა შედეგი იყო უმთავრესად იმისი, რომ მას გული გაუტყდა დასავლეთ ევროპის პოლიტიკურ წყობილებაზე. 1851 წელს რუსეთის სენატმა დაადგინა აყარა მისთვის ყოველგვარი უფლებები და გაძეგებული ყოფილიყო რუსეთიდან საუკუნოდ. 1857 წლიდან გერცენი სცემს ლონდონში ცნობილ კრებულს: „პოლიარნია ზეგზა“-ს და ჟურნ.: „კოლოკოლ“-ს. სადაც მოთხოვდა

გლებების განთავისუფლებას, ცენზურის გაუქმებას, საჯარო სასამართლოსა და სხვა რეფორმებს. გერცენის თხოვლებებს დიდი გავლენა ჰქონდა რევოლიუციონერთა ახალგაზრდა თაობის აღზრდაზე. გარდაიცვალა ის 1870 წ.

5) ბაკუნინი. მ. ა. ბაკუნინი იყო გამოჩენილი რუსი რევოლიუციონერი, ანარქიზმის თეორეტიკოსი და ერთი დამაარსებელთაგანი, კოლექტივისტი და ფედერალისტი. ის დაიბადა 1814 წ. დაასრულა საარტილერიო სკოლა პეტერბურგში. მონაწილეობდა მოსკოვში სტანკევიჩის წრეში. სადაც შეისწავლა გეგელის ფილოსოფია. 1840 წ. წაეიდა საზღვარგარედ, სადაც გაიცნო ვეიტლინგი, პრუდონი და მარქსი. 1847 წელს გაქვებულ იქნა საფრანგეთიდან. 1848 წელს რევოლიუციის შემდეგ დაბრუნდა პარიზში და განაგრძობდა პოლიტიკურ მოღვაწეობას, მაგრამ მალე მიატრია საფრანგეთი და გადასახლდა გერმანიაში. მონაწილეობას ლებულობდა სლავიანულ მოღვაწეთა ყრილობაზე ქ. პრაგაში. მონაწილეობას ღებულობდა ის აგრეთვე პრაგის აჯანყებაში, ხოლო 1849 წელს—აჯანყების მომზადებაში ქალაქ დრეზდენში; მისჯილი ქონდა ორხელ სიკედილით დასჯა, მაგრამ გადაცემულ იქნა რუსეთის მთავრობაზე, რომელმაც მიუსაჯა მას 20 წლის ციხე შლისელბურგში. ალექსანდრე მე-II შეუცვალა ციხე ციმბირში გადასახლებით, საიდანაც 1861 წ. გაიქცა ის იაპონიაში და ამერიკით ლონდონში. მოკლე ხნის შემდეგ გადაეიდა იტალიაში და დაარსა „საერთაშორისო ძმობა“. ამ ხანებში ის უკვე იქცევა უბრალო მეამბოხედან საერთაშორისო ანარქიზმის თეორეტიკოსად და ხელმძღვანელად. 1869 წ. ბაკუნინი შევიდა მუშათა საერთაშორისო ასოციაციაში“ (I ინტერნაციონალი), საიდანაც გამორიცხულ იქნა ჰაავის კონგრესის დადგენილებით 1872 წ. 1870 წელს მან ენერგიული მონაწილეობა მიიღო ლიონის აჯანყებაში. 1873 წელს დაარსა ანარქისტული „ფედერატიული კავშირი“. 1874 წ. გადაეიდა იტალიაში და შეეცადა აჯანყების მოწყობას ბალონიეში. აერთიანებდა რა თავის მსოფლმხედველობაში ჰეგელის, კონტის, პრუდონის და მარქსის იდეებს, ბაკუნინი იყო პოზიტივისტი. ის ხელს არ იღებდა პოლიტიკურ ბრძოლაზე და უარყოფდა სახელმწიფოს და კერძო საკუთრებას (განსაკუთრებით სამემკვიდრო საკუთრებას). სახელმწიფო იყო მისთვის თეზა; ანარქია ანტითეზა, ხოლო სინთეზი იყო „ფედერალიზმი“. თავისუფალი მწარმოებლების, განსაკუთრებით გლებების თავისუფალი კავშირების მოწყობა მიაჩნდა მას უებარ საშუალებათ კოლექტივიზმისკენ გადასასვლელად. გადატრიალების საშუალებათ თვლიდა: ამბოხებას („სული დამრღვეველი არის სული აღმდგენელი“), რევოლიუციონურ ბრძოლას, აჯანყებას, ტერორს, ფარულ ორგანიზაციებს, შეთქმულობას.

6) ტაჩოვი. პ. ნ. ტაჩოვი იყო პისარევის „რუსკოე სლოვოს“ თანამშრომელი სამოციან წლებში. პასუხისგებაში იყო მიცემული ნეჩაევის საქმის თაობაზე ემიგრანტი 1870 წლიდან. ის სცემდა ქ. ენევაში 1875—77 წ.წ. „ნაბატ“-ს, სადაც ანეითარებდა იმ ხანის რევოლიუციონურ ნაროდნიკობისათვის უჩვეულო აზრს—დემოკრატიულ და სოციალისტურ რევოლიუციის მოხდენის შესახებ, შეთქმულების გზით სახელმწიფო ხელისუფლების დაპყრობას. ტაჩოვის თეზისი იყო:

რევოლუციას ანსორციელებს რევოლუციონური სახელმწიფო, რომელიც ანადგურებს საზოგადოების კონსერვატიულ და რეაქციონურ ელემენტებს, აუქმებს ყველა იმ დაწესებულებებს, რომლებიც ელობებიან წინ თანასწორობისა და ძმობის მოწყობას და ქმნის ისეთ დაწესებულებებს, რომლებიც ხელს უწყობენ მათ განვითარებას“. 3. ნ. ტკაჩოვა დიდი გავლენა მოახდინა „ნაროდნაია ვოლია“-ს პარტიის იდეოლოგიაზე.

7) ნ. ჩერნიშევსკი. ნ. გ. ჩერნიშევსკი (1828—1889 წ.წ.) გამოჩენილი რუსი მატერიალისტი და სოც.-უტოპისტი იყო. ურ. „ოტჩენსტვენნიე ზაპისკ“-ში და „სოვრემენნიკ“-ში გამოდიოდა, როგორც კრიტიკოსი და პუბლიცისტი. 1862 წ. 12 ივნისს ჩერნიშევსკი დატუსადებულ იქნა და მოთავსებული პეტრე-პავლეს ციხეში; საიდანაც გაგზავნილ იქნა კატორღაში—ციმბირში. დაბრუნდა რუსეთში მხოლოდ 1883 წ. ჩერნიშევსკიმ ფილოსოფიურად დაასაბუთა შემდგომი ნ ა რ ო დ ნ ი კ უ ლ ი მოძრაობა. მას მომავალი სოციალისტური საზოგადოების ჩანასახად შიანდა რუსეთის გლეხური თემი (იხ. მისი: „Критика философских предрешдений против общинного землевладения“ და სხვ.) ჯერ კიდევ ორმოცდაათიან წლებში გამოვიდა ის ფეიერბახის მომხრეთ და ნ. ლენინის თქმით „შესძლო სრულ 1888 წლამდე შერჩენადა მთლიან ფილოსოფიურ მატერიალიზმს და შორს გადაეგდო ნეოკანტიანელების, პოზიტივისტების, შახისტებისა და სხვა ასეთების სულელური ბოდვა. მაგრამ ჩერნიშევსკიმ ვერ მოახერხა. ანუ უკეთ რომ ვთქვათ, ვერ შესძლო რუსეთის ცხოვრების ჩამორჩენილობის გამო, აძალბებულიყო მარქსისა და ენგელსის დიალექტიურ მატერიალიზმამდე“.

8) კოვალევსკი. მ. მ. კოვალევსკი რუსი ისტორიკოსი, სოციოლოგი და პოლიტიკური მოღვაწე იყო. 1888 წ. ის გაძევებულ იქნა საზღვარგარედ. სადაც კითხულობდა ლექციებს (სტოკჰოლმს და ოქსფორდში). 1901 წ. დაარსა პარიზში საზოგადოებრივ მეცნიერებათა უმაღლესი რუსული სკოლა; სადაც კითხულობდნ ლექციებს ბევრი რუსი ემიგრანტი-მეცნიერები (კარეევი, გამბაროვი, მეჩნიკოვი, მილიუკოვი და სხვა) და აგრეთვე ემიგრანტი-რევოლუციონერები: ლენინი, პლენხანოვი, ჩერნოვი და სხვ. 1905 წ. კოვალევსკი დაბრუნდა რუსეთში და მიიღო მხურვალე მონაწილეობა პოლიტიკურ ცხოვრებაში. იყო ზომიერი ლიბერალი. 1906 წ. ის წევრია პირველი სახელმწიფო სათათბიროსი ხარკოვის გუბერნიიდან. სათათბიროს გარეკის შემდეგ დაარსა მცირერიცხოვანი პარტია „დემოკრატიული რეფორმებისა“ და რედაქტორობდა ამ პარტიის ცენტრალურ ზოგანოს: „სტრანა“ (1906—1907). შემდეგ იყო წევრი სახელმწიფო ზედა პალატისა, სადაც ბელადობდა მემარცხენე „აკადემიურ ჯგუფს“. 1909 წელს ხდება ის ურნალ „ვესტნიკ ევროპის“ რედაქტორ-გამომცემლად.

9) ეს წერილი დაწერილია 1907 წელს.

10) ეს წერილი დაწერილია 1907 წელს.

11) იმაში. იმაში არის მაჰმადიანთა სასულიერო ხელისუფლების უზენაესი წამომადგენლის სახელწოდება.

12) აზატი გლეხები. აზატი გლეხები ეწოდება თავის უფალ გლეხებს.

13) გ. თუმანოვი. გიორგი მ. თუმანოვი ცნობილი პუბლიცისტი იყო. ის თანამშრომლობდა ტფილისის ქართულსა და რუსულ პრესაში. უმთავრესად სწერდა ქალაქის თვითმართველობისა და კავკასიაში ერობის შემოღების შესახებ. მასთან ერთად აქვს ნაწერები გლეხთა განთავისუფლებაზე და საზოგადოთ აგრარულ საკითხზე. ერთხანს სცემდა ის ტფილისში რუსულ გაზეთ „ნოვოეობოზრენეს“. უკანასკნელ ხანებში თანამშრომლობდა ტფილისის „კავკაზსკოე სლოვოში“. გარდაიცვალა გ. თუმანოვი 1919 წელს.

14) ფ. გოგიჩაიშვილი. ფილიპე გოგიჩაიშვილი საქართველოს სახელმწიფო უნივერსიტეტის პროფესორია. მან უმაღლესი სწავლა მიიღო საზღვარგარედ. სახელდობრ, გერმანიაში. საქართველოში დაბრუნებისას მას კიდევ მოჰქონდა თავი მარქსისტათ, მაგრამ მალე საეცებით შეაქცია ზურგი ამ მოძღვრებას და გადაბარგდა ნაციონალისტების ბანაკში, იღია ქავკავაძის შემდეგ ის რედაქტორობდა ნაციონალისტების „განახლებულ“ ორგანოს „ივერიას“. ამ უამად ფ. გოგიჩაიშვილი კითხულობს ლექციებს სახელმწიფო უნივერსიტეტში და მუშაობს ამავე დროს ამიერ-კავკასიის სახელმწიფო საეკგეზო კომისიაში.

15) ე. ა. 1910 წელს.

16) აღრიანოპოლი. აღრიანოპოლი ერთი მთავარი ქალაქია ბალკანეთში იმ დროს ის ეკუთვნოდა ოსმალეთს, ამ უამად ის მოქცეულია ბულგარეთის საზღვრებში.

17) პურიშკევიჩი. პურიშკევიჩი ეკუთვნოდა ბესარაბიის მემამულეთა წრეს. ცარიზმის დროს პურიშკევიჩი იყო ხელმძღვანელი და მთავარი ორატორი მონარქიულ ბლოკისა სახელმწიფო დუმაში. ამ უკანასკნელის ტრიბუნიდან ის არა ერთხელ მოუწოდებდა დაუზოგველ ბრძოლისაკენ რევოლიუციონერებთან და ებრაელებთან. მისი აქტიური მონაწილეობით დაარსდა „პოპრომული“ ორგანიზაციები, როგორც, მაგალითად, „რუსი ხალხის კავშირი“. კერენსკის მთავრობის დროს და საბჭოთა ხელისუფლების პირველ თვეებში ის რამოდენჯერმე იყო დაპატიმრებული თავისი კონტრ-რევოლიუციონური მოღვაწეობისათვის. სავამოძიებლო კომისიის ცნობებით კონტრ-რევოლიუციონური მონარქიული ორგანიზაცია პურიშკევიჩის მეთაურობით დაარსდა ჯერ კიდევ 1917 წლის ოქტომბერში. ორგანიზაციის მიზანი იყო მტკიცე ხელისუფლების დამყარება ომის გაპარკვებით დაგვირგვინებისათვის და შემდეგში—უშეკველი აღდგენა მონარქიისა რუსეთში. თვითონ პურიშკევიჩი იმ აზრის იყო, რომ საჭიროა მკიდრო კავშირი კადეტებთან, მასთან კიდევ საეინკოვთანაც, რადგანაც მონარქისტები თავის თავად ძალიან სუსტები არიან და მემარჯვენე ესერების დაუხმარებლად გამარჯვებას ვერ მიაღწევენ.

18) მარკოვები. მარკოვი რუსეთის მემამულეების ბელადი იყო.

19) ოქტომბრისტები. ოქტომბრისტები—ეს 17 ოქტომბრის კავშირის წევრების შემოკლებული სახელწოდება იყო. 17 ოქტომბრის კავშირი დაარსდა: 1) 1904—05 წ.წ. ერობათა ყრილობების მემარჯვენე უმცირესობისა; 2) რეაქციონური მსხვილი ბურჟუაზიისა და 3) „წესიერების“ სხვადასხვა ელემენტებისაგან.

რომლებიც მოწყობილი იყო ბიუროკრატიის მიერ 1905—06 წ.წ. რევოლუციისადმი დასაპირდაპირებლად. მისი ბელადები იყვნენ: დ. შიპოვი, მ. სტახოვიჩი და ა. გუჩკოვი. კავშირმა თავიდანვე კონტრ-რევოლუციონური პოზიცია დაიკავა. ის გამოვიდა ვიტე-დურნოვის პოლიტიკის, სტოლიპინის სამხედრო-საეკლესიური იუსტიციის დასაცავად. არც პირველსა და არც მეორე სახელმწიფო სათათბიროში ის არავითარ როლს არ თამაშობდა. მან ნახა თავისი ადგილი მხოლოდ სამი ივნისის სათათბიროში, სადაც „მმართველ“ პარტიად გახდა. მასთან აღსანიშნავია, რომ აქაც ის შემარცხენეთ იქნა ცნობილი სულ უფრო და უფრო გაძლიერებულ რეაქციის მიერ. იმპერიალისტურ ომში დაიკავა პოზიცია: „ომი სრულ გამარჯვებამდე“ ანექსიითა და კონტრიბუციით. თებერვლის რევოლუციამ მყისვე გადატყორცნა ოქტომბრისტები მონარქიულ კონტრ-რევოლუციის შავ ბანაკისაკენ.

20) კადეტები. კადეტები ეს ლიბერალური ბურჟუაზიის კონსტიტუციონურ-დემოკრატიული პარტიის შემოკლებული სახელწოდებაა. დაარსდა ის 1905 წლის ოქტომბერში: 1) ერობის მომხრე კონსტიტუციონალისტების—ლიბერალურ მემამულეებისაგან და 2) „განთავისუფლების კავშირის“ წევრებისაგან. ე. ი. ბურჟუაზიულ-დემოკრატიული ინტელიგენციისა და თავისუფალი პროფესიის პირთა წარმომადგენლებისაგან. პროგრამის ძირითადი მუხლებია: 1) პარლამენტარული მონარქია; 2) მემამულეებისათვის ჩამორთმეულ მიწებში სასყიდელის მიცემა და 3) მუშათა ყოფა-ცხოვრების გაუმჯობესება 8 საათის სამუშაო დროის დაშვებით იქ, სადაც ეს შესაძლებელია.

21) მილიუკოვი. პ. ნ. მილიუკოვი რუსეთის ლიბერალური ბურჟუაზიის ბელადი იყო. ის იცავდა მარქსისტების წინააღმდეგ რუსეთის ისტორიული პროცესის თავისებურობას. 90 წ. წ. ის იმიგრანტია, ლებულაობს მხურვალე მონაწილეობას „განთავისუფლების კავშირში“. 1905 წლის რევოლუციაში ის იყო ლიბერალური მოძრაობის ბელადი, კონსტიტუციონურ-დემოკრატიული (კადეტების) პარტიის ორგანიზატორი და ხელმძღვანელი. მუდამ მოლაპარაკებას აწარმოებდა ბიუროკრატისთან ძალა-უფლების განაწილების შესახებ ბურჟუაზიისათვის (1905 წლის ნოემბერში და 1906 წლის ივნისში). არ ყოფილა არც პირველ და არც მეორე სახელმწიფო სათათბიროში, ხოლო მესამესა და მეოთხეში კი იყო რა ლიბერალურ-ოპორტიუნისტული ოპოზიციის ბელადი, ის გამოხატავდა ბურჟუაზიის დიდ მპყრობელურ ანექსიონისტურ გეგმებს და აპყრობდა მთელ ყურადღებას საგარეო პოლიტიკას, განსაკუთრებით ახლო აღმოსავლეთს. იმპერიალისტური ომის დროს ის იყო მომხრე ლოზუნგის: „ბრძოლა სრულ გამარჯვებამდე“ და მოითხოვდა სრუტეების (ბოსფორისა და დარდანელის) ანექსიას. 1917 წ. თებერვლის რევოლუციის დროს ის იყო გარეშე საქმეთა მინისტრი და ატარებდა თავის ანექსიონისტურ პოლიტიკას. მისმა 18 აპრილის ნოტამ გამოიწვია დიდი აღშფოთება რევოლუციონური პროლეტარიატის რიგებში, რამაც იძულებული გახდა ის დაეტოვებია თავისი პოსტი. მას შემდეგ ის ყოველგვარი კონტრ-რევოლუციონური შეთქმულობის ბელადია. დაწყებული კონნილოვის გამოსვლიდან ის ხან გერმანიის ორიენტაციას ემხრობა და ხან „მოკავშირეებისას“.

ახლა ის პარიზშია და ბელადობს კადეტების პარტიის მემარცხენე ფრთას. ის ბლოკის მომხრეა კერენსკისა და აქქსენტიევის სახის სახელმწიფოს „სასარგებლოდ მოაზროვნე“ ესერებთან და იცავს „დემოკრატიული“ ანტი-ბოლშევიკური ბლოკის იდეას.

22) საზონოვი. საზონოვი იყო რეაქციონერი-ნაროდნიკი. თავის შრომაში „ობშინა“-ს შესახებ ამტკიცებდა თემურ მიწათმფლობელობის ცხოველ მყოფელობას, მის ღირებულებას, როგორც უშუალო ბაზისისას მომავალი სოციალისტური წყობილებისათვის.

23) გუჩკოვი. ა. ი. გუჩკოვი რუსეთის მსხვილი ბურჟუაზიის წარმომადგენელი და 1904—05 წ.წ. მემარჯვენე საერობო-საქალაქო ყრილობათა ბელადი იყო. ის იყო „17 ოქტომბრის კავშირის“ ორგანიზატორი, დამცველი სტოლიპინის პოლიტიკისა და სამხედრო საველე იუსტიციისა. მას ირჩევენ სამი იენისის სახელმწიფო სათათბიროში და შემდეგ მის თავმჯდომარეთაც და ენერგიულად მუშაობს ის ქვეყნის მილიტარიზაციისათვის. იმპერიალისტურ ომში „ომის ბოლომდე“ მომხრე და დამცველი იყო. თებერვლის რევოლუციის შემდეგ გახდა სამხედრო მინისტრი. მაგრამ გადის სამინისტროდან დროებითი მთავრობის აპრილში მომხდარი კრახის თანავე. 1917 წლის ოქტომბრის რევოლუციის შემდეგ ის კონტრ-რევოლუციონური ძალების ორგანიზატორია.

24) ბობრინსკი. გრაფი ბობრინსკი კიევის გუბერნიის მსხვილი მიწათმფლობელი და შაქრის მექარხნე იყო.

25) სკუტარი. სკუტარი ერთი მთავარი ნეთსადგურია ბალკანეთის ნახევარკუნძულზე. ამ უმად ის საბერძნეთს ეკუთვნის.

26) ილია ჭავჭავაძე მოჰკლეს სოფ. წიწამურის ბოლოს (მცხეთის მახლობლად). ამ დროს ის მიემგზავრებოდა თავის ცოლთან ერთად ქალაქ ტფილისიდან სოფ. საგურამოში (ცოლის მამულში).

27) ყურნალი „მოგზაური“. ყურნალი „მოგზაური“, რომელიც გამოდიოდა ქ. ტფილისში 1905 წ., სოციალ-დემოკრატიული ლეგალური ორგანო იყო. მისი მთავარი რედაქტორი ამხ. ფილიპე მახარაძის მეთაურობით მეორე ნომრიდან თითქმის ბოლშევიკებისაგან შესდგებოდა და ამიტომ, შეიძლება ითქვას, ფაქტიურად ის ბოლშევიკების ფრაქციის ორგანო იყო. მისი გამოცემა შესწყდა 1905 წლის 20 ნოემბერს.

28) „ცნობის ფურცელი“. „ცნობის ფურცელი იყო სოციალისტ-ფედერალისტების ყოველდღიური ორგანო, რომელსაც მეთაურობდა ფედერალისტების ცნობილი ლიდერი განსვენებული არჩ. ჯორჯაძე და რომელიც გამოდიოდა 1905 წელში.

29) „ივერია“. 1877 წ. ქართველმა საზოგადოების კონსერვატიულმა ჯგუფმა ილია ჭავჭავაძის მეთაურობით დაარსა საკუთარი ორგანო: „ივერია“. ეს გაზეთი პირველად გამოდიოდა კვირაში ერთხელ. მაგრამ 1879 წ. ის გადაკეთდა თვიურ ყურნალად, ვინაიდან ამ დროს გაზეთმა „დროება“ (პირველად ის დემოკრატიული ორგანო იყო) იმდენად იცვალა ფერი, რომ შესაძლებელი გახდა მისი და გაზეთ „ივერიის“ რედაქციების შეერთება. ამის მიხედვით მათ შორის

მოსდა შრომის ერთგვარი განაწილება; „დროებამ“ გაზეთის სახე შეირჩინა, ხოლო „ივერია“ კი თვიურ ჟურნალად გადაკეთდა. მაგრამ ეს შეერთება დიდხანს არ გაგრძელბულა. 1881 წ. ისინი ისევ გაიყარნ: „დროება“ დაუბრუნდა თავის ძველებურ ტრადიციას და ხელახლად იწყო თავისი ჩვეულებრივი მსვლელობა. ეს, რასაკვირველია, კარგად ვერ იმოქმედებდა „ივერიაზე“; და ეს უკანასკნელი ისე უძღვრებდა. რომ დღე-დღეზე მოსალოდნელი ხდება მისი დახურვა. მაგრამ აქაც მას „დროება“ შეეღის. 1885 წ. გაზეთი „დროება“ დაიხურა და ქართველი საზოგადოება სრულიად უგაზეთოდ დარჩა. ამ გარემოებით ისარგებლა „ივერია“ და 1886 წ. პირველი იანვრიდან დასტოვა ყოველთვიური ჟურნალის სახე და იწყო გამოსვლა ყოველდღიურ გაზეთად. ამიერიდან ის უძლიერესი ლიტერატურული იარაღი გახდა ილია ქავკაევიძის ხელში, ვინაიდან ის იყო მისი რედაქტორი. თუ როგორ უყურებდა გაზეთი „ივერია“ ჩვენი ქვეყნის განვითარებას, ეს სჩანს მისი რედაქტორის შემდეგი სიტყვებიდან, რომლებიც წარმოსთქვა მან ჯერ კიდევ 1881 წელს. „ღიახ, ბატონებო, ჩვენის გულითადის ფიქრით, ქვეყანა იმისია. ეისაც ერთ ხელში ხმალი უქირავს და მეორეში გუთანნი. ხმალი იცავს გუთანს. ხოლო გუთანნი ასაზრდოებს ხმალს“. რამდენიმე წლის შემდეგ „ივერია“ ვითომდა შეიცვალა, განსაკუთრებით მას შემდეგ, რაც მას სათავეში ჩაუდგა ფილიპე გოგინაშვილი, მაგრამ ფაქტიურად „ივერიას“ „განახლების“ შემდეგაც არ უღალატა თავისი ძველი ტრადიციისათვის და ის ბოლომდე შერჩა ამ გზას.

30) „გლახის ნამბობი“. „გლახის ნამბობი“ ილია ქავკაევიძის მოთხრობაა.

31) „კაკო ყაჩაღი“. „კაკო ყაჩაღი ილია ქავკაევიძის პოემაა.

32) გაზეთი „თემი“. გაზეთი „თემის“ ყოველკვირეული უპარტიო ქართული გაზეთი იყო, რომელიც გამოდიოდა ქ. ტფილისში დიასამიძის რედაქტორობით

33) დიასამიძე. დიასამიძე გაზეთ „თემის“ რედაქტორი იყო.

34) „სახალხო გაზეთი“. „სახალხო გაზეთი“ სოციალისტ-ფედერალისტების ყოველდღიური ორგანო იყო.

35) ჟურნალი „ჩვენი წყარო“. ჟურნალი „ჩვენი წყარო“ გამოდიოდა ქ. ბაქოში 1913 წელს. პირველად მას ერქვა „წყარო“ და ფაქტიურად მენშევიკების ორგანო იყო, მაგრამ მეთერთმეტე ნომრის შემდეგ მას სათავეში ჩაუდგა ანხ. ფილიპე მახარაძე და ეწოდა სახელად „ჩვენი წყარო“. ამიერიდან ის ფაქტიურად ბოლშევიკური ფრაქციის ორგანოდ იქცა.

36) 17 ოქტომბრის მანიფესტი. 1905 წლის 17 ოქტომბრის მანიფესტი შედგენილი იყო ვიტეს მიერ და ხელმოწერილი იმ პირველი საყოველთაო პოლიტიკური გაფიცვის დღეებში, რომელმაც მოშალა მთავრობის აპარატი და იმუქრებოდა შეიარაღებულ აჯანყებად გადაქცევას. მანიფესტის ძირითადი მუხლები იყო: 1) მიცემა მცხოვრებლებისათვის სამოქალაქო თავისუფლებისა პიროვნების ნამდვილი ხელშეუხლებლობის. სინდისის, სიტყვის, კრებისა და კავშირის თავისუფლების ნიადაგზე; 2) სახელმწიფო სათათბიროში დანიშნულ არჩევნების შეუჩერებლად მოწვეულ იქნან სათათბიროში მონაწილეობის მისაღებად. რამდენადაც ამის ნებას იძლევა ის დრო, რომელიც დარჩა სათათბიროს მოწვევამდე, მცხოვრებთა ის კლასები, რომლებიც მოკლებულნი არიან ამჟამად საარჩევნო უფ-

ლებას, რის შემდეგაც ასეთი საარჩევნო უფლება დამტკიცებულ იქნას საკანონმდებლო გზით; 3) დაწესებულ იქნას, რომ არც ერთ კანონს უფლება არ აქვს, თუ ის მოწონებული არ არის სახელმწიფო სათათბიროს მიერ და რომ ხალხის მიერ ამორჩეულთ უფლება ექნეთ ნამდვილად მიიღონ მონაწილეობა მეფის მიერ დაყენებულ ხელისუფლებათა კანონიერ მოქმედების ზედამხედველობაში. მიუხედავად იმისა, რომ მანიფესტი ფაქტიურად მხოლოდ დაპირებებს იძლეოდა (ცოცხთ მისი გამოკვეყნების დღეს; 18 ოქტომბერს, გამოცემულ იქნა ტრეპოვის ბრძანება: „პატრონები არ დაზოგოთ“), მას მიანიჭა დიდი მნიშვნელობა ქონდა. როგორც მეფის მთაერთობის პირველ დამთმობას რევოლიუციისადმი. მანიფესტის გამოცემა ეს გარდატეხის წარტილი იყო სხვადასხვა საზოგადოებრივ ჯგუფების დამოკიდებულებაში თვითმპყრობელობასთან. 17 ოქტომბრამდე აბსოლიუტიზმის წინააღმდეგ, კონსტიტუციის მხარეზე იყვნენ ცოტათ თუ ბევრად ყველა ჯგუფები: „თითქმის არც კი იყვენ მემარჯვენეები ანუ, თუ იყვენ; ჩუმად, დაფარულად. 17 ოქტომბერმა ზოგიერთები გონს მოიყვანა, წარმოშვა პარტიები; ამეტყველდა პარტიოტიზმი, საკუთრების გრძობა“;—სწერს ვიტე თავის „მოგონებებში“. მხოლოდ რევოლიუციონურმა პროლეტარიატმა დააფასა სწორად მეფის დაპირება. გაფიცვის გაგრძელების გადაწყვეტა იყო პასუხი მუშათა დეპუტატების საბჭოთა მანიფესტზე.

37) „ნოვოე ვრემია“. გაზეთი „ნოვოე ვრემია“ გამოდიოდა პეტერბურგში 1876 წლიდან ყოველდღიურად. მას სცემდა ა. ს. სუგორინი. გაზეთის დაარსების დღიდანვე უკიდურესი კონსერვატორული პოზიცია ეკავა. იყო რა არსებითად ოფიციაზი, „ნ. ვრემია“ თავის ფურცლებზე განუწყვეტლივ აწარმოებდა კამპანიას რევოლიუციონური დემოკრატიის, მუშათა კლასისა და რადიკალური ინტელიგენციის წინააღმდეგ. იყო რა ბიუროკრატიული ზედაფენების ორგანო, ის არ იყო განსაკუთრებით მტკიცე და ჩვეულებრივად ცვლიდა თავის კურსს იმის მიხედვით, თუ როგორი პერსონალური ცვლილებები ხდებოდა სამინისტროში. 1905 წლის რევოლიუციის დროს ეჭირა უკიდურესი რეაქციონური პოზიცია და გამაჰყრელი ზომების მიღებას მოითხოვდა რევოლიუციონერებისა და გაფიცულ მუშების მიმართ.

38) ზდანოვიჩი. გიორგი ზდანოვიჩი (გ. მაიაშვილი) ქართველი ფედერალისტების ერთი ცნობილი ბელადთაგანი იყო. ის დაიბადა ქ. ქუთაისში 1855 წელს. სწავლობდა მოსკოვის უნივერსიტეტში, მაგრამ ეს უკანასკნელი აღარ დაუთმავრებია, ვინაიდან ჩაება რევოლიუციონურ მოძრაობაში. ის მიემხრო ნაროდნიკების ჯგუფს და მისი ერთი მებრძოლთაგანი გახდა. 1875 წლის სექტემბერში გ. ზდანოვიჩის ასამართლებენ (ეგრედ წოდებული „50-ის პროცესი“) და უსჯიან 8 წლისა და 8 თვის კატორღას. 1889 წელს ის გაანთავისუფლეს, რის შემდეგ დაბრუნდა ქუთაისში. აქ, საქართველოში, პირველად ის არც ერთ ჯგუფს არ ეკუთვნოდა, მაგრამ შემდეგ თანდათან დაუახლოვდა და ბოლოს შეუერთდა საესეზით ჩვენს ნაციონალისტების იმ წრეს, რომლისაგან შემდეგ გამოიჩეკა ფედერალისტების პარტია. გ. ზდანოვიჩი მოღვაწეობდა ჩვენში სამწერლო ასპარეზზე გ. მაიაშვილის ფსევდონიმით. ის გარდაიცვალა 1917 წლის 31 ივლისს ქ. ქუთაისში.

39) კოკოვცევი. კოკოვცევი მაშინდელი თვითმპყრობელური მთავრობის უნანსთა მინისტრი იყო.

40) აი ეს ღოკუმენტი:

„ბაქოს „ჩვენი წყარო“-ს რედაქციას.

დიდებულ ბრბოს ბაიარაღდარს და მტარვალს უმანკო სისხლის მოხველს და ხალხის ზნეობით დამცემს ფ. მახარაძეს.

დიდებულო ყაჩაღთა სარდალო და ვაქრუკა დემოკრატი ფილიპე!

ყოველს ცუდსა და ბოროტს აუცილებლად ერთი რამე იოტის ოდენა ღირსებაც მოსდევს თან და სწორედ ამას ვაწერ იმ სისხლში ამოსვრილს ატამანს ბ. მახარაძეს. ერთის მხრით დიდი ქეშმარიტება წამოროშა ფ. მახარაძემ ბაქოს ყაჩაღთა მებაიარაღდრემ „ჩვენმა წყარომ“ ჩვენებურს მოდემოკრატიე მოღვაწეებზე და მათს ლაჩრობაზე და მშიშრობაზე. ქეშმარიტია და დიდებული ეს საზიზლარი მხილება მათი და ღირსიცი არიან სამარცხვინო ბოძზე გაკვირისა და თავსლათ დასხმისა და აღარც აქვთ ზნეობრივი უფლება ამტყუნონ ის საზიზლარი ბრბოს მოთაგენი, რომლებმაც ასე საზიზლრად შეისვარეს უმანკო და მთელი ერის მოამადრე მოღვაწის სისხლში თავიანთი მურტალი ხელება და გაამხეცეს ეს გულუბრყვილო შეგნებული ხალხი და მით დაიმსახურეს სამუდამოდ მთელის ქართველის გულწრფელი და სამართლიანი წყევ-კრულვა! ამაში დიდი წილი უდევთ იმ უბადრუკთ და ვითომდა მამულის დამცველებთ და არასოდეს ისინი ამ სილაჩრეს და სიფრთხალის ფეჩატს ვერ აიშორებენ. სამართლიანის და მიუდგომელის ისტორიკოსიდან! ეს ქეშმარიტება აღვიარა თავისი კუჭყიანითა და სისხლიანის კალმით მახარაძემ და მით სინანურიც და საყვედურიც იხატება იმის უმსგავსო წერაღში! საყვედური სამართლიანია, სადაც ამბობს:—რატომ არ შეგწევდათ იმდენი ვაეკაცობა, რომ ჩემისთანა თავხედისათვის ხელი შეგეშალათ და აგეცილებით ამნაირი უბედურება თავიდანო, თუმცა აქვე (ვერ გავარჩიეთ) სთესავს უმსგავს ყაჩაღურ შხამს! განა თვითონ არ იცის, რომ მისი საზიზლარი ცილის-წამება აღემატება ყოველივე ნორმას და ყოვლად შეუძლებელია ითქვას იმნაირ ადამიანებზე. როგორც იყო ილია. მაგრამ სოც.-დემოკრატი და ისიც ქართველთა ყაჩაღთა ბრბოსაგან შემდგარი სოციალ-დემოკრატებისაგან მეტს რაღას უნდა მოველოდეთ. განა ცოტა უბედურება დაატეხეს თავს ჩვენ ხალხს? მაგრამ იმაში მართალნი არიან, როცა უსაყვედურებენ ჩვენს მოწინავე მოღვაწეებს, რომ იმათ ხელი არ შეუშალეს, იმათ ისეთ არა ადამიანურს საზიზლობაში და ისინიც მონაწილე არიან ფ. მახარაძესთან ერთად, თუ არა ჭულ ადვილი შესაძლებელი იყო ეს თავზარ-დამცემი ტრაგედია თავიდან აგვეშორებინა და ჩვენი დიდებული ილია ძლესაც გვეყოლოდა ჩვენდა სადიდებლად! ამაში სტყუიან ყველანი და იმათი რწმუნებაც მეტია იმაში და იმათი მოქმედებით წილი არ ედვათ ფ. მახარაძეს საზიზლარს მოქმედებაში და ეხლა სინანური და თავში ხელის ცემა მეტია! ილიას ხსნა შეეძლოთ იმ უბედურებიდან ყველას, ოღონდ თავიანთი ავტორიტეტული და მასთან ქეშმარიტების აღმადგენელი მოწინააღმდეგეობა და არა ტყვილი

მფარველობა გაეწიათ და კეშმარიტება აღედგინათ და ნათელ ეყოთ. რომ ყოველად შეუძლებელია ასეთი ყოველად უმსგავსო და კაცის გულის გამგებირავე ცილის წამება და არც შეიძლება იმის არ უარყოფა და აშკარათ გამოსკედა იმისი არა რაობა და ყაჩაღური და ხელოვნურად შექმნილი უმსგავსი ცილის წამება. იმისი უარყოფა ყველას შეეძლო და თავიდანაც ავიცილებდით ამ უბედურებას! განა კოტანი იყვნენ მაშინ და ეხლაც, რომ ეთქვათ. ერთი თავისი ავტორიტეტული სიტყვა მას წინააღმდეგ გააბათილებდნენ ყოველივეს, ეხლაც არიან ის დიდებული პირები, რომელნიც ეხლაც იუდასავით ნიანგის ცრემლებსა ღვრიან იმის საფლავზე და წუწუნებენ და შეჩვენებას უძღვნიან იმ არა დადამიანებს ილიას მოკლისათვის, მაგრამ არ არიან ისეთებიც და მოიპოვება ჩვენს შორის, რომ იმ სიტყვებს ზიზღით უყურებენ, თუმცა ამ სიტყვების მოქმედებს დიდს პატივსა სცემენ! ამაში სიტყვიან ყველანიც, მათთან ფ. გოგიჩაიშვილიც, ვილაც, ლასხიშვილიც და დიდი მთავარიც, რომელიც სიტყვა ისეთ ზარს დასცემდა. გააქარწყლებდა მახარაძეების ყაჩაღების მოქმედებას და მზგავს ცილისწამებას და ბოლო მრედებოდა ახლანდელს უთავბოლო თავის მართლებას და წუწუნს!

ეს ასე ბატონებო. მაგრამ ამისი განა რა უნდა თქვას ფ. მახარაძემ! იმას რიღითი შეუძლია თავისი სისხლიანი ხელები მიჩქმალოს? ის ხომ მანიც ფაქტიური მკვლეელი ილიასი და ამას რაღას ეუბნება; ეს ხომ კეშმარიტება არის, რომ ის მეთათურია ამ მკვლელობაში და ეს იმისმა ჭუჭყიანმა გონებამ და ჭუჭყიანმა ხელებმა მოიმოქმედა, ისიც ხომ აშკარად ესმის მახარაძეს და იცის დანამდვილებით, რომ იმისი ცილისწამება იყო ფანატიკოსური ფანტაზიურად შეთხზული. ამას ხომ ყოველივე უვიციც, თუ კოტათი გონება განვითარებული აქვს და ჩაუკვირდება იმ საზიზღარს წერილებს თუ გინდ, ერთი მესამედი სიმართლე ერიობ შიგ ეს იმნაირათ, ხელოვნურად. ფანატიკურის სიძულვილით არის შეთხზული. რომ ყველა ზიზღით შეხედავს იმ ფანატიკოსის მოქმედებას, თუ ის ფანატიკურად არ არის შეპყრობილი და შეჯაჭვული კაციკამიაობით! ამას რა პასუხს აძლევს ჩვენი ყაჩაღთა ატამანი და მისინი მგზავსნი! განა ძალა შესწევთ მახარაძეს მოტრფიალებს. რომ ის საზიზღარი ცილისწამება აღიარონ. კეშმარიტად და ან თვითონაც იცის ბრბოთა ატამანმა და იცოდა კიდევაც. მაგრამ ალლო აულო ამ ბოროტ საგანს და გაიმარჯვა კიდევაც და მოთხუზნა უკვდავ ადამიანის სისხლში და მით შეასრულა თავისი და თავისი დამქაშების ავაზაკური განზრახვა! ეს იმ ხანაში მოიმოქმედეს, როდესაც ნ. ჟორდანიას დამქაშებით შეყარეს ჯიბგირთა ბრბო და მონათლეს სოციალ-დემოკრატების სახელით და მოედვენ მთელ ქვეყანას და დაუწყეს ცარცვა-გლეჯა და დიდებული მამულიშვილიც მონათლეს ხალხის მტრად. ეს ასეც უნდა ყოფილიყო იმიტომ, რომ მუაჩაღთა ბრბოს რათ ექაშნიკებოდა ისეთი ადამიანი. როგორიც იყო დიდებული ილია! ეს ჩაიდინეს სწორედ მაშინ, რასაც სამართლიანად უწოდებს მახარაძე:—„ლაჩრობის დროთ“, გასოციალ-დემოკრატება ყაჩაღთა ბრბო (ამას ჩვენებურ სოციალ-დემოკრატებზე მოგახსენებთ) გასოციალისტდნენ და ზოგიერთებიც და ბებრუხანა მოღვაწეებიც, რომელნიც დღეს ნიანგის ცრემლებსა ღვრიან და მაშინ კი ვერ გაბედეს თავისი ავტორიტეტული ხმა ამოეღოთ და მით ბრბოთა ხროვა შეეყენებინათ ფ. მახარაძის წინამძღვრობით!

ესე გავხდით ამისი მოწმე. მაგრამ ჩვენ რა ღონე შეგვწევდა, როდესაც ისეთი მამათმთავრებით კი შეაშინეს ამ ბრბომ, რომ კრინტიც ვერ დასძრეს ბოროტების წინააღმდეგ და დალაჩრდენ! ამას ქეშმარიტად აღიარებს მახარაძე და თავს ნულაჩრავინ მართულობს:

ნულარც ბებრებთაგანი და ნულარც ახალმოდის სოციალისტები! შენ კი ქიზიყის დეპოს კოტორო ყაჩაღთა ბელადო სჯობიან ვაქეკურად აღიარო შენი ყაჩაღური მოქმედება, რალათ ეფარები ნილაბქევშ და ანთხევ შენს უმსგავსე მხანს. შენ ხომ ის დრო აღარა გგონია, როდესაც შენს სისაძაგლეს გასავალი ქონდა და დემონურად ილრიკებოდი და ხალხს აქეზებდი უამნკო სისხლის ღერაზე და შესძახოდი — „ამხანაგებო, მოთმინების ფიალა გასკდაევო, დაჰკათ და მოჰკალით ეგ თქვენი მტერიო“ და ბრბოს მეტი რალა უნდოდა ან რა საჭირო იყო ყაჩაღთა ბრბოსათვის ილიასთანა კაცები, მაშინ ხომ მახარაძეებისთანა ყაჩაღთა ბელადს აღარ ექნებოდა ადგილი, მაშინ როგორ უნდა მოქცეულიყვენ მახარაძეებთანა სისხლით გაუმაძღარნი! ეს არის ვათაეებ ამ წერილს და გაახლებთ ბატონო რედაქტორო და თუ სინათლის არ გეშინიათ და მართლა ლაჩრები არა ხართ გამოამხევეთ ეს ჩემი გულის წყრომა მდაბიო ხალხისა და გააგებინეთ ხალხს, რომ მდაბიო ხალხიცა გცნობთ ვინც ბრძანდებით და რასაც ემსახურებით თქვენის ფანტიკურის და ბნელის განზრახვებით, ნათელ ყავთ ჩვენი აზრიც, როგორც მდაბიო ხალხისა და პასუხი მოგვეციოთ, ხართ თუ არა მონაწილენი ილიას უმანკო სისხლის ღერაში, გამოიღო თუ არა ნაყოფი თქვენმა უმსგავსმა ცილისწამებამ, რომლის დამწერსაც თუ კიდევ იორის ოდენა სინდისი შერჩენია შეიძლება განაგრეთი რომანტიული ცილისწამება სინამდვილეს?

თავის დღეშიაც არა და არასოდეს არ შეიძლება, ამნაირი რამე შეუძლიან მხოლოდ ფრანგულს, რომელიმე გამოჩენილს რომანტიკოს აშენებული ფანტიზიაზე როკომბილივით!

ეს არის ბატონებო!

ქიზიყელი მშრომელი გლეხი.

ახლად მცნობი ქიზიყის დეპოს კოტორი ვაქრუკასი ფ. მახარაძესი, რომელმაც იგემა ქალაქელი ვაქრების და საზოგადოების ტაბლათი! და თავი კი მოაქეს ხალხის მეგობრათ და სოციალ-დემოკრატად თუმცა ჩვენში სად არის უკეთესი“.

41) ივ. გომართელი. ივანე გომართელი თავიდანვე ნაციონალისტებისაყენ იხრებოდა და დალატობდა მარქსიზმს. პირველ სახელმწიფო დემაში ის აქედან გაგზავნილი იყო დეპუტატად. ამ ეამამდის ჩამოშორებულია პოლიტიკურ მუშაობას

42) „თემი“. იხ. შენიშვნა 32.

43) „მერცხალი“. გაზეთი „მერცხალი“ ქართველ სოციალ-დემოკრატ მენშევიკების ყოველდღიური ორგანო იყო.

44) „ნიშადურა“ „ნიშადური“ ქართველი ნაციონალისტ-ფედერალისტების იუმორისტული ყურნალი იყო, რომელიც გამოდიოდა გუნის რედაქტორობით.

მისი უმთავრესი დანიშნულება იყო სოციალ-დემოკრატიის წინააღმდეგ ბრძოლა ყოველგვარი საშუალებებით.

45) შილიუკოვი. (იხ. შენიშვნა მე-21). -

46) პურიშკევიჩი (იხ. შენიშვნა მე-17).

47) კ. ჩხეიძე. კარ. ჩხეიძე მაშინ სოციალ-დემოკრატიული პარტიის (მენშე-შეიკეების) სახელმწიფო სათათბიროს ფრაქციის ბელადი იყო.

48) „თანამედროვე აზრი“. გაზეთი „თანამედროვე აზრი“ ქართველ სოციალ-დემოკრატიის (მენშეიკეების) ყოველდღიური ორგანო იყო, რომელიც გამოდიოდა 1915—1916 წ.წ. ქ. ტფილისში.

49) „მეგობარი“. გაზეთი „მეგობარი“ ქართველი ფედერალისტების ყოველდღიური ორგანო იყო, რომელიც გამოდიოდა 1916 წელს ქ. ტფილისში.

50) „წვირთი“. გაზეთი „წვირთი“ ქართველი ფედერალისტების ყოველკვირეული ორგანო იყო, რომელიც გამოდიოდა 1916 წელს ქ. ტფილისში.

51) ა. ჯორჯაძე. არჩილ ჯორჯაძე იყო სოციალისტ-ფედერალისტების პარტიის დამმარსებელი და ბელადი. მისი მოკლე ბიოგრაფია ასეთია: ის დაიბადა ქ. ტფილისში 10 იანვარს 1872 წელს. სწავლობდა ტფილისის პირველ გიმნაზიაში და ითვლებოდა პირველ მოწაფედ. მისი მეთაურობით მოწაფეებს სალოტერატურო წრე ჰქონდათ შედგენილი და სცემდნენ ხელნაწერ კურსნაღს. რომელსაც „შრომა“ ერქვა. გიმნაზია არჩ. ჯორჯაძემ დაამთავრა 1891 წელს. რის შემდეგ შევიდა პეტერბურგის უნივერსიტეტში იურიდიულ ფაკულტეტზე. მაგრამ რადგან იქაურმა ჰავამ ცუდათ იმოქმედა მის აგებულობაზე, მიატოვა პეტერბურგი და გადავიდა ვარშავის უნივერსიტეტში. რამდენიმე ხნის შემდეგ ის ისევ დაბრუნდა პეტერბურგში და შევიდა ახალ ფაკულტეტზე: საბუნებისმეტყველო ნაწილზე. შემდეგ ის თავის ცოდნის გასაფაროვებლად და აგრეთვე ფილტვების დასუსტების გამო, წავიდა საზღვარგარედ. საქართველოში დაბრუნებისას მან მიყო ხელი მწერლობას, მან მოასწრო მრავალი წერილების დაბეჭდვა: გამოსცა თავისი ნაწერების ოთხი ტომი. 1913 წლის იანვარში ძალზე დასუსტების გამო ის გაემგზავრა ქალაქ ბათუმს საექიმოდ. მაგრამ ამით მაინც ვერ უშველა თავს და 21 მარტს (1913 წელს) გარდაიცვალა.

52) გრ. გველესიანი. გ. გველესიანი ქართველი ფედერალისტების ერთ ბელადთაგანათ ითვლებოდა.

53) გ. შაიაშვილი. გ. შაიაშვილი გიორგი ზდანოვიჩის ფსევდონიმი იყო. იხ. შენიშვნა მე-38.

54) გელოვანი. ვ. გელოვანი სოციალისტ-ფედერალისტი იყო. არჩეულ იქნა დეპუტატთა მეოთხე სახელმწიფო სათათბიროში.

55) ბ. ხტრუფე. პეტრე სტრუფე რუსეთის ბურჟუაზიის ერთი გამოჩენილი პოლიტიკური ბელადია. 90-იან წ. წ. დასაწყისში პეტრე სტრუფე აქტიურ მონაწილეობას იღებდა ნაროდნიკებთან ბრძოლაში. 1894 წ. მან გამოსცა წიგნი: „Критические заметки“, რომელიც აკრიტიკებდა ნაროდნიკობას მარქსიზმის თვალსაზრისით. მაგრამ ჯერ კიდევ მაშინაც მოქონდა თავი „კრიტიკულად მოაზროვნე მარქსისტად“ და მოუწოდებდა ყველას წასვლას „კაპიტალიზმთან სას-

წავლად“, რამაც გამოიწვია კრიტიკა მარცხნიდან ნ. ლენინის მხრიდან. 1898 წ. სტრუვე კიდევ ითვლებოდა სოციალ-დემოკრატად და შეიქნა ჩვენი პარტიის პირველი ყრილობის ცნობილი მანიფესტის ავტორად. ამ მანიფესტში ის სწორად წინასწარმეტყველურ სიტყვებს იმის შესახებ, რომ რამდენათ უფრო აღმოსავლეთისაკენ მიდის, იმდენად უფრო გაიძვერა ხდება ბურჟუაზია. 1-2 წლის შემდეგ პ. სტრუვე უკვე ილაშქრებს კრიტიკით მარქსიზმის და სოციალ-დემოკრატის წინააღმდეგ. პოლიტიკურ ეკონომიაში ის აკრიტიკებს შრომის ღირებულების თეორიას, სოციოლოგიასა და ფილოსოფიაში—დიალექტიურ მატერიალიზმს. პოლიტიკაში კი „ისკრას“ პოზიციას. 1905 წლამდე სტრუვე „რადიკალური“ ინტელიგენტების ხელმძღვანელი იყო. რევოლუციამ კიდევ უფრო მარჯვნივ გადაისროლა ის. სტოლიპინის ბატონობის დროს იდეურ საფუძველს უდებს საპიენისის მონარქიას და მსხვილი კაპიტალის იმპერიალისტურ ზრახვებს. მოთხოვნებს „მეცნიერებისა და კაპიტალის“ დაკავშირებას ერთად და აფუროთხებს რუსი ინტელიგენტის რევოლუციონურ წარსულს. 1917 წლის რევოლუცია უკვამდის სტრუვეს აქტიურ კონტრ-რევოლუციონერად. ოქტომბრის შემდეგ სტრუვე იკავებს მინისტრის ადგილს ვრანგელის მთავრობაში. ამ ეამად სცემს საზღვარგარედ (ქ. პრაგაში) რეაქციონურ-მისტიურ ჟურნალს: „Русская Мысль“-ს.

56) „სახალხო ფურცელი“. გაზეთი „სახალხო ფურცელი“ ქართველი ფედერალისტების ყოველდღიური ცენტრალური ორგანო იყო, რომელიც გამოდიოდა ქ. ტფილისში 1916—21 წ.წ.

57) „საქართველო“. გაზეთი „საქართველო“ ქართველ ეროვნულ-დემოკრატების ცენტრალური ორგანო იყო, რომელიც გამოდიოდა ქ. ტფილისში 1917—21 წ.წ.

58) აქ ლაპარაკია ქალაქ ტფილისზე.

59) „წერილი ჩვენი ცხოვრების შესახებ“ „წერილი ჩვენი ცხოვრების შესახებ“ ამხ. ფ. მანარაძის პირველი წერილია, რომელიც პირველად მხოლოდ ახლა იბეჭდება. ის დაწერილია 1891 წელს ქ. ვარშავაში. რიგის მიხედვით ეს წერილი უნდა ყოფილიყო მოთავსებული პირველ ტომში. მაგრამ არ მოხერხდა, ვინაიდან ის მხოლოდ ახლახან იქნა აღმოჩენილი ავტორის ძველ ხელთნაწერებში.

60) ალექსანდრე მაკედონელი. ალექსანდრე მაკედონელი მაკედონის ცნობილი მეფე იყო, რომელმაც დაიპყრო აზარბეელი ქვეყნები.

61) „აგარაული საკითხი“. „აგარაული საკითხი“, როგორც თავი, ისე ბოლოც ავტორის ხელთნაწერებში აღოჩნდა, ამიტომ ის იბეჭდება ასეთი სახით.

62) აქ თავდება ეს ხელნაწერი.

63) „პასუხად ზ. კიტა აბაშიძეს“. ეს წერილი: „პასუხად ზ. კიტა აბაშიძეს“. პირველად ახლა იბეჭდება.